


Bodo-10-VIII(1)



INSTITUTE OF DISTANCE AND OPEN LEARNING
GAUHATI UNIVERSITY



BODO

Paper VIII

PHONETICS, PHONEMICS & MORPHEMICS

Block 1

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

ब्रैथि बिलाइ (Paper VIII)

रिसार बिगियान (Phonetics) आरो महर खान्थि
(Morphemes)

बाहागो - 1 (Block-1)

रिसार बिगियान

आयदाफारि (Contents)

बाहागोनि बेखेवनाय (Block Introduction)

खोन्दो - 1 (Unit - 1)

रिसार बिगियाननि सिनायथि

खोन्दो - 2 (Unit - 2)

रिसार मोदोम

खोन्दो - 3 (Unit - 3)

राव महरथि

खोन्दो - 4 (Unit - 4)

रावमहर आरो रावमहर खोन्दोनि सिनायथि

Contributor

Tulan Mochahary
Unit - 1, 2, 3 & 4

Department of Bodo
L.O.K.D. College, Dhekiajuli

Content Editing

Dr. Bhupen Narzaree

Department of Bodo
Gauhati University

Cover Page Design

After Ali

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

बाहागो (Block) - I

बाहागोनि बेखेवनाय (Block Introduction) :

बे बाहागोयाव गुवैयै रिसार बिगियाननि खोथा सावरायनाय जागोन। आयदाखौ सावरायनो मोजां जानायनि थाखाय मोनब्रै खोन्दोयाव बाहागो राननानै लानाय जादों। गिबि खोन्दोखौ रिसार बिगियाननि सिनायथि मुं होनानै रिसार बिगियान माखौ बुझे, रिसार बिगियाननि दालाइ, रिसार खारथाय रिसार बिगियान, खोनाग्रा रिसार बिगियान, गारां सोरजि रिसार बिगियान बायदि फिसा फिसा खोन्दोसायाव बाहागो राननानै गुवारै सावरायनो लानाय जादों।

बिदिनो नैथि खोन्दोयाव रिसार मोदोमनि सोमोन्दै फिसा-फिसा खोन्दोसायाव बाहागो राननानै सावरायनाय जादों।

थामथि खोन्दोखौ राव महरथि मुं होनानै राव महर राव महर खोन्दो, लोगो रावमहरनि सिनायथि होनानै रावमहरफोरनि बाहागोफोरनि सोमोन्दै सावराय जादों।

ब्रैथि खोन्दोयाव रावमहर आरो रावमहर खोन्दोनि सायाव रुजुथायारि सावरायथाय होनाय जादों। मोनफ्रोमबो खोन्दोयावनो माखासे खोन्दोसायाव राननानै नांगौबादियै S.A.Q., आन्जाद लानाय, जानो हाथाव सौलुफोर, फरायनो गोनां बिजाबफोरनि फारिलाय होफानानै सावरायनाय जादों।

बे बाहागोनि खोन्दोफोरा जाबाय :

खोन्दो -1 (Unit-1) : रिसार बिगियाननि सिनायथि

खोन्दो -2 (Unit-2) : रिसार मोदोम

खोन्दो -3 (Unit-3) : राव महरथि

खोन्दो -4 (Unit-4) : राव महर आरो रावमहर खोन्दोनि रूजुनाय।

खोन्दो-1 (Unit-1)
रिसार बिगियाननि सिनायथि
(Introduction to Phonetics)

खोन्दोनि महर :

- 1.1 बेखेवनाय (Introduction)
- 1.2 थोखि (Objectives)
- 1.3 रिसार बिगियाननि सिनायथि (Introduction of Phonetics)
- 1.4 रिसार बिगियाननि दालाइ (Branches of Phonetics)
 - 1.4.1 रिसार खारथाय रिसार बिगियान (Acoustic Phonetics)
 - 1.4.2 खोनाग्रा रिसार बिगियान (Auditory Phonetics)
 - 1.4.3 गारां सोरजि रिसार बिगियान (Articulatory Phonetics)
- 1.5 सार बाहागोह (Summing Up)
- 1.6 सोदोब बाखि (Glossary)
- 1.7 जानो हाथाव सॉलुफोर (Probable Question)
- 1.8 फरायनो गोनां बिजाबफोर (References and Suggested Readings)

1.1 बेखेवनाय (Introduction) :

जों बयबो मोनथिगौदि जायखि जाया आयदानि सायाव गोनोखोयारि नोजोरजों नायबिजिरनाय एबा सावरायनाय (Scientific Study) हाबाखौसो गोनोखो (Science) बुंनाय जायो। आधिखालनि मुगायाव जों गोबां रोखोमनि गोनोखोयारि

आयदाफोर मोननो हायो। बेफोरनि मादाव माखासे आयदाफोरखौ दोनथनानै बिदिनथि महरै होनो हायो जेरै - सानखानथि, राजखानथि, रांखानथि, समाज खानथि आरो गाबां। मानोना बेफोर आयदानि सायाव सावरायनाय खामानिया जेरावखि जाया मानो अराय रोखोमसे एबा बेफोरनि सावरायनायनि फिथाया अराय समान। रावनि बेलायावबो बे रोखोमसे बाश्रायानो। आथिखालाव मुलुगनि गोबां रावनि सायाव गोबां रोखोमनि सावरायनाय जाबाय। लोगोसेनो बेफोर रावनि सायाव गोथौवै सावरायनानै मोनसे थांखियावनो सहैनो हादों। बेखायनो जायखि जाया रावनि सायाव बेबादि गोनोखोयारि सावरायनायखौनो राव बिगियान (Linguistics) होनानै बुंनाय जादों। आयदानि सायाव गोनोखोयारि नोजोरजों - सावरायनायनि थाखायनो बे आयदानि सायाव सारा मुलुगावनो मोनसेल नोजोरजों आयदानि सायाव मोनथिनो हानायनि राहाखौ मोननाय जादों। बिदिनथि महरै जों होनो हायोदि सोरबा सासे रावगिरिया (Linguist) जौनि बर' रावखौ गोनोखोयारि आदबजों सावरायनाय खामानिया मुलुगनि जेरावबो आजावजागोन। लोगोसेनो रावखौ मोनथिनायावबो गोरलै जागोन। बेबादि गोनोखोयारि आदबजों गायसनजानाय जायखि जाया आयदानि गुदि एबा बिथाया अरायबो गोगोम जायो आरो बयजोंबो आजावजायो।

रिसार बिगियानाबो (Phonetics) राव बिगियाननि मोनसे एंगारहायि बाहागो। रिसार बिगियानाव रिसार मोदोमनि (Speech organs) गेजेरजों रिसारफोर बौरै सोमजिदों बिनि सायाव गुवारै गोनोखोयारि नोजोरजों सावरायनाय जायो। रिसार मोदोमफोरनि हाबा मावनायखौ नायनानैनो रिसारफोरनि बाहागोखौबो राननाय जायो।

रिसार बिगियाननि जारिभिनखौ नायहरोब्ला जों नुनो मोनगोनदि बायदि बायदि मुगायाव रिसारनि सोमोनदै बयबो सांग्रां जादों आरो गावबा गावनि रावखौ थार रिसारजों गोरोबहोनानै रावनि अंगुबै महरखौ होनो नाजादों। जौनि भारत हादोरनि बैदिग मुगायावबो संस्कृत रावनि थार महर होनो थाखाय रिसारनि सायाव गोखों नोजोर होनाय जायोमोन। बै समाव संस्कृत रावनि रिसारखौ नैवसिनाय खामानिया फाबनि खामानि होननानै सानना लानाय जायोमोन। भारत हादोरनि रावगिरिफोर जेरै पानीनी, पटन्जली बिथांमोनानो मुलुगनि मादावनो सिगांसिन रिसारनि सायाव सावराय जेनग्रेदों। बिथांमोननि उनावनो बायदि बायदि हादोरनि रावगिरि बिथांमोना गुबुन गुबुन समाव रिसारनि सायाव सावरायनाय नुनो मोननाय जायो।

गोजोनथाव बाध्रादि मुलुगाव बिगियान आरो बाहाय बिगियाना (Science and Technology) जौगानाय लोगो लोगोने रिसारनि सायाव नायबिजिरनाय खामानियाबो दावगाबोनो हमो । बिनि थाखायनो रिसारफोरनि थार सिनायथि होनाय हाबाया गोख्रोसिन जादों कुंजायो । Spectograph, Oscillographs, Sound-monitoring machine, Tap-recorders बायदि गोनोंखोयारि जोनथोर ओंखारनाय लोगो लोगो रिसार बिगियाननि खामानि माबनाया गोरलैसिन जादों आरो रिसारफोरनि थार सिनायथियाबो रोखासिन जादों । आथिखालाव बैफोर आयजेंनि हेफाजाब लानानै मुलुगनि गोबां रावगिरिफोरानो गोम्लैसोनानै थानाय मुलुगनि रावफोरनि सायाव गोनोंखोयारि आदबजों नायबिजिरगासिनो दं ।

1.2 थांखि (Objectives) :

संसारव मानसिनि मोनफ्रोमबो हाबायावनो गावबा गाव मोनफा नडा मोनफा थांखि थायो । बिदिनो फराफारिनि मानफ्रोमबो आयदायावनो मोनथिनो एवा सोलेंनो गोनां थांखि थायो । बेखायनो जों रिसार बिगियानखौबो फरायोब्ला गाहायाव होनाय बाध्राफोरखौ मोनथिनो मोनगोन --

- * मोनफा रावनि रिसारफोरा रिसार मोदोमनि गेजेरजों सोरजि जायो ।
- * रिसार मोदोमनि बाहागोफोरनि सोमोनदै मोनथिनो मोनगोन ।
- * सोरजि जानाय रिसारफोरनि आखुथायनि सोमोनदै मोनथिनो मोनगोन ।
- * रिसार बिगियाना मोनफ्रोमबो रावनि रिसारखौ समान आदबजों नोजोर होयो ।
- * रिसारफोरनि बाहागोनि सोमोनदै मोनथिनो मोनगोन ।
- * रिसार मोदोमनि बबे बबे जायगायाव रिसारफोरखौ सोरजिनाय जायो बिनि सोमोनदै मोनथिनो मोनगोन ।
- * रिसार बोनायनि आनजाद नायग्रा गोनोंखोयारि आयजेंफोरनि सोमोनदै मोनथिनो मोनगोन ।

S.A.Q.

सॉथि : बे आयदाखौ फरायहोनायनि थांखिफोरा मा मा ?
(30 सो सोदोबजों लिर)

1.3 रिसार बिगियाननि सिनायथि :

रिसार बिगियानाबो बिगियाननिनो मोनसे एंगारहायि बाहागो । मानसिनि खुगा एबा रिसार मोदोमनिफ्राय गबोनाय रिसारफोरनि सोरजिनाय, दैथायनाय आरो आजवावनायनि सोमोनदै गोनोखोयारि आदबजों गुवारै सावरायनायानो जादों रिसार बिगियान । रिसार बिगियानाव मोनसेल रावनि बाश्नाखौ सावरायालासेनो मुलुगनि गासै रावनि बाश्नाखौनो सावरायनाय जायो । आथिखालाव बिगियाननि मोननैसो आयदा जेरै -- Physiology आरो Physics जों थोंजों लोबबा थानायनि थाखाय रिसार बिगियानखौबो मोनसे आवुं बिगियान महरै गनायनानै लानाय जाबाय । रिसार बिगियाननि गुबै खामानिया जादों जायखि जाया रावनि रिसारफोरा बोरै बोजायो (Articulate) एबा सोरजिजायो, लोगोसेनो रिसार मोदोमनि बवे जायगायाव सोमजियो (Production), रिसारफोरनि सायाव फोरमायनाय (Description), रिसारफोरखौ बोरै मोनथियो एबा हमदां हायो (Perception), आरो रिसारफोरनि बाहागो राननाय (Classification) । बिनि अनगायैबो रिसार बिगियानाव मोनसे रावनि रिसार सोमजिहोग्रा मोदोमनि (Speech organs) बाहागोफोरनि सायावबो गुवारै सावरायनाय जायो । रिसार बिगियाननि बेनदोडव रिसार गुथाल एबा खारथाया (speech waves) जोबोर गोनां आयदा । मानोना बै गुथालनि लासै आरो गोसा खारथायनि जाहोनाव रिसारनि महरा बायदि रोखोमनि जायो । बेखायनो बे आयदायाव रिसार गुथालनि सायाव गुवारै सावरायनाय जायो । रिसारनि खारथायखौ जों जोंनि खोमानि हेफाजाबै हमनो हायो । बेखौबो रिसार बिगियानाव सावरायनाय जायो ।

S.A.Q.

सॉथि : रिसार बिगियाननि गुबै खामानिया मा मा ?
(25 सो सोदोबजों फिन)

बुहुमनि मोनफ्रोमबो रावनि रिसारफोरनि आखुथायखौ सिनायनायाव रिसार बिगियाना हेफाजाब होबोदों। रिसार सोमजिनाय मोदोमनि बायदि बाहागोफोर जेरै - हानाला (Lungs), गारामा मोदोना (larynx), थालोनि गुरै बाहागो (soft palate), सालाय (tongue) आरो गुसथिनि (lips) खामानिफोरखौ रिसार बिगियानाव गुवारै सावरायनाय जायो। लोगोसेनो रिसारफोरजों लोबबा थानाय माखासे मोदोमनि बाहागोनि बाध्राफोरखौबो सावरायनाय जायो।

आन्जाद लानाय (CYP)

सॉथि : रिसार बिगियान मा ?

सॉथि : रिसार सोमजिनाय मोदोमनि बाहागोफोरा मा मा ?

1.4 रिसार बिगियाननि दालाइ (Branches of Phonetics) :

रिसार बिगियानखौ सरासनमा मोनथाम बाहागोयाव राननाय जादों। बे मोनथाम बाहागोया मेनसे आयदानिनोब्लाबो नाथाय बिसोरनि सावरायनां बाध्राया गोरोबलाया। मोनफ्रोमखौबो रावनिबो हेफाजाब लायालासेनो उदाङ्कै सावरायनाय जायो। रिसार बिगियाननि बे मोनथाम बाहागो एबा दालाइफोरा जादों फारियै - रिसार खारथाय रिसार बिगियान (Acoustics phonetics), खोनाग्रा रिसार बिगियान (Auditory phonetics), आरो रिसार बोग्रा रिसार बिगियान (Articulatory phonetics)। बेफोरखौ गाहायाव सावरायनाय जानोसै --

S.A.Q.

संथि : रिसार बिगियाननि बाहागोफोरा मा मा लिर ?
(15 सो सोदोबजों फिन)

1.4.1 रिसार खारथाय रिसार बिगियान (Acoustic Phonetics) :

रिसार खारथाय रिसार बिगियानाव रिसारनि खारथायनि सोमोनदै सावरायनाय जायो। रायलायनाय एबा रिसार सोरजिनाय समाव जौनि रिसार मोदोमनिफ्राय (Speech organs) बायदि समाव बायदि रोखोमनि हां एबा रिसार गुथाल (Speech waves) सोमजियो। जौनि रायलायनाय समाव जौनि खुगानिफ्राय गोबां रिसार ओंखारो। बेबेबा मोनसे रिसार बोनायाव खुगानिफ्राय गबोनाय रिसार गुथाल एबा दोहौवा एसे एबा खम जानो हागौ। थिग बिदिनो आरोबाव गुबुन मोनसे रिसाराव बे गुथालनि बिबाड बाराबो जानो हागौ। रिसार गुथालनि बेफोरबादि आखुखौ नायनानैनो जायखि जाया राबनि रिसारफोरनि बाहागोखौ राननाय जायो। बै रिसार गुथालखौ गोरोखोयारि आयजेनि हेफाजाव लानानै जखा सुनाय जायो।

गोजोनथाव बाश्चादि नैथि मुलुग दावहानि उननिफ्राय रिसार खारथाय रिसार बिगियाननि (Acoustic phonetics) बिधिडाव मैखोम दावगानाय नुनो मोनो। मानोना बै समनिफ्रायनो बे आयदानि बिगियानाव गोथौ आरो गोखें नोजोरजों बिजिरनाय जादों। मानसिनि खुगानिफ्राय गबोनाय जेथो गोनां रिसार (Complex Sound Waves) नि गुथालखौ बिजिरनानै थार रिसारनि गुबै महरखौ फोरमायनो हानाय जाबाव। बाराखौ मा बुंनो रिसार जथायनाय आरो गोरोबहोनाय खामानियावबो बे बिगियाना गोजोनथाव खामानि मावनो हादों। बे बिगियाना बिजिरनानै फोरमान खालामनो हादोंदि जौनि खुगाजों गबोनाय रिसारफोरा गुबैयै मोनसेवानो। नाथाय रिसार मोदोम (Speech organs) फोरनि मावनाय हाबानि थाखायसो रिसारफोरा जुदा जुदा महरै सिनायथि मोनदों। रिसारनि बाहागो राननाय जेरै गारां एबा रिसार दुलुर (rounded voice), नेरखां रिसार (nasal sound), हांदुं रिसार (friction), गारां गोरा (obstruction or plosive) बायदि रिसारफोरखौ बे बिगियाननि

नाजानायावनो जों मोननो हादों बुंजायो । थेवबो बे बिगियाना गारां हांखोनि (Vow-els) बेलायाव जेसेबां दावगानो हादों खौरां हांखोनि बेलायाव एसेबां दावगानो हायाखै ।

आन्जाद लानाय (CYP)

सोंधि : रिसार खारथाय रिसार बिगियाना माखौ बुडो ?

सोंधि : रिसार मोदोमखौ लानानै रिसार बाहागोखौ भाबदियै राननाय जायो लिर ।

1.4.2 खोनाग्रा रिसार बिगियान (Auditory Phonetics) :

बे आयदानि रिसार बिगियानाव जोंनि खुगानिफ्राय गबोनाय रिसारफोरखौ खोमाजों मोनदांनाय एबा खोनानायनि सायाव गुवारै सावरायनाय जायो । बायदि बायदि रावनि लासै एबा गोसा रिसारफोरखौ जों खोनानानै थार रिसारनि गुबै महरखौ जों सायखनानै रिसारफोरनि बाहागोखौ राननाय जायो ।

अदेबानि गोबां रिसार बिगियानगिरिफोरानो (Phoneticians) सिमान लानांदोंदि बे खोनानाय एबा खोनाग्रा रिसार बिगियाना नांगौ बादियै दावगानो हायाखै । मानोना बे आयदानि रिसार बिगियानाव देरहासार जानो थाखाय नांगौ जायो गोखों नाजोरनि नायबिजिरनाय आरो रोंगधि गोनां दारिमिनगिरि, जायनि थाखाय बे हाबायाव नायबिजिरगिरिफोरा सम सम गोनो गोथो जानांगौ जायो । बे बाहागोनि रिसार बिगियानाव बाहायनाय जोनथोरफोरखौ नायबिजिर सालिनिफ्राय नांगौबादियै दाबसे जायगानिफ्राय गुबुन दाबसे जायगायाव लांलाय लाबोलाय खालामनो हाया । बिनि थाखायनो बबेबा समाव रिसारनि थार फिथायखौ मोननायाव फेलें जानांदों ।

S.A.Q.

सोंधि : खोनाग्रा रिसार बिगियाना मानो बारा दावगानो हायाखै लिर । (25 सो सोदोबजों फिन)

1.4.3 गारां सोरजि रिसार बिगियान (Articulatory phonetics) :

गारां सोरजि रिसार बिगियानाबो रिसार बिगियाननि मोनसे गुयै बाहागो । बे आयदानि रिसार बिगियानाव जॉनि मोदोमनि बायदि बायदि बाहागोफोरजों गारां एबा रिसारखौ बौरै सोरजिनाय जायो बेनि सायाव गुवारै सावरायनाय जायो । मानसिनि खुगा दन्दरनि एबा रिसार मोदोमनि (Speech organs) माखासे बाहागोफोरा रिसार सोरजिनाय समाव मोनफ्रोमबो बाहागोया गावबा गाव गोबां खामानि मावो । बैफोर मोदोमनि बाहागोफोरखौ जों नोजोर होब्ला नुनो मोनगोनदि बबेबा मोनसे मोदोमनि हाबा मावनायाव बबेबा मोनसे रिसारा सोमजिखांदों । बुनो थाडेब्ला मोनफ्रोमबो मोदोमनि (Speech organs) हाबा मावनाया गुबुन गुबुन बेखायनो रिसारफोरनि रोखोमाबो गुबुन गुबुन जायो । रिसार सोरजिहोग्रा मोदोमनि बाहागोफोरा जादों फारियै - हांनाला (lungs), गारामा मोदोना (larynx), गुरै थालो (soft palate), सालाइ, (tongue) हाथाय (teeth), आरो गुस्थि (lips) । मोदोमनि बेफोर बाहागोनि मावनाय हाबा बिसोरनि गेजेराव थानाय सोमोनदोयानो रिसार सोरजिनायनि आरो बिसोरखौ बाहागो खालामनायनि गुबै बिथा । बैफोर रिसार मोदोमनि हाबाखौ गोनोखोयारि नोजोरजों नायबिजिरनायानो जादों बे रिसार बिगियाननि दोहोरोम ।

आन्जाद लानाय (CYP)

सोंधि : गारां सोरजि रिसार बिगियाना मा ?

1.5 सार बाहागो (Summing Up) :

आधिखालाव राव बिगियाना (Linguistics) गुबुन गुबुन बिगियानफोरबादि आबुं बिगियान महरै मोनधिजानाय लोगो लोगोनो रिसार बिगियाननि गोनांधियाबो गोख्रों जाबोबाय । रिसार बिगियानाव रिसार मोदोमनि (Speech organs) गेजेरजों रिसारफोरा बौरै सोमजिदों बिनि सायाव गुवारै गोनोखोयारि नोजोरजों सावरायनाय जायो । रिसार मोदोमफोरनि हाबा मावनायखौ नायनानैनो रिसारफोरनि बाहागोखौ राननाय जायो । समनि बोहैथि दाहाराव रिसार बिगियाननि सायाव गोबां रिसार बिगियानगिरिफोरा गाथौवै सावरायबोदों आरो गावबा गावनि थांखिखौ गायसनबोदों ।

गोजोनथाव बाध्रादि मुलुगाव ब्रिगियान आरो बाहायब्रिगियाना (Science and Technology) जौगानाय लोगो लोगो रिसार ब्रिगियाननि सायाव गोथीवै नायब्रिजिननाय खामानियाबो दावगाबोनो हमो । बिनि थाखायनो रिसारफोरनि धार सिनायथि होनाय हाबाया गोखोसिन जादों बुंजायो । Spectograph, Oscillographs, Sound monitoring machine, Tap-recorders, बायदि गोनोखोयारि जोनथोर ओंखारनाय लोगो लोगो रिसार ब्रिगियाननि खामानि मावनाया गोरलैसिन जादों आरो रिसारफोरनि धार सिनायथियाबो रोखासिन जादों ।

रिसार ब्रिगियानाबो ब्रिगियाननिनो मोनसे एंगारहाथि बाहागो । मानसिनि खुगा एबा रिसार मोदोमनिफ्राय (Speech organs) गबोनाय रिसारफोरनि मोरजिनाय (production), दैथायनाय (transmission) आरो आजवनायनि (reception) सोमोनदै गोनोखोयारि आदबजों गुवारै सावरायनायानो जादों रिसार ब्रिगियान । आथिखालाव ब्रिगियाननि मोननैसो आयदा जैरै- physiology आरो physics आयदाजों थोंजोडै लोबबा थानायनि थाखाय रिसार ब्रिगियानखोंबो मोनरे आयुं ब्रिगियान महरै गनायनानै लानाय जाबाय ।

बुहुमनि मोनफ्रोमबो रावनि रिसारफोरनि आखुथायखौ सिनायनायाव रिसार ब्रिगियाना हेफाजाब होबोदों । रिसार सोमजिनाय मोदोमनि बायदि बाहागोफोर जैरै हां नाला (lungs), गारामा मोदोना (larynx), थालोनि गुँरै बाहागो (soft palate), सालाइ (tongue) आरो गुसथिनि (lips) खामानिफोरखौ गुवारै सावरायनाय जायो । लोगोसेनो रिसारफोरजों लोबबा थानाय माखासे मोदोमनि बाहागोफोरखोंबो रिसार ब्रिगियानाव गुवारै सावरायनाय जायो ।

रिसार ब्रिगियानखौ फारियै मोनथाय बाहागोयाव राननाय जायो । जैरै रिसार खारथाय रिसार ब्रिगियान (Acoustic phonetics), खोनाग्रा रिसार ब्रिगियान (Auditory phonetics) आरो रिसार ओग्रा रिसार ब्रिगियान (Articulatory phonetics) । रिसार खारथाय रिसार ब्रिगियानाव जोंनि रिसार मोदोम (Speech organs) निफ्राय गबोनाय रिसार गुथाल (Speech waves) नि सायाव गुवारै सावरायनाय जायो । रिसार-गुथाल रिसार-मोदोमनि बायदि खामानि मावनायाव गुबुन गुबुन रोखोमनि रिसार (Sounds) ओंखारो । बेफोर रिसारनि आखुखौ नायनानैनो बिसोरनि बाहागोखोंबो राननाय जायो ।

फारसेथिं खोनाग्रा रिसार ब्रिगियानाव (Auditory phonetics) जोंनि खुगानिफ्राय गबोनाय रिसारफोरखौ खोमाजों मोनदानाय एबा खोनानायनि सायाव

गुवारै सावरायनाय जायो । बायदि बायदि रावनि लासै एबा गोसा रिसारफोरखौ जौं खोनानानै थार रिसारनि गुबै महरखौ सायखनानै रिसारफोरनि बाहागोखौ राननाय जायो । बिदिनो गारां सोरजि एबा रिसार सोरजि रिसार बिगियानाव (Articulatory phonetics) जौंनि रिसार मोदोम (speech organs) नि बायदि बायदि बाहागोफोरजौं गारां एबा रिसारखौ बोरै सोरजिनाय जायो बेनि सायाव गुवारै सावरायनाय जायो । जौंनि रिसार मोदोमनि गुबै बाहागोफोर जादौं हांनला (lungs), गारामा मोदोना (larynx), गुरै थालो (Soft palate), आरो गुस्थि (lips) । मोदोमनि बेफोर बाहागोनि मावनाय हाबा आरो बिसोरनि गेजेराव थानाय सोमोनदोयानो रिसार सोरजिनायनि आरो बिसोरखौ बाहागो खालामनायनि गुबै बिथा । बेफोर रिसार मोदोमनि हाबाखौ गोनोखोयारि नोजोरजौं नायबिजिरनायानो जादौं बे रिसार बिगियाननि दोहोरोम ।

आन्जाद लानाय (CYP)

सौंथि : रिसार बिगियानखौ मानो आबुं बिगियान बुंनाय जायो ?

सौंथि : रिसार बिगियानाव रिसार सोमजिनाय मोदोमनि मा मा बाहागोफोरनि सोमोन्दै सावरायनाय जायो लिर ।

1.6 सोदोब बाखि (Glossary) :

गारां, रिसार	-	Sound, speech
रिसार बिगियान	-	Phoetics
राव बिगियान	-	Liguistics
गोनोखो	-	Science
रावगिरि, राव बिगियानगिरि	-	Linguist
रिसार मोदोम	-	Speech organs
बिगियान आरो बाहाय बिगियान	-	Scince and Technology

रिसार खारथाय, रिसार गुथाल	-	Speech waves
रिसार खारथाय	-	Acoustics
रिसार खोनाग्रा	-	Auditory
रिसार बोग्रा	-	Articulatory

1.7 जानो हाथाव सॉलुफोर (Probable Question) :

1. रिसार बिगियान माखौ बुंनाय जायो ?
2. रिसार बिगियाननि गुवै बाहागोफोरा मा मा ?
3. रिसार-खारथाय रिसार बिगियान माखौ बुंनाय जायो ? बिसोरनि खामानिया मा मा ?
4. खोनाग्रा रिसार बिगियान माखौ बुडे ?
5. गारां सोरजि रिसार बिगियान माखौ बुडे ?

1.8 फरायनो गोनां बिजाबफोर (Refernces and Suggested Readings) :

1. An Introductory Text Book of Linguistics & Phonetics by Dr. R.L. Varshney.
2. गोजौ रावखानथि : मधुराम बर'।
3. राव बिगियान : राजेन्द्र कुमार बसुमतारि
4. रावनि महर : फुकन बसुमतारि आरो सर्ण प्रभा सैनारि।
5. ग'लक चन्द्र ग'स्वामी : ध्वनि बिज्ञानर भुमिका।

खोन्दो- 2 (Unit-2)

रिसार मोदोम (Speech Organs)

खोन्दोनि महर

- 2.1 बेखेवनाय (Introduction)
- 2.2 थॉखि (Objectives)
- 2.3 रिसार मोदोमनि बाहागोफोर (Organs of Speech)
- 2.4 रिसारथिनि सिनायथि (Introduction to Organs of Speech)
- 2.5 रिसारथिफोरखौ रिसारहोग्रा जायगा (Introduction to Articulation)
 - 2.5.1 हां नाला आरो बिनि दरखं (The Diaphragm and Lungs)
 - 2.5.2 गारां दाजेम आरो गारां दरखं (Larynx and Vocal Cords)
 - 2.5.3 गुरै धालो (Soft Palate)
 - 2.5.4 सालाइ (The Tongue)
 - 2.5.5 गुसथि (The Lips)
- 2.6 रिसार मोदोमनि रोखोम (Types of articulators)
- 2.7 रिसारफोरखौ रिसारहोनायनि आखुथाय (Characteristics of articulation)
- 2.8 रिसार सोरजिनायनि फाव (Manner of Articulation)
- 2.9 रिसार बिगियान (Phonology)
 - 2.9.1 रिसार बिगियान आरो रिसारथि बिगियाननि फाराग (Difference between Phonetics and Phonology)
 - 2.9.2 रिसार खोन्दो (Phoneme)
 - 2.9.3 रिसार (Phone)
 - 2.9.4 लेडाय एबा लोगो रिसार (Allophone)
- 2.10 रिसारथिफोरखौ नायबिजिस्नायनि खान्थि (Analysis of Phonemes)
 - 2.10.1 दाथायखान्थि (Structure and System)
 - 2.10.2 खबाम खान्थि (Prosodic Analysis)
- 2.11 जानो हाथाव सॅलुफोर (Probable Questions)
- 2.12 फरायनो गोनां बिजाबफोर (References and Suggested Readings)

2.1 बेखेवनाय (Introduction) :

जों खोनानानै मोननाय जायखि जाया रिसारनि बाहागोया जौनिनो रिसार मोदोमनि (speech Organs) माखासे हाबा मावनायनि थाखाय सोमजियो। बे रिसार सोमजिनायाव जौनि रिसार मोदोमनि मोनफ्रोमबो मावनाय हाबाया बेजों बे सोमोन्दो गोनां आरो सोनार लायनांगौ जायो। नाथाय बिसोरनि बेफोर हाबा मावनाया मोनफ्रोमबो जुदा जुदा। सरा सनन्ना थार रिसारनि महर मोननो थाखाय मानसिनि मोदोमाव मोनथाम बाहगोनि हाबाया जाग्रोनांगौ। गिबियावनो रिसारनि जोनोमा जौनि सानस्रियाव (Psychological) सोमजिग्रोयो। बिनि उनाव गासै मोदोमाव (physiological) आरो जोबधारनाया जादों मोननैसो सायखजानाय (selected) मोदोम (physical)। गिबियावनो रिसारनि मोनसे आयदाया (concept) सासे बुंग्रानि (speaker) मेलेमाव (brain) सोमजिग्रोयो। बुंग्रानि मेलेमाव सोमजिनाय बे रिसाररि (linguistics message) रावा मानसिनि मोनदांथि दैथायारि (human nervous system) नि राहाजों बे रिसार मोदोमसिम सहैयो। मेलेमनिफ्राय दैथायहरनाय बे इसाराखौ मोननाय लोगो लोगोनो रिसार मोदोमनि मोनफ्रोमबो बाहागोया बायदि रोखोमनि हाबा मावो। बिसारनि बेवादि हाबा मावनाया जौनि खुगा सिंनि बाराव सौदावलायनानै बायदि रोखोमनि गुथाल सोमजिहोयो। बे बायदि रोखोमनि गुथालनिफ्रायनो बायदि रोखोमनि रिसार ओंखारबोयो।

रिसार मोदोमनि हेफाजाबै रिसार सोरजिनाय समाव रिसार मोदोमनि भावग्राया जादों फारियै - हां नाला (lungs), गारामा मोदोना (larynx) खुगा दन्दर (oral cavity), गोदोना दन्दर (pharyngeal cavity, throat) गन्थं दन्दर (nasal cavity, nose), हां दस्खं (vocal cord), गुरै धालो (soft palate), सालाइ (tongue), गुसथि (lips), हाथाय (teeth) आरो गन्थं (nose)।

2.2 थांखि (Objectives) :

रिसार मोदोम (Speech organs) आयदाया राव बिगियाननि मोनसे एंगारहायि बाहागो। बेखायनो राव बिगियानखौ मोजाडै मोनथिनोब्ला रिसार मोदोमनि सोमोनदैबो मोजाडै मोनथिनाया गोनांधार। बे आयदाखौ फरायोब्ला जों गाहयनि बाध्राफोरखौ मोजाडै मोनथिनो मोनगोन -

- * राव बिगियानाव रिसार मोदोमनि गोनांथि।
- * रिसार मोदोमनि गासै बाहागो आरो बिसोरनि हाबा।
- * रिसार मोदोमनि गेजेरजों बोरै रिसार सोरजिनाय जायो।

- * रिसार मोदोमनि मावनायनि थाखायनो रिसारफोरखौ गुबुन गुबुन बाहागोयाव राननाय जायो।
- * जायखि जाया रावनि रिसारफोरखौ रिसार मोदोमनि मावनायजो मोनथिनो हागोन।

2.3 रिसार मोदोमनि बाहागोफोर (Organs of Speech) :

जोनि सुबुं देहायाव थानाय गारां एबा रिसार मोदोमनि बाहागोफोरखौ गाहायाव होनाय जाबाय --

- (1) बारनि गुदुं (wind pipe or trachea)
- (2) गारामा मोदोना (Larynx)
- (3) आदार नाला (Gullet Oesophagus)
- (4) गारामा (Pharynx)
- (5) गारां खुगा (Glottis)
- (6) गारामा बिजौ (Velar)
- (7) गारां दरखं (Vocal folds or cords)
- (8) गनथं दन्दर (Nasal cavity)
- (9) खुगा दन्दर (Oral cavity)
- (10) दिन्दां दाजेम (Uvula/volume)
- (11) गुरै थालो (Soft palate)
- (12) गोरा थालो (Hard palate)
- (13) हाथाय गुदि (Alveolar)
- (14) हाथाय (Teeth)
- (15) गुसथि (Lips)
- (16) सालाइ (Tongue)
 - (i) सालाइ बिजौ/मोखां (Tip/Front of the tongue)
 - (ii) सालाइ गेजेर (Middle of the tongue)
 - (iii) सालाइ उन (Back of the tongue)
 - (iv) सालाइ गुदि (Root of the tongue)
 - (v) सालाइ रुगुं (Blade of the tongue)

DIAGRAM




Figure : ORGANS OF SPEECH

S.A.Q.

सॉलु : रिसार मोदोमनि सोमोन्दै फरायनांगौनि गोनांथिया मा ?
(20 सौ सोदोबजों फिन)

2.4 रिसारथिनि सिनायथि (Introduction to Organs of Speech) :

जौनि रिसार मोदोमनि हेफाजाबै सोमजिनाय रिसारथि (sounds) फोरा मोनसे राबनि एंगारहायि बाहागो। बे रिसार मोदोमनि हेफाजाबैनो जों गोबां रोखोमनि रिसारफोरखौ सौरजिनाय जायो। गारां हांखौ (vowels) आरो खौरां हांखो (consonants) फोरा बै रिसारफोरनिनो बाहागो। रिसार मोदोमफोरनिनो गुबुन गुबुन हाबा मावनायनि थाखायनो गारां आरो खौरां हांखोनि बाहागोखौ जों मोननाय जादों। सरा सनस्रा गारां हांखोनि रिसार बोनायाव जौनि रिसार मोदोमा गुबुन बाहागोजों जेबो रोखोमनि सौदाव सौसि जाया। नाथाय खौरां हांखोनि रिसार बोनायाव रिसार मोदोमनि गुबुन गुबुन बाहागोफोरा बेजों बे सौग्रावलायनानै सोमजियो। बिदिनथि महरै जों बुंनो हायो /अ/ नि रिसार बोनायाव जौनि रिसार मोदोमफोरा जेबो रोखोमनि सौदावलायनांगौ जाया बेवहाय जौनि रिसार मोदोमनि बारनि गुदुनिफ्राय (wine pipe) गबोनाय बारा जेबो हेंथा गैयालासेनो स गबोदों। बेबादि राहाजों सोमजिनाय रिसारखौनो गारां हांखो होननानै बुंनाय जादों। फारसेथिं खौरां हांखो /र/ खौ नोजोर होक्ला जों नुनो मोनगोन बे हांखोखौ रिसार बोनायाव जौनि रिसार मोदोमनि बाहागोफोरा सौदाव लायदों एबा बे रिसारा सोमजिनायाव जौनि रिसार मोदोमनिफ्राय गबोनाय बारा गोबां हेंथा मोननांगौ जादों। बेखायनो बेबादि हेंथा गोनां माखासे रिसारफोरखौ खौरां हांखौ (Consonants) होननानै बुंनाय जादों।

अदेबानि रिसारनि बेलायाव मोनसे बाश्त्राखौ गोसोयाव लाखिनाया गोनांधार, बेनो जादों रिसार मोदोमनि आखु। गारां हांखोब्लाबो रिसार मोदोमनि गुबुन गुबुन समाव गुबुन गुबुन खामानि मावनायनि थाखाय गारां हांखो एबा गारां रिसारफोराबो गुबुन गुबुन महरनि जायो खौरां हांखोनि बेलायावबो बे मोनसे खानथियानो बुंजायो।

गोजौबाव मखजानाय माखासे रिसारफोर एबा बर' राबनि गासै मोन 6 गारां हांखो आरो मोन 18 खौरां हांखोफोरनि अनगायैबो मोननैसो उफेरा रिसार खानधि मोननाय जायो। बेफोरबो जौनि बर' रावाव गोखोडैनो बाहाय जायो। बेखौनो जौ बोखावजायै रिसार (Supra-Segmental Phoneme) होननानै बुंनाय जायो। बेफोरखौ गाहायाव होनाय जावाय --

- 1) रिसार जरा एबा रिसार सरजाब (Juncture)
- 2) गारां बोलो रिसार (Pitch/Accent)
- 3) गारां बोलो/रिसार दोहौ (Intonation)
- 4) रिसार जथाय खोन्दो (Syllable)

आन्जाद लानाय (CYP)

सौलु : रिसार मोदोमनि हेफाजाबै रिसारखौ मोनबैमे बाहागोनि मोनो ?

सौलु : गारां हांखो आरो खौरां हांखो माखौ बुडो ?

सौलु : बोखाव जायै रिसारफोरा मा मा ?

2.5 रिसारधिफोरखौ रिसारहोग्रा जायगा (Introduction to Articulation):

जौनि सावरायनाय रिसार बिगियान एबा रिसार मोदोमनि सोमोनदैं नोजोर होब्ला नुनो मोनगोनदि रिसार मोदोमनिनो मोननैसो बाहागोया अराय खानानि मावो। बेफोर रिसार मोदोमनि बाहागोखौ गाहायाव सावरायनाय जानोसै --

2.5.1 हां नाला आरो बनि दरखं (The Diaphragm and Lungs) :


रिसार सोमजिनायाव बे मोननै रिसार मोदोम जैरै हांताला आरो हांताला-दरखंनि गोहोमाबो मखजाथाव। गुबै हां नालानि गाहाय बाहागोयाव मोनसे दाजेम दं। बे दाजेमखौनो हां नालानि दरखं बुंनाय जायो। जौनि रिसार बोनाय समाव बिखानि संपलनिफ्राय गबोनाय बारनि गुथाला बे दरखंखौ बारनानै हां नालाजौ गबोयो आरो खुगा दन्दराव सौफैनानै रिसार सोमजिनायनि खामानि मावो। हां

नालायानो जादों रिसार बोनायाव गोनांथि जानाय गसै बारनि फुंखा। अदेबानि हां नाला दरखं (diaphragm) नि खामानि मावनायनि थाखायनो हांनालाजों (lungs) गबोनाय बारनि बिबाड सम सम खमायो आरो बाडोबो।

2.5.2 गारां दाजेम आरो गारां दरखं (Larynx and Vocal Cords) :

गारां दाजेम आरो गारां दरखड थारै बुंनो थाखेब्ला मोननैजों मोनसेयानो। बेबो जोंनि रिसार सोरजिनायनि मोनसे गोनां जायगा। बे बार गुदुं (wind pipe or trachea) नि गोजूवाव थानाय मोनसे रुडुव थोरफो। सोमोनांथाव बाश्चादि बे थोरफोनि गेजेरावनो जोंनि गुसथि मोननैनि समान महरनि रोखोमसे मोदोमनि दाथाय दंबावो। बै मोदोमनि दाथाया अराय थोंगोरै थाबाय थायो। अदेबानि बै जरासे थोंगोर दाथायखौनो गारां दरखंबो बुंनाय जादों। लोगोसेनो बै थोंगोरनि गोजू बाहागोया नांथाबनाय नाथाय बिनि गाहाय बाहागोया नांजाबलायनाय नख। बेखायनो नांगीजाब्लानो गाहायनि बाहागोखी फुवारनो आरो फुसेबनो हागौ। गाहाय बाहागोनि थोंगोरखी फुवारनायाव सोमजिनाय बै जायगाखौनो गारां खुगा (Glottis) होननानै बुंनाय जायो। नोजोर होनो गोनां बाश्चादि बे गारां खुगाखी फुसेबनाय समाव मोनसे रोखोमनि रिसार सोमजिगोन आरो फुवारनाय समाव गुबुन मोनसे रोखोमनि रिसार सोमजिगोन। जेब्ला जों गारां दरखंबो (Vocal cords) गाहायाव फुवारगोन अब्ला जों /ह/ (Glottal) बायदि रिसारखी मोननो हागोन। बिदिनो जेब्ला गारां दरखंबो फुसेबगोन अब्ला बै गारां खुगानि बायदि बायदि रोखोमनि रिसारफोर मोननो हायो।

फारसेथिं गारां दरखंनि (Vocal cords) मैखोम खामानिया जादों रिसार बोनाय समाव गुबुन गुबुन रिसार मोदोमफोरखी हेफाजाव होनाय। रिसार बोनाय समाव गारां दरखं मोननैया एसे समनि गेजेरावनो हाजारखेब खमफियो। जोंनि हां नालानिफ्राय गबोनाय बारनि नारखांनायाव एबा सौदावनायावनो गारां दरखड खमफियो। लोगोसेनो बे बारनि नारखांनायाव गारां दरखं मोननैया गेलाय खोबलाय जाबाय थायो। मिथिनो गोनांदि जोंनि गारां दरखंनि बेबादि खमफिनायनि थाखायनो जोंनि खुगा दन्दराव धानाय बायदि बायदि रिसार मोदोमनि हेफाजाबाव रिसारफोरनि जोनोम जायो। बेफोरबादि रिसारफोरखौनो गारां बोलो रिसार एबा गोरा रिसार (Voiced sounds) बुंनाय जायो। जेरै - /फ, थ, ज/ बायदि बायदि।



2.5.3 गुरै थालो (Soft Palate) :

रिसार मोदोमनि गुबुन गुबुन बाहागोफोरनि मादाव गुरै थालोयावो मोनसे गोनं रिसार सोमजिहोग्रा जायगा। जौनि खुगा दन्दरनि गासै सा बाहागोखौनो थालो बुंनय जायो। सरा सनस्रा मानसिनि थालोखौ मोनथाम बाहागोयाव सननाय जायो। गिबियावनो जौनि मोखां एबा सिगां हाथायनि हाथाय गुदि (Alveolar or teeth ridge)। नैथियाव बे हाथाय गुदिनि उन बाहागोयाव थानाय गोर थालो (Hard Palate) आरो थामथियाव बे गोर थालोनि उन बाहागो एका दिनदां दाजेमजौं (Uvula) थाफानाय गुरै बाहागोयानो जादो गुरै थालो (Soft Palate)।

रिसार सोरजिनायाव बे गुरै थालोनि खामानिया मखजाथाव। रिसार बेगयाव नांगी जानाय बारखौ बे गुरै थालोयानो दैदेनो। गुरै थालोनि हायलाय आरो जौलाय जानायनि थाखायनो जौनि हां नालाजौं गबोनाय गासै बारा एखमबा गनथं दन्दरजौं आरो एखमबा खुगा दन्दरजौं गबोयो। बे थालोया जौगानां जेक्ला गनथं दन्दरनि बार थांग्रा लामाखौ होथेगोन अक्ला हां नालाजौं गबोनाय गासै बारा जौनि खुगा दन्दरजौं गबोयो। बेबादि खुगा दन्दरजौं बार गबोनां सोमजिनाय रिसारफोरखौनो खुगायारि रिसार (Oral sounds) होननानै बुंनय जायो। जेरै - /फ, ब, ग/

बायदि बायदि। गुबुन फारसेधिं बिदिनो जेब्ला गुरै थालोखौ गाहाय खालामगोन अब्ला हां नालाजौं गबोनाय गासै बारा जौनि गनथं दन्दरजौं थांजोबगोन। बेबादि गनथं दन्दरजौं बार थानानै सोमजिनाय रिसारफोरखौ नेरखां रिसार (nasal sounds) होननानै बुंनाय जायो। जेरै /म, न, ङ /बायदि बायदि।

2.5.4 सालाइ (The Tongue) :

मानसिनि सालाया गासै रिसार मोदोमफोरनि मादाव गोनसिन। बे रिसार मोदोमल नड्ड, रिसार सोरजिनायनिबो मोनसे मैखोम जायगा। गुबुन गुबुन रिसार मोदोमफोरनिखुइ सालायानो रिसार बोनायाव बांसिन खामानि मावो आरो बिनि रिसार सोरजिनाय जायगायावो बांसिन। सालायनि रिसार सोरजिनाय जायगाखौ गासै मोनब्रै बाहागोयाव राननो हागौ। जेरै - (1) सालाइ बिजौ (the tip of the tongue), (2) सालाइ रुगुं (the blade of the tongue), (3) सालाइ मोखां (the front of the tongue) आरो (4) सालाइ गुदि (the back of the tongue)। जौनि सालाइनि सिगांफारसेनि जोबथारनाय बाहागोखौनो सालाइ बिजौ होननानै बुंनाय जायो। नांगौ समाव बे सालाइ बिजौवा गोबां खामानि मावो। लोगोसेनो हाथाय गुदिनि (alveolar ridge) सोरगिदिं नांनानै थानाय सालाइनि बाहागोखौनो सालाइ रुगुं होननानै बुंनाय जायो। रिसार सोमजि होनाय समाव सालाइ रुगुंहाबो मावनांगौ गोबां खामानि थायो। आरोबाव जौनि खुगा दन्दराव थानाय गौरा थालोनि उलथा मोखां फारसे थानाय सालाइनि बाहागोयानो जादों सालाइ मोखां। बिदिनो सालाइ मोखां आरो गारामा बिजौनि गेजेराव थानाय सालाइनि बाहागोयानो जादों सालाइ गुदि।

2.5.5 गुसथि (The Lips) :

जौनि खुगानि गुसथियाबो रिसार मोदोम आरो रिसारसोरजिनाय जायगाफोरनिनो मोनसे मखजाथाव बाहागो। गुसथियाबो रिसार सोमजिहोनायाव गाबां खामानि मावो। मखनो गोनान्दि बेवहाय जौनि सा आरो सिं मोननैबो गुसथिनि बाश्राखौ बुंनाय जादों। गुसथि मोननैजौं लोगो नांनानै बायदि रोखोमनि फावजौं बायदि रोखोमनि रिसार सोरजिनाय जायो। गुसथि मोननैनि गेवनाय, नांजाबनाय, गेवहां, गेवजोबनाय बायदि फावनि थाखाय रिसारफोर जेरै /ब, फ, म, इ, अ, आ,

इ. उ / बायदि रिसारफोरखौ बाहागो खालामनाय जायो ।

आनजाद लानाय (CYP)

सॉलु : रिसार सोमजिहोग्रा एबा रिसार मोदोम माखौ बुझे ?

सॉलु : रिसार मोदोमनि बाहागोफोरा मा मा ?

सॉलु : रिसार मोदोमनि सावगारिखौ एर (आखि) ।

2.6 रिसार मोदोमनि रोखोम (Types of articulators) :

गोजौबाव मखनाय गासै रिसार मोदोमनि बाहागोफोरखौ आरोबाव मोनै रोखोमाव राननाय जायो । जैँ मावग्रा रिसार मोदोम (active articulator) आरो मावै रिसार मोदोम (passive articulator), मावग्रा रिसार मोदोमफोरा जादों गाहायनि गुसथि (lower lip) आरो सालाइ (tongue), बेफोर मावग्रा रिसार मोदोमफोरा रिसार बोनाय समाव बै मावै एबा दिदोम (stable) रिसार मोदोमफोरजों बायदि समाव बायदि रोखोमै सौदावहैयो । दिदोम रिसार मोदोमफोरा जादों फारियै - गोजौ एबा सानि गुसथि (Upper lip), गोजौनि हाथाय (Upper teeth), गोजौनि हाथाय गुदि (teeth ridge), गौरा थालो (Hard palate), गुरै थालो (Soft palate) आरो गोदनानि सा बाहागो (Back wall of the throat or Pharynx) । गसिबो मावै एबा दिदोम रिसार मोदोमा जेबो रोखोमनि थांलाय फैलाय एबा सोमावाखायनो बिसोरखौ मावै एबा दिदोम रिसार मोदोम होननानै बुंनाय जायो । फारसेथिं मावग्रा रिसार मोदोमफोरा रिसार बोनाय समाव नांगौबादियै थांलाय फैलाय खालामनानै हेफाजाब होनायखायनो बिसोरखौ मावग्रा रिसार मोदोम बुंनाय जायो । अदेबानि बेबो थार बाश्चादि मोनसेल रोखोमनि रिसार मोदोमजों रिसार सोमजिहोनो हाया । मोननैबो रिसार मोदोमनि हेफाजाब नांगौ जायो ।

S.A.Q.

सॉथि : रिसार मोदोमनि रोखोमा मोनबैसे आरो मा मा ?

(15 सो सोदोबजों फिन)

2.7 रिसारफोरखौ रिसारहोनायनि आखुथाय

(Characteristics of articulation) :

रिसार होनाय एबा रिसार सोमजिहोनायनि आखुथाया रिसार बिगियाननि मोनसे गोनां बाहागो। गोजौवाव जों रिसार सोमजिग्रा जायगाफोरनि सोमोनदै एसे सावरायनाय जादों। मिथिनो गोनांदि जोंनि रिसार मोदोमनि गासै बाहागोफोरनि मावनाय हाबाखौ नायनानै रिसार सोमजिहोनायनि आखुवा गुबुन गुबुन जायो। बेखायनो जों रिसार सोमजिहोनायनि आखुथायखौ गासै मोननै बाहागोयाव राननाय जायो। मोनसेया जादों रिसार मोदोमनि जायगाफोरखौ लानानै एबा नायनानै (Place of articulation) आरो गुबुन मोनसेया जादों रिसार मोदोमनि आखु एबा फावखौ नायनानै (Manner of articulation)। सरासनग्रा बे मोननै आयदाखौ एबा आयदानि फारागथिखौ बुजिनो गोब्राब जायो। मोननैबो आयदाया जुदा जुदा नाथाय मोनसेया गुबुन मोनसेजों मदद होलायनांगौ जायो। बिदिनथि महरै हमनानै लादो - /ब, द, ग/ बे मोनथाम बर' रिसारथिनि सोमजिनाय जायगाया (Place of articulation) फारियै गुसथि मोननैयाव, (bi-labial), हाथाय गुदियाव (alveolar) आरो गारामा बिजौवाव (glotal/velar) बेफोर जायगाखौ दिनथिग्राया जादों जोंनि सालाइ (tongue)। फारसेथि सालाया बबेबा मोनसे रिसारथिनि जायगाखौ दिनथिनाय समावनो जोंनि गुसथिनि फावा माबामोनसे आखुनि जाथारगोन। थारै बुंनो थाडोब्ला बै मोनथामबो रिसारथियावनो गुसथिनि फावा जुदा जुदा जागोन। बेबादि रिसार मोदोमनि फावखौ नायनानै रिसारथिनि महरा जुदा जुदा एबा गुबुन गुबुन जानाय खानथिखौनो रिसार मोदोमनि फाव एबा आखु (Manner of articulation) बुंनाय जायो। बे आयदानि सायाव रोखा जाब्रावनो थाखाय गाहायनि सावगारिखौ होनाय जाबाय। अदेबानि बेवहाय बर' रिसारथिखौ बिधा खालामनानै होनाय जादों --

रिसार मोदोमनि जायगा (Place of articulation)		
रिसारहोम्रा जायगा	रिसारम्रा	रिसारधुफोर
(place of articulation)	(articulators)	(speech sounds)
1. गुसथि खुजेब (Bi-labial)	→ गोजू आरो गहायनि गुसथि (Upper and lower lips)	→ / फ, ब, म /
2. हाथाय गुदि (Denti-alveolar)	→ हाथाय गुदि आरो सालाय (Denti-alveolar and tip of the tongue)	→ / द, थ /
3. हाथाय गुदि-थालो (Alveolo-palatal)	→ हाथाय गुदि, थालो आरो सालाय (Alveolar, palate and front of the tongue)	→ / स, ज /
4. गारामा मोदोना (Velar)	→ गुरै थालो आरो सालाय गुदि (Soft palate and back of the tongue)	→ / ख, ग, ङ /
5. गारां खुगा (Glottal)	→ गारां खुगा (Glottis)	→ / ह /
बिदिन्धि : बर' राबनि खीरां हांखौ (Consonants) (सावगारि नं - 1)		

2.8 रिसार सोरजिनायनि फाव (Manner of Articulation) :

रिसार सोरजिनाय समाव जौनि रिसार मोदोमनि गुबुन गुबुन फाव लानाने खामानि भावनायानो जादो रिसार सोरजिनायनि फाव (Manner of articulation) । सरा सनम्रा रिसार मोदोमनि जायगायाव (Place of articulation) हां नालानिफ्राय (Lungs) गबोनाय गासै बारा सौदावफैताने बायदि बायदि राहाजो जौनि खुगा दन्दर (Oral cavity) आरो गन्ध दन्दर (Nasal cavity) नि गेजेरजो बायजोयाव ओंखार लाछे । बे बागलानाय समावनो जौनि माखासे रिसार मोदोमफोर बायदि रोखोमनि फाव (Manner) लानांगी जायो । रिसार मोदोमनि बेफोरबादि फावखौ

लानानैनो रिसारफोरखौ गोबां बाहागोयाव रानबावनाय जायो। रिसार मोदोमनि बेफोर फावा नाथाय मोनफ्रोमबो रावावनो गुबुन गुबुन रोखोमनि। जौनि खाबुनि थाखाय रिसार मोदोमनि गासै फावखौ मोनफा मोनफायै सावरायनो लानाय जाबाय।

1. गारां बेरफु (Plosives) : गारां बेरफु रिसार बोनाय समाव जौनि खुगा दन्दर आरो गन्थं दन्दरनि मोननैबो लानाया लोगोसेनो होथेयो। लोगोसेनो मावग्र आरो मावै मोननैबो रोखोमनि रिसार मोदोमजो लोगो नांनानै हां नालानिफ्राय गबोनाय गासै बारा जेरबो गलानो हाथिनि थाखाय गोखोडै हमथानानै लाखियो। बे समाव जौनि गुरै थालोया गन्थं दन्दरनि लामाखौ होथेयो। अब्ला लोगो लोगोने जौनि हां नालानिफ्राय गबोनाय बारा गलानो थाखाय बै होथेनाय रिसार मोदोमखौ नारसिनफैगोन। मिथिनो गोनादि बारनि बे नारसिननाया बारा गोबाव सम थाबाय धानो हाया। दसे समनि उनावनो हगारनांगौ जानानै फेयो। बिदिनो बारनि नारसिननायाव जेब्ला जौ नांजाबनानै थानाय मावग्रा रिसार मोदोमखौ मावै रिसार मोदोमनिफ्राय दोरोद होगोन अब्ला ज जानानै थानाय गासै बारा हरखाबैनो बेरफुसारनायनि फाव लानानै स गबोगोन। बे रोखोमजो सोरजिनाय रिसारखौनो गारां बेरफु रिसार होननानै बुनाय जायो। जेरै बर नि रिसारथि /फ,ब/। इराजियाव बे Plosives खौनो Stops बो बुनाय जायो। बे गारां बेरफुखौ मोननै बाहागोयाव राननाय जाबावदों। जेरै - गोरा (voiced) आरो गुरै (voiceless)। बेवहाय गोजौनि /फ/-आ जादों गोरा गारां बेरफु रिसार (voiced plosive or stop) आरो /ब/-आ गुरै गारां बेरफु रिसार (voiceless plosive or stop)।

2. नेरखां (Nasals) : नेरखां रिसार सोरजिनाय समाव जौनि हां नालानिफ्राय गबोनाय गासै बारा खुगा दन्दरनि मोनफ्रोमबो रिसार मोदोमाव नांथानानै गन्थं दन्दरजो थानानै गन्थं गुदुजो गनानै मोनसे गोदान रिसारनि महर होयो। बे समाव गुबैवै मोननै गुसथियानो खुगानि बारखौ हमथानानै लाखियो। गुसथि मोननैखौ हगारनाय लोगो लोगो गन्थंजो गलानाय बारा जोबथागोन आरो रिसार बोनायनि खामानियाबो बेवहायनो जोबगोन। बे राहाजो सोमजिनाय रिसारफोरा जादों / म, न, ड/।

3. हांदुं (Fricatives) : हांदुं रिसार सोरजिनाय समाव जौनि रिसार मोदोमनि हेफाजाबै हां नालानिफ्राय गबोनाय बारखौ नारसेबनानै सोमजिहोनाय जायो। बे

समाव रिसार मोदोमनि नारसेबनायाव जॉनि गबोनाय बारा बेसेबा फिसा मोनसे लामाजों फैना नै खुगाजों गलाडे । बे रोखोमनि रिसार बोनाय समाव भावग्रा रिसार मोदोम (active articulators) आरो मावै रिसार मोदोम (passive articulators) मोननैया खाथि खाथि थालायनानै बार ओंखारलानाय लामाखौ गुसेब खालामो आरो बे गुसेब लामाजों सिंनि बारा खेबसेयैनो खुगाजों स गलाडे । बिदिन्धि महरै बर' रावनि रिसारथि /स/ (गुरै -voiceless) आरो /ज/ (गोरा -voiced) मोननैखौ बूनो हायो । नाथाय गुबुन रावनि रिसारथियाव बे मोननैनिखुइ बांसिन रोखोमनि हांदुं रिसार मोननाय जायो ।

4. खमफिनाय (Tremulant /Trilled/Rolled) : बे रोखोमनि रिसार बोनाय समाव जॉनि भावग्रा रिसार मोदोम (active articulation) आरो मावै रिसार मोदोम (passive articulation) लोगो नानानै मखजाथाव खामानि मावो । हांदुं रिसारनि थाखाय भावग्रा रिसार मोदोम सालाय बिजौवा दिदोम एबा मावै रिसार मोदोम हाथाय गुदियाव नांजाबलायो आरो हां नालानिफ्राय गबोनाय गासै बारा सालाइखौ खमफिहोयो । उनाव सालाइखौ बोखारनाय लोगो बै सौदावफैनाय बारा खुगाजों स गलाडे । जॉनि सालाइनि बेबादि खमफिनाय फावजों सोरजिनाय रिसारनि बिदिनथिया जादों - /र/ ।

5. बारग्लायनाय (Lateral) : बारग्लाय एबा बारग्लायनाय रिसार सोरजिनाय समाव जॉनि सालाय बिजौ आरो मोखाइ फारियै हाथाय गुदि आरो गोरा थालोयाव नानानै खुगा दन्दरनि गेजेर बाहागोयाव मोनसे रोखोमनि होथेनायनि हाबा मावो । लोगोसेनो बिदि होथेनायनि जाहोनाव सिंनिफ्राय गबोनाय बारा सालाइ रुगुं (Blade of the tongue) फारनैथिं बारग्लाय लाडे । बिनि उनाव सालाइ बिजौ आरो मोखांखौ हाथाय गुदि आरो गोरा थालोनिफ्राय बोखारनाय लागो लोगो खुगा दन्दरनि गासै बारा खुगाजों स गलांजोबो । बे रोखोमनि रिसार जादों - /ल/ ।

आन्जाद लानाय

- सौलु : रिसार सोरजिनायनि आखुधायफोरा मा मा ?
 सौलु : रिसार सोरजिनाय जायगाफोरा बेसेबां आरो मा मा ?
 सौलु : रिसार सोरजिनाय फावखौ नायनानै रिसारखौ बेसेबां रोखोभाव राननो हागौ ?

रिसार बोनायनि सावगारि --



/ फ, ब /



/ थ, द /



/ म /



/ न /



/ स, ज /



/ ख, ग /

Fig. Bodo Articulations

2.9 रिंसारथि बिगियान (Phonology) : मुलुगनि जायखि जाय रावखौनो मोनसे नडा मोनसे हारिनि मानसिफोरा बाहायो एबा रायज्जायो । बिंसोरनि बाहायनाय बै रावखौ साबसिन हामसिनै रायज्जायनो आरो मोनथिलायनो थाखाय गोरोबलायनाय माखासे रिंसारफोरखौ सायखनानै लायो । लोगोसेनो बैफोर रिंसारखौ मोनसे गोनोखोयारि नोजोरजौं बिजिरनानै नांगौबादियै मोनसे थिखानाय नेम खानथि नायसननानै लायो आरो बे नेमजौंनो रावनि गासै बाहायनाया इयुनमिम सोलिब्राय थायो । बेखायनो बे आयदायाव बबेबा मोनसे थिखानाय एबा थंखिखानाय रावनि सायाव सावरायनाय जायो आरो बेखायनो रिंसारथि सोदोबखौ बाहायनाय जादौं । मरा सनस्रा मोनसे रावनि रिंसारथिया मा ? बैफोर रिंसारथिखौ बोरै आरो बबेयाव मोरजिनाय जायो ? बैफोर रिंसारथिखौ खोमाजौं बोरै खोनायो ? मोनसे रिंसारथिया गुबुन मोनसे रिंसारथिजौं मानो गोरोबलाया ? बैफोरबादि सौनाय आरो बिनि राहाफोरनि सायाव गोनोखोयारि नोजोरजौं सावरायनाय आयदायानो जादौं रिंसारथि बिगियान ।

S.A.Q.

सौंथि : रिंसारथि बिगियाना मा ?

(20 सो सोदोबजौं फिन)

2.9.1 रिंसार बिगियान आरो रिंसारथि बिगियाननि फारग (Difference between Phonetics and Phonology) : रिंसार बिगियान (Phonetics) आरो रिंसारथि बिगियान (Phonology) आयदा मोन्पैया नुनायाव रोखोमसेब्लाबो नाथाय बिंसोरनि गेजेराव फारग दं । रिंसार बिगियानाव मरा सनस्रा रिंसारजौं सोमोनदो गोनां जौंति मोदोमनि (Physical property) सायाव बांसिन नोजोर होनाय जायो । जैरे physiology, physics, anatomy, neurology, pathoogy आरो गोबां । बिनि अनगायैबो रिंसार बिगियानाव मोननैसो रिंसार मोदोम जैरे हां

नाला गारामा मोदोना, गुरै थालो, सालाय, हाथाय आरो गुसधि फोरा रिसार सोमजिनायाव मावनाय हाबानि सायाव गुवारै नायबिजिरनाय जायो। जौनि मोदोमाव थानाय रिसार मोदोमनि हेफाजाबै मुलुगनि मानसिफोरा सानध्रहायै रिसारनि जोनोम होयो। बेफोर गासै रिसार मोदोमखी रिसार बिगियानाव गोनोखोयारि नोजोरजो सावरायनाय जायो। लोगोसेनो बैफोर रिसारनि सोमजिनाय, दैथायहरनाय, आज्ञावनाय आरो बिसोरनि सिनायहानाय नेरसोनफोरनि (Signs) सायाव गोनोखोयारि (Scientific) नोजोरजो गुवारै सावरायनाय जायो। नाथाय मोनथिनो गोनांदि रिसार बिगियानाव बबेबा मोनसेल रावनि सायाव सावराया लासेनो मुलुगनि गासै रावनि सायावनो नायबिजिरनाय जायो।

फारसेथि रिसारथि बिगियानाव (Phonology) बबेबा मोनसे रावनि सायावल सावरायनाय जायो। रिसारथि बिगियानाव बबेबा मोनसे रावनि रिसारथि (Speech sounds) फोरनि सोमजिनाय, सोलाय सोल आरो बिसोरनि बायदि रोखोमनि सोमोनदै सावरायनाय जायो। थारै बुंनो थाडोब्ला रिसार बिगियानाव (Phonetics) सोरजिनाय माखासे रिसारफोरनिफोयनो नांगीबादियै सायख सायख लाबोनाय रिसारफोरखी रिसारथि बिगियानाव सावरायनाय जायो। लोगोसेनो बैफोर रिसारथिखी गोनोखोयारि दाथायनि आदबाव बाहागो राननाय जायो। बेखायनो बुंनायबो जायो -- "Phonetics gathers materials, Phonology cooks it" थोजोठै रिसार बिगियान (Phonetics) आरो रिसारथि बिगियाननि (Phonology) गेजेराव थानाय गोरलैसिन फारागा जादो -- "रिसार आरो 'रिसारथि', थिखानाय रावनि रिसारथि। रिसार बिगियाना मोनसेल थायो नाथाय रिसारथि बिगियाना मोनसेनि बाराबो थानो हागौ। हाजार अनजिमानिबो थानो हागौ। मानोना मोनसे रावनि थाखाय मोनसे रिसारथि बिगियाना शाधारनांगोन। रिसार बिगियाना जादो "General or generality" नाथाय रिसारथि बिगियाना जादो Particular or particularity" आरोबाव रिसार बिगियाना हादोर (Country) जायोब्ला रिसारथि बिगियाना रायजो (State) जागोन।

मखनो गोनांदि जौनि गोबाडानो बे रिसार आरो रिसारथिखो जेबो फाराग लाखियालासेनो मोननैखीबो जेराव-मेरावनो बाहायनाय नुनो मोननाय जायो। नाथाय बे फारागखी लाखिनानै नांगीबादियै बाहायनो नाजानाया मोजां।

आन्जाद लानाय

सौलु : रिसार बिगियान (Phonetics) माखौ बुडो ?

सौलु : रिसारथि बिगियान (Phonology) माखौ बुडो ?

सौलु : रिसार आरो रिसारथि बिगियाननि फारागखी लिर ।

2.9.2 रिसार खोन्दो (Phoneme) : सिगानि रिसार बिगियानाव सावरायखानाय जादोदि रिसार बिगियानाव जौ सानश्रहायै रिसार सोरजिनाय जायो । जौनि रिसार मोदोमनि गेजेरजौ गबोनाय बयनिखुइ दुइसिन रिसार बाहागोयानो जादौ रिसार खोन्दो (phoneme) । जायखि जाया रावावनो गोबां अनजिमानि रिसार खोन्दो थानो हागौ । नाथाय बै मोनफ्रोमबो रिसार खोन्दोफोरनि मोनसेया गुबुन मोनसेजौ गोरोबलाया । अरायबो जुदा जुदा । जैरे -- /ब, द, ग, म, न/ बायदि बायदि । रिसार खोन्दोनि जुदाथि एबा फारागनि थाखायनो मोनसे सोदोबनि ओंथियाबो जुदा जाहियो । जैरे -- बजब > बदब; लखब > लदब; फजब > गजब बायदि बायदि । बेवहाय गिबि सोदोब बजब नि /ज/ रिसार खोन्दोखी सोलायनानै उननि सोदोब बदब खी दानाय जादौ । बेवहाय /ज/ नि सोलाय /द/ खी होनाय लोगो लोगोनो गिबि सोदोबनि ओंथिया सोलायनानै गुबुन मोनसे सोदोब सोरजिदौ आरो गोदान ओंथि फोरमायदौ । बेखायनो जौ सुंथाबै बुंनो हायोदि बबेबा मोनसे रावनि सोदोबनि ओंथिखी सोलायहनो हानाय बयनिखुइ दुइसिन रिसारनि बाहागोखीनो रिसार खोन्दो बुंनाय जायो । अदेबानि खायफा रावगिरिफोरा बेखी मोनसे एबा बेनि बांसिन खोन्दो रिसार थानाय मोनसे रिसार जथाय होननानै बुंदौ ।

2.9.3 रिसार (Phone) : सरा सनसा जौनि रिसार मोदोमनि गेजेरजौ सोमजिनाय जायखि जाया सोदोब एबा देखोयानो जादौ रिसार । नाथाय बेवहाय बै रिसारखी बबेबा मोनसे रावनि रिसार होननानै बुंनो हानायनि जेबो फोरमान थाया एबा मोननाय जाया । दावमा दावसा आरो जुनादफोरनि गाबनाय देखोया रिसारनि फारियाव गोभलैया । मानोना बिसोरनि गाबनाय देखोया राव नडा । रिसारा नाथाय रावनिफ्रायसो सोमजियो ।

2.9.4 लेडाय एबा लोगो रिसार (Allophone) : जौनि रिसार मोदोमनिफ्राय

सोमजिनाय बबेबा मोनसे रिसारनि गुबुन गुबुन महरखौनो लेडइ रिसार बुंनाय जायो। ओरैनो बबेबा मोनसे रिसारखौ बोनाय समाव जों बै रिसारहा गुबुन महरनि रिसार दंबावो होननानै साना। नाथाय गोथौवै नोजोर होक्ता जों नुनो मोनगोनदि मोनफ्रोमबो रिसारहानो गावबा गाव मोनसे गुबुन महर थाखोमायो। बिदिन्थि महरै जों होनो हायो -- इराजि रिसार /k/ नि लेडइ रिसारखौ गुबुन गुबुन समाव गुबुन गुबुन मोनगोन। जैरै -- बे /k/ निनो Keel, calm, cool बायदि सोदोबाव /k/ रिसारनि महरा जुदा जुदा। Keel सोदोबखौ बोनाय समाव /k/ नि रिसारा खुगा मोखाडव सोमजिदों। Calm नि समाव /k/ नि रिसारा खुगा दन्दरनि गेजेराव जादों। बिदिनो Cool नि रिसार बोनाय समाव /k/ नि रिसारा खुगानि उनथिं रिखांदों। /k/ नि बै मोनथाम रोखोनानो जादों मोनफा मोनफा लेडइ रिसार।

2.10 रिसारथिफोरखौ नायबिजिरनायनि खानथि (Analysis of Phonemes): रिसारथि नायबिजिरनाय खानथिनि गेजेरजों जायखि जाया रिसाथिखौ रोखायै मोनथिनो हायो। मानोना बेवहाय रिसारथिफोरनि सायाव गुवारै सावरायनाय जायो। मोनथिनो गोनांदि रिसारथिखौ नायबिजिरनो थाखाय गोबां राहा एबा खानथिफोर दं। बेफोर राहाखौ गाहायाव फारियै मोनफा मोनफा सावरायनाय जानोसै --

2.10.1 दाथायखानथि (Structure and System): रिसारथि नायबिजिरनाय खानथिफोरनि मादाव दाथाय खानथियाबो मखजाथाव। मोनसे रावनि माखासे रिसारथि एबा रिसार खोनदोफोरखौ माखासे खानथिनि (System) गेजेरजों नांगौबादियै जथायनाय जायो। लोगोसेनो बेबादि जथायफोरखौ दाजाव एबा सरजावनानै आरोबाव देरसिन जथायनि फारियाव महर होनाय जायो। जैरै - माखासे रिसार खोन्दो (Phonemes) जथायनानै सोदोब (Word) जायो आरो माखासे सोदोब जथायनानै बाथा (Sentence) जायो। बेफोर खानथिखौनो मोनसे रावनि दाथाय (Structure) होननानै बुंनाय जायो। बिनि अनगायैबो जों इराजि सोदोबनि बिदिन्थिजों रोखा जानो हाबावो। हमनानै लादो मोनसे सोदोब sak, बेवहाय मोनथाम रिसार खोन्दो दं जैरै -- /s/, /Q/, /k/, बे मोनथाम रिसार खोन्दो जथायनानै मोनसे रिसार जथाय (Syllable) सोमजिदों। बिदिनो बेफोर रिसार खोन्दोखौ सोलाय सल खालामनानै गोबां गोदान गोदान रिसार जथाय दानो हागौ।

गोजौनि /s/ रिसार खोन्दोखौ सोलायनानै जायखि जाया रिसार खोन्दो बाहायोव्ला जौ अरोबाव गोदान रिसार जथाय एबा सोदोब मोननो हागोन। जैरै /b/, /p/, /t/, /l/, होयोव्ला जौ मोनगोन फारियै -- back, pack, tack, lack बायदि बायदि। बेफोर रिसारथिनि गेजेराव मोनफ्रोमहाबो सोमोन्दो दंलायो। बेबादि दाथायारि सोमोन्दोखौनो paradigmatic सोमोन्दो बुंनाय जायो। रिसारथिनि बे सोमोन्दो आरो दाथाया मोनसे फिसा खोन्दोनिफ्राय जागायनानै देरमिन महराव सोलायो एबा जौगा फारियाव महर सोलायो।

दा बाथाया जाबाय गोजौनि नायबिजिरनाय खानथिनि गेजेरजौ बबे रिसार खोन्दो, बिसोरनि बाहायजानाय, गोरोबनाय, गोरोबलायै, सोलाय सल, आरो बिसोरनि दाथायनि सोमोन्दै गुवारै मोनथिनो मोनबाय। बेखायनो बे खानथिनि गेजेरजौ जायखिजाया रिसारथिखौ मोजाडै मोनथिनो मोननाय जायो। एबा रिसारथिनि थार आयदाखौ (Concept) मोनथिना मोनो।

2.10.2 खबाम खानथि (Prosodic Analysis) : रिसारथि नायबिजिरनायनि आरोबाव मोनसे खानथियानो जादौ खबाम खानथि। नोजोर होनो गोनांदि खायफा रिसारथिफोरा खबामनि गाब गोनां। अदेबानि खबाम खानथि आरो दाथाय खानथिनि गेजेराव जेबो रोखोमनि गोरोबलायनाय नुनो मोननाय जाया। गारां बेरफु (aspiration) नेरखां रिसार (nasalization), गुसथि खुजेव (labialization), धालोयारि (palatalization) रिसारथिफोरखौ मोनफा रिसार खोन्दोनि अनगाथैबो गोबां रिसार थाफानायबादि नुनो मोनो। बेफोरनि अनगाथैबो बेखावजायि रिसारनि (Supra segmental features or sounds) मोननैसो आयदा जैरै गारां नारसिन (stress), गारां बोदाव (Intonation) फोरा खबाम खानथिनि नायबिजिरनांगौ आयदा।

बेवहाय खबाम ओंथिखौ जेबोर सांग्राडै बाहायनाय जादौ। बबेबा मोनसे सोदोबाव थानाय माखासे रिसार खोन्दोफोरनि गोहोमाव (Influence) मोनसे थाखोमानाय रिसारथि खोन्दोनि जोनोम जायो। बे गोदान रोखोमनि रिसारथि खोन्दोयानो जादौ खबाम (Prosody)। खबाम खानथिनि राहाजौ रिसारथि नायबिजिरनाय नि मोननैसो बिदिनथिखौ गाहायाव होनाय जाबाय --

- i) गारां एबा रिसार गौरा (Aspiration) : हमनानै लादो इंग्रजि सोदोब Clay /klei/ खौ रिसार बोनाय समाव गासुं गुरै /k/ नि

गोरा महर /kh/-आ रिसार जाखोमायो। नाथाय बे /kh/ नि गोरा रिसार। बिनि खाथिनि रिसारथि खोन्दो /l/ नि सायाव गोखों गोहोम गोग्लैयो। बेबादि गोहोमनि धाखायनो /l/ नि रिसारा खमायनानै रिसार /o/ नि महर मोनो बेखायनो बे रिसाराव /h/ नि रिसार खबाम मोननाय जायो।

- ii) नेरखां खबाम (nasalization) : बेवहायबो इराजि सोदोब /sin/ खौं बिदिन्थि महरै लानाय जादों। बे सोदोबखौं रिसार बोनाय समाव मोनफ्रोमबो रिसार खोन्दोफोरा गावजों गाव गोहोम गोग्लैलायदों। सोदोबनि गारां रिसार /i/ आ बिनि खाथिनि नेरखां रिसारनि गोहोम गोग्लैनानै गावबो नेरखां रिसाराव महर सोलायलांदों। बेखायनो बे सोदोबनि नेरखां खबामा जादों /i/
- iii) गुसथि दुलुर खबाम (lip-rounding) : इराजिनि quiet /kwait/ सोदोबावबो रिसार खोन्दोफोरनि गोहोम गोग्लैनानै गोदान रिसार खोन्दो सोरजिनाय जायो। बेवहाय /k/ रिसार खोन्दोया गुसथि दुलुर (lip-rounding) आखुनि नड्झत्ताबो /w/ रिसार खोन्दोनि गोहोमावनो बे आखुनि महर मोनदों। बेखायनो बे सोदोबनि रिसार खबामा जादों /w/
- iv) थालोयारि खबाम (palatalization) : key /ki:/ सोदोबाव /i:/ रिसार खोन्दोनि गोहोमाव /k/ रिसार खोन्दोया गारामा बिजौ (velar) रिसारब्ताबो थालो रिसार खोन्दोनि महर लादों। बेखायनो बेवहाय थालोयारि रिसार खबामा जादों -- /i:/.

2.11 जानो हाथाव सौलुफोर (Probable Questions) :

1. रिसार बिगियान (Phonetics) आरो रिसारथि बिगियान (Phonology) माखौं बुडो? बिसोरनि गेजेराव थानाय फारागखौं पोरमाय।
2. रिसार मोदोम (Speech Organs) माखौं बुडो? रिसार मोदोमनि बाहागोफोरखौं सावंगारिनि हेफाजाबै दिन्थि।
3. रिसार मोदोमनि रिसार सोरजिग्रा जायगाफोरखौं बिदिन्थि होनानै लिर।

4. आखुथायखौ नायनाई रिसारथिफोरखौ बेसेबां बाहागोयाव राननाय जायो सावगरिनि हेफाजाबै फोरमाय ।
5. रिसारथि बिजिरनायनि राहाफोरखौ बिदिन्धि होनाई लिर ।
6. गुसुठै लिर --
 - i) रिसार (Phone)
 - ii) रिसार खोन्दी (Phoneme)
 - iii) लोगो रिसार (Allophone)

2.12 फरायनो गोनां बिजाबफोर (Refernces and Suggested Readings):

- 1) Linguistics & Phonetics - R. L. Varshney
- 2) राव महर - स्वर्ण प्रभा सैनारि आरो फुकन बसुमतारि ।
- 3) राव बिगियान - राजेन्द्र कुमार बसुमतारि ।

खोन्दो-3 (Unit-3)

रावमहरथि (Morphology)

खोन्दोनि महर :

- 3.1 बेखेवनाय (Introduction)
- 3.2 थांखि (Objectives)
- 3.3 रावमहरनि सिनायथि (Morpheme)
- 3.4 रावमहरखोन्दोनि सिनायथि (Morph)
- 3.5 लोगो राव महरनि सिनायथि (Allomorph)
- 3.6 रावमहरफोरनि बाहागो (Morpheme)
- 3.7 सार बाहागो (Summing Up)
- 3.8 जानो हाथाव सौलुफोर (Probable Questions)
- 3.9 फरायनो गोनां बिजाबफोर (References and Suggested Readings)

3.1 बेखेवनाय (Introduction) :

रावमहरथि एबा महर बिगियाना राव बिगियाननि (Linguistics) मोनसे गोनां बाहागो । रिसारथियाव (Phonology) मोननाय माखासे रिसारफोरनि जथायानो महरथिनि सावरायनां आयदा । मानोना बेफोर रिसारनि जथायनायाव जों बायदि रोखोमनि रावमहर मोननाय जायो । बेखायनो जों बुनो हाथो मोनसे रावाव सोलिनाय बाश्चानि बयनिखुइ दुइसिन महर एबा बाहागोनि गोनोखोयारि सावरायनाय एबा बिजिरनायानो जादों रावमहरथि । जोंनि सोलिबोनाय (Traditional)

खानथिनि बदिब्ला बाध्रानि बयनिखुइ दुइसिन महरा जादों सोदोब। बेखायनो रावमहरथियाव जायखि जाया रावनि सोदोबखी बोरै दानाय जायो बेखी गुवारै सावरायो। लोगोसेनो बेफोर दाजानाय सोदोबफोरनि बाहायजानायनि सायावबो रावमहरथिया गोखों नोजोर होनांगौ जायो। बिनि अनगायैबो बाध्रानि सोदोबाव एबा मोनसे रावनि दाजाबदाफोरखी बाहायनानै गोदान सोदोबफोर दानायजों लोगोसे बिसोरनि सोलाय सोल जानाय जैरै - आथोन सोलायनाय, सानराय सोलायनाय, बायदि आयदाखीबो रावमहरथियाव सावरायनाय जायो। महरथिया रावनि दाथाय खानथिनि मोनसे बाहागो। गिबि बाहागोया जादों रिसारथि (Phonology) आरो उननि बाहागोया जादों बाध्रा महरथि (Syntax), रावमहरथिया गेजेर बाहागोनि। गिबि बाहागोयाव रिसारफोरनि सायाव सावरायनाय जायो आरो बाध्रा महरथियाव रावमहरफोरनि हेफजाबै बोरै बाध्रा दानाय जायो बिनिसायाव गुवारै सावरायनाय जायो। लोगोसेनो रावमहरथियाव मेनसेल समनि रावनि सायावल सावराया लासेनो बिनि बोहैथि दाहारनि सोमोनदैबो सावरायो।

3.2 थांखि (Objectives) :

रावमहरथि आयदायाव जों मोनथिनो गोनां गोबां दं। सरा सनम्रा बे आयदायाव जों रिसार जथायनानै बोरै राव महर जायो बेखी रोखायै मोनथिनो मोननाय जागोन। लोगोसेनो बेफोर रावमहरा आबुं सोदोब दानायाव माबादि हाबा मावदों बेखीबो सावरायनाय जायो। जों मोनथिगौदि सोदोब एबा रावमहर दानायाव मोनसे रावनि दाजाबदाफोर गोबां हाबा मावो। बेखायनो दाजाबदाफोरनि हेफजाबाव सोदोबनि सोलाय सोल खानथिखीबो महरथिनि आयदायाव सावरायनाय जायो। मोनथिनो गोनांदि रावमहरनि माखासे बाहागोफोरखी रोखायै मोनथियाब्ला रावमहरथिनि बाध्राया आबुं जाया। बेफोर बाहागोखी मोनथिनायाबो रावमहरथिनि एंगारहायै सावरायनां आयदा। थोंजोडै जों बेखीनो बुंनो हायोदि रावमहरनि दानाय, बाहायनाय, बिसोरनि बाहागोफोरजों लोगोसे बिसोरनि सोलाय सोल खानथिफोरखी गोनोखोयारि नोजोरजों सावरायनायनि राहाखी मोनथिनो नाजानायानो बे आयदानि नोजोर आरो थांखि।

3.3 रावमहरनि सिनायथि (Morpheme) :

रावमहरा रावमहरथिनि मोनसे एंगारहायै बाहागो। गोजौबाव बुंखानाय

जादोंदि ओंथिगोनां रिसारनि (Phonemes) जथायानो रावमहर (Morpheme) । जैरे - 'मानसि' बुडेब्ला जों बेवहाय म, आ, न, स, इ बे मोनवा रिसारजों जथायनाय मोनसे ओंथि गोनां रावमहर मोननाय जायो । नाथाय बेखौं बोखावनानै 'मान' आरो 'सि' बुडेब्ला बिहा जेबो रोखोमनि ओंथि थाहैया । अदेबानि 'मानसिफोर' बुडेब्ला जों मोनसे आवुं ओंथिगोनां रावमहर मोननो हागोन । मानोना बेवहाय मोननै रोखोमनि ओंथिगोनां रावमहर दाजाबनानै दं । जारै - मानसि आरो फोर । फोर रावमहरा हारसिडै जेबो फोरमायनो हायाब्लाबो गुबुन ओंथिगोनां रावमहरजों थाफनानै बांसानराय एबा गोबां अनजिमा फोरमायनो हानाय मोनसे रावमहर । मोनसे रावनि बेबादि ओंथिगोनां रिसारनि जथायखौंनो रावमहर बुंनाय जायो एबा मोनसे रावाव बाहायनाय बाध्रानि ओंथि गोनां दुइसिन बाहागोयानो जादों राव महर । इंराजि सोदोब Un-faith-fulness (unfaithfulness) नि गेजेरजोंबो जों रोखा जानो हायो । बेवहाय गासै मोनब्रै रोखोमनि रावमहर दं । मोनोना बे मोनब्रैबो सोदोबनि ओंथिगोनां दुइसिन बाहागो (बे मोनब्रै रावमहरखौं जों नांगौबादि सोदोबफोरजों जथायनानै मोनफा मोनफा आवुं रावमहर दानो हायो । बेखायनो बेफोर मोनफा मोनफा रावमहर ।

S.A.Q.

सौलु : रावमहरथि माखौं बुडे ? (25 सो सोदोबजों फिन)

3.4 रावमहर खोनदोनि सिनायथि (Morph) :

रावमहर खोनदोयाबो रावमहरनि मोनसे गोनां आयदा । जों मोनथिगौदि मोनसे रावाव थानाय रिसारथिफोरनो जथायनानै सोदोब जायो आरो बे सोदोबफोरनि जथायजों बाध्रानि महर लायो । रावमहर खोनदोयाबो बेबादि रिसारनि जथायजोंनो सोमजिनाय मोनसे रावनि महर । सरा सनस्रा जों बेखौंनो बुंनो हायोदि अबेबा मोनसे रावनि जायखि जाया रिसारथियारि (Phonetic shape) महरानो जादों रावमहर खोनदो (Morph) । बे रिसारथियारि महरा जादों जायखि जाया सोदोबनि

बोखावजानाय दुइस्तिन बाहागो । बेखायनो बेबादि सोदोबनि बोखावजानाय दुइस्तिन महरखौबो रावमहर खोनदो बुंनाय जायो । जैरे - इराजि सोदोब shorter खौ जौ मोननै खोनदोयाव बोखावनो हागौ । जैरे - Short आरो er. वर ' गावनि ' जानगार ' सोदोबखौबो जान आरो गार बे मोननै बाहागोयाव बोखावनो हायो । गोसोयाव लाखिनो गोनादि बोखावजानाय महर खोनदोया ओंथि गोनांबो जानो हागौ आरो ओंथि गैयिबो जानो हागौ । फारसेथि आरोबाव मोनफ्रोमबो महरखोनदोयाव (Morph) राव महर (Morpheme) थानो हागौ । नाथाय मोनफ्रोमबो रावमहराव (Morpheme) रावमहरखोनदो (Morph) थानो हाया । बिदिनथि महरै जौ होनो हायोदि इराजि सोदोब Sheep -आ मोनसे बांसानराय फोरमायग्रा महर खोनदो । नाथाय बेवहाय मोननै रोखोमनि रावमहर हावनानै दं । मोनसेया जादों [sheep] आरो गुबुन मोनसेया [o] [zero suffix] । थिग बिदिनो Went सोदोबखौ बिजिरब्लाबो जौ नुनो मोनगोन बे सोदोबा मोनसे रावमहर खोनदो नाथाय मोननै रोखोमनि रावमहर मोननाय जागोन । जैरे -[go] आरो [ed] । मानोना बे जाखां बिदिनथा फोरमायग्रा मोनसे राव महरखोनदो (Morph) ।

आन्जाद लानाय (CYP)

सौलु : रावमहर खोनदो माखौ बुंनाय जायो ?

सौलु : रावमहर आरो महरखोनदोनि फारागखौ दिनथि होनानै फोरमाय ?

3.5 लोगो रावमहरनि सिनायथि (Allomorph) :

लोगो राव महराबो रावमहरथिनि मोनसे गोनां आयदा । गोजीनि आयदायाव जौ रावमहर (Morpheme) आरो रावमहर खोनदोनि सोमोनदै सावरायनाय जाबाय । मोनथिनो गोनादि गोजीवाव सावरायनाय राव महर आरो रावमहर खोनदो मोननैया अराय सम बे मोनसे महराव थाबाय थाया । मानोना गुबुन गुबुन समाव महर सोलायो । रावनि बायदि थासाथिनि गोहोमावनो बेबादि सोलायनांगौ जायो । थारै बुंनो थाडोब्ला रावमहर आरो रावमहर (महर आरो महरखोनदो) खोनदोनि रिसारफोरनि (Phoneme) सोलाय सल (Phonological alternate) जानायनि थाखायनो जायो । बे रोखोमै सोलायनानै महर मोननाय रावमहर एब

महर खोनदोफोरखौनो लोगो महर (Allomorph) होननानै बुंनाय जायो। बिदिनथि महरै जों इंराजि रावनि लोगो महरफोर जैरै /-Z/, /-S/, /-IZ/, /θ/ लोगो महर एबा लोगो खोनदो महरफोरखौ मोननो हायो। बेफोर गासिबो बां सानराय फोरमायगा लोगो महर। सोदोबनि एबा महरनि बबेबा मोनसे रिसारा सोलायनाय लोगो लोगोनो बेफोर लोगो महरनि बबेबा मोनसेयाव महर लागोन। जैरै - cups/kaps/, hubs/habz/, classes/kla:siz/ बायदि बायदि।

3.6 रावमहरफोरनि नि बाहागो (Morpheme) :

रावमहरनि बाहागोफोरखौ जों गोबां रोखोमनि मोननाय जायो। बेफोर बाहागोखौ गाहायाव होनाय जाबाय --

- (1) उदां महर (Free Morpheme)।
- (2) उदां नडैमहर (Bound Morpheme)।

उदां नडै महरखौ आरोबाव मोनथाम बाहागोयाव रानबावनाय जादों। बेफोर जादों फारियं --

- (1) गिबि दाजाबदा (Prefix)।
- (2) गेजेर दाजाबदा (Infix), आरो
- (3) उन दाजाबदा (Suffix)।

गेजेर दाजाबदाखौ आरोबाव मोनथाम बाहागोयाव रानबावनाय जादों।

जैरै -

- (1) दाजाबदाफोरजों दाजानाय (Derivational)
- (2) मोनफाल दाजाबदाजों दाजानाय (Inflectional)
- (3) उदां नडै गुबै सोदोब (Bound bases)।

दाजाबदाजों दाजानाय (Derivational) महरखौ आरोबाव मोननै बाहागोयाव राननाय जादों। जैरै -

- (1) फारिसे ओंथि गोनां महर (Class maintaining) आरो
- (2) दोरोद ओंथि गोनां महर (Class changing)

अदेबानि राव बिगियानगिरि Ronald W. Langacker बिथाङ्ग राव
महरखौ मोननै बाहागोयाव राननानै गालांदों । जैरे -

- (1) सोदोबारि (Lexical) आसे
- (2) रावखानथियारि (Gramatical) ।

S.A.Q.

सौलु : लोगो राव महरखौ बिजिरनानै लिख । (25 सो सोदोबजों फिन)

सौलु : रावमहरनि गुबै बाहागोफोरखौ फोरमायना लिख ।
(25 सो सोदोबजों फिन)

3.7 सार बाहागो (Summing Up) :

रावमहरथि एबा महरखानथिया (Morphology) राव बिगियाननि मोनसे
एंगारहायि आयदा । मोनसे जायखि जाया रावनि सोदोबफोरखौ मा राहाजों दानाय
एबा सोरजिनाय जायो बनि गोनोखोयारि सावरायनायानो जादों रावमहरथि एबा
महरखानथि । सोदोब दानायव दाजाबदाफोरा मैखोम बाहागो लायो । सोदोब दाग्रा
माखासे दाजाबदाफोरनि खामानिखौबो महरथिनि आयदायाव गुवारै सावरायनाय
जायो । रावनि दाथाय खानथिनि बाहागो जैरे रिंसारथि (Phonology) महरथि
(Morphology) आरो बाथा महरथि (Syntax) बे मोनथामनि गेजेर बाहागोनि
दाथाय खानथि (Structural Unit) ।


महरथिनि मोनसे गोनां बाहागोया जादों रावमहर (Morpheme) थौंजोडे
बुंनो धाडोब्ला रिंसार खोनदोफोरनि (Phonemes) जथायानो जादों रावमहर

(Morpheme) । राव महरखौ जों सोदोब होननानैबो बुंनो हागौ । बेखायनो जायखि जाया सोदोबनि बोखावजानाय ओंथिगोनां दुइसिन बाहागोयानो जादों रावमहर ।

रावमहरनि अनगायैबो जों आरोबाव मोनसे राव महर मोननाय जायो जायखौ जों रावमहर खोनदो बुंनाय जायो । बेखौबो जों सोदोबखौनो बुंजायो । बेखायनो जायखि जाया सोदोबनि बोखाव जानाय दुइसिन बाहागौखौनो रवमहरखोनदो (Morph) बुंनाय जायो । बे महर खोनदोया ओंथि गोनांबो जानो हागौ आरो ओंथि गैयिबो जानो हागौ । मोनथिनो गोनांदि महरखोनदोयाव रावमहर (Morpheme) थानो हागौ । नाथाय मोनफ्रोमबो राव महराव महरखोनदो थानो हाया ।

रावमहरथिनि आरोबाव मोनसे आयदाया जादों लोगो राव महर (Allomorph) । रावमहर एबा रावमहरखोनदोनि महर सोलायनायानो जादों लोगो रावमहर । अदेबानि बे महर सोलायनाया रावमहराव थानाय रिसारथिफोरनि सोलाय सलनि थाखायनो जानांगी जायो । लोगो राव महरनि बांसिनानो बां सानराय फोरमायग्रा महर ।

जायखि जाया रावनि रावमहरा गोबां अनजिमानि । बेफोर महरा रावनि सोदोब दानायाव हेफाजाब होयो । राव महरनि बाहागोखौ रोखायै मोनथिनो थाखाय गाहायनि सावगारिजों फोरमायनाय जाबाय -



3.8 जानो हाथ्याव सॉलुफोर (Probable Questions) :

1. रावमहरथि एबा महरखानथि (Morphology) माखौ बुडे ?
2. रावमहर (Morpheme) माखौ बुडे ?
3. रावमहर खोनदो (Morph) माखौ बुंताय जायो ?
4. लोगो रावमहर (SAllomorph) माखौ बुंताय जायो ?
5. रावमहर आरो रावमहर खोनदोनि फारागखौ फोरमाय ।
6. रावमहरनि बाहागोफोरखौ गुवारै फोरमाय

3.9 फरायनो गोनां बिजाबफोर (Refernces and Suggested Readings):

1. Linguistics & Phonetics : R.L. Varshney
2. Linguistics : Language, Grammar and Semantics.
: Syal and Jindal
3. Elements of General Linguistics, - Sharad
Rajimwale
4. गोजी रावखानथि : मधुराम बर' ।
5. राव बिगियान : राजेन्द्र कुमार बसुमतारि ।
6. असमीया भाषार व्याकरण : ड० उपेन्द्र नाथ ग'स्वामी ।

खोन्दो-4 (Unit-4)

रावमहर आरो रावमहर खोनदोनि रुजुनाय

खोन्दोनि महर :

- 4.1 बेखेवनाय (Introduction)
- 4.2 थांखि (Objectives)
- 4.3 रावमहर (Morpheme) आरो रावमहर खोनदोनि (Morph) रुजुनाय:
- 4.4 रिसारथिजों थि खालामनाय लोगो महर (Phonological Conditioning Allomorphe)
- 4.5 महरजों थि खालामजानाय लोगो महर (Morphonological Conditioning Allomorphe)
- 4.6 दाजाबदा (Affixes)
 - 4.6.1 उदां महर (Free morpheme)
 - 4.6.2 उदां नठै महर (Bound morpheme)
 - 4.6.3 गिबि दाजाबदा (Prefix)
 - 4.6.4 गेजेर दाजाबदा (Infix)
 - 4.6.5 उन दाजाबदा (Suffix)
 - 4.6.6 सोदोब दाया दाजाबदा (Derivational)
 - 4.6.7 दाजाबथा दाजाबदा (Inflectional)
- 4.7 : सार बाहागो (Summing Up)
- 4.8 : जानो हाथाव सौलुफोर (Probable Questions)
- 4.9 फरायनो गोनां बिजाबफोर (Refernces and Suggested Readings)

4.1 बेखेवनाय (Introduction) :

जायखि जाया मोनसे आयदानि सायाव रुजुथायारि सावरायनाया जोबोर गोनां आयदा। मानोना रुजुनायै सावरायोब्ला बे आयदानि मोजां गाजि गासै बाध्राखीं मोनथिनानै मोनो। लोगोसेनो आयदानि सायाव मोनसे रोखा मोनदांथिखीं मोननो हायो। बे नोजोरजों राव बिगियाना मोनसे गोब्राव आयदा हिसाबै बेवहाय थानाय गासै आयदाफोरनि सायाव मोनसे रुजुथायारि (Comparative) सावरायनाय थानांगौवा गोनांथार। राव बिगियानाव औरैबायदि मोननैसो आयदाफोर दं जायनि धाखाय जोंनि माखासे फरायगिरिफोरा एखमबा गोनो गोथोयाव गोयलैनांगौ जायो। जै - Phone, phoneme, allophone, आरो morpheme, morph, allomorph आरो गोबां आयदाफोर। बेफोर आयदानि सायाव रोखायै मोनथिनांगौब्ला जोंनो बिनि मोनसे रुजुथायारि सावरायनाय नांगौ जायो। बेखायनो जोंनि सावरायनां आयदा Morpheme आरो Morph नि रुजुनाया जोंनि मोनसे गोनां हाबा। मानोना बे रुजुनायनि गेजेरजों Morpheme आरो Morph नि थार मोनदांथिखीं जों मोननो हागोन। बेल नड Morpheme निनो माखासे बाहागोफोर जै Inflection आरो Derivational suffix फोरनि रुजुथायारि सावरायनायै बिसोरनि सोदोब दानाय हाबानि सायाव गुवारै मोनथिनो मोनबावगोन। बिसोरनि खामानिया जादों जायखि जाया सोदोबनि उन सिगां थाफानानै सोदोबखीं आनुं महर होनाय।

4.2 थांखि (Objectives) :

बे बाहागोनि फरायाव जों राव महरथिनि मोननैसो आयदानि सायाव गुवारै सावरायनो लानाय जादों। Morpheme आरो Morph नि मोनसे रुजुथायारि सावरायनायनि गेजेरजों बिसोरनि थार मोनदांथिखीं मोनथिनो मोननाय जागोन। बिनि अनगायैबो Allomorph नि सोमोनदैबो मोनथिनो मोननाय जागोन। मोनसे रावनि बाहायनाया सम आरो थासारिखीं लानानै एखमबा सोलाय सोल जायो। बे सोलाय सोल जानाया Allomorph नि बेलायाव बांसिन जायो। बेखायनो जों बे आयदायाव बेफोर सोलाय सोलनि जाहोनफोरखीं रोखायै मोनथिनो मोननाय जागोन। बिनि अनगायैबो Morpheme नि माखासे बाहागो जै - Inflectional, Derivational आरो Suffix नि सोमोनदैबो रोखायै मोनथिनो हागोन। Morpheme नि माखासे बाहागोफोरा सोदोब दानायव गोबां हाबा मावो आरो

बेनि सोमोनदें सावरायनायाबो बे आयदानि नोजोर आरो थांखि ।

4.3 रावमहर (Morpheme) आरो रावमहर खोनदोनि (Morph)

रुजुनायः

रावमहर एबा महर आरो रावमहर खोनदो एबा महर खोनदो मोननैया रावमहरथि एबा महरथिनि (Morphology) गोनां बाहागो । बे मोननै आयदाखीं नुनायाव रोखोमसेबादि नुब्लाबो नाथाय रोखोमसे नड । मानोना बिस्सोरनि गेजेराव गोरोबलायै दं । महर (Morpheme) -आ जादों जायखि जाया सोदोबनि बोखावजानाय ओंथिगोनां दुइसिन बाहागो । मोनसे सोदोबाव मोनसेनि बांसिन महरफोर थानो हागौ । जों मोनथिनाया मोजांदि बबेबा मोनसे महरा गाव हारसिनो मोनसे सोदोबबो जानो हागौ बे गिदिर बाध्रा नड । बिदिनथि हिसाबै हमनानै लादो मानसिफोर सोदोबखीं । बे मानसिफोर सोदोबा ओरैनो बांसानराय फोरमायग्रा महर । बेखीं जों मोननै ओंथिगोनां दुइसिन बाहागोयाव बोखावनो हागौ । जैरै मानसि + फोर ।। बेवहाय मानसि आरो फोर मोननैया मोनफा मोनफा महर (Morpheme) । नोजोर होनो गोनांदि मानसि सोदोबखीं जों बोखावबावोब्ला जेबो रोखोमनि ओंथिगोनां सोदोबनि बाहागो मोननो हाया । थिग बिदिनो फोरनि बेलायावबो बे मोनसे बाध्रावानो जायो । बेखीं जों सिफायथारब्ला ओरैसो जाहैगोन म + आ + न + स + इ । अब्ला जों रिसारथिसो मोनहैगोन । अदेबानि रिसारनि ओंथिगोनां जथायानो रावमहर (Morpheme) होनब्लाबो गोरोनथि जाया । आरोबाव मोनसे बिदिनथिनि हेफजाबै आयदानि सायाव रोखा खालामनो नाजानाय जाबाय । हमनानै लादो इराजि Unfaithfulness सोदोबाव गासै मोननै महर दं । जैरै - Un+faith+ful-ness मानोना बे मोननैया सोदोबनि बोखावजानाय ओंथिगोनां दुइसिन बाहागो । बेखायनो बेफोर गासिबो मोनफा मोनफा रावमहर (Morpheme) । रावनि महरफोरा (Morpheme) ओंथिगोनांबो जानो हागौ आरो ओंथि गैयाबो जानो हागौ । मानोना un महरा सरा सनस्रा नडै ओंथि फोरमायो । जैरै - unfaithful, unfriendly, unable बायदि बायदि । नाथाय under, sun, gun बायदि सोदोबफोराव सिफायोब्ला बिहा जेबो ओंथि थाहैया ।

फारसेथिं जायखि जाया रिसारथियारि महरखौनो (Phonetic or Phonemic shape) रावमहर खोनदो (Morph) होननानै बुंनाय जायो । बबेबा मोनसे रिसारा जैरै खेबसेल जायो एबा रिखाडे थिग बिदिनो राव महरनि गारां

बोनाया खेबसेयानो। थोंजोऱै जों बेखीबो बुंनो हायोदि सोदोबनि बोखावजानाय जायखि जाया दुइसिन ब्राहागोयानो जादों महरखोनदो (Morph)। महरखोनदोया ओंथि थायाबो जानो हागौ। नाथाय रावमहराव (Morpheme) बांसिनानो ओंथि गोनां। ओंथि गैयाब्लाबो बिहा मोनसे राव बिगियानारि दोहोरोम (Linguistic from) थाथारो। इंराजि सोदोब Shorter खीं जों बिदिनथि हिसाबै लानो हागौ। बेखी बोखावोब्ला जों मोननै रोखोमनि महरखोनदो मोननो हागौ जै short आरो et. बेवहाय मोननै महरखोनदो दंब्लाबो बेखीं गारां बोनाया नाथाय खेबसेयैनो जादों। मानोना जों गोजूबाव बुंखादोंदि जायखि जाया Phonetic shape - आनो जादों महरखोनदो। रावमहरा (Morpheme) महरखोनदो जों गोरोबा। मानोना बे phonetic shape नइ। बे मोनसे Distinct linguistic form बेखायनो मोनसे सोदोबाव मोनसेनि बांसिन महर थानो हागौ।

मोनसे नोजोर होनो गोनांदि मोनसे महरखोनदोया बबेबा मोनसे महर (Morpheme) हिसाबै नुजाथिनो हागौ। नाथाय मोनफ्रोमबो महराव (Morpheme) महरखोनदो (Morph) थानो हाया। हमनानै लादो इंराजि sheep सोदोबा मोनसे महरखोनदो। नाथाय बेवहाय मोननै रोखोमनि महर (Morpheme) दं। जैरे - [sheep] आरो [0] (zero suffix) मानोना बे मोनसे बां सानराय फोरमायग्रा महर। लोगोसेनो बेयो गाव हागसिनो बां सानराय। बेवहाय बांसानराय फोरमायग्रा दाजाबदाया थाखोमाना दं जायखीं जों [0] (zero suffix) होननानै बुंनाय जायो। फारसेथिं बे sheep सोदोबा मोनसे महरखोनदोबो (Morph) मानोना बे मोनसे Phonetic shape फोरमायदों। थिग बिदिनो - went सोदोबाव मोनसे Morph दं नाथाय मोननै Morpheme दं। जैरे - [go] आरो [ed]। बेवहाय went हिसाबै मोनसे phonetic shape जादों आरो Morpheme हिसाबै थानाय (go) थायजानि जाखां बिदिनथाखीं फोरमायदों। जैरे - [go] आरो [ed]।

आन्जाद लानाय (CYP)

सौलु : रावमहर आरो रावमहरखोनदोनि गजेराव मोनसे रुजुथाय लि।

सौलु : खोनदोमहर आरो लोगोमहरनि गजेराव मोनसे रुजुथाय लि।

4.4 रिसारथिजों थि खालामनाय लोगोमहर (Phonological Conditioning Allomorphe) :

गोजौनि आयदाफोराव जों रावनि महर (Morpheme), महरखोनदो (Morph) आरो लोगो महर (Allomorph) नि सोमोनदैं सावरायनाय जाबाय । थारै बुंनो थाडेब्ला बिसोर गासिखौबो मोनफा मोनफा सोदोबखौनो बुंजायो । महर आरो महरखोनदोया सोदोबनि दाथाय आरो थासारियाव गावसोरनि गुबै महरनि अनगायैबो गोदान मोनसे महर आरो महरखोनदोनि जोनोम जायखौ जों रावबिगियानाव लोगोमहर (Allomorph) होननानै बुंनाय जायो । नाथाय मोनथिनो गोनंदि बे लोगो महरा सोदोबाव थानाय जोबथा रिसारफोरनि थाखाय मोनसे लोगो महरा गुबुन मोनसे लोगो महराव सोलायलाडे । बेबादि रिसारजों सोलायजानाय लोगो महरखौनो रिसारजों थि खालामजानाय लोगोमहर होननानै बुंनाय जायो । जायखौ इंराजियाव Phonological conditioning allomorph बुंनाय जायो । बिदिनथि हिसाबै जों होनो हायो जेरै - /-s/, /-z/, /-iz/ बेफोर गासिबो मोनफा मोनफा इंराजिनि लोगोमहर (Allomorph) । नाथाय बेफोर गुबुन गुबुन महर एबा महरखोनदोफोरनि जोबथा रिसारनि थाखाय गुबुन महराव सोलायलाडे । जायखि जाया सोदोबनि जोबथा रिसार एबा रिसार खोनदोया /p,t,k/ जायोब्ला बिनि महरखोनदोया /-s/ जागोन नाथाय /-z/ जानो हानाय नडा । बिदिनो /-b,d,g/ रिसारथिजों जोबथानाय सोदोबफोराव बिनि महरखोनदोया /-z/ जागोन नाथाय /-s/ जानाय नडा । रिसारथिजों थि जानाय लोगोमहरनि बिदिनथिखौ गाहायाव मोननैसो होबावनाय जाबाय --

/-s/	/-z/	/-iz/
cups/kaps/	hubs/habz/	classes/kla: siz/
hats/hQts/	hands/hQndz/	mazes/meiziz/
thanks/OQNks	dogs/dogz/	dishes/difiz/

आरो गोबां ।

4.5 महरजों थि खालामजानाय लोगोमहर (Morphological Conditioning Allomorphe) :

गोजौनि सावरायनायाव जों रिसार खोनदोजों एबा रिसारजों थि

खालामजानाय लोगोमहरनि बाश्चाखौ मोनथिनानै मोनबाय । थिगबिदिनो महरजोंबो थि खालामजानाय लोगो महरबो मोननाय जायो । बेखौनो जों इराजियाव Morphological conditioning allomorph होननानै बुंनाय जायो । हमनानै लादो इराजि महर एबा सौदोबफोर -- man-men, child-children, deer-deer आरो गोबां । बेवहाय men, children आरो deer सौदोबा बां सानराय फोरमायग्रा महरजोब । लोगोसेनो man महरनिफ्राय men महर एबा बांसानराय खालामनायाव सिगांनिबादि जेबो रोखोमनि रिसारथियारि सोलाय सोल जानाडखे । सिगांनि आयदायाव जों सौदोबनि जोबथा रिसारनि सायाव सोनारनानै लोगो महर (allomorph) सोलाय सोल जादोंमोन नाथाय बै मोनथाम सौदोबाव जों जेबो रोखोमनि phonetic or phonological variation मोननाय जायाखे । अदेबानि बै मोनथाम महरनिफ्राय जों गोदानै आरोबाव मोनफा मोनफा बांसानराय फोरमायग्रा महरखौ (morpheme) मोनबावदोंसो । मानोना बिसोर गाव गावनो मोनफा मोनफा महरब्लाबो बां सानराय फोरमायग्रा लोगो महरनि खामानिखौबो भावफादों । बेबादि महरजों फोरमायनाय लोगो महरखौनो महरजों थि खालामजानाय लोगो महर एबा Morphological conditioning allomorph बुंनाय जायो ।

S.A.Q.

सोंलु : रिसारजों थि खालामजानाय लोगो महर आरो
महरजों थि खालामजानाय लोगो महरनि
गेजेराव मोनसे रुजुनाय लिर । (30 सो सौदोबजों फिन)

4.6 दाजाबदा (Affixes) :

दाजाबदायाबो महरखानथि एबा महरथिनि (Morphology) मोनसे गुबै आयदा । थारै बुंनो थाडोब्ला राव बिगियाननि नोजोरजों महरनि (Morpheme)

गासै बाहागोयानो दाजाबदा । मानोना बांसिन महरानो दाजाबदाजों समान । सोदोब दानायाव बैफोर महरनि खामानिया जुदा जुदा जानायनि थाखायसो बिसोरखौ जुदा जुदा मुं होनाय जादों बुंस्ता बारा बुंनाय जानाय नडा । जोंनि बर' रावावबो बिदिनो दाजाबदाफोरनि आखुखौ नायनानै गोबां बाहागोयाव राननाय जादों बरनि बांसिन दाजाबदायानो morpheme जों समान बुंनो हायो । आयदायाव दाजाबदाखौ महरनि (Morpheme) बेनदोडव लाफानानै महरखानधि (Morphology) नि नोजोरजों महरनि मोनफोमबो बाहागोखौ गुवारै सावरायनो नाजानाय जादों । मानोना दाजाबदा आरो महर बे मोननैया गोराबलायो जुदा नडा । बेखायनो जों बुंनो हायो बे मोननैया गावजों गाव Complementary एबा हेफाजाव होलायगा । नाथाय उलथा एबा contradictory नडा । गाहायाव दाजाबदा एबा महरफोरनि बाहागोफोरखौ मोनफा मोनफायै महरनि नोजोरजों सावरायनाय जाथोंसै ।

4.6.1 उदां महर (Free Morpheme) :

जों गोजूवाव सावराय खानाय जादोंदि जायखि जाया रावाव बाहायजानाय सोदोबनि ओंथिगोनां दुइसिन बाहागोयानो जादों रावनि महर । बे मोनसे रिसारनि जथाय । रावनि बेबादि माखासे महरफोर दं । बिनिनो माखासेया गावबा गाव हारसिडैनो मोनफा मोनफा आवुं ओंथि गोनां सोदोब फोरमायो । नाथाय माखासेया बेबादि आवुं ओंथि फोरमायनो हाया । बैफोर ओंथिगोनां सोदोब एबा महरफोरखौनो महरखानथियाव उदां महर बुंनाय जायो । जेरै इराजिनि boy, cat, dog सोदोबफोरा मोनफा मोनफा उदां महर । नाथाय -ness, -less, -pre, -ment बेफोर सोदोबा उदां नडै महर ।

4.6.2 उदां नडै महर (Bound Morpheme) :

जायखि जाया सोदोबनि ओंथिगौयि दुइसिन बाहागोयानो जादों उदां नडै महर । उदां नडै गासिबो महरा गुबुन सोदोबजों जफानानै सोदोबखौ ओंथि गोनां खालामो । नाथाय बिसोर गाव हारसिडै जेबो खामानि मावनो हाया । जेरै इराजिनि happiness सोदोबाव -ness महरा जफानानैसो सोदोबखौ ओंथि गोनां खालामदों । नाथाय बिहा हारसिडै जेबो गोहो गैया । थिग बिदिनो useless, precaution,

development, frankly बायदि सोदोबफोराव थानाय -less, -pre, -ment, -ly गसिबो उदां नडै महर।

4.6.3 गिबि दाजाबदा (Prefix) :

उदां नडै महरफोरनि खायफा महरानो गिबि दाजाबदा। मानोना उदां नडै महरनि माखासे महरा सोदोबनि सिगाडव जफादेरनानै सोदोबनि ओंथिखी आबुं खालामो। जैरे - इराजिनि unfaithful सोदोबाव थानाय un महरा गिबि दाजाबदा आरो -ful महरा उन दाजाबदा (suffix)। बेवहाय faith सोदोबा गुबै एबा थार (Root) सोदोब।

4.6.4 गेजेर दाजाबदा (Infix) :

गेजेर दाजाबदाया जादों गुबै सोदोबनि गेजेराव जफानानै सोदोबनि ओंथिखी सोलायहोयो। बिदिनथि हिसाबै जों मोननो हायो। जैरे - इराजि सोदोब unknowingly आ मोनसे आबुं सोदोब। बेवहाय जों सोदोबखी बोखावक्ता एरे मोनगोन -un+know+ing+ly. un महरा गिबि एबा .सिगां दाजाबदा, know महरा गुबै एबा थार सोदोब (Root word)। -ing महरा गेजेर दाजाबदा (Infix) आरो ly महरा उनदाजाबदा (suffix)।

4.6.5 उनदाजाबदा (Suffix) :

जायखि जाया गुबै सोदोबनि उनाव जफानानै गुबुन ओंथि फोरमावनो हानाय महरफोरानो उन दाजाबदा। मोनसे राबाव जों बेवादि मोबां अजिमानि दाजाबदाफोर मोननो हायो। आयदानि सायाव रोखा जानो थारखय मोननैसो बिदिनथि होनाय जाबाय। जैरे - happiness, faithful, careless, yearly, deer सोदोबफोराव मोनफा मोनफा दाजाबदा मोननाय जायो। बेवहाय फारिबै -ness, -ful, -less, -ly आरो O (zero suffix) - आ मोनफा मोनफा दाजाबदा।

4.6.6 सोदोब दाग्रा दाजाबदा (Derivational) :

गोजौनि आयदायाव जों मोनबोबायदि जायखि जाया गुबै सोदोबनि उनाव एबा सिगाडव मोनसे नडा मोनसे दाजाबदा फजदेरनानै सोदोबनि ओंथिखी सोलाय

सोल खालामनाय जायो। नाथाय बे सोदोब दाग्रा महराव दाजाबदा फजनाया एसे जुदा रोखोमनि। मानोना बेवहाय बेफोरनिबादि मोनफाल दाजाबदा फजनायै दोननाय जाया। सोदोब दाग्रा महराव मोनसेनि बांसिन दाजाबदा फजनायै सोदोबनि ओंथिखी सोलायनाय जायो एबा गोदान सोदोब दानाय जायो। बिदिनथि हिसाबै जों agreements, agreeableness सोदोबखी हमनानै लादो। बे मोननै सोदोबाव agree -आ जादों गुबै सोदोब आरो -ment, -s, -able, -ness -आ गासिबो दाजाबदा। नाथाय मोनथिनो गोनांदि गिबि सोदोब agree नि उनाव -ment दाजाबदाखी फजनायनि उनावबो -s दाजाबदाखी फजबावनानै आरोबाव मोनसे गोदान सोदोब (agreements) दानाय जादों। नैथि सोदोब agreeableness - आवबो गुबै सोदोब (Root) agree-नि उनाव -able दाजाबदा फजखानायनि उनाव आरोबाव मोनसे दाजाबदा -ness -खी फजनायै गोदान सोदोब मोनसे agreeableness -खी दानाय जादों। बेफोरबादि राहा गोनां दाजाबदाखीनो सोदोब दाग्रा दाजाबदा (Derivational) होनानै बुंनाय जायो।

4.6.7 दाजाबथा दाजाबदा (Inflectional) :

गोजीनि सोदोब दाग्रा दाजाबदा (Derivational) आरो दाजाबथा सोदोब (Inflectional) बे मोननैबो समान। मानोना बेफोर मोननैबो दाजाबदायानो। नाथाय सोदोब दानायनि बेलायाव एसे गोरोबलायै दं। थेवबो बिसोर गुबै सोदोबजों जफानानै सोदोबनि ओंथिखी सोलायहोयो। जों मोनधिगीदि सोदोब दाग्रा दाजाबदाखी गुबै सोदोबजों फजनायै गोदान सोदोब दानाय जायो। लोगोसेनो बे दाजाबदाजों आरोबाव दाजाबदाफोर दाजाबनानै सोदोबखी फोलावलांनो हायो। नाथाय दाजाबथा दाजाबदाखी गुबै सोदोबनि उनाव फजयोब्ला बेवहाय गुबुन जेबो रोखोमनि दाजाबदा फजबावनायनि राहा थाहैया। बे रोखोमनि दाजाबदाखीनो दाजाबथा दाजाबदा बुंनाय जायो। जेरै - इराजि सोदोब agreed, agrees, सोदोबाव -d आरो -s दाजाबदा मोननै दं। बे रोखोमनि (-d, -s) दाजाबदा थानायनि थाखाय जों आरो गुबुन दाजाबदा फजबावनायनि खाबु गैला। बे रोखोमनि दाजाबदाखीनो जों दाजाबथा दाजाबदा (Inflectional) होनानै बुंनाय जायो।

आन्जाद लानाय (CYP)

सॉलु : रिसारथिजों थि खालामनाय लोगो महर माखौ बुडे ?

सॉलु : महरजों थि खालामनाय लोगो महर माखौ बुडे ?

सॉलु : महरनि सुंद सिनायथि आरो बिसोरनि गासै बाहागोफोरखौ बिदिनथि होनाँ लिर ।

4.7 सार बाहागो (Summing Up):

जायखि जाया आयदानि सायाव मोनसे रुजुथायारि सावरायनाय धानाया गोनांथार । रुजुथायारि सावरायनायनि गेजेरजों मोनसे एबा बिनि बांसिन आयदानि सायाव रोखायै मोनथिनानै मोने । Morph आरो Morpheme बे मोननैनि गेजेराव मोनसे रुजुथायारि सावरायनायनि गेजेरजों बिसोरनि गेजेराव धानाय गोरोबनाय आरो गोरोबैनि सोमोनदै रोखा मोनथिनो मोनगोन । बेल नड जों मोननाय Phonological conditioned allomorph आरो Morphological conditioned allomorph नि गेजेराव मौजाडै मोनसे रुजुथायारि सावरायनायनि गेजेरजों बिसोरनि सोमोनदै मोनथिनो हायो । बिदिनो Derivational आरो Inflectional महरनि सोमोनदैबो मोनथिनो हागोन । जायखि जाया Phonetic एबा Phonemic shape खौनो महरखोनदो बुंनाय जायो । फारसेथि ओंथिगोनां सोदोबनि बोखावजानाय दुइमिन बाहागोखौनो महर (Morpheme) बुंनाय जायो । राव बिगियाननि महरथियाव धानाय बांसिन महरफोरानो लोगो महर (allomorph) थायो । बेफोर लोगो महरफोरखौ जों मोननै रोखोमनि मोननाय जायो । मोनसेया जादों रिसारथिजों थि खालामनाय लोगो महर (Phonological conditioned allomorph) आरो मुबुन मोनसेया जादों महरजों थि खालामजानाय लोगो महर (Morphological conditioned allomorph) । महरखानथिनि आरोबाव मोनसे गोनां आयदाया जादों दाजाबदा (Affixes) । बे दाजाबदाखौबो जों गोबां रोखोमनि मोननाय जायो । जैर सोदोब दाया दाजाबदा (Derivational) आरो सोदोब दाजाबदा दाजाबदा (Inflectional) । बेफोरनि सायावबो जों रुजुथायारि सावरायनायनि गेजेरजों आयदानि सायाव रोखायै मोनथिनो हानाय जायो ।

4.8 जानो हाथाव सौलुफोर (Probable Questions) :

1. महर आरो महरखोनदोनि गेजेराव मोनसे रुजुथाय लिर।
2. रिसारथिजों थि खालामनाय लोगो महर माखौ बुडे ?
3. महरजों थि खालामनाय लोगो महर माखौ बुडे ?
4. महरनि मोनफ्रोम बाहोगोनि सुंद सिनायथि लिर।
5. सोदोव दाघा दाजाबदा आरो दाजाबथा दाजाबदानि मोनसे रुजुथाय लिर।

4.9 फरायनो गोनां विजावफोर (Refernces and Suggested Readings) :

1. Linguistics and Phonetics : R. L. Varshney.
2. Linguistics Language, Grammar and Semantics, Syal and Jindal
3. Elements of General Linguistics, -- Sharad Rajimwale.
4. गोजौ रावखानथि : मधुराम बर'।
5. राव बिगियान : राजेन्द्र कुमार बसुमतारि।

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism
M.A./M.Sc. in Economics, Mathematics
M.Com

PG Diploma Programme:

Sales & Marketing Management (PGDSMM)
Human Resource Management (PGDHRM)
Journalism & Mass Communication (PGDJMC)
Business Management (PGDBM)
Finance Management (PGDFM)
Banking & Financial Services (PGDBFS)
Insurance & Risk Management (PGDIM)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT




GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-VIII(2)



INSTITUTE OF DISTANCE AND OPEN LEARNING
GAUHATI UNIVERSITY



BODO

Paper VIII

PHONETICS, PHONEMICS & MORPHEMICS

Block 2

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

ব্ৰৈথি বিলাই -VIII (Paper VIII)

বাহাগো - 2 (Block-2)

রিসারথি আরো মहरखान्थि

आयदाफारि (Contents)

बाहागोनि बेखेवनाय (Block Introduction)

खोन्दो - 1 (Unit - 1)

बर' रावनि बोखावजानाय रिसारथिफोर

खोन्दो - 2 (Unit - 2)

बर' रावनि बोखावजायि रिसारथिफोर

खोन्दो - 3 (Unit - 3)

बर' रावनि महर

खोन्दो - 4 (Unit - 4)

बर' रावनि मुंमायारि गाहाय रावखान्थियारि बाहागो

Contributor

Rajendra Basumatary
Unit - 1, 2, 3 & 4

Department of Bodo
Udalguri College

Content Editing

Dr. Swarna Prabha
Chainary

Department of Bodo
Gauhati University

Cover Page Design

After Ali

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

. बाहागो (Block) - 2

बाहागोनि बेखेवनाय (Block introduction) :

बे बोहागोयाव गुबैयै बर' रावनि रिसारथि आरो महरखान्थिनि सोमोन्दै सावरायनाय जागोन। आयदानि सायाव गुवारै सावरायनो धाखाय बे बाहागोखौ मोनब्रै खोन्दोयाव रानबावनाय जादों। मोनफ्रोमबो खोन्दोखौ आरो फिसा फिसा बाहागो राननानै सावरायनाय जादों।

गिबि खोन्दोखौ 'बर' रावनि बोखावजानाय रिसारथिफोर' मुं होनानै बर' रावनि रिसारथिफोरनि सोमोन्दै गुवारै सावरायनाय जादों।

नैथि खोन्दोखौ 'बर' रावनि बोखावजायि रिसारथिफोर' मुं होनानै फिसा फिसा बाहागो राननानै सानरायनाय जादों।

धामथि खोन्दोयाव 'बर' रावनि महर' मुं होनानै महरनि सिनायथि, बाहागो, लोगोमहर बायदिफोरनि सोमोन्दै गुवारै सावरायनाय जादों।

ब्रैथि खोन्दोखौ 'बर' रावनि मुंमायारि गाहाय रावखान्थियारि बाहागोफोर' मुं होनानै फिसा फिसा बाहागो राननानै गुवारै सावरायनाय जादों।

मोनफ्रोमबो खोन्दोयावनो S.A.Q., आन्जाद लानाय, जानो हाधाव सौलुफोर, फरायनो गोनां बिजावफोरनि फारिलाइ होफानाय जादों।

बे बाहागोनि खोन्दोफोरा जाबाय :

खोन्दो -1 (Unit-1) : बर' रावनि बोखावजानाय रिसारथिफोर

खोन्दो -2 (Unit-2) : बर' रावनि बोखावजायि रिसारथिफोर

खोन्दो -3 (Unit-3) : बर' रावनि महर

खोन्दो -4 (Unit-4) : बर' रावनि मुंमायारि गाहाय रावखान्थियारि

बाहागो

खोन्दो-1 (Unit-1)

बर' रावनि बोखावजानाय रिसारथिफोर

खोन्दोनि महर :

- 1.1 बेखेवनाय (Introduction) :
- 1.2 थंखि (Objectives) :
- 1.3 बर' रावनि गारां रिसारथि :
- 1.4 गारांनै रिसारथि (Diphthongs) :
- 1.5 गारां रिसारथिनि फारि :
- 1.6 बर' रावनि खौरां रिसारथि :
- 1.7 जथाइ खौरां रिसारथि :
- 1.8 खौरां रिसारथिनि फारि :
- 1.9 सार बाहागो (Summing Up) :
- 1.10 सोदोबबाखि (Glossary) :
- 1.11 जानो हाथाव सौलुफोर (Probable Questions) :
- 1.12 हेफाजाव लानाय आरो फरायनो गोनां बिजावफोर (References and Suggested Readings):

1.1 बेखेवनाय (Introduction) :

रिसारथिया सोदोबनि फिसा खोन्दो। जायखीं खोनानो मोनो, खुगानि बबेबा

दाबसेयाव सोमजिहोने हायो । बेनिखायनो बिब्दि रिसारथिखौ बोखावजानाय रिसारथि (Segmental Phoneme) बुडो । बर' रावाव बिब्दि बोखावजानाय रिसारथिखौ गारां रिसारथि (Vowel Phoneme) आरो खौरां रिसारथि (Consonant Phoneme) बाहागो मोननै खालामदों ।

1.2 थारिख (Objectives) :

बे आयदायाव राबबिगियाननि बर' रिसारथि (Phonology)-नि सायाव मिथि होने नाजादों । रिसारथिनि गारां आरो खौरां रिसारथिफोरनि बर' रावाव बाहाय जानायफोरनि सायाव फोरमायगोन । गारां रिसारथिनि सोमजिनाय आरो खौरां रिसारथिनि सोमजिनाया आलादा आलादा बेखौ फोरमायगोन ।

1.3 बर' रावनि गारां रिसारथि :

बे रिसारथिफोरखौ गारां बोब्ला देहा सिनिफ्राय गबोनाय बारा खुगानि जेरावबो नांथाया । बर'वाव मोन द गारां रिसारथिफोर दं । बेफोर फारियै - अ, आ, इ, उ, ए आरो ओ रिसारथि । गारां रिसारथिफोरा गारां (Voiced) गोनं । बेफोर रिसारथिफोरखौ सालाइनि सिगां बाहागो, गेजेर आरो उन, बिब्दिनो सालाइनि गाहाय गोजौखौ गाहाय, हायगा आरो गोजौ आरो गुस्थिनि अरनायखौ लानानै बेखन आरो बेखन नडिबाहागो राननाय जायो । । अ । रिसारथियाव सालाया एसे खुगानि गेजेर बाहागोयाव थायो, सालाइनि उन बाहागोयाव रिसारहोजायो आरो गुस्थिया दुलुर जायो । । आ । रिसारथियाव सालाया गाहायाव थायो । रिसारा सालाइनि गेजेर बाहागोयाव आरो गुस्थिया गुवार जायो । । इ । रिसारथिया सालाइनि मोखां बाहागोयाव, सालाया गोजौवाव थायो आरो गुस्थिया गुवार जायो । । उ । रिसारथियाव सालाया गोजौ जौखोयो, सालाइनि उन बाहागोयाव सोमजियो आरो गुस्थिया दुलुर जायो । । ए । रिसारथियाव सालाया गेजेराव थायो, सालाइनि मोखां बाहागोयाव आरो गुस्थिया गुवार जायो । 'ओ' रिसाराव सालाया गोजौ जौखोयो, सालाइनि उन बाहागोयाव सोमजियो आरो गुस्थिया गुवार जायो ।

आन्जाद लानाय (CYP)

सौलु : बर' रावनि मोनद गारां रिसारथिफोरा मा मा रिसारहोरा अंगफोरजों आरो मा बादियै रिसारहोजायो लि ।

सोदोबाव गारां रिसारथिफोरनि जनाय जायगाया गाहायाव होनाय बादि --

<u>रिसारथि</u>	<u>सिगां</u>	<u>गेजेर</u>	<u>उन</u>
।अ।	अमा,	फसं	गथ
	अखाफोर	हर	मा
	अननाय	नखर	ल
	अनसुलि	महर	बर
।आ।	आमाइ	अखाफोर	दैमा
	आबाद	आबादारि	हा
	आखाइ	खहाव	नसा
।इ।	इसिं	बिर	सि
	इनजुर	हासिब	सिरि
	इन्दि	नारसिन	फरायसालि
।उ।	उवाल	आलुरि	हायथु
	उन्दु	जासुलि	बानलु
	उखै	बिगुर	आन्धु
	उखुन्दै	लुदुरगा	बिदु
।ए।	एनजर	नुफेर	नाब्ले
	एर	मेगन	दानफले
	एरफ्ले	नागेर	नारफले
।ओ।	ओंखाम	बिसोर	दो
	ओंखि	बिलोमा	बिलो
	ओलैसो	गोसोम	नारसो

SAQ :

सोंलु : गारां रिसारथिफोरनि जनाय जायगानि सोमोन्दै मा मिथिगौ
बिदिन्थिजों लिर (मोन 30 सोदोबनि गेजेराव) ।

.....

.....

.....

बर' रावनि गारां रिसारथिफोरखौ गाहायाव होनाय सावगारिजों फोरमायनो हायो -

	सिगां	गेजेर	उन
गोजी	इ		ओ उ
हायगा	ए		अ
गाहाय		आ	

1.4 गारांनै रिसारथि (Diphthongs) :

गारांनै रिसारथियाव सालाया मोनसे गारां रिसारथिनिफ्राय दोरोदनानै गुबुन मोनसेसिम बारस्लाय लाडो । अब्ला बेबादि रिसारथिनि दोरोदलांनायखौनो गारांनै रिसारथि बुंनाय जायो । गारां रिसारथि मोननैनि आवगायाव थानाय रिसारथिया गोनां सिनब्ला एबा रिखां सिनोब्ला बे गारांनै रिसारथिखौ गोलै लांनाय (falling) गारांनै रिसारथि बुडो । गुबुन फारसे उनाव थानाय गारां रिसारथिया रिखां सिनोब्ला एबा गोनांसिन जायगा लायोब्ला, अब्ला बेखौ जौगाखां (rising) गारांनै रिसारथि बुडो ।

बर' रावावबो गारांनै रिसारथिखौ बाहाय जानाय नुयो — आइ, ओइ, अइ, आउ, इउ, ओउ, फोरानो बेनि बिदिन्थि ।

/आइ/ : हाथाइ, मायथाइ

/ओइ/ : लैधो, मैसो

/अइ/ : गइ

/आउ/ : लाउ, बाउ

/इउ/ : जिउ, फिउ

/ओउ/ : गोजू, गोबू

1.5 गारां रिसारथिनि फारि :

जेब्ला गारां रिसारथिफोरा मोनसे सोदोबाव फारिये जगोन, अब्ला बे जायगा लानाय रिसारथिफोरखौ गारां रिसारथिनि फारि (Contact Vowel) बुडे । गारांनै गारां रिसारथि आरो नांजाव गारां रिसारथिजो गोबां समाव गोरोबलायनाय नुयो । गारांनै रिसारथिया मोनसे रिसार जथायाव (syllable) जयो । नाथाय गारां रिसारथिनि फारिया मोनसे सोदोबाव थायोब्लाबो बेफोर आलादा आलादा रिसार जथायावसो रिसारहोजायो । जेरे -- औवाबारि, दाउखौवा बायदि बायदि ।

SAQ

सोलु : गारांनै रिसारथि माखौ बुडे लि (मोन 20 सोदोबनि गेजेराव) ।

.....
.....
.....

सोलु : गारां रिसारथिनि फारि माखौ बुडे लि (मोन 20 सोदोबनि गेजेराव) ।

.....
.....
.....

सौलु : गारांनै रिसारथि आरो गारां रिसारथिनि फारिनि गेजेराव थानाय
फारागखौ बिदिन्थिजों फोरमाय (मोन 30 सोदोबनि गेजेराव) ।

.....
.....
.....
.....

1.6 वर' रावनि खौरां रिसारथि :

जाय रिसारखौ रिसार होयोब्ला देहासिनिप्राय गबोनाय बारा खुगा बाहागोनि जायखिजाया दाबसेयाव सौदावनानै हेंथा मोनो बेफोर बादियै रिसारहोजानाय रिसारखौनो खौरां रिसारथि खौरां हांखो बुझे । वर' रावाव खौरां रिसारथिया गासै मोन 16 (जिद) । बेनि गेजेराव मोननै खाव गारां-हांखो (Semi-vowel) दं । बेफोर रिसारथिफोरखौ गारां बोनाय जायगा (Place of articulation) आरो गारां बोनाय आखुथाइ (manner of articulation)- खौ लानानै खौरां रिसारथिखौ बाहागो खालामदों । खौरां रिसारथिखौ गारां गोनां (voiced) आरो गारां गैयि (voiceless) दिन्थिबावनो हायो ।

गारां बोनाय जायगा

		गुस्थिजाव		हाथाइगुदि		थालो		थालोउन		गारामा	
		गा:गै:	गा:गो:	गा:गै:	गा:गो:	गा:गै:	गा:गो:	गा:गै:	गा:गो:	गा:गै:	गा:गो:
गारां बोनाय आखुथाइ	गारां गुरै		ब		द				ग		
	गारां गोरा	फ		थ				ख			
	हादुं			स	ज					ह	
	गन्थडारि		म		न				ड		
	खम्फखां				र						
	सालायारि				ल						
	खाव-गारां हांखो		व					य			

बर' राबनि खौरां रिसारथि आरो खाव -गारां हांखोफोरा फारियै -- /ब द ग फ
थ ख स ज ह म न ड र ल/ आरो मोननै खाव-गारां हांखोफोरा /व य/ ।

/फ थ ख/ —रिसारथिफोरा गारां गैयि गुस्थिजाब, हाथाइगुदि, धालोउनाव
सोमजिनाय गारां गोरा सुइजाब रिसारथि । बेफोर रिसारथिफोरा सोदोबनि सिगां आरो
गेजेर बाहागोयाव जयो । नाथाय सोदोबनि जोबथा बाहागोयाव जवा । जैरै :

/फ/ : फाखन, फिसाज्ला, बिफा, खाफाल

/थ/ : थाखा हाथाइ, फिथाइ, धांखु

/ख/ : खाफाल, खन्थाइबिखा बायदि बायदि ।

/ब द ग/-आ बर'नि सोदोबफोराव बाहायफ्लेजानाय रिसारथि । बेफोर
रिसारथिफोरा फारियै गारां गोनां, गुस्थिजाब, हाथाइगुदि आरो धालोउनाव सोमजिनाय
गारां गुरै बाहागोनि ।

बे मोनथाम रिसारथिफोरनि गेजेराव /ब द/-आ सोदोबनि मोनथामबो जायगायाव
जयो । नाथाय /ग/-आ सोदोबनि जोबथा जायगायाव जवा । बेयो सोदोबनि सिगां आरो
गेजेर जायगायावल जयो । .

/ब/ : बाहागि, बिबार, बिजाव

/द/ : दैखर, हादर, आबाद

/ग/ : गोजा, बिगोमा

/स ह/ : बे रिसारथिफोरा गारां गैयि हाथाइगुदि, गारामायाव सोमजिग्रा हांदु
बाहागोनि ।

बे मोननैबो रिसारथिया बर' रावाव सोदोबनि सिगां आरो गेजेर जायगायावल
जयो । सोदोबनि जोबथा जायगायाव बेफोरनि बाहायथिखौ नुनो मोना ।

/स/ : साहा, फिसाज्ला

/ह/ : हाथाइ, गाहाय

/ज/ —रिसारथिया गारां गोनां, हाथायगुदियाव सोमजिनाय हांदु रिसारथि । सोदोबनि
दाबफ्रोमबो जायगायाव बेयो जायो । जैरै :

/ज/ : जारौ, बिजाव, आरज

बबेखानि सोदोबनि दाबफ्रोमबो जायगायाव जयो होनना बुंसेयावबो जोबथा जायगायाव बेनि जनाया जोबोद गेसैं ।

/म न ड —रिसारथिफोरा गारां गोनां गुस्थिजाब, हाथाइगुदि, थालोउनाव सोमजिनाय नेरखां रिसारथि । /म न/ रिसारथिफोरा सोदोबनि गसिबो जायगायाव जयो । नाथाय / ड/ रिसारथिया सोदोबनि सिगां जायगायाव जवा गेजेर आरो उनावल जयो । जैरै :

/म/ : मेगन, खामफ्लाइ, जुखाम

/न/ : नेरसोन, बिनानाव, हादान

/ड/ : मंगल, नोंजों, आंजों ।

/र ल/ —रिसारथिफोरा हाथाइगुदियाव रिसारहोजानाय गारां गोनां फारियै खम्फिखां आरो सालायारि रिसारथिफोर । बे मोननै रिसारथिफोरा सिगां, गेजेर आरो उन, सोदोबनि मोनथामबो जायगायाव जयो । जैरै :

/र/ : रां, सोरजिगिरि, बिबार ।

/ल/ : लाथा, थालिर, गुथाल

/व य/ —बे मोननै खाव-गारां रिसारथिफोरा गारां गोनां फारियै गुस्थिजाव आरो थालोयाव सोमजिनाय रिसारथि । मोननैबो रिसारा सोदोबनि सिगां बाहागोयाव जवा । गेजेर आरो उन बाहागोयावल जयो । जैरै :

/व/ : लावगा, राव

/य/ : गाय, साय

SAQ

सॉलु : बर' रावाव गारां बोनाय जायगा आरो आखुथाइनि सायाव सोनारनानै खौरां रिसारथिफोरखौ मोनबेसे रोखोमनि मोनो लिर (मोन 30 सोदोबनि गेजेराव) ।

.....
.....
.....

सौलु : बर' रावनि मा मा खौरां रिसारथिफोरा सोदोबनि मोनथामबो जायगायाव जयो बिदिन्थिजों फोरमाय (मोन 30 सोदोबनि गेजेराव) ।

.....
.....
.....
.....

सौलु : बर' रावनि मा मा खौरां रिसारथिफोरा सोदोबनि मोनफोमबो जायगायाव जवा बिदिन्थिजों फोरमाय (मोन 20 सोदोबनि गेजेराव ॥

.....
.....
.....

1.7 जथाइ खौरां रिसारथि :

मोनसे सोदोबाव जेब्ला खौरां रिसारथिफोरा नांजाबलायना थागोन अब्ला बेखौरां जथाइ खौरां रिसारथि (Consonant Cluster) बुंनय जायो । मुख जायो, जथाइ खौरां रिसारथि जानो धाखाय रिसारथिफोरा मोनसे रिसार जथायावनो रिसार होजानाय जानांगी । जैरे : जन्ना, अब्ला, गोददै, खाददै बायदि बायदि ।

बे जथाइ खौरां रिसारथिखौ मोननै बाहागोयाव रानदों ।

- (1) जावजा जथाइ खौरां रिसारथि (Geminate Consonant Cluster) आरो
- (2) जावजा नडि जथाइ खौरां रिसारथि (Non-Geminate Consonant Cluster)

(1) जावजा जथाइ खौरां रिसारथि : बर' रावाव माखासे सोदोबफोर दं जाय सोदोबफोराव मोनसे खौरां रिसारथियानो खाथि खाथि जिरायलायो । बेबादि रिसारथिनि जिरायलायनायखौरां जावजा जथाइ खौरां रिसारथि (Geminate Consonant Cluster) बुंनय जायो । जैरे --

गोज्जा - ग + ओ + ज + ज + आ

गोस्सोम = ग + ओ + स + स + ओ + म

गोग्गा = ग + ओ + ग + ग + आ

मुंखजायो, जावजा जथाइ खौरां रिसारथिखौ बर' रावाव सरासनस्रायै मानगोनां रावनिखूइ रावसायावसो बांसिन नुनो मोनो।

(2) जावजा नडि जथाइ खौरां रिसारथि : बर' रावाव बे हारिनि रिसारथिनि सरजाबलायनायखौ गोबां बिबाडव मोनो। जेब्ला मोनसे सोदोबाव, मोनसे रिसार जथायाव रोखोमसे नडिरिसारथिफोरा सरजाबलायो अब्ला बे सरजाबलायनायखौनो रोखोमसे नडि जथाइ खौरां रिसारथि (non-geminate consonant Cluster) बुंनाय जायो। जैरै :

जन्ना = ज + अ + ब + र + आ

सि = स + र + इ

बायह्ला = ब + आ + य + ह + र + आ

रोनसोन्दि = र + ओ + न + स + ओ + न + द + र + इ

ज्राव = ज + र + आ + व

मिनिस्लु = म + इ + न + इ + स + ल + उ

गामब्ला = ग + आ + म + ब + ल + आ

ग्लोब = ग + ल + ओ + व

अनद्ला = अ + न + द + ल + आ

फ्लाम = फ + ल + आ + म

सिनि = स + न + इ

ग्रोन = ग + र + ओ + न

बाखि = ब + आ + ख + र + इ

जोख्लाव = ज + ओ + ख + ल + आ + व

दैज्तां = द + ओ + इ + ज + ल + आ + ड

1.8 खौरां रिसारथिनि फारि :

सोदोब मोनसेयाव जेव्ला खौरां रिसारथिफोरा फारि फारि जलाडे, खौरां रिसारथिफोरनि गेजेराव जेबो गारां रिसारथि जवा अब्ला बिदि खौरां रिसारथिफोरनि जनायखौनो खौरां रिसारथिनि फारि (contact consonant) बुडे। बेबादि रिसारथि जनाने सोमजिनाय सोदोबफोरखौ गोबां मोनो। मुंखजायो, खौरां रिसारथिनि फारियाव खौरां रिसारथिफोरा खाधि खाधि थालायब्लानो जायो, मोनसे रिसार जथायाव थानांगौनि जेबो गोनाथि गैया। जेरै --

सानसि	- स + आ + <u>न + स + र</u> + इ
खावजा	- ख + आ + <u>व + ज</u> + आ
खामस	-ख + आ + <u>म + स</u> + अ
खमलाय	=ख + अ + <u>म + ल</u> + आ + य
एन्जर	= ए + <u>न + ज</u> + र
बानथा	= ब + आ + <u>न + थ</u> + आ
फानजारि	= फ + आ + <u>न + ज</u> + आ + र + इ
जाबदा	=ज + आ + <u>ब + द</u> + आ
आगदा	= आ + <u>ग + द</u> + आ
खांखाइ	-ख + आ + <u>ड + ख</u> + र + आ + इ

SAQ

सोलु : जथाइ खौरां रिसारथि होनोव्ला मा मिथियो लिर
(मोन 20 सोदोबनि गेजेराव)।

.....
.....
.....

सौलु : जथाइ खौरां रिसारथिखौ मोनबेसे बाहागोयाव बोखावनाय
जादों आरो बेफोरनि सोमोन्दै मा मिथिगौ लिर
(मोन 30 सोदोबनि गेजेराव) ।

.....
.....
.....
.....

सौलु : खौरां रिसारथिनि फारि होनोब्ला मा मिथियो लिर
(मोन 20 सोदोबनि गेजेराव) ।

.....
.....
.....

1.9 सार बाहागो (Summing Up) :

बर' रावनि बोखावजानाय रिसारथिफोरखौ मोननै बाहागोयाव राननो हायो (1)
गारां रिसारथि आरो (2) खौरां रिसारथि ।

गारां रिसारथिफोरा गासै मोनद आरो खौरां रिसारथिफोरा गासै मोननै खाव-गारां
रिसारथिखौ लाफनानै मोनजिद । / ओ / रिसारथिया बर' रावनि मोनसे मुंखजाथाव
रिसारथि । बे मोनसे रिसारथियानो बर' रावखौ सा-सानजा भारताव थानाय तिब्बत-
बार्मारि हान्जानि मोनसे राव होनना गनायथि मोनहोनो हादों ।

गुवुन माखासे रिसारथिफोरा सरासनम्मा रावफोराव मोननाय बादिनो । जावजा
आरो जावजा नडि खौरां रिसारथि आरो खौरां रिसारथिनि फारियाबो बे रावनि
बोखावजानाय रिसारथिफोरनि मुंखजाथाव बिधिं ।

1.10 सोदोव बाखि (Glossary) :

बर'	इंराजि
राव	Language
रिसारथि	Phoneme

गारां रिसारथि	Vowel Phoneme
गारांनै रिसारथि	Diphthong
सिगां	Front
गेजेर	Central
उन	Back
गोजौ	High
हायगा	Middle
गाहाय	Low
खौरां रिसारथिनि फारि	Contact Consonant
जथाइ खौरां रिसारथि	Cluster Consonant
जावजा जथाइ खौरां रिसारथि	Geminate Consonant
जावजा नडि जथाइ खौरां रिसारथि	Non-Geminate Consonant
खौरां रिसारथि	Consonant Phoneme
गारां गोरा	Aspirated
गारां गुरै	Non-Aspirated/ Unaspirated
गारां गोनां	Vocied
गारां गैयि	Voiceless
सुजाब	Plosive / Stop
हांदुं	Fricative
नेरखां	Nasal
सालायारि	Lateral
खम्फ्रखां	Trill
खाव- गारां हांखो	Semi-Vowel

गुस्थिजाव	Bilabial
हाथाइगुदि	Alveolar
थालोयारि	Palatal
थालो उन	Velar
गारामा	Glottal

1.11 जानो हाथाव सोंथिफोर (Probable Questions) :

1. बर' रावाव मोनबेसे गारां रिसारथिफोर दं ? बेफोरखौ मा बादि राननो हायो फोरमाय ।
2. /ए उ ओ/ गारां रिसारथिफोरनि सोमजिनाय जायगाफोरखौ दिन्थि ।
3. गारांनै रिसारथिनि बर' रावाव बाहायनायखौ लिर ।
4. सुजाव गारां रिसारथिनि बिदिन्थि हो ।
5. बर' रावाव मोनबेसे खौरां रिसारथि दं ? बेफोर रिसारथिफोरखौ जायगा आरो रिसारथिनि आखुथाइ लानानै माबादि राननाय जायो दिन्थि ।
6. /ब ख म ह / रिसारथिफोरनि सोमजिनाय आरो सोदोबाव जनायखौ बिदिन्थिजों लोगोसे फोरमाय ।
7. जथाइ खौरां रिसारथिया मा ? बेफोरनि बिदिन्थि हो ।
8. गाहायाव होनाय बबे जथाइ खौरां रिसारथिफोरा जावजा आरो जावजा नडि ?

बिख्लो, गोख्खा, गोफफा, जांख्ला, गोख्खै, हांखाय, बायफले, गामब्ला, जांखाव, गांयिं ।

1.12 हेफाजाव लानाय आरो फरायनो गोनां बिजावफोर (References and Suggested Readings):

- ब्रह्म, कमल कुमार : बर' रावखान्थि, बिना लाइब्रेरि, 1970
 ब्रह्म, कमल कुमार : गोनां रावखान्थि, बिना लाइब्रेरि, 1972

- बर', मधुराम : मेजेर रावखान्ति, 1990
- ब्रह्म, नीलकमल : रनसाय बिद्युन, 2000
- चैनारी, स्वर्ण प्रभा : बर' रावखान्ति, 2006
- बसुमतारि, राजेन्द्र कु : राव बिगियान, 2002
- Boro, Madhu Ram : The Structure of the Boro Language
- Boro, Madhu Ram : Assamese and Boro : A Comparative and Contrastive Study
- Bhattacharya, P.C. : A Descriptive Analysis of the Boro Language, 1977
- Endle, S. : Out line Grammar of the Kachari (Boro) Language, Assam Secretariat Press, Shillong, 1884
- Grierson, GA : The Linguistic Survey of India, Vol-III, Part-II, Calcutta-1903
- Halvorsrud, H. : Boro Grammar, Gaurang Mission, Haltugaon, Gawalpara, 1959
- Jones, Daniel : An outline of English Phonetics, Kalyani Publisher, 1997
- S.krefsrud, L : Short Grammar of the Mech or Boro Language, Santal Parganas, 1889
- Vershney, R.L. : An Introductory text book of linguistics and phonetics, Student Store, Bareilly, 1994
- Verma and Krishna Swami : Modern Linguistics, An Introduction, Oxford University Press, 2000

खोन्दो-2 (Unit-2)

बर' रावनि बोखावजायि रिसारथिफोर

खोन्दोनि महर :

- 2.1 बेखेवनाय (Introduction) :
- 2.2 थांखि (Objectives) :
- 2.3 बर' रावनि रिसार जथायारि देंखो :
- 2.4 बर' रावनि रिसार जथाइनि सिनायथि आरो दाथाय :
- 2.5 बर' रावनि सुजाबखान्थि :
- 2.6 सार बाहागो (Summing Up) :
- 2.7 सोदोबबाखि (Glossary) :
- 2.8 जानो हाथाव सोंलुफोर (Probable Questions) :
- 2.9 हेफाजाब लानाय आरो फरायनो गोनां बिजाबफोर (References and Suggested Readings) :

2.1 बेखेवनाय (Introduction) :

बर' रावावबो गुबुन रावफोरनि बादि माखासे बोखावजायि रिसारथिफोर दं।
बेफोरबो बर' रावनि रिसारखान्थिनि मोनफा मोनफा गोनांथार बाहागो।

बर' रावनि सोदोबफोरा बायदि रिसार जथाइनि। खायसे रिसार जथाया गारां
रिसारथियाव जोबनाय आरो खायसे रिसार जथाया खौरां रिसारथियाव जोबहैनाय।

2.2 थॉखि (Objectives) :

बे आयदायाव बर' रावनि माखासे बोखावजायि रिसारथिफोरखौ सावरायनायजें लोगोसे बेफोरनि रोखोम आरो बाहायनायखौ दिन्थिनो लादों। फरायग्राफोरा बेयाव होनाय रिसार जथायारि देंखो (tone), रिसार जथाइ (Syllable) आरो सुजाबखान्थिनि (Juncture) सायाव मिथिगोन।

2.3 बर' रावनि रिसार जथायारि देंखो :

सोदोब मोनसेया रिसारथिफोरनि जथाइ। बेफोर सोदोबफोरखौ गारां बोनाय (Pronunciation) समाव एखनबा गारां बोनाया गाहाय जायो आरो एखनबा गोजौ जायो। सोदोबाव बाहायनाय बेफोर बादि गाहाय आरो गोजौ देंखोनि थाखायनो मोनसे सोदोबनि ओंथिया सोलायलाडे। बिब्दि सोदोबफोरनि देंखोया सोलाय सोल जानायखौनो रिसार जथायारि देंखो (tone) बुनाय जायो। बुहुमनि रावफोरखौ रिसार जथायारि देंखो गाहाय (tonal language) आरो देंखो गैयि (toneless) मोननै बाहागोयाव राननाय जादों। रिसार जथायारि देंखो गाहाय रावफोरनि गेजेराव तिब्बट-बार्मारि दालाइनि बांसिन रावफोर, पानजाबि, आवनागाफोर आरो देंखो गैयि रावफोरनि गेजेराव इराजि, असमिया, बांगालि रावफोर बायदिखौनो मुंखनो हायो।

बर' रावाबो रिसार जथायारि देंखो गाहाय राव। बर' रावाव देंखोखौ गाहायै मोननै मोनो। देंखोनि थाखायनो एखे नुनाय सोदोबफोरानो गुबुन गुबन ओंथि दिन्थियो। बार सोदोबा बिबार बारनायनि अनगायैबो गुबुन ओंथि फोरमाय हाबावो "देंखौ बार"नाय। देंखोनि गाहाय गोजौनि थाखायनो ओंथिया सोलायदों। गोजौ देंखोखौ (´) सिनजों आरो गाहायखौ (`) सिनजों दिन्थिनाय जायो। बिब्दिबा बिबारा बारदों-आव (´) सिना रिसार जथाइ बार -आव जगोन आरो 'दें बार' आव (`) सिना 'बा'र' आव जगोन। बिदिन्थि बादियै गाहायाव होबावनाय जादों --

जा	eat
जा	to be
हा	land
हा	to cut
खा	pluck
खा	to bind

SAQ

सॉलु : रिसार जथायारि देंखो माखौ बुझे ? (मोन 20 सोदोबनि गेजेराव)

.....
.....
.....

सॉलु : बर' रावाव मोनबेसे रिसार जथायारि देंखो दं बिदिन्थिजों
फोरमाय (मोन 30 सोदोबनि गेजेराव)

.....
.....
.....
.....

2.4 बर' रावनि रिसार जथाइनि सिनायथि आरो दाथाय :

सोदोब मोनसेनि थादवालासे खोन्दोसे गारां बोनायखौनो रिसार जथाइ बुंनाय जायो। रिसार जथायाव मोनसे, मोननै एबा बेनिखुइ बांसिन रिसारथि (phoneme) थायो। मोनसे रिसार जथायाव गारां रिसारथिया थाखाथारो। जैरै : से, नै, थाम, नै बायदि बायदि।

रिसार जथाया गारां रिसारथिजों जोबहैनायबा बेखौ उदां रिसार जथायारि आरो खौरां रिसारथिजों जोबनायबा बेखौ गोथे रिसार जथायारि सोदोब बुंनाय जायो। जैरै :

उदां रिसार जथायारि सोदोब :

दाउखा, सिजी, खामफ्लाइ

गोथे रिसार जथायारि सोदोब :

साथाम, बासेब, हम, जोब, बिगुर, रिसार बायदि बायदि।

बर' रावनि रिसार जथाइखौ गुवुन रावनि बादि मोननै बाहागोयाव बोखावनो हायो :

1. से रिसार जथाइ

2. नै रिसार जथाइ
3. थाम रिसार जथाइ
4. गोबां रिसार जथाइ

बर' रावनि से रिसार जथाइफोरा सरासनसायाव धारजा सोदोबफोर । बांसिन से रिसार जथाइनि दाथाया CV बाहागोनि आरो थाइजा सोदोब । बेवहाय V जों गारां आरो C जों खीरां रिसारथि फोरमायनाय जादों ।

VC आं I

VC एव to fry

CV जा to eat

CVC थाम three

CVC बार bloom

CVC खार to run

CVC दाव to proceed

नै रिसार जथायारि सोदोब :

VCV	आसि	finger
CVCVC	बिबार	flower
CVCCV	मानसि	man
CVCV	खोमा	ear
CVCVC	सिखाव	thief
VCCV	आन्धु	knee
VCCVC	ओखाम	rice

थाम रिसार जथायारि सोदोब :

VCVCVC	अखाफोर	moon
VCVCV	उधुमाइ	navel
CVCVCCVC	फोथायनाय	faith
CVCVCCV	बिसोरनि	their
CVCVCCV	हाथरखि	star
CVC VCC VC	बिजाबफोर	books

बर' रावाव मोनथामनिखुइ बांसिन रिसार जथाइ धानाय सोदोबफोरबो दं ।
बेफोरनि मोननैसो बिदिन्थिया जादों :

CVCVCCVCV	फरायसालि	school
CVCVCVCCV	सनाफुखि	name of a place
CVCVCCVCCVC	बादायलायनाय	competition
CVVCVCVCV	बैसुमुधि	earth

SAQ

सौलु : रिसार जथाइनि सोमोन्दै मा मिधिगौ लिर (मोन 20 सोदोबनि
गेजेराव) ।

.....
.....
.....

सौलु : बर' रावनि रिसार जथाइनि दाथायनि सोमोन्दै सावराय
(मोन 30 सोदोबनि गेजेराव) ।

.....
.....
.....
.....

2.5 बर' रावनि सुजाबखान्थि :

बर' रावाव गाहायाव होनाय रोखोमनि सुजाबखान्थि (Juncture) मोनो --

1. इसिडारि एबा गोथे सुजाबखान्थि (Close Juncture)
2. बायजोयारि एबा उदां सुजाबखान्थि (Open Juncture)

गारां बोनाय समाव मोनसे सोदोबाव धानाय रिसारधिखौ खेबसेनो जयै गारां
बोजोबखानो हाया । मोनसेनिफ्राय गुबुन मोनसे रिसारधिसिम फारि बारगलायलानानैसो
मोनसे सोदोबखौ गारां बोनांगौ जायो । सोदोबखौ गारां बोनाय समाव मोनसे

रिसारथिनिफ्राय गुबुन मोनसे रिसारथिसिम जा बारस्तालांनाय बेखौनो सुजाबखान्थि होननानै बुझे ।

इसिडरि एबा गोथे सुजाबखान्थिया मोनसे सोदोबनि गेजेरावनो आरो बायजोयारि एबा उदां सुजाबखान्थिया मोनसेनिखुइ बांसिन सोदोबनि गेजेराव जायो । इसिडरि सुजाबखान्थियाव बारस्तायनाया मोनसे सोदोबनि गेजेरावनो सिंजों सिं जायो । जैरै : 'हासिब' सोदोबाव बारस्तायनाया ह-आ-स-इ-ब नि गेजेराव जादों । थामहिनबा हासिब सोदोबखौ रिसार होनो थाखाय गारां बोनाया फारियै 'ह'निफ्राय 'ब' सिम बारस्तायदों । गाहायाव इसिडरि एबा गोथे सुजाबखान्थिनि मोननैसो बिदिन्थि होबावनाय जादों ।

नाथुर, दैखर, लावखार, दाउदै बायदि बायदि ।

एसे आवगायावसो बायजोयारि एबा उदां सुजाबखान्थिया मोनसेनिखुइ बांसिन सोदोबनि गेजेराव जायो होननानै मुंखबोनाय जादों । बे रोखोम सुजाबखान्थियाव मोनसेनिफ्राय गुबुन मोनसे रिसारथिसिम मोनसे सोदोबनि गेजेरावनो बारस्तायनायखौ नोजोर होनाय जाया बबेखानि मोननै एबा बेनिखुइ बांसिन सोदोबनि गेजेराव जेब्ला बारस्तायनाया सिगांनि सोदोबनि जोबथा रिसारथिनिफ्राय उननि सोदोबनि गिबि रिसारथिनि गेजेराव जायो अब्ला बेखौ बायजोयारि एबा उदां सुजाबखान्थि बुझे । जैरै : हा जाव । बे मोननै सोदोबाव बारस्तायनाया 'हा' सोदोबनि जोबथा रिसारथि 'आ' आरो 'जाव' सोदोबनि गिबि रिसारथि 'ज'नि गेजेराव जादों । 'हा'नि 'आ'निफ्राय 'जाव'नि 'ज' सिम बारस्तायनाया बायजोजों बायजो जानायलाय बे रोखोम सुजाबखान्थिखौ बायजोयारि एबा उदां सुजाबखान्थि होननानै बुझे । गाहायाव उदां सुजाबखान्थिनि मोननैसो बिदिन्थि होबावनाय जादों ।

जे सा, बिबार बार, आखाइ गुसु बायदि बायदि ।

SAQ

सौलु : सुजाबखान्थिनि सोमोन्दै मा मिथिगौ लिंर
(मोन 20 सोदोबनि गेजेराव) ।

.....
.....
.....

सौलु : सुजाबखान्थिखौ मोनबेसे बाहागोयाव आरो माबोरै राननाय
जादों फोरमाय (मोन 20 सोदोबनि गेजेराव) ।

.....
.....
.....

सौलु : इसिडरि एबा गोथे आरो बायजोयारि एबा उदां
सुजाबखान्थिनि सोमोन्दै मा मिथिगौ बिदिन्थिजों फोरमाय
(मोन 30 सोदोबनि गेजेराव) ।

.....
.....
.....
.....

2.6 सार बाहागो (Summing Up) :

सोदोबनि ओंथिया सोलायो रिसार जथायारि देंखोनि थाखाय । बेनिखायनो बर' रावाव सोदोबफोरनि सायाव रिसार जथायारि देंखोनि बाहायनायनि बाश्राखौ मिथिनांगौ जायो । गुबुनफासे सोदोबफोर रिसार जथाइजों दाजानाय । मोनफ्रोमबो रिसार जथायावनो बर' रावाव देंखो थायो । सुजाबखान्थियाबो बर' रावनि मोनसे नोजोर होनो गोनां बिथिं । बे रावाव गाहायै मोननै रोखोमनि सुजाबखान्थि मोनो ।

2.7 सोदोबबाखि (Glossary) :

बोखावजायि रिसारधि	Supra-Segmental Phoneme
रिसार जथायारि देंखो	tone
देँखो गोनां राव	tonal language
रिसार जथाइ	syllable
रिसार जथाइनि दाथाय	syllable structures
से रिसार जथाइ	Mono syllable
ने रिसार जथाइ	Di-syllable
थाम रिसार जथाइ	Tri-syllable
गोबां रिसार जथाइ	Multi-syllable

सुजाबखान्थि	Juncture
इसिडरि एबा गोथे सुजाबखान्थि	Close Juncture
बायजोयारि एबा उदां सुजाबखान्थि	Open Juncture

2.8 जानो हाथाव सौलुफोर (Probable Questions) :

- क) बर' रावाव मोनबेसे रिसार जथायारि देंखो मोनो ? बेफोरनि राननायखौ बिदिन्थिजों फोरमाय ।
- ख) रिसार जथाया मा ? बर' रावाव मोननौ हानाय रिसार जथाइनि बाहागोफोरखौ बिदिन्थिजों लोगोसे दिन्थि ।
- ग) गाहायाव होनाय सोदोबफोरनिफ्राय से रिसार जथाइ आरो नै रिसार जथाइ गोनां सोदोबफोरखौ सायख --
मोज्लाय, अखाफोर, बिमा, दाव, मायथाइ, बिजाब, रेबगन, बार, अखा, दै, साहा, फरायसालि, जावलिया, गाम्बारि, दैमालु, उदालगुरि, बागसा, सिरां, माइ, गन्थं, गथ, दाउब, खांख्ला
- घ) बर' रावनि सुजाबखान्थिनि सोमोन्दै लिर ।
- ङ) सुंदवै लिर :
देँखो गाहाय राव, थाम रिसार जथाइ, बां रिसार जथाइ, उदां सरजाब खान्थि ।

2.9 हेफाजाब लानाय आरो फरायनो गोनां बिजाबफोर (References and Suggested Readings) :

- बर' मधुराम : गोर्जी रावखान्थि, 1996
- ब्रह्म, कमल कुमार : गोनां रावखान्थि, 1972
- बसुमतारि, राजेन्द्र कुमार : राव बिगियान, 2002
- गोस्वामी, गलक चन्द्र : ध्वनि-बिज्ञानर भुमिका, 1966
- चैनारी, स्वर्ण प्रभा : बर' रावखान्थि, 2006
- Bhattacharyya, P.C. : A Descriptive analysis of th Boro Language, 1977
- Vershney, R.L. : An Introductory text book of Linguistics and Phonetics, Student Store, Bareilly, 1994.

खोन्दो-3 (Unit-3)

बर' रावनि महर (Morpheme of the Bodo Language)

खोन्दोनि महर :

- 3.1 बेखेवनाय (Introduction) :
- 3.2 थांखि (Objectives) :
- 3.3 महरखौ सिनायथिनाय (Identification of Morpheme) :
- 3.4 महरनि बाहागो :
- 3.5 लोगो महर :
 - 3.5.1 रिसारथिजो थि खालामजानाय लोगो महर :
 - 3.5.2 महरजो थि खालामजानाय लोगो महर :
- 3.6 बर' रावनि दाजाबदा :
- 3.7 सोदोब दायि आरो सोदोब दाग्रा उन दाजाबदा :
- 3.8 सार बाहागो (Summing Up) :
- 3.9 सोदोबबाखि (Glossary) :
- 3.10 जानो हाथाव सौलुफोर (Probable Questions) :
- 3.11 हेफाजाब लानाय आरो फरायनो गोनां बिजाबफोर (References and Suggested Readings)

3.1 बेखेवनाय (Introduction) :

महरा रावनि गोनां बाहागो । राव बिगियानाव महरनि सोमोन्दै गुवरै सावरायनाय जायो । महरा बायदि रोखोमनि दं । बेफोरनि गेजेराव खायसे महरा उदां आरो खायसेया उदां नडि । खायसे महरफोरा हारसिनो ओंथि फोरमाय हायो नाथाव खायसेया गुबुनजों जफादेरनासो आबुं ओंथि फोरमाय हायो ।

जाय महरफोरा गुबुन महरफोरनि हेफाजाब लाया लासे हारसिनो ओंथि फोरमाय हायो बिब्दिखौ उदां महर बुडे । जायफोर महरा गुबुन सोदोबजों जफादेरना सोदोबखौ खामानि मावनायाव हेफाजाब होयो बेखौ सरजाब महर एबा दाजाबदा बुडे ।

बर' रावावबो उदां महर आरो दाजाबदाफोर मोनो । बिब्दिनो मोनसे ओंथि फोरमायनो गुबन महरबो बाहायनाय जायो ।

3.2 थांखि (Objectives) :

बे आयदायाव महरनि सिनायथिजों लोगोसे महरनि गुबुन गुबुन बाहागोफोरखौ सावरायनायानो थांखि । बेनि अनगायैबो गाहायाव होनायफोरनि सायाव नोजोर बोहोनाय जागोन :

- ◆ बर' रावनि सिगां दाजाबदा
- ◆ बर' रावनि उन दाजाबदा
- ◆ बर' रावनि सोदोब दाग्रा आरो सोदोब दायि उन दाजाबदा

3.3 महरखौ सिनायथिनाय (Identification of Morpheme) :

रिसारथिफोरखौ सिनायथिनाय बादिनो मोनसे रावाव महरफोरखौबो सिनायथिनाय जायो । महरखौ सिनायथिनो लानाय समाव बिदिन्धि महरै लानाय सोदोबा मोनसेनिखुइ बांसिन रिसार जथाइ गोनां जायो । महर महरै सिनायथिनो धाखाय मोननै सोदोबनि गोनांथार जायो । लाजानाय बे मोननै सोदोबनि गेजेराव बबेबा मोनसे महरा मोननैबो सोदोबावनो समान महरनि आरो समान ओंथि धानाय जानांगोन जैरै :

लिरगिरि

बिजिरगिरि

बे मोननै सोदोबाव सिगांनि मोननै महर 'लिर' आरो 'बिजिर'-आ गावजों गाव समान नंलाया, नाथाय उननि महर 'गिरि'-आ मोननैबो सोदोबावनो सोदोबनि उन जायगायाव जदों। बे बादिनो बे मोननैनि महराबो समान आरो ओंथियाबो समान। बेनिखायनो बे मोननै सोदोबाव 'गिरि'-आ मोनसे महर महरै सिनायथि जादों। बे बादियैनो मोनसे रावनि महरफोरखौ सिनायथिनाय जायो।

SAQ

सौलु : महरखौ मा बादि सिनायथिनाय जायो बर' रावनि
बिदिन्थिजों सावराय (मोन 30 सोदोबनि गेजेराव)।

.....

.....

.....

.....

3.4 महरनि बाहागो :

महरखौ मोननै बाहागो खालामनो हायो, उदां महर (Free Morpheme) आरो गोथे महर (Bound Morpheme)।

सरासनस्रायै जायफोर महरा हारसिडै जनानै ओंथिखौ आबुडैफोरमायनो हायो बेनो उदां महर। दिन्थि बादियै दाव, बार आरो गइ बायदिफोरा रावनिबो हेफाजाब लायाखै, नाथाय ओंथिया रोखा बेरखांदो। गुबुन फारसे गोथे महरा उदां महरनि उल्था। बेवहाय महरा हारसिडै ओंथि फोरमायनो हाया। बर 'नि' गथफोर' सोदोबाव गथ आरो 'फोर' मोननै महर मोननो हायो। बेवहाय 'गथ' महरा गाव हारसिनो ओंथि फोरमाय हादों। गुबुन फारसे 'फोर' महरा हारसिनो ओंथि फोरमाय हायाब्लाबो बेवहाय 'गथ' सोदोबजों जफानानैसो आबु ओंथि फोरमाय हादों। बेनिखायनो 'फोर' महरा गोथे महर (Bound Morpheme)। बे बादिनो बर' रावाव गोबां गोथे महरफोर मोननो हाबावो। बेफोर जादों : -आ, -मोन, -सोर, -फा बायदि बायदि।

SAQ

सौलु : महरखौ मोनबेसे बाहागोयाव आरो बॅरै राननाय जादों
बिदिन्धिजों फोरमाय (मोन 30 सोदोबनि गेजेराव) ।

.....
.....
.....
.....

थारजा (Root) आरो दाजाबदा (Affixes) :

जायखिजाया मोनसे सोदोबनि सिफाय हायि बाहागोखौनो थारजा बुंनय जायो । मानोना खायसे सोदोबा बायदि दाजाबदाफोर लोगोनांनानै जानाय । बुंनो थाडोब्ला 'आबादारि' सोदोबाव आबाद + आरि मोननै महर दं । बेवहाय 'आबाद' सोदोबा थारजा आरो 'आरि'-आ दाजाबदा । मानोना 'आरि' बे सोदोबा हारसिं जेबो ओंथि फोरमायनो हाया । बेयो गुबुन थारजाजों लोगोनांनानैसो आवुं ओंथि फोरमायनो हायो । बेनिखायनो थारजा सोदोबजों अंरै बायदिखौ फोरमायनाय जायो, जाय सोदोबनिफ्राय दाजाबदाफोरखौ बोखारजोबोब्लाबो गाव हारसिंडेनो आवुं ओंथि फोरमाय हायो बेखौनो मोनथि हायो । जैरै : थां, फै, लां बायदि बायदि ।

दाजाबदानि ओंथिया बेवहाय गुबुन सोदोबजों सरजाबफानाय । गोजौवाव बुंबोखानाय जादों, 'आबाद-आरि' सोदोबाव 'आरि'-आ दाजाबदा । मानोना बे हारसिंडे ओंथि फोरमाय हाया । बेफोरो गुबुन थारजाफोरजों नांजाबनानैसो आवुं ओंथि फोरमाय हायो ।

दाजाबदाखौ मोनथाम बाहागोयाव राननो हायो । बेफोर जादों :

(क) सिगां दाजाबदा (Prefix) (ख) गेजेर दाजाबदा (Infix) आरो (ग) उन दाजाबदा (Suffix) । थारजानि सिगां बाहागोयाव जनाय दाजाबदायानो सिगां दाजाबदा । दिन्धि बादियै 'दाथां' सोदोबाव 'दा'-आ सिगां दाजाबदा । मानोना बेयो 'थां' थारजानि आवगायाव जनानै नडि फोरमायदों । बे बादिनो बर' राबाव आरोबाव गोबां सिगां दाजाबदाफोर मोननो हायो । बेफोर जादों : गं-, गर-, थर- बायदि बायदि ।

(ख) गेजेर दाजाबदाया सोदोबनि गेजेराव ज्यो। बेफोर बादि गेजेर दाजाबदाखी आरबिक आरो इण्ड नेछियानि तगल (Togala) रावाव नुनो मोनो। आरबिक रावाव क-त-ब नि जथाइजो जानाय मोनसे थारजा दं। जायखी Trilateral root होननानै बुझे। बे मोनथामनि गेजेर गेजेर गुबुन गुबुन गेजेर दाजाबदा दाजाबनानै गुबुन गुबुन ओंथि फोरमायनो हायो। थामहिनबा बे मोनथाम थारजायाल थायोब्ला आलादा ओंथि फोरमायो आरो गुबुन गुबुन गेजेर दाजाबदा दाजाबफायोब्ला ओंथिया आलादा आलादा जायो। जैरै :

क - त - ब = लिर

का - ति - ब = लिरगिरि

कि - ता - ब = जायखी लिरनाय जाबाय

कु - तु - ब = बिजाबफोर

गाहायाव तगल रावाव बाहायनाय गेजेर दाजाबदानिबो बिदिन्थि होनाय जादो।

सुलात = हांखो

स - उन - उलात = लिरनाय

स - उ - ड - म - उलात = लिरदोमोन बायदि बायदि।

मुंखजायो, बर' रावाव गेजेर दाजाबदानि बाहायथि गैया।

(ग) उन दाजाबदा (Suffix) : उन दाजाबदानि बाहायनायखी गसिबो रावावनो गोबां बिबानि नुनो मोननाय जायो। बर' रावावबो मुंमा, थाइजा, थाइलानि सोदोबफोराव एबा सोदोबफोर दानायाव उन दाजाबदानि हेफाजाब थानाय नुनो मोनो। जैरै :

थाइजा जा - ग्रा > मुंमा. जाग्रा

मुंमा दाउ-खा > मुंमा. दाउखा

थाइजा माव-आ > थाइजा. मावा

थाइजा गाब-ख > थाइलालि. गाबख बायदि बायदि।

बेफोर बिदिन्थियाव -ग्रा, -खा, -आ आरो -ख फोरा जाबाय फारियै मुंमा, थाइजा आरो थाइलालि दाग्रा एबा फोरमायग्रा उन दाजाबदाफोर। बेफोरनि अनगायैबो बर' रावाव माखासे उन दाजाबदाफोर दंबावो।

उन दाजाबदाफोरखौं दाजाबोब्ला माब्लाबा खायसे सोदोबनि रावखान्धियारि थाखोया सोलायो आरो खायसेनिया सोलाया । बे बादि थाखो सोलायनाय सोलायिखौं नायनानै उन दाजाबदाखौं थाखो सोलायग्रा (Class Changing) आरो थाखो सोलायि (Class maintaining) बे मोननै बाहागोयाव राननो हागौं । मुंख जायो, थाखो सोलायग्रा आरो सोलायि उन दाजाबदाफोरखौं दाजाबोब्ला सोदोबनि ओंथियाबो सोलायो । गाहायाव मोननैबो रोखोम उन दाजाबदाफोरनि बिदिन्धि होनाय जादों ।

(क) थाखो सोलायग्रा उन दाजाबदा :

- थाइजा जा-नाय > मुंमा . जानाय
 थाइजा अन-सुलि > थाइलालि . अनसुलि
 थाइजा माव-थि > मुंमा . मावथि
 थाइजा सिबि-आरि > मुंमा . सिबियारि
 थाइजा सोम-खोर > थाइलालि . सोमखोर बायदि बायदि ।

(ख) थाखो सोलायि उन दाजाबदा :

- मुंमा आबाद-आरि > मुंमा . आबादारि
 मुंमा थाइ-गिर > मुंमा . थाइगिर
 मुंमा दाउ-सि > मुंमा . दाउसि
 थाइजा लां-फा > थाइजा . लांफा
 थाइजा ला-थ > थाइजा . लाथ बायदि बायदि ।

SAQ

सौलु : थारजा माखौं बुडे लिंर (मोन 20 सोदोबनि गेजेराव) ।

.....

सौलु : दाजाबदानि सोमोन्दै मोनसे सुंद फोरमायथि लिर
(मोन 30 सोदोबनि गेजेराब) ।

.....
.....
.....
.....

सौलु : Trilateral Root नि सोमोन्दै मा मिथिगौ लिर
(मोन 20 सोदोबनि गेजेराब) ।

.....
.....
.....

3.5 लोगो महर :

लोगो महरा मोनसे महरनिनो गुबुन गुबुन महर । लोगो महर सोदोबा गाहायै उन दाजाबदाफोरखीनो फोरमायो । जेब्ला मोनसे उन दाजाबदाया (महरा) सोदोब लायै सोदोब गुबुन गुबुन थासारियाव गुबुन गुबुन महर लायो अब्ला बेखीनो लोगो महर होननानै बुझे । लोगो महरा गुबुन गुबुन महर लासेयावबो बेफोरनि ओंथियाजेबो सोलाय सोल जाया, सिगाडव जा दंगोन बे बादि समानैनो थायो । महरालसो सोलाय सोल जायो ।

लोगो महरखीं गाहायै मोननै बाहागोयाव राननाय जादों । मोनसेया रिसारथिजों थि खालाम जानाय लोगो महर (Phonologically conditioned allomorph) आरो गुबुन मोनसेया महरजों थि खालामजानाय लोगो महर (Morphologically conditioned allomorph) ।

3.5.1 रिसारथिजों थि खालामजानाय लोगो महर :

सोदोबनि जोबथा रिसारथिनि सायाव सोनारना जेब्ला मोनसे उन दाजाबदाया (महरा) गुबुन गुबुन महर लायो अब्ला बेखी रिसारथिजों थि खालामजानाय लोगो महर होनानै बुझे। बर' रावनि बेखेवगासे आरो बेखेवगास्निनि सोदोब बेखेवफा फारियै { -आ, -आव } आरो नडिदिन्थिग्रा उन दाजाबदा { -आ } आनो बर' रावाव बेफोरनि मोजां बिदिन्थि। गाहायाव बेफोरनि मोननैसो बिदिन्थि होनाय जादों।

आब - आ > आबवा

आबी - आ > आबीवा

बिबार - आ > बिबारा

नाब्ले-आ > नाब्लेया बायदि बायदि।

गोजौनि बिदिन्थिफोराव बाहायनाय { -आ } उन दाजाबदाया बेखेवगासेनि सोदोब बेखेवफा। बे सोदोब बेखेवफाया मुंमानि जोबथा रिसारथि आरो गारनै रिसारथि { अ, औ, ए }-नि सायाव सोनारना वा, वा, । (आ-नि लेखय महर) आरो या महर लादों। { -आ (।), -या, -वा }-फोरा मोनसे उन दाजाबदा { -आ } निनो गुबुन गुबुन महर। बेनिखायनो बे महरफोरा जयै मोनसे लोगो महर।

3.5.2 महरजों थि खालामजानाय लोगो महर :

माब्लाबा खायफा खायफा लोगो महरफोरा रिसारथिजों थि खालामजाया लासेनो महरजोंसो थि खालामजानाय जायो। ईराजी रावनि Man - Men, Woman - Women फोरानो बेफोरनि मोनफा मोनफा मोजां बिदिन्थि। महरजों थि खालामजानाय लोगो महर होनानै बुझेब्ला बर' रावाव बां सानराइ दिन्थिग्रा दाजाबदा { -सोर, -फोर, -मोन }-नि बाध्राखीनो मुख नांगी जायो। बे मोनथाम दाजाबदाया बर' रावाव गुबुन गुबुन सोदोबफोरजों दाजाबजानाया महरजों थि खालामजानाय लोगो महरनिनो मोनफा मोनफा मोजां बिदिन्थि।

SAQ

सोंलु : रिसारथिजों थि खालामजानाय लोगो महरनि सोमोन्दै
मा मिथिगौ लिर (मोन 30 सोदोबनि गेजेराव) ।

.....
.....
.....
.....

सोंलु : महरजों थि खालामजानाय लोगो महरनि सोमोन्दै मा
मिथिगौ लिर (मोन 30 सोदोबनि गेजेराव) ।

.....
.....
.....
.....

3.6 बर' रावनि दाजाबदा :

दाजाबदाया उदां महर नछ। मोनसे उदां महरजों थाफादेरनासो बेफोर ओंथि फोरमाय हायो। बेनिखायनो बेफोरखौ गोथे महर बुझे। जैरे : बिजाबफोर, बिथांमोन, दाफै, सिखाजों बायदि बायदि। बे बिदिन्थिफोराव गुबुन गुबुन सिगां आरो उन दाजाबदा दाजाबनानै सोदोबफोरखौ दानाय जादों।

दाजाबदाखौ बर' रावाव मोननै बाहागोयाव बोखावदों : (1) सिगां दाजाबदा, (2) उन दाजाबदा।

सिगां दाजाबदाया मोनसे उदां महरनि सिगां बाहागोयाव जनानै आवुं सोदोब दानायाव हेफाजाब होयो। जैरे : दाथां, गेसेव, गोथै, गोमोन फोथै, दामाव बायदि बायदि।

गोजौनि सोदोबफोराव { दा-, गे-, गो-, फो- }- फोरा मोनफा मोनफा सिगां दाजाबदा। बैफोर दाजाबदाया थाइजा सोदोबफोरजों जदेरो।

उन दाजाबदाखी बर' रावाव गोबां मोनो। सोदोबनि उनाव दाजाबदा फजदेरनायखीनो उन दाजाबदा बुंनय जायो। जैरै : मानसिफोर, रामा, लावधिजों, नारफले, बुफले, जादों, लांबाय, मावगोन बायदि बायदि। बेवहाय { -फोर, -आ, -जों, -फले, -दों, -बाय, -गोन }-फोरा थारजानि उनाव जदों आरो बायदि ओंथि फोरमायदों।

आन्जाद लानाय (CYP)

सोंलु : बर' रावाव मा मा रोखोमनि दाजाबदा दं होनना नोंसोर सानो।

3.7 सोदोब दायि आरो सोदोब दाग्रा उन दाजाबदा :

जाय उन दाजाबदाखी दाजाबनायनि उनावबो सोदोबनि ओंथिया सोलाया लासेथायो बेफोर बादि उन दाजाबदाखी सोदोब दायि उन दाजाबदा (Inflectional Suffix)) होनना बुंनय जायो। जैरै : मानसिफोर, आंजों, नवाव, लादों बायदि बायदि। बे बिदिन्थिफोराव थानाय { -फोर, -जों, -आव, -दों }-आ मोनफा मोनफा उन दाजाबदा आरो बेफोरनो मोनफा मोनफा सोदोब दायि उन दाजाबदा। बे उन दाजाबदाफोरा सोदोबजों दाजाबजानातैल थादों, बबेखानि सोदोबनि ओंथियाव जेबो सोलायनाय लाबोना होफैनो हायाखी एबा रावखान्थियारि थाखोयावबो जेबो सोलाय सोल लाबोना होफैनो हायाखी। बेनिखायनो बे दाजाबदाफोरा सोदोब दायि उन दाजाबदा।

गुबुन फारसे जेब्ला बबेबा दाजाबदाखी उदां महरनि उनाव सरजाव देरनाय जायोबा अब्ला सोदोबा थाखो सोलायो। जैरै : फोरोंगिरि, अनसुला सोदोबफोरा मोनसेनिफ्राय मोनसे थाखोसिम बारस्तायदों। 'फोरों'-आ थाइजा सोदोब, बेवहाय गिरि' दाजाबदाखी फजदेरनाय लोगो लोगो थाइजानिफ्राय मुंमासिम बारस्ताय लादों। बिब्दिनो 'अन' आबो थाइजा सोदोब। नाथाय बे सोदोबनि उनाव 'सुला' दाजाबदाखी फजदेरनाय लोगो लोगो थाइजानिफ्राय मुंमासिम बेबो बारस्तायलादों। बेनिखायनो जायफोर दाजाबदाखी दाजाबोब्ला सोदोबनि ओंथिया सोलायो बेफोर बादि दाजाबदाखी सोदोब दाग्रा उन दाजाबदा होननानै बुडो। मुख जायो सोदोब दाग्रा उन दाजाबदाफोरा सोदोबनि ओंथिखी सोलायहोनो हानायजों लोगोसेनो खायसेया सोदोबनि रावखान्थियारि थाखोखीबो सोलायहोनो हायो आरो खायसेया हाया। जायफोरा ओंथिजों लोगोसे

थाखोखीबो सोलायहोनो हायो बेफोर उन दाजाबदाखौ थाखो सोलायहोग्रा सोदोब दाग्रा उन दाजाबदा आरो जायफोरा हाया बेफोरखौ थाखो सोलायहोयि सोदोब दाग्रा उन दाजाबदा होननानै बुझे। बेनिखायनो सोदोब दाग्रा उन दाजाबदाखौ मोननै बाहागोयाव बोखावनो हायो। बेफोर जादों :

(क) थाखो सोलायग्रा (Class Changing) आरो

(ख) थाखो सोलायि (Class maintaining)

गाहायाव मोननैबो थाखोनि मोननैसोयै बिदिन्धि होनाय जादों।

मुंमा आबाद - आरि > मुंमा . आबादारि

मुंमा आफाद - गिरि > मुंमा . आफादगिरि

थाइजा जा - नाय > मुंमा . जानाय

थाइजा सोम - खोर > थाइलालि . सोमखोर।

गोजौनि बिदिन्धिफोराव { -आरि, -गिरि }-आ थाखो सोलायि उन दाजाबदा आरो { -नाय, -खोर }-आ थाखो सोलायग्रा उन दाजाबदा।

SAQ

सौलु : सोदोब दाग्रा आरो सोदोब दायि उन दाजाबदाफोरनि सोमोन्दै मा मिधिगौ लिर (मोन 30 सोदोबनि गेजेराव)।

.....
.....
.....

सौलु : थाखो सोलायग्रा आरो थाखो सोलायि उन दाजाबदानि सोमोन्दै मा मिधिगौ बिदिन्धिजों फोरमाय (मोन 30 सोदोबनि गेजेराव)।

.....
.....
.....
.....

3.8 सार बाहागो (Summing Up) :

बे खोन्दोयाव बर' रावनि महरनि सोमोन्दै सावरायबोनाय जाबाय । बे रावाव महरखौ माबोरै सिनायधिनय जायो, बेखौ मोनबेसे बाहागोयाव आरो माबोरै माबोरै राननाय जायो बेनि सोमोन्दै गियान होनायानो गाहाय थांखिमोन । महर होनना बुडेब्ला उदां महरजों लोगोसे दाजाबदानि बाश्रायानो गाहायै गोसोयाव जाखांफैयो । बेनिखायनो दाजाबदा माखौ बुडे आरो बर' रावाव मोनबेसे रोखोमनि दाजाबदा मोनो बेनि सोमोन्दैबो सावरायबोनाय जाबाय । थाखो सोलायग्रा आरो थाखो सोलायि, सोदोब दाग्रा आरो सोदोब दायि उन दाजाबदा माखौ बुडे बेनि सोमोन्दैबो बे आयदायाव सावरायबोनाय जादों ।

3.9 सोदोबबाखि (Glossary) :

<u>बर'</u>	<u>इंराजि</u>
महर	Morpheme
लोगो महर	Allomorph
दाजाबदा	Affix
सिगां दाजाबदा	Prefix
गेजेर दाजाबदा	Infix
उन दाजाबदा	Suffix
उदां महर	Free Morpheme
गोधे महर	Bound Morpheme
धारजा	Root
मोनथाम धारजानि जथाइ	Trilateral Root
थाखो सोलायग्रा	Class Changing
थाखो सोलायि	Class Maintaining
रिसारथिजों थि खालामजानाय लोगो महर	Phonologically Conditioned allomorph
महरजों थि खालामजानाय लोगो महर	Morphologically Conditioned allomorph

3.10 जानो हाथाव सॉलुफोर (Probable Questions) :

- क) महरखौ सिनायथिनाय होननानै बुझेब्ला माखौ मिथियो लिर ।
- ख) महर माखौ बुझे ? बेफोरखौ मोनबेसे बाहागोयाव राननाय जादों आरो बेफोरनि सोमोन्दै मा मिथिगौ लिर ।
- ग) मोनथाम थारजानि जथाइ (Trilateral root) बुझेब्ला मा बुजियो ? गेजेर दाजाबदानि सोमोन्दै मा मिथिगौ लिर ।
- (घ) दाजाबदा माखौ बुझे ? बर' रावाव दाजाबदाखौ मोनबेसे बाहागोयाव राननाय जादों लिर ।
- ङ) थाखो सोलायग्रा आरो थाखो सोलायि उन दाजाबदानि सायाव मोनसे फोरमायधि लिर ।
- च) लोगो महर होनोब्ला मा मिथियो ? बर' रावाव लोगो महरखौ मोनबेसे बाहागोयाव बोखावनो हागौ लिर ।
- छ) रिसारथिजों थि खालामजानाय आरो महरजों थि खालामजानाय लोगो महरनि सोमोन्दै फोरमायना लिर ।
- ज) रिसारथिजों थि खालामजानाय आरो महरजों थि खालामजानाय लोगो महरनि गेजेराव माबाफोर गोरोबनाय एबा गोरोबि नुनो मोनो नामा लिर ।
- झ) उन दाजाबदाखौ मोनबेसे बाहागोयाव राननानै सावरायनाय जादों लिर ।
- ञ) सोदोब दाग्रा आरो सोदोब दायि उन दाजाबदा बुझेब्ला मा मिथियो लिर ।

3.11 हेफाजाब लानाय आरो फरायनो गोनां बिजाबफोर (References and Suggested Readings) :

- | | | |
|-------------------|---|---------------------------|
| ब्रह्म, नीलकमल | : | रनसाय बिथुन, 2000 |
| ब्रह्म, कमल कुमार | : | गोनां रावखान्धि, 1972 |
| ब्रह्म, कमल कुमार | : | बर' रावखान्धि |
| बसुमतारि, फुकन | : | बर' रावनि महरखान्धि, 2005 |

- बसुमतारि, राजेन्द्र कु. : राव बिगियान, 2002
- बसुमतारि, फुकन : बर' राव आरो थुनलाय, 2000
- चैनारी, स्वर्ण प्रभा : बर' रावखान्धि, 2006
- तिवारि, भोलानाथ : भाषा बिज्ञान, किताब महल
- Bloomfield, Leonard : Language 1934 (Reprinted, Newyork)
- Bhattacharya, PC : A Descriptive Anlysis of the Boro Language, 1977
- Endle, S. : Outline Grammar of the Kachari (Boro) Language, Assam Secretariat Press, Shillong, 1884
- Grierson, G.A. : The Linguistic Survey of India, Vol-III, Part-2, Calcutta-1903
- Halvorsrud, H. : Boro Grammar, Gaurang Mission, Haltugaon, Goalpara, 1959
- Hockett, Charles F. : A Course in Modern Linguistics, Oxford and IBH
- Skrefsrud, L. : A short Grammar of the Mech or Boro Language, Santal Parganas, 1889
- Varshney, R.L. : An Introductory text book of Linguistics and Phonetics, Students Store, Bareilly, 1994
- Verma & Krishnaswamy : Modern Linguistics, An Introduction, Oxford University Press, 2000

खोन्दो-4 (Unit-4)

बर' रावनि मुंमायारि गाहाय रावखान्थियारि बाहागोफोर

खोन्दोनि महर :

- 4.1 बेखेवनाय (Introduction) :
- 4.2 थांखि (Objectives) :
- 4.3 मुंमानि दाथाय :
- 4.4 मुंमानि दाथायारि बाहागो :
 - 4.4.1 जथाइ मुंमा :
 - 4.4.2 मुंमाजों उन दाजाबदा दाजाबनाय मुंमा :
- 4.5 थाइजायारि मुंमा :
 - 4.5.1 थाइजाजों उन दाजाबदा दाजाबदेरना :
 - 4.5.2 गुबै मुंमाजों थाइजा दाजाबदेरना :
 - 4.5.3 थाइजाजों सिगां दाजाबदा फजनानै :
- 4.6 मुंराइ आरो बेनि बाहागोफोर :
 - 4.6.1 सुबुं दिन्थिग्रा मुंराइ :
 - 4.6.2 थावनि दिन्थिग्रा मुंराइ :
 - 4.6.3 सौनाय दिन्थिग्रा मुंराइ :
 - 4.6.4 गाव दिन्थिग्रा मुंराइ :
 - 4.6.5 थि दिन्थियि मुंराइ

- 4.7 सार बाहागो (Summing Up) :
- 4.8 सोदोबबाखि (Glossary) :
- 4.9 जानो हाथाव सॉलुफोर (Probable Questions) :
- 4.10 हेफाजाब लानाय आरो फरायनो गोनां बिजाबफोर (References and Suggested Readings) :

4.1 बेखेवनाय (Introduction) :

बाध्रा मोनसेयाव गोबां सोदोबफोर थायो। बेफोर सोदोबफोरा बबेबा मुंमा, मुंराइ, थाइजा, थाइलालि, थाइजानि थाइलालि सोदोबफोर। मुंमा आरो मुंराइखौ मोनसे बाहागोयाव दोनजायो। बे बाहागोनि सोदोबफोरा मावग्रा बादियै बाश्रायाव बाहागो लायो। बेनिखायनो बर' रावाव बै हान्जानि सोदोबफोरखौ मुंमायारि बाहागोनि सोदोब बुंनाय जादों।

4.2 थांखि (Objectives) :

बेयाव मुंमानि दाथाय, बेनि दाजानाय आरो बायदि रोखोम मुंमानि बाहागोखौ दिन्थिनो नाजानाय जादों। बे आयदायाव मुंराइ आरो बेनि बाहागोफोरखौ सावरायनायानो गाहाय थांखि।

4.3 मुंमानि दाथाय :

जायखिजाया मुं दिन्थिनाय सोदोबखौनो मुंमा बुछे। हाजो-हाला, दैमा-दैसा, मानसि-दुमसि, हाग्रा-बंग्रा दिन्थिग्रा गोबां सोदोबफोर दं। बेनि अनगायैबो राव मोनसेयाव बिगोमा, जायगा फोरमायग्रा गोबां सोदोबफोर दंबावो। बेफोर बादि मुं फोरमायग्रा सोदोबफोरखौनो मुंमा बुछे। जैरे -- बिफां, गइ, माय, लामा, फिथाइ, बिजाब, गसाइ, मंग्ला, बिबार बायदि बायदि।

मुंमा सोदोबखौ बर' रावावबो गोबां बिबांनि मोनो। बेफोर सोदोबफोरा खायफाया

उदां (Free) आरो खायफाय गोथे (bound) महरनि । बबेबा महरा रिसार जथाइसे (monosyllabic), बबेबा रिसार जथाइनै (di-syllabic) आरो बेफोरनि खायसेया गोबां रिसार जथाइ गोनां (multi-syllabic) महरनि दं ।

बर' रावाव मुंमाखौ मोननै बाहागोयाव बोखावनो हायो :

(1) साननो हानाय (Countable)

(2) साननो हायि (Uncountable)

साननो हानाय मुंमाफोरखौ साननानै दिहुननो हायो एबा साननो हायो । जैरे - मानसि, बिबार, हाजो, बिजाव बायदि बायदि ।

गुबुन फारसे जाय बेसाद एबा मुवाखौ साननानै दिहुननो हाया बिब्दि मुंमाखौनो साननो हायि मुंमा (Uncountable) बुंनाय जायो । जैरे : गाइखेर, थाव, बार, जिउ, उदांसि बायदि बायदि । साननो हायि मुंमाहा सरासनस्रायै बां सानराइ महर थाया ।

SAQ

सौलु : बर' रावनि रिसार जथाइसे आरो मोनसेनिरबुइ बांसिन रिसार जथाइ गोनां मुंमानि सोमोन्दै मोनसे फोरमायथि लिर (मोन 30 सोदोबनि गेजेराव) ।

.....
.....
.....

सौलु : बर' रावनि सानजानाय आरो सानजायि मुंमानि सोमोन्दै मा मिथिगौ लिर (मोन 30 सोदोबनि गेजेराव) ।

.....
.....
.....
.....

4.4 मुंमानि दाथायारि बाहागो :

दाथायखौ नायनानै मुंमाखौ मोननै बाहागोयाव राननो हायो :

(1) गुबै मुंमा (Basic Noun)

(2) महर सोलायनाय मुंमा (Derived Noun)

(1) **गुबै मुंमा** : जाय मुंमा सोदोबा गावहानो उदां ओंथि गोनां, सोदोबा गावनो माबा मुं फोरमायो अब्ला बेखौनो गुबै मुंमा बुडे । बेफोर सोदोबखौ सिफायोब्ला बोखाव जानाय सोदोब महरा जेबो ओंथि फोरमायहाया एबा गुबै सोदोबजों सोमोन्दो थाया । जैरै : गइ, फाथो, दाव, हा, दै, बार, अखां, जोमै, अखाफोर, लाइ बायदि बायदि । बेफोर सोदोबहा गावहानो उदां ओंथि दं आरो बेफोरखौ सिफायना दिन्थिनो हाया ।

(2) **महर सोलायनाय मुंमा** : महर सोलायनाय मुंमाखौ मोननै बाहागोयाव रानबावनो हायो ।

(क) मुंमायारि (Nominal)

(ख) थाइजायारि (Verbal)

• मुंमायारि मुंमाखौ मोननै बाहागोयाव रानबावनो हायो । बेफोर जादों :

(1) जथाइ मुंमा (Compound Noun)

(2) मुंमाजों उन दाजाबदा दाजाबनाय मुंमा

4.4.1 जथाइ मुंमा :

मोननै मुंमाया जेब्ला जथाइनानै मोनसे सोदोब एबा मुंमा जायो, अब्ला बेखौनो जथाइ मुंमा बुडे । जैरै :

गय + बारि = गयबारि

खान्थाल + बारि = खान्थालबारि

दावखा + बिदै = दावखाबिदै

बाला + हामा = बालाहामा

फिसा + जोला = फिसाजोला/फिसाज्ला

खिग्रा + न = खिग्रान

बार + मोदाइ = बारमोदाइ

राज + खुंगुर = राजखुंगुर

अर + खि = अरखि

दाव + खि = दावखि

बिफा + गुरु = बिफागुरु

अर + सालाइ = अरसालाइ बायदि बायदि।

4.4.2 मुंमाजों उन दाजाबदा दाजाबनाय मुंमा :

बे रोखोमनि दाजाबनाय मुंमा सोदोबाव उदां महराव उन दाजाबदा दाजाबदेरनाय जायो। जैरे :

उदां महर		उन दाजाबदा		मुंमा सोदोब
माइ	+	सालि	>	माइसालि
हाथाइ	+	सालि	>	हाथाइसालि
सानजा	+	आरि	>	सानजारि
हाजो	+	आरि	>	हाजोआरि
फालां	+	गिरि	>	फालांगिरि
मोदाइ	+	सालि	>	मोदाइसालि
दाव	+	सि	>	दावसि
मावरिया	+	सोन	>	मावरियासोन बायदि बायदि।

SAQ

सौलु : जथाइ मुंमानि दाथायनि सोमोन्दै मा मिथिगौ लिर
(मोन 20 सोदोबनि गेजेराव) ।

.....
.....
.....

सौलु : मुंमाजौ उन दाजाबदा दाजाबनाय मुंमानि सोमोन्दै मोनसे
फोरमायधि लिर (मोन 20 सोदोबनि गेजेराव) ।

.....
.....
.....

4.5 थाइजायारि मुंमा :

मुंमा सोदोबखौ थाइजा सोदोबफोरजौ उदां एबा दाजाबदाफोर गलायदेरनानैबो
दानाय जायो । बिब्दि मुंमा सोदोबखौ मोननै बाहागोयाव राननो हायो । जैरे :

- (1) थाइजाजौ उन दाजाबदा दाजाबदेरना
- (2) गुबै मुंमाजौ थाइजा दाजाबदेरना
- (3) थाइजाजौ सिगां दाजाबदा दाजाबदेरना

4.5.1 थाइजाजौ उन दाजाबदा दाजाबदेरना :

थाइजा सोदोबजौ उन दाजाबदा दाजाबदेरनानै मुंमा सोदोब दानाय जायो । जैरे :

थाइजा		उन दाजाबदा		मुंमा
लिर	+	गिरि	=	लिरगिरि
फोरौ	+	गिरि	=	फोरौगिरि

सोरजि	+	गिरि	=	सोरजिगिरि
खार	+	ग्रा	=	खारग्रा
सोबा	+	नाय	=	सोबनाय
दा	+	ग्रा	=	दाग्रा
बु	+	ग्रा	=	बुग्रा
सिबि	+	आरि	=	सिबियारि
सान	+	सि	=	सानसि

4.5.2 गुबै मुंमाजों धाइजा दाजाबदेरना :

बिब्दि मुंमा दानायाव गुबै मुंमानि उनाव धाइजा दाजाबदेरनाय जायो । जैरे :

गुबै मुंमा		धाइजा		मुंमा
सान	+	दुं	=	सानदुं
दै	+	हु	=	दैहु
हा	+	सिब	=	हासिब
लाइ	+	जौ	=	लाइजौ

4.5.3 धाइजाजों सिगां दाजाबदा फजनानै :

खायसे मुंमाखौं धाइजानि सिगांदाव दाजाबदा फजदेरना मुंमा सोदोबखौं दायो ।

जैरे :

दाजाबदा		धाइजा		मुंमा
बि	+	थोन	=	बिथोन
बि	+	बार	=	बिबार
सि	+	खाव	=	सिखाव
बि	+	बान	=	बिबान

SAQ

सौलु : बर' रावाव थाइजाजों मा मा उन दाजाबदा दाजाबनाने
मुंमा दानाय जायो फोरमाय (मोन 30 सोदोबनि गेजेराव) ।

.....
.....
.....
.....

सौलु : बर' रावाव गुवै मुंमाजों थाइजा दाजाबदेरना मुंमा
दाफिननाय खान्थिनि सोमोन्दै सावराय
(मोन 30 सोदोबनि गेजेराव) ।

.....
.....
.....
.....

4.6 मुंराइ आरो बेनि बाहागोफोर :

मुंमानि सोलाय जनाय सोदोबखौनो मुंराइ बुडे । बर' रावावयो मुंमाखौ खनले
खनले आवरायबाय थाया लासे बेनि सोलाय गुबुन सोदोब बाहायो । बिब्दि बाहायजानाय
सोदोबफोरा -- बियो, नों, जों, गाव, बे, बै, बायदि बायदि । बे सोदोबफोरा मोनसे
जादों । रावनि सोदोबबाखिखौ बांहोयो आरो रावखौबो खोनासंनो गोदें समायना
खालामो ।

आन्जाद लानाय (CYP)

सौलु : मुंराइ होनोब्ला गोसोयाव मा मोनसे सानसि सोमजिखाडे ?

बर' रावाव मुंराइखौ मोनबा बाहागोआव राननो हायो :

- (1) सुबुं दिन्थिग्रा मुंराइ (Personl Pronoun)
- (2) थावनि दिन्थिग्रा मुंराइ (Demonstrative Pronoun)
- (3) सौंनाय दिन्थिग्रा मुंराइ (Interrogative Pronoun)
- (4) गाव दिन्थिग्रा मुंराइ (Reflexive Pronoun)
- (5) थि दिन्थियि मुंराइ (Indefinite Pronoun)

4.6.1 सुबुं दिन्थिग्रा मुंराइ :

जाय मुंराइखौ मानसिखौ फोरमायनो बाहायनाय जायो बेखौनो सुबुं दिन्थिग्रा मुंराइ बुंनाय जायो। सुबुं दिन्थिग्रा मुंराइहा से सानराइ आरो बां सानराइ फोरमायग्रा सोदोब दं। सुबुंसाइखौ लानानैबो मुंराइखौ बाहागो रानबावनाय जायो। बेफोरखौ सानराइ आरो सुबुंसाइजों लोगोसे गाहयाव होनाय जाबाय--

सुबुंसाइ		से सानराइ	बां सानराइ
सेथि सुबुंसाइ		आं	जों
नैथि सुबुंसाइ	मान होयि	नों	नोंसोर
	मान होनाय	नोंथां	नोंथांमोन
थामथि सुबुंसाइ	मान होयि	बि	बिसोर
	मान होनाय	बिथां	बिथांमोन

बर' रावनि सुबुं दिन्थिग्रा मुंरायाव हौवा-हिन्जावनि जेबो फाराग गैया। बे बादिनो सेथि सुबुंसायाव मान होनाय आरो मान होयि महरनि जेबो फाराग गैया। नाथाय नैथि सुबुंसारनि सुबुं दिन्थिग्रा मुंराइफोरा मान होयि आरो मान होनाय सोदोबफोरबो दं। नैथि सुबुंसाइनि 'नों' आरो 'नोंसोर' आरो थामथि सुबुंसाइनि 'बि' आरो 'बिसोर' मुंराया मान होयि, नाथाय से सानराइनि 'नोंथां, बिथां' आरो बां सानराइ 'नोंथांमोन, बिथांमोन'आ मानहोना गाबजिनाय।

SAQ

सौलु : सुबुं दिन्थिग्रा मुंराइनि सोमोन्दै गुवारै फोरमायना लिर
(मोन 30 सोदोबनि गेजेराव) ।

.....
.....
.....
.....

4.6.2 थावनि दिन्थिग्रा मुंराइ :

खाथि आरो गोजान जायगाखौ दिन्थिनाय सोदोबानो थावनि दिन्थिग्रा मुंराइ । बे मुंराया बर' रावाव मोननै -- 'बे' आरो 'बै' । बेफोर मुंराया से सानराइ फोरमायो । बां सानराइ दिन्थिनो 'सोर' आरो 'फोर' दाजाब देरनांगौ । मानसि फोरमायनो 'सोर' आरो बेसाद फोरमायनो 'फोर' दाजाबदाखौ बाहायो माब्लाबा मानसिजौबो 'फोर' उन दाजाबदा बाहायफानायखौ नुयो । जेरै :

से सानराइ : बे, बै

बेयो आंनि अनजालि ।

बे बिजाबा गोनांथार ।

बैखौ लाबो ।

बै नुहरनाय गामिया आंनि ।

बां सानराइ : बेफोर, बैफोर, बेसोर, बैसोर

बेफोर गथखौ मा बुंनो ।

बैफोर हाग्राखौ दानसां ।

बेसोर हाथायाव थाड ।

बैसोर फरायसालियाव थांदौ ।

4.6.3 सौनाय दिन्धिग्रा मुंराइ :

सौनायाव बाहायनाय मुंराइखौनो सौनाय दिन्धिग्रा मुंराइ बुंनाय जायो । बर' रावाव 'सोर, मा, बबे' मुंराइफोरखौ मानसि, मुवा - बेसादफोरखौ मोनथिनो लुबैनाय ओंथियाव बाहायनाय जायो ।

'सोर' मुंराइखौ मानसि दिन्धिग्रा बाहायनाय जायो । 'सोर' मुंराया से सानराइ फोरमायखायो, बां सानराइ फोरमायनो खनले खनले आवरायनो गोनां जायो । जैरे : सोर सोर ।

से सानराइ : सोर

सोरखौ नांगौ ?

नोछे सोरखौ नेदों ?

बेयो सोरनि खामानि ?

बां सानराइ : सोर सोर

सोर सोरखौ लिंहरदों ?

रामा सोर सोरखौ बुधरदोंमोन ?

'मा' मुंराइखौ मानसि एबा बेसादखौ फोरमायनायाव बाहायनाय जायो । बेखौ बां सानराइ खालामनोब्ला खनले खनले मुंखबानो जायो । जैरे : मा मा,

से सानराइ : मा

बिनि मुडा मा ?

बेयो मा बिजाव ?

बां सानराइ : मा मा

नोछे मा मा खामानि मावखो ?

नों मा मा जाखो ?

'बबे' मुंराइखौ बेसादफोरखौ फोरमायनायाव बाहायनाय जायो । गुबुन मुंराइफोर बादिनो बां सानराइ खालामनो बेखौ खेबनै मुंखनो गोनां जायो । जैरे : बबे बबे

से सानराइ : बबे

बबे खामानिखौ नों गौरा मोनो ?

ताजमहला बबेयाव दं ?

बां सानराइ : बबे बबे

बबे बबेया मोजां ?

नोंनो बबे बबेखी नांगौ ?

आन्जाद लानाय (CYP)

सौलु : सौनाय दिन्धिग्रा मुंराइनि बां सानराइनि दाथावखी फोरमाय ।

4.6.4 गाव दिन्धिग्रा मुंराइ :

जेब्ला बाध्रायाव मावग्राया खामानिखौ गावनो मावनाय दिन्धिफिननो नाजायो अब्ला मावग्रानि सोलाय जनाय मुंराइखौनो गाव दिन्धिग्रा मुंराइ बुंनाय जायो । बिब्दि 'गाव' मुंराइखौ सुबुं दिन्धिग्रा मुंराइफोरजों जफोदेरनाय नुयो । बां सानराइ फोरमायनो बेजों 'सोर' दाजाबफानाय जायो । बाध्रायाव बेखी नैथि आरो थामथि सुबुंसाइनि बां सानराइ फोरमायग्रा मुंराइजोंल जफादेरनाय नुयो । जैरै :

बिसोर गावसोरनो थांदों ।

नोंसोर गावसोरनो ज रायलायदो ।

4.6.5 थि दिन्धियि मुंराइ :

जाय सोदोबा माबा मोनसे थि दिन्धिया अब्ला बेखौनो थि दिन्धियि मुंराइ बुंनाय जायो । थि दिन्धियि मुंराइफोरा : सोरबा, रावबो आरो खायफा ।

4.8 सोदोबबाखि (Glossary) :

बर'	इंराजि
मुंमायारि बाहागो	Nominal Group
मुंमा	Noun
गुबै मुंमा	Basic Noun
साननो हानाय	Countable
साननो हाथि मुंमा	Uncountable Noun
दाजानाय मुंमा	Derived Noun
धाइजानिफ्राय दाजानाय मुंमा	Verbal Noun
जथाइ मुंमा	Compound Noun
मुंमानि बाहागो राननाय	Classification of Noun
मुं दिन्थिग्रा मुंमा	Proper Noun
फोलेर दिन्थिग्रा मुंमा	Common Noun
जथाइ दिन्थिग्रा मुंमा	Collective Noun
गुन दिन्थिग्रा मुंमा	Abstract Noun
मुवा दिन्थिग्रा मुंमा	Material Noun
मुंराइ	Pronoun
सुबुं दिन्थिग्रा मुंराइ	Personal Pronoun
धावनि दिन्थिग्रा मुंराइ	Demonstrative Pronoun
सोनाय दिन्थिग्रा मुंराइ	Interrogative Pronoun
गाव दिन्थिग्रा मुंराइ	Reflexive Pronoun
थि दिन्थियि मुंराइ	Indefinite Pronoun

सुबुंसाइ	Person
सानराइ	Number
से सानराइ	Singular Number
बां सानराइ	Plural Number
मान दिन्धिग्रा	Honorific
मान दिन्धियि	Non-honorific

4.7 सार बाहागो (Summing Up) :

जायखिजाया मुं दिन्धिनाय सोदोबानो मुंमा । मुंमा सोदोबानो बर 'नि सोदोब बाखियाव गोबां जायगा आवग्रिदों । मुंमा सोदोबफोरा खावसेया गुबै मुंमाब्लाबो खावसे मुंमाखौं गुबै मुंमा, दाजाबदा एबा थाइजाजों दाजाबदा फजदेरनानै दानाय जायो ।

मुंमानि सोलाय जनाय सोदोब मुंराइखौं गासै मोनबा बाहागोयाव रानबावनो हायो । बेफोर जादों :

1. सुबुं दिन्धिग्रा मुंराइ
2. थावनि दिन्धिग्रा मुंराइ
3. सौंनाय दिन्धिग्रा मुंराइ
4. गाव दिन्धिग्रा मुंराइ
5. थि दिन्धियि मुंराइ

सुबुं दिन्धिग्रा मुंराइफोरखौं मान होयि आरो मान होनाय बे मोननै महराव मोननो हायो । बर ' रावाव बां सानराइ फोरमायनो खायसे मुंराइफोरजों बां सानराइ दिन्धिग्रा दाजाबदा दाजाबनाय जायो आरो खायसेखौं खेबनै खेबनै बुंनानै बां सानराइ महर होनाय जायो । बे बादिनो खायसे बां सानराया बे रावाव उदां महरनिबो दं ।

4.9 जानो हाथाव सॉलुफोर (Probable Questions) :

1. मुंमा माखौं बुझे ? बर' रावनि साननो हानाय आरो साननो हायि मुंमाफोरनि सोमोन्दै मा मिथिगौ बिदिन्थिजों फोरमाय ।
2. दाथायखौं नायनानै मुंमाखौं मोनबेसे बाहागोयाव बोखावनाय जादों आरो बेफोरनि सोमोन्दै मा मिथिगौ गुवारै फोरमाय ।
3. मुंमायारि मुंमानि सोमोन्दै मा मिथिगौ लिर ।
4. थाइजायारि मुंमानि सोमोन्दै मा मिथिगौ लिर ।
5. मुंराइ माखौं बुझे ? बर' रावनि मुंराइफोरा मोनबेसे आरो मा मा लिर ।
6. बर' रावनि मुंराइनि गुबुन गुबुन बाहागोफोरनि सायाव गुवारै फोरमायना लिर ।
7. सुंदवै लिर :
 - क) साननोहानाय मुंमा
 - ख) साननोहायि मुंमा
 - ग) गुबै मुंमा
 - घ) महर सोलायनाय मुंमा
 - ङ) थाइजायारि मुंमा
 - च) सौनाय दिन्थिग्रा मुंराइ

4.10 हेफाजाब लानाय आरो फरायनो गोनां बिजाबफोर (References and Suggested Readings) :

- Bhattacharya, P.C. : A Descriptive Analysis of the Boro Language, 1977, Gauhati University
- Boro, Madhuram : The Boro Structure, Priyadini Printing Press, Hajo

- Brahma, Lahari & Boro : A textbook of English Second Paper, Bina Library, Guwahati, 1987
- Krishnaswamy : Modern English, A Book of Grammar, Usage and Composition - Macmillan, 2001
- Thakur, D. : Linguistic Simplified Morphology, Bharats Bhawan, Patna, Rep. 2001
- बर', मधुराम : गोजौ रावखान्थि, प्रिन्टि प्रेस, हाज', 1996
- ब्रह्म, कमल कुमार : गोनं रावखान्थि, 1975
- बसुमतारि, फुकन : बर' रावनि महरखान्थि, गुमुर् पाब्लिकेशन, नैथि फोसावनाय, 2005

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism
M.A./M.Sc. in Economics, Mathematics
M.Com

PG Diploma Programme:

Sales & Marketing Management (**PGDSMM**)
Human Resource Management (**PGDHRM**)
Journalism & Mass Communication (**PGDJMC**)
Business Management (**PGDBM**)
Finance Management (**PGDFM**)
Banking & Financial Services (**PGDBFS**)
Insurance & Risk Management (**PGDIM**)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT




GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-VIII(3)



INSTITUTE OF DISTANCE AND OPEN LEARNING
GAUHATI UNIVERSITY



BODO

Paper VIII

PHONETICS, PHONEMICS & MORPHEMICS

Block 3

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

बैथि बिलाइ (Paper VIII)

बर' राव

बाहागो - 3 (Block- 3)

बर' रावनि महरखान्थि

आयदाफारि (Contents)

बाहागोनि बेखेवनाय (Block Introduction)

खोन्दो - 1 (Unit - 1)

बर' रावनि मुंमायारि लेइय रावखान्थियारि बाहागोफोर

खोन्दो - 2 (Unit - 2)

बर' रावनि थाइजायारि गाहाय रावखान्थियारि बाहागोफोर

खोन्दो - 3 (Unit - 3)

बर' रावखान्थिनि गुबुन गुबुन बिथिंफोर

Contributor

Madhu Ram Boro
Unit - 1, 2 & 3

Guest Teacher,
Department of Bodo
Gauhati University

Content Editing

Dr. Swarna Prava Chainary
Department of Bodo
Gauhati University

Cover Page Design

After All

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

बाहागो - 3 (Block) - 3

बाहागोनि बेखेवनाय (Block Introduction) :

बे बाहागोयाव गुबैयै बर' रावनि महरखान्थिनि सोमोन्दै सावरायनो लानाय जादों। बाहागोनि खोथाखीं गुवारै आरो गेबेडै सावरायनो थाखाय मोनथाम खोन्दोयाव बाहागो रानानै सावरायनो लानाय जादों।

गिबि खोन्दोयाव बर' रावनि मुंमायारि लेडाय रावखान्थियारि बाहागोफोर मुं हानानै बर' रावनि मुंमायारि हानजाफोरनि सोमोन्दै गुवारै सावरायनाय जादों।

नैधि खोन्दोयाव बर' रावनि थाइजायारि गाहाय रावखान्थियारि बाहागोफोर मुं होनानै थाइजायारि हानजानि सोमोन्दै गुवारै सावरायनाय जादों।

थामथि खोन्दोयाव बर' रावखान्थिनि गुबुन गुबुन बिधिंफोर मुं होनानै बर' रावनि बायदि बिधिंफोरनि सायाव सावरायनाय जादों।

मोनफ्रोमबो खोन्दोयाव नांगौबादियै SAQ, आन्जाद लानाय, सोदोब बाखि, जानो हाथाव सौलुफोरबो होफानाय जादों।

बे बाहागोनि खोन्दोफोर :

खोन्दो 1 (Unit - 1): बर' रावनि मुंमायारि लेडाय रावखान्थियारि बाहागोफोर

खोन्दो 2 (Unit - 2): बर' रावनि मुंमायारि गाहाय रावखान्थियारि बाहागोफोर

खोन्दो 3 (Unit - 3): बर' रावखान्थिनि गुबुन गुबुन बिधिंफोर

खोन्दो - 1 (Unit -1)

बर' रावनि मुंमायारि लेडय रावखान्थियारि बाहागोफोर
(Secondary Nominal Grammatical Categories in Bodo)

खोन्दोनि महर :

- 1.1 बेखेवनाय (Introduction):
- 1.2 थांखि (Objectives) :
- 1.3 बर' रावनि सानराइ :
- 1.4 बर' रावनि आथोन :
- 1.5 बर' रावनि मावरिजा :
- 1.6 बर' रावनि बिसानफोर :
 - 1.6.1 बिसान दानायनि खान्थि :
- 1.7 बर' रावनि थि दिन्थिग्रा बिसान :
- 1.8 सार बाहागो (Summing Up) :
- 1.9 सोदोब बाखि (Glossary) :
- 1.10 जानो हाथाव सॉलुफोर (Probable Questions) :
- 1.11 फरायनो गोनॉ बिजाबफोर (References and Suggested Readings):

1.1 बेखेवनाय (Introduction) :

गोदान रावखान्थि बादियैक्ला राव मोनसेनि सोदोबफोरखौ गिबियारि (Primary)
आरो लेडयारि (Secondary) बे मोननै थाखोयाव (Category) राननो हायो । गुबुन

गुबुन रावफोरनि बादियै बर' रावनि सोदोबफोरिखौबो बे बादिनो मोननै थाखो एबा हानजायाव राननो हायो । सेथि एबा गिबि धाखोयाव रावनि गुबै सोदोबफोरखौ लानाय जायो, जैरे- मुंमा, मुंराइ, थाइलालि, थाइजा । बेफोरखौनो जयै गिबि गाहाय रावखान्थियारि सोदोब हानजा (Primary grammatical categories of words) एबा गिबि सोदोब हानजा (Word class) बुंनय जायो । बुंनो थाडेब्ला बेफोर सोलिखान्थियारि रावखान्थिया मुखनाय सोदोबमा (Parts of speech)-नि अनगायै जेबो नछ । बर' रावाव जौ बेफोर बादि सोदोब हानजाखौ गनायना लानाय जादौ । बेफोर बादि गिबि सोदोब हानजाखौ सोलायना सोदोब दाफिननायाव जाय माखासे महर एबा दाजाबदा नांनय जायो बेफोरखौनो नैथि एबा लेइय रावखान्थियारि सोदोब हानजा (Secondary grammatical categories) बुंनय जायो । गुबुन गुबुन रावफोरनि बादियै बर' रावावबो सानराइ, आथोन, मावरिजा, बिसानफोरखौ बे हानजायाव लानाय जादौ । बेफोर मोनसेबो गिबि सोदोब नछ । बेफोरनिफ्राय लानाय दाजाबदाफोरखौसो सेथि एबा गिबि हानजा सोदोबफोरनि उनाव फजनानै गोदान सोदोब (Parts of speech) दानाय जाफिनो; जैरे- मानसि-मानसिया (मानसि + आ - मावग्रा मावरिजा), मानसि-मानसिफोर (मानसि + फोर - बां सानराइ), दावज्ता (दाव + जोला - जोला आथोन), दावजो (दाव + जो - जो आथोन), नैजि (नै + जि - नै गुन जि), मासे (मा + से, जैरे: दावनि अनजिमा), सानै (सा + नै-मानसिनि अनजिमा, सासेनि बांसिन) बायसेथा ।

महरथि सोदोबखौबो सेथि एबा गिबि सोदोब हानजायाव सोरबाफोर रावा सरजाबना लादौ । नाथाय बेफोर महरथि सोदोबाव नैथि एबा लेइय सोदोब हानजानिफ्राय लानाय जेबो दाजाबदा फजनो हाया । बे सोदोबफोरा रावखान्थिनि नेम मते जैरेबो सोलाय सोल जाया एबा बेफोरनिफ्राय जेबो गोदान सोदोब दाफिननो हाया । नाथाय बाथा दानायाव बेफोरखौ जायगा जायगा फजनानै रावखान्थिनि नैम बादियै बाहायनाय जायो ।

आनजाद लानाय :

सोलु : गिबियारि आरो लेइयारि रावखान्थियारि सोदोब हानजा माखौ बुडे ।

1.2 थॉख (Objectives) :

मोनसे रावनि गॉसिबो सोदोबफोरखौं बाधायव बाहायनो थॉखायनो नैथि एबॉ लेडाय सोदोब हानजाखौं दाजाबदा महरै बाहायनाय जायो । सोलिखान्थियारि रावखान्थियाव बेफोरखौं सोदोबनि सिडव लाबोनाय जायाखै । मानोना दाजाबदाफोरा जेब्लाबो सोदोब जानो हाया । बेनिखायनो बे बाहागोनि महरखौं नैथि एबॉ लेडाय हानजायाव लानाय जादों । बेनो सोदोब आरो बेखेवफा एबॉ दाजाबदानि गेजेराव धानाय फारागथिया । बे बादिब्ला सेथि रावखान्थियारि सोदोब हानजाया सोदोबानो जायखौं सोलिखान्थियारि रावखान्थियाव सोदोबमा बुंनाय जादों । बेफोर बहुमनां समान जायाबो जानो हागौ । नाथाय नैथि रावखान्थियारि हानजाया बहुमनि गॉसिबो रावाव दं आरो बयबो समान ।

1.3 बर' रावनि सानराइ :

जाय दाजाबदा महरा से एबॉ गोबां अनजिमानि सोमोन्दै फोरमायना दिन्थियो बेखौंनो सानराइ बुडो । सानना दिन्थिनो थॉखायनो सानराइ बाहायनाय जायो । बे बादिनो से अनजिमा दिन्थिनो से आरो गोबां अनजिमा दिन्थिनो बां सानराइ बाहायनाय जायो जैरै- मानसि (से)- मानसिफोर (मानसि + फोर - बां); नों (से)- नोंसोर (नों + सोर - बां), नोंथां (से)- नोंथांमोन (नोंथां + मोन - बां) ।

से सानराइ दिन्थिग्रा सोदोबफोरखौं बायदि खान्थिजों बेफोरनि उनथिं सानराइ दाजाबदा एबॉ गोबां फोरमायग्रा सोदोब फजनानै बां सानराइ दानाय जायो । बेनो सानराइ सोलायनाय गुबै खान्थि । गोबां बुजायग्रा महर एबॉ दाजाबदाफोरा जादों {-फोर, -सोर, -मोन} बेफोरनि दाजाबदा बाहायनाय खान्थिखौं गाव गाव सोदोबनि उनाव जनांगौ बादियै दिन्थि होना फोरमायनाय जाबाय-

1. {-फोर} : बेयो सरासनग्रा एबॉ गेजेरारि सोदोबनि उनाव जयो, जैरै

से	बां
मोसौ	मोसौफोर
खान्थाल	खान्थालफोर

बे	बेफोर
गोजा	गोजाफोर

नाथाय मानगोनां बुजायनो बां बुजायग्रा (-फोर) दाजाबदाखीबो से सानराइनि ओंथियाव बाहायनाय जायो, जैरे- बिहाव (से) - बिहावफोर (बां ओंथियाव); बोराइफोर (बिहाव); बुरैफोर (बिखुनजो) जावाइफोर (बिजामादै) बायसेध्रा।

2. {-सोर} : गेजेर आरो उजेर से सानराइ दिन्थिग्रा मुंराइनि उनाव बे दाजाबदा महरखी बाहायनाय जायो; जैरे-

से	बां
नों	नोंसोर
बि	बिसोर

नाथाय मानगोनां बुजायनोबो बे बादि बां सानराइ दाजाबदाखीबो से सनराय दिन्थिनो बाहायनाय जायो; जैरे

से	से (मानगोनां)
नों	नोंसोर
बि	बिसोर

बिहाव, बिखुनजो, बिमाइ, बिबनाइ, बिजामादैफोरनि गेजेराव मान दिन्थिनो बे बादि बाहायनाय खान्थि दं।

3. {-मोन} : सुबुं दिन्थिग्रा गेजेर आरो उजेर मुंराइजों दानाय मानगोनां सोदोव, मुं आरो सोमोन्दो दिन्थिग्रा मुंमानि उनाव बे सानराइ दाजाबदा एबा महरखी बाहायनाय जायो; जैरे

से	थां
नोंथां	नोंथांमोन
बिथां	बिथांमोन

आमाइ	आमाइमोन
आदा	आदामोन
लद्राइ	लद्राइमोन (मुं)
लेबेन	लेबेनमोन (मुं)

सेनिफ्राय बां सानरायाव सोलायनाय बे बादि सानराइ दाजाबदा फजनायानो गुबै रावखान्थियारि खान्थि । नाथाय बेफोरनि अनगायैबो जथाइ एबा गोबां दिन्थिग्रा सोदोबफोराबो बां सानराइ ओंथि फोरमायो, जैरे- (सुबुं) राइजो, (दाव) फालो, (सुबुं) हानजा, गोबां (मानसि), (ओंखाम) दामा; (मानसि), बुर्जा, (जिगाब) दामोल, (जों) बयबो बादि गोबां फोरमायग्रा सोदोबफोरा गावसोरनो बां सानराइ दिन्थियो आरो बेफोर सोदोबनि उनाव जेबो बां सानराइनि महर गोनं जाय । नाथाय बेखौबो राव बिगियाननि खान्थि मते लाथिख महर जनायखौ बुजायो । बेफोर बां सानराइ बुजायग्रा सोदोबजों जफानाय मुंमायारि सोदोबफोराबो बां सानराइनि दाजाबदा महर दं; जैरे- गोबां मानसि, दाव, फालो, बायसेश्रा ।

मुंमायारि सोदोब हानजायाव गोलैनायखायनो थाइलालि सोदोबखौबो बां सानराइ महर फजनानै मुंमा बादि बां सानराइ सोदोब दानो हायो, जैरे- गोजा-गोजाफोर, गोसोम-गोसोमफोर, जासुला-जासुलाफोर, गिख-गिखफोर बायदिंसिना । सेनि बाहेरा गुबुन बिसानफोरा गाव गावनो गोबां । बेफोर बां बेफोरनि सानराइ दिन्थियो । थेवबो बेफोरनि उनाव जनाय सोदोबफोराबो बां सानराइ दाजाबदा जवा; जैरे- सात्रै मानसि, नैजिबा मोसौ, गंवा न ।

बिसाना थाइलालिनि बादि हाबा मावो । बेनिखायनो वेयो मुंमानि सिगाडव बिसान थाइलालि बादि हाबा मावो; जैरे- मानै दाव, लथानै दै । माब्लाबा से आरो बां सानराइनि महरा गुबुन गुबुन जायो । बे हिसाबै बां सानराइनि महराव जनाय सोदोबा गावनो बां सानराइ जायो । जैरे- आं जों, से- गोबां, से- बुर्जा;

दाजाबारि बिसान सानख बुजायनायलाय थख थख साननो हानाय सोदोबनि उनावबो सानराइ थानाय बादि हमजायो; जैरे- गलिसे मोसौ, गारिसे मानसि, दांसे थालिर ।

मोनसे सोदोबखौनो खेबनै बुंनानैबो बां सानराइ बुजायनो हायो, जेरै, न न;
मानसियानो मानसि, दैयानो दै, लामा लामा, बायसेध्रा। समान एबा समानहां ओर्थिनि
सोदोबफोरखौ बुंफाना बां सानराइ खालामनो हायो; जेरै- थोरसि लथा, हा-हु, माइ-
दै, मोसौ-मोसा, मानसि-दुमसि बायदि बायदि।

जथाइ सानराइ आरो बिसान सानराया सोदोबनि सिगां एबा उनाव थाइलालिनि
बादियैनो जनो हायो; जेरै- मानसि बुर्जा, बुर्जा मानसि, मोसौ हालिसे, हालिसे मोसौ;
मैसो मानै, मानै मैसो, दैनै बिदै, बिदै दैनै बायसेध्रा।

S.A.Q..

सोलु 1 : बर' राबनि सानराया मोनबेसे आरो बेफोर मा मा लि। (मोन 20
सोदोबनि गेजेराव)

.....
.....
.....

सोलु 2 : बर' रावाव मा मा राहाजो से सानराइनिफ्राय बां सानराइसिम लांनाय
जायो लि। (मोन 40 सोदोबनि गेजेराव)

.....
.....
.....
.....
.....

1.4 बर' राबनि आथोन :

जाय सोदोब एबा महरजो जोला आरो जोनि सोमोन्दै गियान मोनो बेखौनो

आथोन बुंनाय जायो; सोलिखान्थियारि रावखान्थिनि मते आथोना मोनब्रै। बेफोर जादों-(1) जोला, (2) जो (3) बेसाद आरो (4) जधुम आथोन। जाय सोदोब एबा महरा जोला एबा हौवा फोलेरखौ सिनायनो हायो बेखौनो जोला आथोन बुंनाय जायो, जैरे- हौवा, दावज्ला, बुन्दा, राजा बायदिसिना। जाय सोदोब एबा महरजों जो एबा हिनजाव फोलेरखौ सिनायनो हायो बेखौनो जो आथोन बुंनाय जायो; जैरे- जो, हिनजाव, दावजो, बुन्दि, रानि बायसेध्रा।

गोदान रावखान्थि एबा राव बिगियाननि बादिब्ला बे मोननैयानो आथोननि बाहागो। हौवा आरो हिनजावनि महर थाक्लासो आथोन जानो हायो। बेनो मिथिंगायारि आथोन (natural gender)। नाथाय सोलिखान्थियारि रावखान्थिनि मते आरोबाव मोननै आथोननि गेजेराव जाय सोदोब एबा महरजों जोला आरो जो सिनायनो हायो बेखौनो बेसाद आथोन बुंनाय जायो। बेजों मुवा एबा बेसादफोरखौनो बुजायनाय जायो; जैरे- दंफां, अर, हाग्रा, बिबार, बिस्ताइ, दै, न बायसेध्रा। बे बादिनो गुवुन मोनसेया जादों जधुम आथोन। जाय सोदोबजों जोला आरो जो जथायै लाजाबनानै हारि एबा फोलेर दिन्थिनाय जायो बेनो जधुम आथोन। जैरे- मोसौ, मानसि, गथ बायदि बायदि।

बेसाद आरो जधुम आथोननि उनाव सरासनस्रायै अ - इ (' - ि), आ - उ (। - उ), उ - इ (ँ - ि), आ - ए (। - े) आथोन दाजाबदा महर जवा। राव बिगियान मते जोला आरो जोनि महर गैयाखायनो बेसाद आरो जधुम आथोना आथोन गुबै नइ। बेनिखायनो बेसाद (Neuter) आरो जधुम (Common) आथोन गैया। नाथाय इंराजि, असमीयानि बादियै बर' रावावबो माखासे अराय जोला आथोन दोंखायो। बेफोर जादों - बादारि, लाठखार, दौरि बायदिसिना। बे बादिनो अराय जो आथोन सोदोबबो दंखायो, जैरे- रंजालि, आदुंगारि, बखालि, रुवाथि, रजे, माइनाव बायदि बायदि। बेफोरनि जोला आथोन बुजायनायफोरखौ अराय जोला आरो जो आथोन बुजायनायफोरखौ अराय जो आथोन बुंनाय जायो; मानोना बेफोरहा जोला जो उल्था आथोन गैया। असमीयानि बादि बर'नियावबो मोदाइ मोदाइजो दिन्थिनो जोला-जो आथोन-दों; जैरे- मोनसिसिंब्राइ, खुबेर, महादेव, बरुन, इन्द्र, (जोला), दुर्गा, मनसा, माइनाव, खौना सान्थि, कालि (जो), बायदि बायदि। बे बादिनो मुंदांखा हाजो, ग्रह, दैमाफोरनि माखासेखौबो जोला आरो जो हमना लानाय जायो, जैरे

हिमालय, सान, बुरलुंबुधुर (जोला), बुहुम, गंगा, जोनोम हादर (जो) बायदिसिना । बेफोरनि सोमोन्दै आथोन फोथायथिया सास्थोरनि बुंनाय मते सोलिबोदों । बेनिखायनो जोला-जो गुबैनि महरगोनां आथोनासो मिथिंगायारि आथोन (natural gender)) आरो गुबुनफोरा सोलिखान्थियारि रावखान्थिनि मते गनायना लानाय आथोन (grammatical gender) ।

आथोनफोरखौ जोलानिफ्राय आरो उलथायै जोनिफ्राय सोलायनो हायो । जोलानिफ्राय जो आथोनसिम खान्थिखौ बायदि राहायै दिन्थिनो हायो । बेफोर जादों :

(1) गुबुन गुबुन सोदोबजों, जैरै : आफा-आइ, आदा-बाजै, आमाइ-आनै दाहोना रुवाधि, हौवा-हिनजाव, आबौ-आबै, आदै-मादै, गुमै-आब, बिहाव-बिखुनजो, सेंग्रा-सिखला, बोराइ-बुरै बायसेश्रा ।

(2) जधुम आथोन बुजायनाय सोदोबनि उनाव (एबा सिगाडवबो) जोला-जो एबा हौवा-हिनजाव बुजायनाय गुबुन गुबुन सोदोब फजनानै, जैरै- हौवासा-हिनजावसा, फिसा हौवा-फिसा हिनजाव, दाव जोला (दावज्ला)-दाव जो, माउजि बुन्दा- माउजि बुन्दि, बोरेमा फान्था-बोरेमा खान्थि, मोसौ हालुवा-मोसौ गाइ, आलासि हौवा-आलासि हिनजाव, आयं ब्राइ-आयं बुरै बायदि ।

(3) गुबै सोदोबनि उनाव जो सोदोब दाजाबना, जैरै : सुखे-सुखेजो, जोहोलाव-जोहोलावजो,

(4) गोजाम खान्थि मते वर नि मुं दोननायाव जोला-जो आथोन दिन्थिनो गुबै मुंनि उनाव राम-सि, सोन-सि, फजनानै, जैरै : दुदुराम-दुदुसि, एमबुसोन एमबुसि बायदि ।

(5) माब्लाबा जोला आथोन गैयाबालानो जो आथोननि थाखाय गुबै मुंनि उनाव सि, सि, रि, थि, लि महर दाजाबनाय जायो; जैरै- सनासि, बेलासि, गर्यसि, अमासि बायदि ।

(6) गोजौवाव होनाय आथोन सोलायनाय गासिबो खान्थिनिखुइ नाथाय असमीया आरो इराजि रावफोरनि बादिथै जोला आथोन बुजायनाय सोदोबनि उनाव जो आथोन बुजायनो थाखाय माखासे दाजाबनाय खान्थियासो आथोन सोलायनायनि

गुबै खान्धि । बेनो जादों बर' रावनि आथोन सोलायनायनि गुबै राहा । बे महरफोरा जादों- (क) 1-ई, जैः : जामबा-जामबि, अनसुला-अनसुलि, बेंगा-बेंगि, बुन्दा-बुन्दि, लेंगा-लेंगि, फगला-फगलि, बांग्रा-बांग्रि, बायदि । (ख) 1-उ; जैः : हायथा-हायथु, गायथा-गायथु, (ग) 1-ई; जैः : अनजालु-अनजालि (घ) 1-ई; जैः : नाब्ला-नाब्ले, हंला-हंले, गुरला-गुरले बायसेध्रा ।

S.A.Q.

सौलु 1 : राव बिगियाननि खान्धि बादियै बर' रावाव मोनबेसे आथोन दं लिंर । (मोन 20 सोदोबनि गेजेराव)

.....

.....

.....

सौलु 2 : बर' रावनि आथोन सोलायनाय खान्धिखौ सुंदवै फोरमाय । (मोन 30 सोदोबनि गेजेराव)

.....

.....

.....

.....

1.5 बर' रावनि मावरिजा :

सोलिखान्धियारि रावखान्धिनि मते बाध्रायाव जाय सोदोबमाया थाइजाजों सोमोन्दो दिन्धियो बेनो मावरिजा । गुबुन बाध्राजों बुडोब्ला, जाय सोदोबमाया थाइजानि हाबा मावफुनायाव हेफाजाव होयो बेनो मावरिजा । बर' रावावबो असमीयानि बादि मोनस्ति बाहागोनि मावरिजा दं । गाहायाव बेफोरनि बेखेवधिजों लाबजों दिन्धि होफानानै सावरायनाय जाबाय ।

(1) मावग्रा मावरिजा : थाइजानि हाबाखौ मावनाय एबा जानायखौ दिन्थिनायानो मावग्रा मावरिजा। बेनि बेखेवफाया - ओ, -आ एबा लाथिख। बेयो बेखेवगासेनि। बेखौ मोननै बाहागोनि (क) गुबै आरो (ख) मावहोग्रा।

(क) गाव मावनाया गुबै; जैरै- आं जादों, आं थांगोन।

(ख) मालायजों मावनाया मावहोग्रा, जैरै : लावखारा मोसौ गुमदों।

(2) मावजाथा मावरिजा : जायनि सायाव हाबा मावफुनाया जायो बेनो मावजाथा मावरिजा। बेयाव बेखेवगानै मावरिजा जयो। बेनि बेखेवफाया ' -खौ ' एबा लाथिख। ' -खौ ' बेखेवफाया थिरांथा (definite) सोदोबनि उनाव जयो। जैरै : जों ओंखाम जाबाय, आं ना हमदों। आं गथखौ लाबोदों; नों थालिरखौ जा, बायसेश्रा।

खायफा बाध्रायाव गुबै थांखि (direct) आरो बेनि थाखाय (indirect) मोननै मावजाग्रा थायो; जैरै- बियो आंखौ (थांखि) फोरोंगिरि (थाखाय) सानदों। माब्लाबा मावजाग्रा गैयि (Intransitive) थाइजानि (Verb) खामानिखौ सुफुनो थाइलालिजों गोरुबनानै गोरुबफा मावजाग्रा (Cognate object) जयो; जैरै- बियो मोजाडै उन्दुगासे उन्दुबाय; मोसौवा खारगासे खारबाय।

(3) मावफाग्रा मावरिजा-मावग्राया जायनि हेफाजाव लायो बेनो मावफाग्रा मावरिजा। बेयाव बेखेवगाथाम मावरिजा जयो। बेनि बेखेवफाया - 'जों'; जैरै : मानसिया आंथिजों थाबायो; बंफाखौ रुवाजों दानख्लाय; आफाया गारिजों फेदोंमोन; बायदिसिना।

(4) हरमोनग्रा मावरिजा-मावग्राया जायनो माबा मुवा अरायदिननि थाखाय हरनाय दिन्थियो बेनो हरमोनग्रा मावरिजा। बेयाव बेखेवगात्रै मावरिजा जयो। बेनि बेखेवफाया ' -नो '; जैरै - नों बिबायारिनो माइरं हर, आं नोंनो थाइजौ होगोन, बायदि। हरमोनग्रा मावरिजायावबो मोननै मावजाग्रा थानो हायो। बेनि गेजेराव जायखौ हरथारनाय जायो बेनो गुबै (Direct) आरो गुबुन मोनसेया लेडय हरमोनग्रा मावरिजा; जैरै- आं दावनो (लेडय) माइरं (गुबै) होदों; बिमाया गथनो (लेडय) ओंखाम (गुबै) दौदों, बायसेश्रा।

(5) सोमजायग्रा मावरिजा - जायनिफ्राय माबा मोनसे मुवा जुदा जानाय

दिन्थियो बेनो सोमजायग्रा मावरिजा । बेयाव बेखेवगाबा मावरिजा जयो । बेनि बेखेवफाया
-निफ्राय; जैरे- बिफानिफ्राय फिथाइ सिरिदों; दैमाया हाजोनिफ्राय ओंखारो ।

(6) सोमोन्दो दिन्थिग्रा मावरिजा- जायजों माबा सोमोन्दो दिन्थिनाय जायो
बेनो सोमोन्दो दिन्थिग्रा मावरिजा । बेयाव बेखेवगाद मावरिजा जयो । बेनि बेखेवफाया
'-नि' आरो '-हा' ।

(क) सोदोबजों थोंजों सोमोन्दो दिन्थिनायाव - नि, जैरे : आनि बिजाब, नौनि
न, (ख) थइजाजों थानाय एबा गोनां बादि गोजान सोमोन्दो दिन्थिनायाव 'हा' बेखेवफा
जयो; जैरे- आंहा बिजाब दं (Possessive); बिहा न गैया । बायसेश्रा ।

(7) मावजाथा मावरिजा - जेराव माबाफोर थानाय दिन्थियो बेनो मावजाथा
मावरिजा । बेयाव बेखेवगास्निनि मावरिजा जयो । बेनि बेखेवफाया '-आव' आरो
(ख) '-नियाव' । बेसादफोरनि उनाव आरो मुंराइ एबा जिठ-जुनाद बुजायग्रा मुंमानि
उनाव '-नियाव' जयो । जैरे-

(क) बि नआव / नवाव दों; हायाव हाग्रा रजयो ।

(ख) दावनियाव गां दं; नों आनियाव फे, बायसेश्रा ।

आनजाद लानाय :

सॉलु : 1. बर' रावाव मोनबेसे मावरिजा दं आरो बेफोर मा मा ?

सॉलु : 2. बर' रावनि सोमजायग्रा आरो सोमोन्दो दिन्थिग्रा मावरिजा बाहायनायनि
सोमोन्दै लिर ।

1.6 बर' रावनि बिसानफोर :

बिसाना साननो हानाय (Number) आरो साननो हायि (quantity) बेसादफोर
बुजायनाय सोदोब । जैरे- (क) दाव, मानसि, (ख) दै, माइरं, बायदि । बे मोननै
बाहागोनि । मानसेया (क) थख थख साननो हानाय (Cardinals) आरो (ख) गुबुन
मोनसेया थाखो हिसाबै साननो हानाय; जैरे- (क) से, नै, थाम बायदि आरो (ख)

सेथि, नैथि, थामथि बायदि।

बिसानखी नैथि एबा गदाय सोदोब हानजायाव लानाय जायो। बिसानफोरखी (क) साननो एबा (ख) सुनो बाहायनाय जायो; जैरे- (क) मासे दाव, (ख) खादासे माइरं। बिसानाबो से आरो बां सानराइ जानो हागौ; जैरे- सासे मानसि (से); साब्रै मानसि (बां); नाथाय बां सानराइ बुजायनो मुंमायारि सोदोबाव बां सानराइ दाजाबदा जवा; जैरे - साथाम मानसि।

1.6.1 बुंनो थाडोब्ला बर' बिसानफोरा उदां महर (free form) नड्ड। बेफोर गोथे महरसो (bound morpheme)। मानोना बेफोरो उदां महर बादि हारसिं जनो हाया। जेब्लासिम साननो लानाय महरनि सिगाडव थि दिन्थिग्रा (Enclitic definitive) सिगां दाजाबदा फजनाय जाया अब्लासिम बेफोर सोदोब जानो हाया; जैरे - से, नै, थाम, ब्रै बायदि बायदि।

1.6.2 सानराइ लिरनो थाखाय सोदोब लिरनाय हांखोनि (letters / scripts) सोलायै सानखान्थिनि अनजिमा (numerals) हांखो बाहायनाय जायो; जैरे: 1 (से) 2(नै), 3 (थाम), 4 (ब्रै), 5 (बा), 40 (ब्रैजि), 3rd (थामथि), 4th (ब्रैथि) बायसेथा।

बिसान सोदोबफोरखी बाथायाव साननो बाहायनायनि सिगां थि दिन्थिग्रा सिगां दाजाबदा फजनो गोनां जायो; जैरे- मासे मोसौ, सानै मानसि, खुरैसे दै, खादाब्रै माइरं, बाथि बाहागो, गुथि जायगा बायदिसिना।

1.6.3 बिसान दाजाबदाफोरा मोननै बाहागोनि। बेफोर जादों - साननो गोनां मुवा, मानसि एबा जिउ-जुनादफोरखी साननो बाहायनाय गुबुन गुबुन हानजायारि सिगां दाजाबदा (Classifier)। Classifier-आ जादों जिउ गोनां, जिउ गैयि मानसि आरो गुबुन जिउ-जुनाद एबा गथा, दाब्ला, गुवार, गोलाव, दानखोन्दा, जखोन्दा बायदि बायदि महर दिन्थिनो बाहायनाय सिगां दाजाबदाफोर। जैरे-

(क) सा- सासे मानसि, साथाम मानसि

(ख) मा- मासे दाव, माब्रै मोसौ

(ग) थ- थसे लावथि, थबा औवा

(घ) ग- गांसे जि, गांनै बिजाब

(ङ) स- ससे खुसेर, सब ओवा।

गुबुन मोनसे बाहागोनि सिगां दाजाबदाफोरा जादों मोनफा मोनफायै साननो हायि नाथाय जवै लानानै सुनाय मुवाफोरनि सिगाडाव फजनाय बिबांफोर (quantifier)। बेफोरखौ नाजावना लानाय एबा दोननो हानाय आइजेंफोरजोंसो साननाय जायो; जेंरे- खुरैसे दै, खादानै माइरं, लथासे दै, फुवासे गाइखेर, बथलसे थाव बायदि।

1.6.4 बर' बिसाननि हारसिं हारसिं साननाय गिबि अनजिमा (digit) फोरखौ सैनिक्रय गुसिम आरो जि (ten) खौबो लाफानाय जायो; जेंरे- से (1), नै (2), थाम (3), त्रै (4), बा (5), द (6), स्नि (7), दाइन (8), गु (9) आरो जि (10)। गुबुन रावफोराव जिखौ बे हानजायाव लाफानाय जाया। मानोना बेयाव मोननै गिबि अनजिमा (1 + 0) थायो। लाथिख (0) आ अनजिमा नड। थेवबो बिसान दानायाव आगदार्थि फजनानै बेखौ साननो हानाय अनजिमायाव लानो हायो; जेंरे- जिबा (15), जिद (16) बायसेथा। बर' रावाव जिखौबो लाफानायनि जाहोना जादों बेजों गुबुन अनजिमा दाजाबफानानै मोननैनिक्रय लानानै गोबां गेदेर बिसान दानाय जायो; जेंरे- जिदाइन (18), दाइनजि (80), गुजि (90), जिगुजौ (1900) बायदि बायदि।

S.A.Q.

सोंलु 1 : बिसान माखौ बुछे ? बेखौ बर' रावाव मोनबेसे बाहागोयाव साननाय जादों लि। (मोन 40 सौदोबनि गेजेराव)

.....

.....

.....

.....

.....

सॉल्यू 2 : बिसान दाजाबदा माखौ बुडो ? बेखौ बर' रावाव मोनबेसे बाहागोयाव राननाय जादों बिदिन्थिजों फोरमाय। (मोन 30 सोदोबनि गेजेराव)

.....

.....

.....

.....

1.6.1 बिसान दानायनि खान्थि :

जिनिफ्राय गोजौथिं जिगु (19) सिम जिखौ सिगां दाजाबदा बादि फजनानै दानाय जायो, जैरे- जिसे (11), जिब्रे (14), जिबा (15), जिदाइन (18), जिगु (19) बायदि बायदि। बेफोर दाजाबनाय (addition) खान्थि बादि ; जैरे $10 + 5$ (जिबा)। लाथिख गोनां गोजौ बिसान दानायनि थाखाय हारसिं थानाय सेनिफ्राय गुसिमनि अनजिमाफोरखौ सिगा दाजाबदा महरै फजनानै जि अनजिमाखौ उन दाजाबदा बादि फजनाय जायो; जैरे- नैजि (20), बाजि (50), स्निजि (70), गुजि (90) बायदि बायदि। बे खान्थिया सानजाबनाय (Multiplication) बादि। जैरे : $2 \times 10 = 20$ (नैजि) बायसेध्रा।

लाथिख जनाय बिसाननि गोजौथिं सेनिफ्राय गु अनजिमासिम गुबुन मोनसे लाथिख गोनां बिसान जायासिम बिसान दानाय जायो। जैरे- नैजिबा ($20 + 5 = 25$) बैजिब्रे ($40 + 4 = 44$), गुजिगु ($90 + 9 = 99$), जौसे ($100 + 1 = 101$), जौबा ($100 + 5 = 105$), सेजौ ($1 \times 100 = 100$); बाजौ, ($5 \times 100 = 500$)

1.7 बर' रावनि थि दिन्थिग्रा बिसान :

गोजौवाव दिन्थि हिसाबै लानानै माखासे थि दिन्थिग्रा बिसाननि सोमोन्दै सावरायनाय जादों। बर' बिसानफोरा गुबुन गुबुन आर्य रावफोरनि बादिवै जैरे उदाठै एबा आलदायै साननो हानाय सोदोब नइ। बेफोर गोथे महरसो (morpheme)। जेब्लाबो हारसिं जनो हाया। माबाफोर मुवाखौ साननो थाखाय बिसानखौ इराजि बादि

गुबुन रावफोराव थोंजें फजनो हायो । नाथाय बर' रावाव हाया । बे बादिनो असमीया रावावबो हाया । बे खान्थिया बर' रावनि गोहोमाव असमीया रावाव एबा असमीया रावनि गोहोमाव बर' रावाव हाबहैनो हागौ होनना सानजायो ।

बे मोननै रावावबो थि दिन्थिग्रा बिसान दानो माखासे सिगां दाजाबदा दानांगौ जायो । बर' रावाव बेफोर बादि सिगां दाजाबदाफोरखौ जिउ गोनां, जिउ गैयि, मानसि, गुबुन जिउ-जुनाद, गोलाव, गथा, दाब्ले, गुवार, बायखोन्दा, दानखोन्दा बायदि महरखौ नोजोर होनानै बेफोर बादि मुवा- बेसाद, मानसि एबा गुबुन गुबुन जिउ-जुनादनि गोरोबनाय बादियै थि फोरमायनो फजनाय जायो । बेफोरखौ गाहायाव दिन्थि होनानै फोरमायनाय जाबाय :

- (1) सा-मानसि साननो, जैरै- सासे (सा + से) मानसि; साबा मानसि बायदि ।
- (2) मा - जिउ-जुनाद साननो, जैरै- मासे दाव, मानै अमा; माजिधाम माउजि, मासे एमफौ बायदि बायदि ।
- (3) थाइ - फिथाइ - सामथाइ बादि मुवा साननो, जैरै- थाइसे गइ, थाइब्रे नारैखल बायदि बायदि ।
- (4) दै - बिदैफोर बादि मुवा साननो, जैरै- दैजि दावदै ।
- (5) गां - गुवार दाब्ले मुवा साननो, जैरै- गांसे बिजाव, गांभ्रै जि, गांसे फाथै ।
- (6) गं - गोलाव गिलिर मुवा साननो; जैरै- गंसे सिग्रा, गंसे थोरसि बायदि बायदि ।
- (7) थ - गोलाव, दुलुर मुवा साननो, जैरै- थसे खुसेर, थबा औवा ।
- (8) दर - दुलुर बेदर बादि मुवा साननो, जैरै : दरसे आलु ।
- (9) स - दानसनाय बादि मुवा साननो, जैरै- ससे सुसेर, ससे दंफां ।
- (10) गर - बेगर बादि मुवा साननो, जैरै- गरसे माइरं, गरसे फैसा ।

- (11) फं - बाध्राफोर साननो, जैरे- फंसे खोथा, फंसे बाध्रा ।
- (12) थं - गिदिर, गोलाव मुवा साननो, जैरे- थंसे खुन्थिया, थंसे बिफां ।
- (13) थरथिं - लाव लाव मुवा गोलैनाय साननो, जैरे- थरथिंसे दै ।
- (14) खाव - सिंखावनाय मुवा साननो, जैरे- खावनै गइ, खावसे औवा ।
- (15) दों - दिरं बादि मुवा साननो, जैरे- दोंसे दिरं, दोंत्रै खुन्दुं ।
- (16) दाइ - जिगाव बादि मुवा साननो, जैरे- दाइसे खानाइ, दाइनै जिगाव ।
- (17) थोब - फिथोव बादि थोबनाय मुवा साननो, जैरे- थोबसे फिथोव, थोबसे मोदै ।
- (18) दाब - थि जायगा दिन्थिनो साननाय, जैरे- दाबसे जायगा ।
- (19) खर - हाखर बादि मुवा साननो, जैरे- खरसे हाखर, खरसे फुखरि ।
- (20) खोन्दो - बायखोन्दो मुवा साननो, जैरे- खोन्दोसे बाध्रा, खोन्दोसे मेथाइ बायदि बायदि ।

S.A.Q.

सौलु : थि दिन्थिग्रा बिसान माखौ बुडो ? बर' राबनि थि दिन्थिग्रा बिसाननि सोमोन्दै मा मिथिगी बिदिन्थिजों फोरमाय । (मोन 50 सोदोबनि गेजेराव)

.....

.....

.....

.....

.....

.....

.....

गुबुन मोनसे बाहागोनि थि दिन्धिग्रा बिसानखौ मोनफा मोनफायै साननो हायि नाथाय बबेबा आइजेडव लानानै साननाय एबा सुनायाव बाहायनो लानाय जायो, जैरे- खुरैसे दै, थोरसिसे ओंखाम, खादासे माइरं, दैहुसे दै बायदि बायदि।

मोनफायै साननो हानाय मुवा एबा जिठ-जुनादफोरखौबो मोनफा, साफा एबा माफायै सानाब्लानो जथायै थानाय साननो बाहायनाय जायो; जैरे- गारिसे मानसि, नावसे दंफां, मुथासे जिगाव, फालोसे मैसो, हानजासे मानसि; जरासे हांसो, नखरसे मानसि, थोरसिसे ओंखाम, दांलाइसे फिथाइ, बिदांसे थालिर, दांघिसे माइ बायदि बायदि।

मुंमायारि आरो थाइजायारि सोदोबफोराबो अनजिमानि सिगाडव थि दिन्धिग्रा बिसान हिसाबै बाहायजायो; जैरे- मोदोमसे हाबु; खुगासे दै, आधुमसे माइरं, आगानसे हा, संगसे माइरं, जागासे ओंखाम बायदि बायदि।

मुंमायारि सोदोबनि सिगाडव जनाय बिसानफोरा थाइलालि बादि बाहायजायो; जैरे- मानै दाव, साथाम मानसि, मनसे माइ।

1.8 सार बाहागो (Summing Up) :

बर' राबनि मुंमायारि लेडव रावखान्थियारि बाहागोफोर होननानै बुडेब्ला सोदोबमा (Parts of Speech) आव मुंखजायि नाथाय रावखान्थियाव सावरायजानाय मुंमाजों सोमोन्दो गोनां माखासे महर आरो दाथायफोरनि बाधायानो गोसोआव फैयो। बर' रावाव मुंमाजों सावरायजानाय बे बाहागोफोरानो जादों - सानराइ, आथोन, मावरिजा आरो बिसान। गोजौवाव बर' रावाव थानाय मोननै सानराइ, आथोन सोलायनारनि गुबुन गुबुन राहा, गुबुन गुबुन रोखोमनि मावरिजा आरो बिसाननि बाहागो आरो बेनि दाथायफोरनि सोमोन्दै सावराय बोनाय जाबाव। बेफोराव नोजोर होयोब्ला नुयो, बर' रावाव मोननैल सानराइ दं। बेफोर जादों - से सानराइ आरो बां सानराइ। नै सानराइ (Dual Number)नि बाहायथि बे रावाव गैया। बे बादिनो आथोननि बिधिडवबो बर' रावाव मिथिंगायारि आथोननिसो (Natural Gender) बाहायथि दं, रावखान्थियारि आथोननि (Grammatical Gender) बाहायथि गैया। मावरिजायाव नायोब्ला नुयो,

बर' रावाव सोमजायग्रा आरो सोमोन्दो दिन्थिग्रा मावरिजाफोरखौ बाहायोब्लाबो बेफोरनि दाजाबदा आरो बाहायनायफोरा गुबुनफोरजों समान नंद्राया। मानोना सोमजायग्रा मावरिजाहा गावनि आंगो दाजाबदा गैया, सोमोन्दो दिन्थिग्रा मावरिजानि दाजाबदा '-नि' आरो मोनसे Post-position '-फ्राय' जोंसो बेनि दाजाबदाया दाजादों। गुबुन फरसेथिं मावरिजा जानोब्ला मुंमाजों थाइजानि सोमोन्दोखौ दिन्थिनो नांगौब्लाबो सोमोन्दो दिन्थिग्रा मावरिजानि दाजाबदा '-नि'आ मुंमाजों मुंमानि एबा मुंराइजों मुंमानि सोमोन्दोखौसो दिन्थिना होयो। बिसानफोरखौबो बे बादिनो बर' रावाव बाहायनाय, दाथाय बायदि बिथिंनिफ्राय गुबुन गुबुन रोखोमै रानना दिन्थिनो हायो।

1.9 सोदोब ब्राखि (Glossary) :

सोदोब हानजा (Word Class) - गुबुन गुबुन रावखान्थियारि थाखोनि सोदोब लोगो नांना दानाय मोनसे हानजा।

सानराइ (Number) - मुंमाजों सोमोन्दो गोनां मोनसे रावखान्थियारिबाहागो। बेयाव मोनसे एबा गोबांनि सोमोन्दै सावरायनाय जायो।

मिथिंगायारि आथोन (Natural Gender) - राव बिगियानाव बाहागो राननाय रोखोमसे आथोन। बेजों आथोन सिनायथिनो हानाय जिउ-जुनाद, मानसि-दुमसि, दावसिन-दावलानि आथोनखौल राननाय जायो।

रावखान्थियारि आथोन (Grammatical Gender) - राव बिगियानाव बाहागो राननाय रोखोमसे आथोन। बेनि गेजेरजों जिउ गोनां गैयि गासैबो मुवा-बेसाद, जिब-जुनादिनि आथोनखौ रानना दिन्थिनाय जायो। संस्कृत, हिन्दी रावफोरा रावखान्थियारि आथोन गोनां राव।

1.10 जानो हाथाव सॉलुफोर (Probable Questions) :

- (1) बर' रावनि मुंमायारि लेइय रावखान्थियारि बाहागोफोरखौ रानना दिन्थि।
- (2) सानराइ माखौ बुड्ठे ? बर' रावनि सानराइ सोलायनाय खान्थिखौ दिन्थि होनामै फोरमायना लि।

- (3) आथोना मा ? बर' रावनि आथोनफोरा मोनबेसे ? बर'नि जोला आथोननिफ्राय जो आथोनसिम सोलायनाय खान्थिखौ दिन्थि होननै लिर ।
- (4) बर' रावनि भावरिजाया मोनबेसे बाहागोनि आरो मा मा बेखेवथि लिरननै दिन्थि हो ।
- (5) बर' रावनि बिसान आरो बिसान दानायनि खान्थिखौ फोरमायना लिर ।
- (6) बर' रावनि थि दिन्थिग्रा बिसाननि सोमोन्दै बिजिरना लिर ।

1.11 फरायनो गोनां बिजाबफोर :

- (1) गोनां रावखान्थि - कमल कुमार ब्रह्म
- (2) गोजौ रावखान्थि - मधुराम बर'
- (3) बर' रावनि महरखान्थि - फुकन बसुमतारि
- (4) बर' रावखान्थि - स्वर्ण प्रभा चैनारी
- (5) Structure of Boro Language- M.R. Boro
- (6) असमिया वाक्य - हेमचन्द्र बबन्दा

—::—

खोन्दो-2 (Unit - 2)

बर' रावनि थाइजायारि गाहाय रावखान्शियारि बाहागोफोर

(Primary Verbal Grammatical Categories in Bodo)

खोन्दोनि महर :

- 2.1 बेखेवनाय (Introduction) :
- 2.2 थांखि (Objectives) :
- 2.3 बर' रावनि थाइजा :
- 2.4 बर' रावनि थाइजानि बाहागो :
- 2.5 बर' रावनि थाइलालि :
- 2.6 बर' रावनि थाइजानि थाइलालि / थाइजा थाइलालि :
- 2.7 सार बाहागो (Summing Up) :
- 2.8 सोदोब बांरि (Glossary) :
- 2.9 जानो हाथाव सॉलुफोर (Probable Questions) :
- 2.10 फरायनो गोनां बिजाबफोर (References and Suggested Readings):

2.1 बेखेवनाय (Introduction) :

थाइजाया बर' आरो तिब्बत-बार्मारि रावफोरनि मुबै सोदोब बाहागो- माबा मोनसे हाबा मावनाय एबा जानाय बुजायग्रा सोदोबफोरानो थाइजा (Verb)। जैरि- जा,

लों, फैं बायदिसिना। बे बादिनो थाइजा बेखेवफा एबा दाजाबदा फजनानै थाइजा सोदोबफोरखौबो सोलायनो हायो। जेरै- 'थां' थाइजानि उनाव ' -गोन' उन दाजाबदा एबा थाइजा बेखेवफा फजनानै 'थांगोन' आरोबाव थांनि, थांबाय बायदि महराव सोलायनो हायो।

थाइजाया बर' रावनि मोनसे गोनां बाहागो। बेनिफ्रायनो गुबुन गुबुन बर' सोदोब दानो हायो, जेरै- बां थाइजानिफ्राय बांनाय (मुंमा), गोबां (थाइलालि), गोबाडै (थाइजा थाइलालि) बायदिसिना। थाइजा गुबै एबा गुदि थाइजाखौनो दाजाबदा फजनानैबो गुबुन गुबुन थाइजा दाफिननो हायो; जेरै- थां -फोथां, थांहो (मावहोग्रा थाइजा (Causative verb), थाड (नडि बुजायग्रा थाइजा (Negative verb), दाथां (नडि बुजायग्रा एबा बादा होनायाव बाहायग्रा थाइजा (Negative imperative verb), थांफा (लोगोआव थां - go with), गोसो खां (तुबै, to wish), नां-फोनां, नांहां, नां बाव, नाड, दानांफा बायदि बायदि। बे बादिनो थाइजा गुबैखौबो आरोबाव गोदान गोदान थाइजा सोदोब दानो थाखाय उन एबा सिगां दाजाबदा बाहायनो हायो।

2.2 थांखि (Objectives) :

सोदोब हानजानि गेजेराव थाइजायाबो मोनसे गुबुन हानजा। मानोना थाइजाया मोनसेल सोदोब नड। बेनि बादि गोबां खामानि भावनाय आरो जानाय दिन्थिग्रा माखासेजो लोगो नांनानै बर' रावावबो थाइजायारि सोदोब हानजा दायो। बेनि अनगायैबो थाइजानिफ्राय थाइलालि, थाइजा थाइलालि बादि गुबुन सोदोबबो गोदानै दाफिननो हायो। जेरै- दुं (थाइजागुबै- Verb root)-फुदुं (फु + दुं - मावहोग्रा बिथोन गोनां Causative), गुदुं (गु + दुं- दुंनायनि गुन दिन्थिग्रा गुबुन सोदोब महर), गुदुडै (गुदुं + ऐ - दुंनाय महरैनो), दुंथाय (दुं + थाय दुंनाय थासारि) बायदि बायदि। बे बादिनो -दुं थाइजा गुबैनिफ्रायबो थाइजा बादि गुबुन गुबुन सोदोब दाफिननो हायो। बेफोरखौनो जयै बर' रावनिबो थाइजायारि सोदोब हानजा बुंनाय जायो। बेफोर गोदान सोदोब दानाय खान्थियानो थाइजायारि गाहाय रावखान्थियारि बाहागोफोर।

2.3 बर' रावनि धाइजा :

तिब्बत-चिनिय रावनि दालाइ हिसाबै बर' रावाबो धाइजा गुबै राव । मानोना धाइजानिफ्राय गोबां हानजानि सोदोब दाफिननो हायो । नाथाय धाइजा गिबिखौ धाइजा बेखेवफा दानानै सोलायनायासो महरखान्थिनि गुबै खान्थि । बिदिन्थानि बाहागो बादियै दाजाबदा फजनानैसो महरखान्थि बाहायनाय जायो । बाध्रा दानायनि थाखायनो बे बादिनो धाइजा गुबैखौ दाजाबदा फजनानै मावग्राजों गोरोब होनानै धाइजा बेखेवफा दाजाबनाय जायो; जैरै- आं थांनि, बि थांथों, नों थां बायदिसिना । बर' रावाबो दोंप्रोमबो बाध्रायाव धाइजा बेखेवफा दाजाबनाय धाइजा सोदोब धानांगौ । थेवबो माब्लाबा धाइजा सोदोब थायाबो जानो हागौ । जैरै- बै सोर; आं मानसि । बर' रावाव इराजि एबा हिन्दी बादि बाराद्राय मावग्रा-धाइजानि सोमोन्दो थायाबो जानो हागौ, जैरै- आं थाडे (I go), बियो थाडे (He goes), बि थांबाय (He has gone), बिसोर थांबाय (They have gone), बियो थांबाय (वह गया), बिसोर थांबाय (वे गये), बायदिसिना । हाँवासाया थांगोन (लड़का जाएगा), हिनजावसाया थांगोन (लड़की जाएगी) बायदि बायदि ।

2.4 बर' रावनि धाइजानि बाहागो :

गुबुन रावफोरनि बादियै बर' रावनि धाइजाखौबो महरखान्थियारि बिथिनिक्राय मोननै गुवार बाहागोयाव राननाय जायो । बेफोर जादों : (क) धाइजानि दाथाय हिसाबै (Structural) आरो (ख) धाइजानि खामानि हिसाबै (functional)

महरखान्थियारि दाथाय हिसाबै धाइजाखौ आरोबाव मोनथाम बाहागोयाव रानफिननो हायो, जैरै-

- (क) गोरलै धाइजा (Simple verb)
- (ख) गलाय धाइजा (Complex verb)
- (ग) जथाइ धाइजा (Compound verb)

गाहायाव बेफोरखौ गुवारै सावरायनाय जाबाय ।

(क) गोरलै धाइजा : गोरलै धाइजाया जादों धाइजा गुबै (Root verb) ।

बेयाव दाजाबदा फजनाय जाया। गोरलै थाइजाया बर' रावाव सरासनसा आरो बांसिनै मोनसेल रिसार जथाइ गोनां (Monosyllabic)। जैरे- थां, जा, फे, दां, नां, सान, जाव, गार, नार, खाम, सं, रान, हम, नाय, दान, लों बायदि बायदि। मोनसेनि बांसिन रिसार जथाइ धानाय बर' रावनि गोरलै थाइजाया एसेल धार; जैरे- थाबाय, रोजाव, उन्दु, नाजाव, गोलै, ओंखार, गोलां, जिराय बायदि बायदि।

S.A.Q.

सॉलु : थाइजा माखौ बुछे ? बर' रावनि गोरलै थाइजानि सोमोन्दै मा मिथिगौ लिंर। (मोन 30 सोदोबनि गेजेराव)

.....

.....

.....

.....

(ख) गलाय थाइजा : गोरलै थाइजा सोदोबजों (क) सिगां दाजाबदा आरो (ख) उन दाजाबदा फजनायै गलाय थाइजा दानाय जायो। बे हिसाबै गलाय थाइजाया मोननै बाहागोनि, सिगां दाजाबदा गोनां आरो उन दाजाबदा गोनां। जैरे- (क) दाथां, दाना, फोथां (ख) उन दाजाबदाजों जा + आ - जाया (नडि: दिन्थिग्रा), जाबाय (बिदिन्था दिन्थिग्रा), थां + दो - थादो (बिथोन होनाय), जाथ, बुखाव बायदि बायदि।

गोरलै थाइजाजों उन दाजाबदा फजनायै गलाय थाइजा दानायनि माखासे दिन्थि होनाय जाबाय;

(i) नडिदिन्थिग्रा उन दाजाबदा (Negative Suffix) फजनायै - बे दाजाबदाया गुबैयै ' -आ ' ब्लाबो थाइजा सोदोबनि जोबथा रिसारथि मते -आ, -या, -वा जानो हायो; जैरे-

हम + आ = हमा, माव + आ = मावा, बि + आ = बिया, से + आ = सेया,

बु + आ = बुवा, सौ + आ = सौवा बायदि बायदि।

(ii) खावलायनाय एबा बिथोन होनायाव (Imperative):

जैरै- थांदो (थां + दो) जादो (जा + दो), लादो, फैदे, जनाय (जनायसाय), जथ, जथों बायदि बायदि।

(iii) विदिन्था दिन्थिग्रा (tense suffix): जैरै- जादों (जा + दों), जाबाय, जागोन, थाडे, थादोंमोन बायदि।

(iv) जर दिन्थिग्रा उन दाजाबदा:

मावथार (माव + थार), जामार (जा + मार) बायदिसिना।

S.A.Q.

सोंलु: गलाय थाइजा माखौ बुछे ? बर' रावाव गलाय थाइजाखौ मा मा राहाजों दानाय जायो फोरमाय। (मोन 30 सोदोबनि गेजेराव)

.....
.....
.....
.....

(ग) जथाइ थाइजा :

मोननै एबा बेनि बांसिन गोरलै थाइजा दाजाबनानै जथाइ थाइजा दानाय जायो। बर' रावाव मोनथाम बाहागोनि जथाइ थाइजा नुनो मोनो। बेफोर जादों फारियै मोननै, मोनथाम आरो मोनब्रै-मोनबा गोरलै थाइजा गोनां।

(i) थाइजा + थाइजा,

(ii) थाइजा + थाइजा + थाइजा

(iii) थाइजा + थाइजा + थाइजा + थाइजा

बिदिन्धिफोरखौँ गाहायाव होनाय जाबाय -

(i) जाजोब (जा) + जोब);

मोनगिलि (मोन + गिलि), खाथाब (खा + थाब),

बोफनाय (बो + फनाय), जाजाब (जा + जाब),

खामफलं (खाम + फलं) बायदि बायदि।

(ii) थाँफैजोब (थां + फै + जोब), मावलाँफै, दोनखारलां बायदि बायदि।

(iii) दोनखारलाँफै (दोन + खार + लां + फै), मावलाँजोबफै, बुखारलाँजोब,
बोखारलाँफै बायदि बायदि।

(iv) दोनखारलाँहैथु (दोन + खार + लां + है + थु), बावगारलाँजोबथौँ बायदि
बायदि।

(v) बावगारलाँजोबहैथां (बाव + गार + लां + जोब + है + थां) बायदिमिना।

S.A.Q.

सौलु : बर' रावनि जथाइ थाइजानि दाथायनि सोमोन्दै मा मिथिगौँ लिर। (मोन
30 सोदोबनि गेजेराव)

.....
.....
.....

थाइजानि खामानि हिसावै थाइजाखौँ मोनथाम बाहागोयाव राननाय जायो। बेफोर
जादौँ-

(क) मावजाग्रा गोनां थाइजा (Transitive verb),

(ख) मावजाग्रा गैयि थाइजा (Intransitive verb) आरो

(ग) मावहोग्रा थाइजा (Causative verb),

गाहायाव दिन्थिजों लाबजों बेफोरनि सोमोन्दै फोरमायनाय जावाय;

(क) मावजाग्रा गोनां थाइजा : बेखौ आरोबाव मोननै बाहागोयाव राननाय जायो ।
बेफोर जादों -

(i) से मावजाग्रा गोनां थाइजा आरो

(ii) नै मावजाग्रा गोनां थाइजा

जाय थाइजाहा मोनसेल मावजाग्रा थायो बे थाइजायानो से मावजाग्रा गोनां
थाइजा । जैरै- बियो ओखाम जादों

गथवा बिजाब फरायदों

जाय थाइजाहा मोननै मावजाग्रा थायो बेखौनो मोननै मावजाग्रा गोनां थाइजा
बुंनाय जायो । जाय मावजाग्रा गोनां थाइजायाव मोननै मावजाग्रा थायो बेनि मोनसेया
धोंजों (Direct) आरो गुबुन मोनसेया खेंसालिया (Indirect) मावजाग्रा जायो । बिदिन्थि :

बिमाया फिसाज्लानो ओखाम होदों ।

हिनजावा बिबायारिनो माइरं हरदों ।

जायखौ होनाय जायो बेनो धोंजों आरो जायनो होनाय जायो बेनो खेंसालिया
मावजाग्रा ।

(ख) मावजाग्रा गैयि थाइजा : जाय थाइजाहा मावजाग्रा गैया बेखौनो मावजाग्रा गैयि
थाइजा बुंनाय जायो ।

जैरै- गथवा उन्दुदों ।

मानसिया थाबायदों ।

बियो गाबदों ।

(ग) मावहोग्रा थाइजा :

बिथोन होना मावहोनायनि थाखाय सिगां आरो उन दाजाबदा फजनानै दानाय थाइजाखौनो मावहोग्रा थाइजा बुंनाय जायो; जैरे फुदुं (फु + दुं), फोलाव (फो + लाव), फेदेर (फे + देर), फोजौ (फो + जौ), मावहो, खारहो, बारहो बायसेघ्रा मावहोग्रा थाइजाया (क) गलाय मावहोग्रा (Complex Causative) आरो (ख) जथाइ मावहोग्रा (Compound Causative) बे मोननै बाहागोनि दं । गोजौवाव होनाय सिगां दाजाबदा फजनानै दानाय बिथोन होग्रा थाइजायानो गलाय आरो हो थाइजाखौ उन दाजाबदा हिसाबै फजनानै दानाय थाइजायानो जथाइ मावहोग्रा थाइजा ।

मावग्रा गैयि थाइजायाबो मावहोग्रा दानायनि उनाव मावजाग्रा थानो हागौ; जैरे गधखौ उन्दुहो, जिबौखौ फोथै, माइरंखौ फोजोबबाय, बिखौ फज । उन दाजाबदा फजनानै मावहोग्रा थाइजा दानाया गोरलैथार, जैरे- दांहो, थांहो बायदि ।

सिगां दाजाबदा फजनानै मावहोग्रा थाइजा दानाय खान्थियाबो बारा गोब्राव नछ । बर' रावनि बे खान्थियाव लानाय सिगां दाजाबदानि सोमोन्दै गाहायाव होनाय जाबाय-

(i) फ + थाइजायाव थानाय सिगांसिन रिसार जथाइनि गारां रिसारथि

फसं (फ + अ + स + अ + ड)

फज (फ + अ + ज + अ)

फुदुं (फ + उ + द + उ + ड)

फुसुं (फ + उ + स + उ + ड)

फेहेर (फ + ए + ए + र)

फोजोब (फ + ओ + ज + ओ + ब)

फेदेर (फ + ए + द + ए + र)

फेलेम (फ + ए + ल + ए + म)

फाहाम (फ + आ + ह + आ + म)

फाहाय (फ + आ + ह + आ + य)

फिस्रि (फ + इ + स + र + इ)

फिसि (फ + इ + स + इ) बायदि बायदि

नाथाय माब्लाबा बे खान्धिनिबो बारगा (exception) जानो हागौ;

जेरे-

फोथां (फ + ओ + थ + आ + ड)

फोजा- (फ + ओ + ज + आ),

फुवार (फ + उ + अ + र)

फोरान (फ + ओ + र + आ + न)

फोथां (फ + ओ + थ + आ + ड)

फोसाब (फ + ओ + स + आ + ब) ;

फोजाव (फ + ओ + ज + आ + व)

सिथाब (स + इ + थ + आ + ब)

सिफाय (स + इ + फ + आ + य)

सिखेव (स + इ + ख + र + ए + व) बायदि बायदि।

बाथा दानाय समाव खामानिया जाफुनाय आरो जाफुडि बे मोननैखौ लानानै थाइजाखौ मोननै बाहागोयाव राननाय जायो। बे मोननैयानो जादों- (क) जाफुजा थाइजा आरो (ख) जाफुडि थाइजा। जाय थाइजानि खामानि जाफुडे बेनो जाफुजा थाइजा। बे थाइजायाव मोनसे मावग्रा आरो मोनसे जाफुनाय दिन्धिग्रा बिदिन्ध्या थायो, जेरै : आं ओंखाम जाबाय - गथवा गाबदों।

जाय थाइजानि खामानिया जाफुख बेनो जाफुडि थाइजा। बे थाइजायाव बिदिन्ध्यानि रोखा सम थाया आरो खामानि जोबनायनिबो बाथा फोरमाया। बे थाइजानि जाफुनाया उननि मोनसे थाइजायावसो जोबहैयो; जेरै - आं ओंखाम जाना थांगोन। नों फरायखांना फै।

S.A.Q.

सॉलु 1 : थाइजानि खामानि हिसाबै थाइजाखौ मोनवेसे बाहागोयाव राननाय जादों मोनफ्रोमनिबो बिदिन्थि होनानै लिर। (मोन 50 सोदोबनि गेजेराव)

.....

.....

.....

.....

सॉलु 2 : थोंजों मावजाग्रा (Direct object) आरो खेंसालिया मावजाग्रा (Indirect object)नि सोमोन्दै मा मिथिगौ लिर। (मोन 30 सोदोबनि गेजेराव)

.....

.....

.....

.....

सॉलु 3 : मावहोग्रा थाइजा माखौ बुझे ? मावहोग्रा थाइजानि गुबुन गुबुन दाथायनि सोमोन्दै मा मिथिगौ लिर। (मोन 30 सोदोबनि गेजेराव)

.....

.....

.....

.....

जाफुडि थाइजाजों जाफुंजा थाइजा फजनानै जथाइ थाइजा (Compound verb) दानाय जायो। जथाइ थाइजानि उननि थाइजाखौनो गिबि थाइजानि हेफाजाब थाइजा (Auxiliary verb) बुंनय जायो, बियो ओंखाम जानो हमदों। गथवा थांनो ओंखारदों।

(क) मावजाग्रा मैयि थाइजाखौ मावजाग्रा गोनां थाइजा खालामनो हागौ। जैरै-
(क) बियो उन्दुदों, (ख) बियो उन्दुगासे उन्दुदों

(क) गथवा मिनिदों, (ख) बिमाया गथखौ मिनिहोदों।

2.5 बर' रावनि थाइलालि :

मोजां गात्रि गुन फोरमायना दिन्धिनाय सोदोबानो थाइलालि। बर' रावाव थाइलालि सोदोबा हिन्दी एबा संस्कृत रावनि बादियै सरासनसा आथोन, सानराइ लानानै महर सोलाया। हिन्दीयाव जैरै- अच्छा लड़का, अच्छी लड़की, अच्छे लड़के। बर' वाव- गाहाम सेंग्रा, गाहाम सिख्ला, गाहाम सिख्लाफोर बायसेश्रा। नाथाय खाना हौवा, खानि हिनजाव, बुन्दा अमा, बुन्दि अमा, नाब्ला हौवा, नाब्ले हिनजाव, बेंगा हौवा, बेंगि हिनजाव बायसेश्रा। दाथाय हिसावै थाइलालिखौ मोननै बाहागोयाव राननो हायो। बेफोर जादों :

(क) गुबै एबा गाहाव थाइलालि (Primary Adjective) आरौ

(ख) महर सोलायनाय थाइलालि (Derived Adjective)

गुबै थाइलालि सोदोबा थाइलालिनि धारजा (Root)। बे बाहागोनि थाइलालिया गावनो गाव उदां। बेफोर सोदोब सोमजियावनो जाखाबोनाय (Natural)। जाय थाइलालिया सोलाय सोल जानानै गुबुन सोदोबनिप्रय सोमजिया लासे गावनो गुदियावनो सोमजिबोदों बेनो गुबै थाइलालि। जैरै- मोजां, गात्रि, बुरजा, एसे, अखा, जाम्बा, सियान, आदुवा, सोरां, खोमसि, थथला, बेंगा, थेफ्रा, गोगो, खंख्ला, बेरलाव, गेन्द्रा, सि, उदां, सैथो, नंखाय बायसेश्रा।

महर सोलायनाय थाइलालिखौ गुबै सोदोबखौ सोलायनाई दानाय जायो । महर सोलायनाय थाइलालिखौ सरासनस्रायै गुबै थाइजानिफ्राय सोलायना दानाय जायो । बर' रावाव बे बादि दानाय थाइलालिनि अनजिमाया बुरजाधार । गुबै थाइजानिफ्राय महर सोलायना दानाय खान्थिखौ मोननै बाहागोयाव राननाय जायो । बेफोर जादों-

(क) थाइजाजों सिगां दाजाबदा फजफानानै । जैरे- गिसि (ग + सि), गिलिर, गुफुं, गोजी बायदि बायदि ।

(ख) थाइजाजों उन दाजाबदा फजफानानै । जैरे- जासुला, जाखर, गाबख, बोहैलु, सोमखोर, बावसिया, मावधि, अनसुलि, उन्दुगाद्रा, उदुगादुरि बायसेध्रा ।

2.5.1 दानिया गाहायाव सोलाय सोल खालामना थाइलालि दानाय खान्थिखौ गुवारै सावरायनाय जाबाय ।

थाइजाजों सिगां दाजाबदा फजनाय खान्थि -

बे खान्थिया बर' रावनि मावहोग्रा थाइजा दानाय खान्थिनि बादि । फ - थाइजानि सेधि रिसार जथायाव धानाय गारां रिसारधि + थाइजा, जैरे- फेसेब - (फ - ए - सेब), फाहाय (फ + आ + हाय) । बे बादिनो 'फ' नि जायगायाव 'ग' सिगां दाजाबदा बाहायब्लाबो थाइजानिफ्राय थाइलालि सोदोब सोमजियो; जैरे- गेसेब (ग - ए + सेब), गुफुर (ग + उ + फुर), गोसोम (ग + ओ + सोम) बायदि ।

बे खान्थिखौनो माखासे बाहागो रानना दिन्थिनाय जाबाय ।

- (i) ग + उ - गुसु, गुरुं, गुफुं, गुलुं बायसेध्रा ।
- (ii) ग + ओ - गोसोम, गोफोन, गोदान, गोरों; गोखों ।
- (iii) ग - ए - गेसें, गेसेब, गेग्रेब, गेसेव, गेदेर, गेजेन, गेसेम ।
- (iv) ग + आ - गाहाय, गाहाम ।
- (v) ग + इ - गिसि, गिजि, गिलिर ॥
- (vi) ग + अ - गब्लं, थब्लं ।

(vii) ग - ओ - गोथी, गोखै, गोदै, गोजौ, गोथै, गोबौ, गोफा, गोखा, गोफा ।

उनधारनि मोननैसोखौ खान्धि मानियि बादि नुब्लाबो थाइजायाव थानाय सेधि रिसार जथाइ 'खै, जौ' फोर बादि थाइजायाव थानाय हिसाबै ऐ- ओ - इ, औ - ओ - उ गारानै रिसारथिनि सेधि गारां रिसारथिनि सायाव सोनारनानै सोमजिदों होनना बुजिनो हायो ।

बे खान्धिनि अनगायैबो गुबै थाइजाजों गुबुन गुबुन उन दाजाबदा फजनानैबो गोदान थाइलालि दानो हायो । दिन्धि महरै गाहायाव बेफोरखौ फोरमायनाय जाबाय -

- (i) सुला — लुबैनाय दिन्धिनु सुला-सुलि (जोला-जो आथोन हिसाबै) । जैरै- जासुला-जासुलि, अनसुला-अनसुलि, उन्दुसुला-उन्दुसुलि, थाबायसुला-थाबायसुलि, सावसुला-सावसुलि, सिबसुला-सिबिसुलि ।
- (ii) खर-हाखर बादि गोथौ एबा बाराद्राय दिन्धिनु । जैरै- जाखर, मावखर, लौखर, बुंखर, सौंखर, लांखर ।
- (iii) बांद्राय जर दिन्धिनु । जैरै- गाबख ।
- (iv) खोर-गाब दिन्धिनु । जैरै- सोमखोर, गोथांखोर, मोथांखोर ।
- (v) जाबाय थानाय दिन्धिनु । जैरै- दौमैलु, बोहैलु, सोरजिलु, बानायलु, जालु ।
- (vi) ब्रोम-एसेल बिबां दिन्धिनु । जैरै- सोमब्रोम, सिब्रोम, जाब्रोम ।
- (vii) थि - जाबाय थानाय दिन्धिनु । जैरै- बोहैथि ।
- (viii) सिया/दिया हुदा एबा आखु दिन्धिनायाव । जैरै - बावसिया, बावदिया ।
- (ix) ग/गब - बांलांनाय दिन्धिनु । जैरै- बुंग, बुगब ।
- (x) रोम/सिब सुब - समानहां बुजायनो, जैरै- खैरोम, खैसिब, दैसुब ।
- (xi) झां - नुसारनाय दिन्धिनु । जैरै- बेरझां, देरझां बायदि बायदि ।

S.A.Q.

सॉलु 1 : दाथायखौ नायनाई बर' रावनि थाइलालिखौ मोनबेसे बाहागोयाव राननाय जादों बिदिन्धिजों फोरमाय । (मोन 30 सोदोबनि गेजेराव)

.....

.....

.....

.....

सॉलु 2 : बर' रावाव थाइलालि सोदोबफोरखौ मा मा राहाजों दाफिननाय जायो फोरमाय । (मोन 50 सोदोबनि गेजेराव)

.....

.....

.....

.....

2.5.2 मावनाय गुन हिसाबै थाइलालिखौ मोनथाम बाहागोयाव राननाय जायो । बेफोर जादों-

(क) गुन दिन्धिग्रा थाइलालि (Qualitative Adjective)

(ख) बिबां दिन्धिग्रा थाइलालि (Quantitative Adjective) आरी

(ग) थि दिन्धिग्रा थाइलालि (Predicative Adjective)

बर' रावाव गुन दिन्धिग्रा थाइलालिया मुंमा एबा मुंमायारि सोदोबनि सिगाडाव नझब्ला उनावबो जनो हायो । जैरे- मुंमानि सिगां- गोसोम दाव, गोजौ बिफां, गुसु दै,

गुदुं गाइखेर, गेदेर मानसि । मुंमानि उन - दै गुदुं, मानसि गाज्जि, दाव गोसोम, दै गुसु
बिबां दिन्थिग्रा थाइलालिखौं मुंमानि अनजिमा दिन्थिनो थाखाय बाहायनाय जायो, बेबो
गुन दिन्थिग्रा थाइलालिनि बादियै मुंमानि सिगां एबा उनाव जयो । बेफोर माक्लाबा थि
आरो माक्लाबा थि नडि बिबां फोरमायो । बे बादिनो (क) थि दिन्थिग्रा आरो
(ख) थि दिन्थियि बिबांखौं लानानै मोननै बाहागोयाव रानफिननाय जादों :

थि बिबां दिन्थिग्रा थाइलालि - जाय थाइलालिया मुंमानि अनजिमाखौं थियै
दिन्थियो बेनो थि दिन्थिग्रा थाइलालि । बेफोरखौं मुंमा एबा थाइलालिनि बादि सानजायो;
जेरै- मासे दाव, सासे मानसि, मानै मोसौ, दाव मासे, मानसि सासे, गंसे दैमा, बारब्रै
बिबार, मात्रै गराइ, गराइ मात्रै बायसेथा ।

थि बिबां दिन्थियि थाइलालि - बे बादि थाइलालिया बिसाननि बिबांखौं थियै
दिन्थिनो हाया । बेयो ज बिबांखौंल दिन्थियो । जेरै- बुरजा मानसि, एसे गाइखेर, एसे
अननाय, मानसि बुरजा, गाइखेर एसे, एफा ओंखाम बायसेथा । थि दिन्थिग्रा थाइलालिया
सरासनसा बाध्यायव मुंमा एबा मुंमायारि सोदोबनि उन फारसेथिं जयो । इराजियाव बे
खान्थिया रोखा जायो; जेरै- बियो नायनो मोजां (She is beautiful to look at) ।
मानसिया लेग्रा (The man is lame) ।

थाइलालिनि रुजुनाय :

थाइलालिखौं मोनथाम रोखोमै रुजुना दिन्थिनो हायो । बेफोर जादों-

- (क) गुबै सोदोब थाखो (Positive degree)
- (ख) मोननैनि गेजेराव रुजुनाय (Comparative degree)
- (ग) गोबांनि गेजेराव रुजुनाय (Superlative degree)

बाध्यायव गुबै सोदोबाव जेबो रुजुनाय थाइलालि थाया, जेरै

बे मानसिया मोजां ।

बै मोसौवा गेदेर ।

सिख्लाया नायनो समायन ॥

मोननैनि गेजेराव रुजुनाय :

मोननैनि गेजेराव रुजुनाय खान्थियाव मानसि, जिठ-जुनाद एवा मुवा-बेसादिनि गुनफोरनि रुजुनाय जायो । बे बादि रुजुनायाव जायजों रुजुनाय जायो बेजों (नि) खुइ दाजाबदा फजनानै थाइलालियाव महर दाजाबदा फजफिननांगौ; जैरै : बै मोसौवा बे मासेनिखुइ गेदेरसिन; मंगलाया फरायनायाव हंलानिखुइ गाहामसिन; बियो आनिखुइ गोजौसिन; बायदि बायदि ।

माब्लाबा समान ओंथियावनो थाइलालिनि जायगायाव थाइजा बाहायनानै 'सिन' दाजाबदा फजनाय जायो, जैरै- बियो आनिखुइ हायसिन; नों जों सानैनि गेजेराव रोंसिन; बे थाइसे फिथाया बेनिखुइ रासिन ।

गोबानि गेजेराव रुजुनाय :

गोबानि गेजेराव रुजुनाया मोननैनि गेजेराव रुजुनाय खान्थिजों समानफ्राम । नाथाय 'बय/गासै' फोर बादि गोबां दिन्थिनाय सोदोव बाहायनानै बेजों (नि) खुइ (बो) दाजाबनांगौ; जैरै-

सिहवा बयनिखुइ / खुइबो बोलोगोरसिन जुनाद ।

बे मोसौवा बय मोसौनिखुइबो / बयनिखुइबो बोलोगोरसिन ।

बे मैगड्ड गासै मैगनिखुइबो गोथावसिन/थावसिन ।

जों बयनिबो गेजेराव बियो देरसिन ।

माब्लाबा बे बादि मोननै एवा गोबानि गेजेराव रुजुनायाव थाइलालिनि उनाव 'सिन' दाजाबदा फजब्लाबो जायो; जैरै- सानैनि गेजेराव बियो उन्दैसिन (सानै) । जोंनि गेजेराव मेब्लाया देरसिन (गोबां) ।

बे बादिया सरासनस्रायै अनजिमा फोरमायो ।

S.A.Q.

सॉलु 1 : भावनाय गुन हिसाबै थाइलालिन बाहागोनि सोमोन्दै सावराय । (मोन 30 सोदोबनि गेजेराव)

.....

.....

.....

.....

सॉलु 2 : थाइलालिन रुजुनायनि सोमोन्दै भा मिथिगौ बिदिन्थिजों लिर । (मोन 50 सोदोबनि गेजेराव)

.....

.....

.....

.....

.....

.....

2.6 बर' रावनि थाइजानि थाइलालि / थाइजा थाइलालि :

थाइजानि खामानिखौ फोरमायना होनाय थाइलालियानो थाइजा थाइलालि । बेयो थाइजानि मोजां गाञ्जि गुन एबा थासारिखौ फोरमायना होयो । सरासनसा बेयो थाइजानि सिगाडव जयो; जैरे - बियो मोजाडैनो सफैबाय ।

मैदेरा लासै लासै थाबायो ।

मैया गोलाव गोलाव बारो ।

सरसनसा थाइलालिनि उनाव ' -ऐ' उन दाजाबदा फजनानै थाइजा थाइलालि दानाय जायो। बे ' -ऐ' उन दाजाबदाया सोदोबनि जोबथा रिसारधनि सायाव सोनारनानै माब्लाबा ' -ऐ', ' -यै' आरो माब्लाबा ' -वै' महर लायो। जैरे- गोथौवै जाव, मोजाडै फे, गोबारै बुं / गोदैयै जा, थाइजा थाइलालिखौ मोनथाम बाहागोयाव राननाय जायो। बेफोर जादों-

(क) सम दिन्थिग्रा (Adverb of time)

(ख) आखु दिन्थिग्रा (Adverb of manner)

(ग) थावनि दिन्थिग्रा (Adverb of place)

सम दिन्थिग्रा थाइजानि थाइलालिया खामानि जानायनि एबा मावनायनि सम दिन्थियो। दाथायारि बिथा महरै बेयो मोनथाम बाहागोनि।

(i) बिथा महर

(ii) बिथा महर + उन दाजाबदा

(iii) बिथा महर + बिथा महर

बेफोरनि दिन्थिफोरा जादों-

(i) बिथा महरा सम दिन्थिग्रा थाइजानि थाइलालि गुवै। जैरे- दिनै, गाबोन, मैया, दाखालि, दा।

(ii) बिथा महर + उन दाजाबदा - बिथा महरखौ रोखा दिन्थिनो बेखौ बाहायनाय जायो। जैरे- हराव, बेलासियाव, दासो, दानो, दासिमको, दिनैनो, गाबोननिफ्राय।

(iii) बिथा महर + बिथा महर- बे बादि बिथा महरखौ मुंमा, थाइजा एबा थाइलालिनिफ्राय लानाय जायो। जैरे- हर हर, हर गेजेर, सानफा माफा, फुंजा सानजा, सानजौफु, सानसु।

(ख) आखु दिन्थिग्रा थाइजा थाइलालियाव थाइजानि खामानि मावनाय एबा जानायनि आदबखौ दिन्थियो; जैरे- लासै (यै), मोजाडै, गाहामै, गोखै (यै) / बेखौ मोनथाम

राहाजों दानाय जायो । बेफोर जादों -

- (i) बिथा महर
(i) बिथा महरखौ खेबनै मुंखना + उन दाजाबदा फजफिननानै
(iii) बिथा महरनि सिगाडख जर दिन्थिग्रा सोदोबनि उनाव उन दाजाबदा फजफिननानै ।
बेफोरखौ दिन्थिजों फोरमायनाय जाबाय ।
(i) बिथा महर : बे खान्थियाव थाइलालिजों -अँ, -यै, -वै उन दाजाबदा फजनानै
दानाय जायो, जैरै-

लासै - ऐ > लासैयै

गोजी + वै > गोजीयै

गाहाय + ऐ > गाहावै

गोजा + ऐ > गोजायै

- (ii) बिथा महरखौ खेबनै बुंनानै + उन दाजाबदा फजफिननानै, जैरै-
मोजां मोजाडै, मोजाडैमोजां,
गोजीयै गोजी, गोजी गोजीयै
लासै लासैयै, लासैयै लासै

- (iii) बिथा महरनि सिगाडख जर दिन्थिग्रा सोदोब बाहायनानै उन दाजाबदा फजफिनना,
जैरै- जोबोद मोजाडै, बाराद्राय गाड्रियै; जोबोद दुखुयै, बाराद्राय खुसियै ।
बर' रावाव माब्लाबा थाइजाखौबो खेबनै खेबनै बुंनानै थाइजा थाइलालि दानाय
जायो । जैरै-

- (i) ननाय दिन्थिनो - जायै जायै, थाडैथाडै, मावै मावै, जयै जयै, जायै जायै
(ii) नडि दिन्थिनो - जाया जाया, नड नड, धोया धोया, गिया गिया
(iii) थाइलालिखौ खेबनै बुंनानै जर होनो थाखाय; सेम सेम, जाम जाम,
फ्राम फ्राम, स्याय स्याय, फ्रि फ्रि, ज्लाव ज्लाव, सोफै सोफै ।

(ग) थावनि दिन्धिग्रा थाइजा थाइलालिखौ मुंमा, मुंराइ, एका थाइलालि जों बेखेवगस्निनि बेखेवफा -आव, -याव, -वाव फजना दानाय जायो; जेरै- मुंमानिफ्राय- नवाव / नवाव, गामियाव, जेयाव, बिबाराव । मुंराइनिफ्राय - बेयाव, बैयाव, मायाव, बबेयाव । मानसि आरो जिठ-जुनाद बुजायनाय मुंराइ सोदोबनि उनाव ' -आव 'नि जायगायाव ' -नियाव ' फजना आंनियाव, नॉनियाव, बिसोरनियाव, जॉनियाव, बैनियाव, ब्रिनियाव दानाय जायो । थाइलालिनिफ्राय - गोजौवाव, गाहायाव, गुफराव, गुफुरनियाव (जुनाद), गुदुडाव, गिसियाव, खाधियाव, गोजानाव, सिडाव बायदि बायदि ।

S.A.Q.

सॉलु 1 : थाइजानि थाइलालिफोरा मोनबेसे बाहागोनि आरो मा मा बिदिन्धिजों फोरमाय । (मोन 30 सोदोबनि गेजेराव)

सॉलु : थाइजानि थाइलालिखौ मा मा रोखोभै आरो मा मानिफ्राय माबंरै दानाय जायो बिदिन्धिजों फोरमाय । (मोन 50 सोदोबनि गेजेराव)

2.7 सार बाहागो (Summing Up) :

बर' रावनि थाइजायारि गाहाय रावखान्थियारि बाहागोफोर होननानै बुडेब्ला थाइजा, थाइलालि, थाइजानि थाइलालि, बे मोनथाम आयदानि बाधायानो गोसोआव फेयो। थाइजानि सायाव सोनारनानै सरासनम्रायै बर' रावनि थाइलालि आरो थाइलालिनि सायाव सोनारनानै थाइजानि थाइलालिखौ दाजानाय नुनो मोनो। माब्लाबा दाथायनि सायाव, माब्लाबा मावनाय गुननि सायाव सोनारनानै बे मोनथामबो दाथायखौ गुबुन गुबुन रोखोमै बाहागो खालाम बावनायखौ नुनो मोनो। बर' रावाव बे मोनथामबो आयदाया माब्लाबा रावनि आंगो महर गोनां थामहिनबा गुबै महरनि आरो महर सोलायनाय गोनां जानायखौ नुनो मोनो। महर सोलायनाय थाइजा, थाइलालि, थाइजानि थाइलालिफोरखौ दानो थाखाय माब्लाबा माब्लाबा सिगां आरो उन दाजाबदा आरो माब्लाबा गुबुन गुबुन गुबै सोदोबफोरखौबो दाजाबफानायखौ नुनो मोनो।

2.8 सोदोब बाग्रि (Glossary) :

- गोरलै थाइजा (Simple verb) - जाय थाइजाफोरा गावनो गाव उदां। बर' रावाव बेफोर बादि थाइजाफोरा मोनसेल रिसार जथाइ गोनां जायो।
- गलाय थाइजा (Complex verb) - जाय थाइजाफोरा गोरलै थाइजाजो गुबुन गुबुन दाजाबदा दाजाबना दाजानाय बेनो गलाय थाइजा।
- जथाइ थाइजा (Compound verb) - जाय थाइजाफोरा मोनै एवा बेनिरुइ बांसिन गोरलै थाइजा लोगो नांना दाजानाय बेनो जथाइ थाइजा।
- नडि दिन्थिया उन दाजाबदा (Negative suffix) - जाय उन दाजाबदानि गेजेरजो नडि दिन्थिनाय जायो।
- थोँजोँ मावजाग्रा (Direct object) - जाय मावजाग्राया थाइजाजोँ थोँजोँ सोमोन्दो लाखियो।
- खेंसालिया मावजाग्रा (Indirect object) - जाय मावजाग्राया थाइजाजोँ खेंसालिया सोमोन्दो लाखियो।

2.9 जानो हाथाब सॅलुफोर (Probable Questions) :

- (1) थाइजायारि गाहाय रावखान्थियारि बाहागो होनोब्ला माखौ बुजियो ? बेफोर बाहागोया मा मा ?
- (2) थाइजाया मा ? बर' रावनि थाइजाफोरखौ बाहागो रानना दिन्थि ।
- (3) थाइलालि माखौ बुडे ? बर' रावनि थाइलालिफोरखौ दिन्थि होनानै फोरमाय ।
- (4) बर' रावनि थाइजानिफ्राय थाइलालि दानाय खान्थिखौ बिजिरना लिर ।
- (5) बर' रावनि थाइलालि रुजुनायनि सोमोन्दै लिर ।
- (6) थाइजानि थाइलालि एबा थाइजा थाइलालिया मा ? बर' रावनि थाइजानि थाइलालिनि सोमोन्दै गुवारै लिर ।
- (7) बर' रावनि थाइजा थाइलालि दानाय खान्थिनि सोमोन्दै फोरमायना लिर ।

2.10 फरायनो गोनां बिजाबफोर (References and Suggested Readings):

- (1) गोजौ रावखान्थि - मधुराम बर'
- (2) बर' रावखान्थि - स्वर्ण प्रभा चैनारी
- (3) बर' रावनि महरखान्थि - फुकन बसुमतारि
- (4) Structure of Boro Language - M.R. Baro
- (5) Introductory Text Book of Linguistics and Phonetics
- Dr. R.L. Varshney.

—:—

खोन्दो-3 (Unit - 3)

बर' रावखान्थिनि गुबुन गुबुन बिथिंफोर (Different Aspects of Boro Grammar)

- 3.1 बेखेवनाय (Introduction) :
- 3.2 थांखि (Objectives) :
 - 3.2.1 राव बिगियानाबो रावखान्थियानो :
 - 3.2.2 दोरोडारि रावखान्थियाव राव मोनसेनि दाथायखौ बिजिरनाय जायो:
- 3.3 बर' रावनि दाथायारि खलव :
 - 3.3.1 रिसारखान्थिया (Phonology) रिसार बिगियान आरो रिसारथि बिगियानखौबो बेनि बिखायाव सरजाबना लायो :
 - 3.3.2 रावनि बयनिखुइबो फिसासिन महरानो रिसार (phone):
 - 3.3.3 महररिसारखान्थिनि (Morphophonemics) सोमोन्दै रिसारखान्थियाव सावरायनाय :
 - 3.3.4 बर' रावनि रिसार जथायारि देखो बारस्लायनाय खान्थि :
 - 3.3.5 बर' रावनि बोखावजायि रिसारथिफोर :
 - 3.3.6 गारांसे आरो गारांने रिसारथि :
 - 3.3.7 रिसार जथाइ :
- 3.4 सार बाहागो (Summing Up) :
- 3.5 सोदोब बाखि (Glossary) :
- 3.6 जानो हाथाव सॉलुफोर (Probable Questions) :
- 3.7 फरायनो गोनां बिजाबफोर (References and Suggested Readings):

3.1 बेखेवनाय (Introduction) :

गुबुन गुबुन रावफोराव थानाय बादि बर नि रावखान्थियावबो रिंसारथि (Phoneme), सोदोबमा (Parts of Speech) आरो बाथा (sentence) फोरखी बिजिरनायनि खान्थि थायो। रावखान्थिनि बे बादि खान्थि मोनथामानो दोरोछरि (traditional) रावखान्थिनि गुबै बिजिरनां बाहागो। दोरोछरि रावखान्थि होनोक्ला स्कुल एबा कलेजाव फोरनाय रावखान्थिखौनो बुजायो। बे बादि रावखान्थिया खिष्ट, गिबि बाथि जौथाइनिफ्राय दिनैसिम जारा जेबो सोलायाब्लानो सिगांनि बादियैनो सोलिगासिनो दों। सोनावहा ग्रीक आरो सानजा भारताव संस्कृत रावनि सायाव लिरजेननाय बेफोर बादि रावखान्थियानो दाबो समानफ्रामै सोलिगासिनो फेदों। बेनिखायनो बेफोर रावखान्थिया गोदोनिफ्रायनो बुहुमनां सोलिबोनाय दोरोछरि रावखान्थि। बे गोजाम थाखोनि रावखान्थि। नाथाय दानि मुलुगाव बयबो सोलायबाय। बे बादिनो रावखान्थियाबो सोलायबाय। गोजामनिफ्राय रावनि सायाव बिजिरनाय (analysis) खान्थियाबो सोलायबाय। बेखौनो गोजामनि सोलाय गोदान रावखान्थि (modern grammar) बुंनाय जादों। बे गोदान रावखान्थियानो राव बिगियान (linguistics) राव बिगियाननि ओंधिया रावनि सायाव बिगियानारि आदबजों (scientific method) रावखी बिजिरनाय एबा फरायनाय (analysis / study)। बे लिंगुइस्टिक्स सोदोबा लेटिन (Latin) रावनिफ्राय सोमजिनाय। जोनोम ओंथ मते (etymological meaning) बेयो Lingua (Language राव) आरो istics (Science - बिगियान)नि जथाइ। बे बादिनो बेनि आबुं ओंधिया रावनि सायाव बिगियानारि आदबजों बिजिरनाय एबा फरायनाय (study of language)। बिगियाननि मोनसे आयदा (subject) बादियै रावखौबो बिजिरना फरायनो एबा नायनो थाखायनो राव बिगियानखी जिगुजौ जौथाइनि उन फारसेथिं सोनाव मुलुगाव दिहुनग्रोनाय जादोंमोन। बेयो आमेरिका हादरमायाव बांसिन दावगाखांनो हादोंमोन। बेनि उनावसो इउरप हादरमायाव बेयो जाखांदोंमोन। आमेरिकानिखुइ दा बे इउरप हादरमायावसो बांसिन गनायजादों। नाथाय दानि राव बिगियाननि खान्थिखौनो खिष्ट, गिबि बाथि जौथायावनो भारतनि पाणिणि मुंनि मुंदांखा संस्कृत पण्डिता अष्टाध्यायनि मुंनि रावखान्थि बिजाबाव बाहायजेनदोंमोन। बै मुगाखौनो क्लासिकेल मुगा (classical period) होननानै दिनैसिम सिनारथि होबोदों। सोनाव मुलुगनि राव बिगियाननि पण्डितफोरनि गेजेराव

ब्लूमफिल्डाल (Bloomfield) पाणिणि पण्डितनि खान्धिखौ दानि राव बिगियाननि बिधा महरै गनायथि होदों।

3.2 थांखि (Objectives) :

बे खोन्दोयाव रावखान्धि आरो बर' रावखान्धिनि गुबुन गुबुन बिथिं (aspects) एबा जायगाफोरखौ सरजाबनानै सावरायनाय जागोन। रावखान्धि होनोब्ला सरासनस्रायै स्कूल आरो कलेजफेरव फोरोंनाय दोरोडारि गोजाम खान्धिजों लिरनाय रावखान्धिखौनो बुजिनांगोन। नाथाय दिनैनि गोदान मुगायाव बे बादि सोलिखान्धियारि रावखान्धिनि उल्थायै गोदान आदबनि रावखान्धि ओंखारबाय। दानि मुगानि गोदानसिन दिहुनथाइ (discovery) कमपिउटारनि आदजोंबो गोदान रावखान्धि ओंखारबाय। गोदोनिफ्राय सोलिबोनाय रावखान्धिया बिजाबनि हेफराजाब लानानै फोरोंगिरिनि मददजों फोरोंनायाव रावनि सोमोन्दै फरायनो आरो लिरनो सोलौनाय जायो। नाथाय दिनैनि गोदान रावखान्धि एबा राव बिगियाननि आदबजों बिगियानारि आइजेंजोंबो रावनि सोमोन्दै सोलौनो हानाय जाबाय। रावनि गासिबो बिथिं आरो रावजों सोमोन्दो थानाय समाजनि गुबन गुबुन आयदाफोरखौ रावनि सोमोन्दै सोलौनो थांनायाव मोनधिनी गोनां जादों। बेफोरखौबो सरजाबनानै गोदान खान्धि मते राव बिगियानाव सावरायफानाय जायो। मोननैबो रावखान्धियावनो सोलिखान्धियारि रावखान्धिनि बादि रावनि रिसार, सोदोब (महर) आरो बाध्रानि सोमोन्दै सावरायनाय जायो। नाथाय गोदान रावखान्धियाव बेफोरनि अनगायैबो बायदिसिना आदबजों राव बिजिरनाय खान्धि फोरमायनाय जायो।

3.2.1 राव बिगियानाबो रावखान्धियानो :

बे जादों गोदान रावखान्धि। नाथाय बे मोननैनिबो गेजेराव फारागथि दं। गोदोनिफ्राय सोलिबोनाय दोरोडारि रावखान्धिया गोजाम आदबनि राव बिजिरनाय खान्धि। बेयावहाय गुबैयै रिसारथि, सोदोबमा आरो बाध्रानि सोमोन्दैल बिजिरनाय जायो। नाथाय गोदान रावखान्धि एबा राव बिगियानाव बेफोरनि अनगायैबो रावजों सोमोन्दो थानाय समाज, हारिमु आरो गुबुन गुबुन बिथिंनि सोमोन्दैबो सावराय जायो। मानोना रावहा सुबुं समाजनि आरोबाव माखासे आयदाजों सोमोन्दो थायो। बेफोर

जादों समाजाव सोलिनाय हारिमुनि अनगायैबो थुनलाइ, सानसि (philosophy), गोसो बिगियान (psychology), भुमलुर (geography), बिगियान, सानखान्थि बायदिसिना आयदाफोरजोंबो सोमोन्दो दं । आरोबाव रावखौ रावखान्थि बिजाव एबा फोरोंगिरिनि मददजौल सोलौनाय जाया । बेखौ दानि मुगायाव बायदिसिना बिगियानारि आइजेंनि हेफाजाव लानानैबो सोलौनो हायो । जैरे टेप रेकर्ड, केसेट प्लेयार, राव मान सावगारि (linguistic atlas), सिनेमा, टि.भि. स्लाइद फट' बायदिसिना । रावहा माखासे गावनिनो आखुथाइ दं । बेफोर जादों- रावा खुगायाव सोमजियो । बेखौ गाववा गावनि गेजेराव सानसि फोरमायनो बाहायनाय जायो । रावा समाजारि आबहावायाव सोलियो । रावनि सोदोबफोरनि ओंथिया सोमजिनायनिफ्रायनो होखाबोनाय आरो बयजोंबो गनाय जानाय । जैरे : मानसि, सैमा । नाथाय माखासेया बानायना लानाने ओंथि होनाय - जैरे : बिजाव, रावखान्थि, सुबुंथि बायदिसिना । माखासेया बानायनाय बादि नुब्लाबो नाथाय गोदोनिफ्रायनो ओंथिजों फैखानाय, जैरे - मैहुर, मैसो, मैदेर, मोखा, दावब, दावखा, नाम्नाय बायदिसिना । रावा खुगाजों बानायनाय माखासे रिसारनि जथायनाय सिन बादिल । बेखौनो रिसारजों लिरनायबो जायो । रावा नेममाफिक अराय दिन बुंबोनाय बादि खान्थि मानिना सोलिनाय, बयबो समानै बुजिनो हानाय । बेयो मानसिनिल एखुथा समफद बादि । गुबुन जिउ-जुनादफोरा मानसि बादि रायज्जायनो राव गैया । रावखौ सोलायबाय थानानै गुबुन गुबुन ओंथि होना फोरमायनो, दाफिननो हायो । बे थेवबो जोबनो एबा जामनो थाइ । गोरोंथि जायोब्ला रावखौ बानायफिननो हायो । बेफोर बादि खोधाफोरखौ राव बिगियानाव सावरायनाय जायो । नाथाय गोदोनिफ्राय सोलिबोनाय रावखान्थियाव थाया । गोदोनि खान्थि मतेब्ला रावखौ रिसारनिफ्राय सोदोब आरो बाथा दनाय खान्थिसिम रावखान्थिनि गेजेरजों बिजिरनाय एबा फोरमायनाय जायो । फोरमायनाय फारिया बे बादिनो गाहायनिफ्राय गोजैसिम थामहिनबा रिसारनिफ्राय बाथासिन । रिसारनो रावनि गाहायसिन खलब आरो बाथाया जौसिन खलब (level) । बेफोर माखासेखौल दोरोडारि रावखान्थियाव बिजिरनाय जायो । नाथाय गोदान सबखान्थि एबा राव बिगियानाव बेफोरनि अनगायैबो रावनि गोबां बिथिं सावरायनाय एबा बिजिरनाय जाबावो । बेनि उलथायै राव बिगियान एबा गोदान रावखान्थि मते रावखौ गोजै खलबनिफ्राय गाहायसिम बिजिरनाय खान्थि गनायना लादों । बेयो आमेरिकान खान्थिनि उलथायै इउर'प एबा ब्रिटिस खान्थि । बे खान्थिया आमेरिकान खान्थिनि बादियै गाहायनिफ्राय नइ । बेनि

अनगायैबो ब्रिटिस खान्थियाव रिसारखान्थिखौ रावखान्थिनि बाहागोयाव सरजावफानाय जायाखै । मानोना रिसारथि बाहागोयाव रावखान्थि एबा राव बिगियाननि मतेब्लाबो जेबो रावखान्थियारि बिजिरनाय थाया । संस्कृत रावनि मतेबो रावनि जाय बाहागोखौ सोलायना दाफिननो हायो बेखौसो रावखान्थिनि बिखायाव लाबोनो हायो । सोदोबमा आरो बाध्रा दानायनि थाखायसो बे बादि रावखान्थिनि नेम मानिनो गोनां जायो । जैरे मानसि, मानसिखौ, मानसिनो, मानसिफोर, सुबुं-सुबुंथि, थां-थांबाय- थांगोन-आं थांनि, नों थां, बियो थांथों बायदि बायदि । गोदान रावखान्थि एबा राव बिगियाननि बादिब्ला गुबैयै ब्रिटिस खान्थि मते बाध्रा दानायाव I. C. Analysis एबा बाध्रायाव सोदोबफोरनि मा बादियै गावबागाव सोमोन्दो थायो बेखौ गोजौनिफ्राय गाहायसिम बिजिरना दिन्थिनाय । बे बादिनो T.G. Grammar आव बाध्रा मोनसेनि सोदोबखौ सोलायना मा बादियै गोदान गोदान बाध्रा दाफिननो हायो बेखौनो फोरमायनाय खान्थि थायो । बे बादिनो आरोबाव रावनि देरसिन बाहागो बाध्राखौ बिजिरना दिन्थिनो हानाय खान्थिफोरखौबो गोदान रावखान्थियाव फोरमायो । बेनिखायनो संस्कृत व्याकरणनि ओंथिया रावनि महर सोलायनाय खान्थि गोनां बिजाव । बर 'वावबो बेनो जायो । सोदोब आरो बाध्राफोरखौ बे बादिनो महर एबा जायगा सोलायनानै रावनि गुबुन गुबुन ओंथि फोरमायनो बाहायनाय जायो । नाथाय महरथि (particle / indeclinable) सोदोबफोरा गुबुन गुबुन रावनि बादि बर ' रावावबो सोलाया ।

3.2.2 दोरोडारि रावखान्थियाव राव मोनसेनि दाधाय खौ बिजिरनाय जायो :

दोरोडारि रावखान्थियाव सोदोबनि ओंथि आरो बेनि अनगायैबो गोथार (pure) होनना सानना लानाय रावनि सायावसो रावखान्थि लिरनो आरो फरायनो थांखि लानाय जायो । रायज्जायग्रा रावनि (Dialect – रावसा) सायाव सावरायनाय जाया । नाथाय बे बादि मान गोनां (standard) रावफोरा बानायलुसो । मानोना बेखौ फरायसालि, मावखुलि, आफाद, जधुमा, रेडिअ', टि.धि. आरो लिरनायफोरावसो बाहायनाय जायो । गोरों गौराफोरनि अनगायै गामियारि रावसा रायज्जायग्राफोरा बेखौ बुजिया आरो बाहाया । नाथाय गोदान रावखान्थिनि मते दोरोडारि रावखान्थिया गनायथि होयि

बेफोर रावसाफोराबो राव बिजिरनायनि फारियाव फेयो । रावा समाजाव सोलियो । समाजनि हारिमु बादि बायदिसिना थासारियाव गोलैनानै सम आरो जायगा सोलायनायनि लोगो लोगो रावफोरा गोजान गोजान थानायनि थाखाय, मोनसहायनि थाखाय गुवन गुबुन महरै सोलायलांबाय थयो । बेफोरखौबो बिजिरनो गोनां जायोखायनो गोदान रावखान्थियाव बाहागो राननानै जारिमिनारि राव बिगियान (historical linguistics) मुं होदों । जारिमिनारि रावखान्थिया राव सोलायनायनि लोगोसेनो जाजेनदों होनना बुनांगोन । नाथाय राव मोनसेया रावसा महरै गोबां गोबां बाहागोयाव सोलाय सोलायैनो मोनसे रावनि फोलेर (family) दाहैयो । बेनो राव फोलेर (Language family / family of language) । बर 'नि गुदि चिन-तिब्बति एबा तिब्बत-चिनिय' (Sino-Tibetan / Tibeto-Chinese) राव फोलेरनिफ्रायनो सम बारलांता गोबाव जालांताय आरो गोबां जायगा सोलायनाय जाहोनावनो दिने भारतनि सा-सानजा (North-East) आरो आसामाव बर' हानजा (Bodo group) आरो बर' राव गावसाना गोदान महर लादों । बेफोर गावसालांताय दालाइ एबा रावसाफोरनि सिङ्गव थानाय रिसार, सोदोब, बाथा आरो ओंथिफोरनि दाथायाव रुजुना नायोब्ला गावबागाव सोमोन्दो थानाय बादि गोबां समान गोरुबनाय नुनो मोनगोन । बेनो रुजुथायारि राव बिगियान (Comparative linguistics) । गोदान रावखान्थि एबा राव बिगियानाव बे बादिनो दाथायारि एबा फोरमायथायारि (Structural / Descriptive), जारिमिनारि (historical) आरो रुजुथायारि (Comparative) बे मोनथाम बाहागोनि राव बिगियाननि दालाइ (branch) दं । बर' रावनि थाखायबो दाथायारि एबा फोरमायथायारि राव बिगियानखौ दोरोडरि रावखान्थिनि खान्थिखौ (method) बाहायनानै बर' रावखौ बिजिरना बर्नायनो एबा फोरमायनो हायो । बे बादिनो बर' हानजानि दानि समब्रा-समब्रि समाव दिमासा, राभा, गार', देउरि, तिवा, कक बर'क आरो कार्बि रावफोरखौ दाथाय हिसाबै लानानै रुजुनो हायो । नाथाय बेफोरनि गावसालांताय सम आरो दाथायखौ मोजाडै बिजिरना दिन्थिनो हाया । मानोना बेफोर रावाव बे बादि गोदोनिफ्राय लिखोनाय बिजाव (text) एबा फोरमान मोननाया गोबाव । बेनिखायनो जारिमिनारि रावखान्थि बाहागोयाव चिन-तिब्बति आरो बेनिफ्राय गावसाबोनाय बर'नि सिगांनि तिब्बत-बार्मि राव फोलेरनि दाथायखौ लिखनाय महराव मोननो धाडिनि थाखायनो फोरमायनो हाया ।

S.A.Q.

सॉलु : राव बिगियाननि मोननैसो दालाइनि सोमोन्दै मा मिथिगौ लिंर । (मोन 30 सोदोबनि गेजेराव)

.....

.....

.....

.....

3.3 बर' रावनि दाथायारि खलब :

गुबुन रावफोराव थानाय बादियै बर' रावाबो रिसारखान्थि, महरखान्थि आरो बाआखान्थि — बे मोनथाम गाहाय खलब दं । बे खलबफोरा रावनि दाथायारि खलबखौनो बुजायो । राव मोनसेयाव बे मोनथाम खलबानो गुबैब्लाबो सोरबा सोरबा राव बिगियानगिरि पण्डितफोरा रिसार बिगियान (Phonetics), रिसारथि बिगियान (Phonemics), महर बिगियान (Morphemics), ओंथि बिगियान (Semantics) आरो सोदोब एबा सोदोबबाखिनि खलबफोरखौबो सरजाबफादों ।

3.3.1 रिसारखान्थिया (Phonology) रिसार बिगियान आरो रिसारथि बिगियानखौबो बेनि बिखायाव सरजाबना लायो :

बे हिसाबै रिसारथि बिगियाना रिसार सोमोन्दै सावरायनाय गुबुन मोनैनिखुइबो देरसिन ।

रिसारथि खलबाव बेनिखायनो रिसार बिगियान आरो रिसारथि बिगियाननि सोमोन्दैबो सावरायनाय जायो । सरासनम्रायै रिसारथिखौ मोनफा रावखौ मुखफानानै (with reference to some language) रिसार (sound) फोरनि गासिबो बिधिंखौ बिगियानारि आदबजों सावरायनाय जायो । सोदोबनि सिगां, गेजेर आरो उन बाहागोयाव मोनसे रिसारथियानो (phoneme) माबोरै गुबुन गुबुन फिसासिन रिसार होयो बेनि

सोमोन्दै रिसार बिगियानाव (phonetics) सावरायनाय जायो। दिन्धि महरै इराजि रावनि /p/ रिसारथिया सोदोबनि सिगां हारसिडै, गेजेर गुबैयै /s/ नि उनाव दाजाबफायोब्ला आरो सोदोबनि उनाव हारसिडै जयोब्ला गुबुन गुबुनै रिसारो, जैरे /pen/, /spin/, /cup/ बे दिन्धिफोराव /p/ रिसारथिया सोदोबनि सिगाडव एसे /h/रिसार थानाय बादि नाथाय गेजेर आरो उन बाहागोयाव समान थायो। आरोबाव सोदोबनि सिगां आरो उनाव /p/ रिसार बोनायाव गुस्थि मोननैया गेवसारोब्लाबो उननि थासारियाव (environment/ position) गुस्थि मोननैयाव बार नांथेहेनाय नांजाव रिसारथि (stop phoneme) हिसाबै गुस्थिफोरखौ गेवसार होथवाब्लाबो जायो। बे बादिनो बर' रावनि गसिबो गारां रिसारथिया गोजौ रिसार जथायारि देखो (high tone) जौ जजाबफायोब्ला (co-occur) गुसुं आरो गाहाय रिसार जथायारि देखोजौ (low-tone) जफायोब्ला गोलाव बादि रिसारो। बर' रावनि गसिबो गारां रिसारानो गुसुं (short) ब्लाबो बे बादिनो मोननै देखोनि थासारियाव गोलैनानै बारादाय गुसुं आरो गोलाबबो जानांदो, जैरे : जा (to eat – गोजौ), जा (to be – गाहाय)। बेनि अनगायैबो गोजौ रिसार जथायारि देखोनि उनाव गबोनाय बारा हां लामायाव (larynx) गोरार्यै नांथाहैयो (glottal catch/check)। बेनिखायनो गोजौ रिसार जथायारि देखोजौ जफानाय गारां रिसारआ गुसुंधार जानाडो। बे बादिनो फिसासिन रिसारनि थासारिखौ रिसार बिगियानाव सावरायनाय जायो। नाथाय रिसारथि बिगियानाव बेफोर बादि सोदोबनि गुबुन गुबुन थासारियाव (environment) मोनसे रिसारथिनो (phoneme) फिसासिन बाहागोफोरानो रिसार (phone)। बे फिसासिन रिसार बाहागोफोरखौ मोनसे गेदेर जथाइ बाहागो हिसाबै हमना लानानै बेफोरनि थान्दै (representative) महरखौनो रिसारथि (phoneme) बुंनाय जायो। जि बादि इराजि /ptk/ रिसारथिफोरा सोदोबनि सिगां, गेजेर, उन जायखिजाया थासारि एबा जनाय जायगाफोराव जैरेखि जाया फिसा फिसा गुबुन गुबुन महरनि रिसार सोमजियोब्लाबो गुदियाव बेफोरखौनो मोनसेल होनना मोनथिनो नांगोन। बे बादिनो बर' रावनि गसिबो गारां रिसार गुदियाव गुसुंब्लाबो गोजौ रिसार जथायारि देखोजौ जफायोब्ला गुसुंसिन आरो गाहाय रिसार जथायारि देखोजौ जफायोब्ला गोलाव जानो हागौ।

3.3.2. रावनि बयनिखुडुबो फिसासिन महरानो रिसार (phone) :

बेफोर फिसासिन रिसारफोरखौनो रिसार बिगियानाव नायबिजिरनाय जायो। बे

खान्धियानो रिसार बिगियान । मोनसेल रावनि सोमोन्दो लाखिनानै रिसारफोरनि सावाव सावरायनाय आदबानो (technique) रिसारखान्धि । गुबुन गुबुन रावाव गसिबो रिसारखौनो नांजोबा जानो हायो । बेनिखायनो रिसारखान्धिया रिसार बिगियाननिखुइ गुसेबसिन । जेब्ला मोनसे रावनि रिसारनि सोमोन्दै सावरायनाय जायो बेनो रिसारथि बिगियान (phonemics) । रिसारथि बिगियानाव रिसारफोरखौ लिरनाय खान्धियाव लाबोनायनि सोमोन्दै बिजिरनाय जायो । Hartmann आरो Stork-नि Dictionary of Language and Linguistics-आव रिसारथि बिगियाननि (phonemics) सोमोन्दै बुंदों - Although many European linguists use the term phonology to refer to all aspects of study of the sound system of a particular language, the originally American usage of the term phonemics is becoming more widespread. In this sense phonemics is a branch of phonology concerned with the synchronic analysis of the sound system of a given language, particularly with reference to reducing language to writing as opposed to historical or diachronic phonology. बेनिखायनो मोनसे रावखौ लिरनानै सुंद' महराव लाबोना थखायनो लिरनाय खान्धिखौ बाहायनाय जायो होनना फोरमायनो नागिरदों । मोनसे रावनि मोनसे समाव लिरनायाव बाहायनाय हांखोफोरनि सोमोन्दै रिसारथि बिगियानाव सावरायनाय जायो । नाथाय बेयाव जारिमिननि खोथा थायो । राव बिगियाननि गुबै दालाइफोरा जादों (1) बरनायलु एबा फोरमायथाइ (descriptive / structural), (2) जारिमिनरि (Historical) आरो (3) रुजुथायारि एव बिगियान । बेफोरनि गेजेराव सेथि दालाइ मतेसो मोनसे रावनि मोनसे समनि रिसार लिरनाय आरो बाहायनाय खान्धिनि सोमोन्दै सावरायनाय जायो ।

3.3.3 महररिसारखान्धिनि (Morphophonemics) सोमोन्दै रिसारखान्धियाव सावरायनाय :

माब्लाया महररिसारखान्धिनि सोमोन्दैबो रिसारखान्धियाव सावरायनाय जायो । नाथाय महररिसारखान्धिया रिसारखान्धिनि सोलायै महरखान्धियावसो (morphology) सोमजियो । जेब्ला महरखान्धि बाहागोयाव सोदोब सोलायनो एबा दानो थानायाव रिसार सोलायो एबा गोदानै रिसार सोमजियो बेफोरनो महररिसार जैरै : नड बुजायनाय जा + या = जाया । बेयाव मोननैबो महरखौ दाजाबनायाव गेजेराव 'आ' एबा 'या' रिसारा महर रिसार । बे बादिनो सोमोन्दो दिन्धियाय नों - फा - नोम फा, बि - फा =

फिफा, बेफोर बादि दानाय सोदोबफोराव 'नों' सोदोबनि 'ड'-नि जायगायाव उनधिनि 'फ'नि गोहोम गोलैना 'म' आरो बेनि 'ब'-नि जायगायाव उनधिनि 'फ'नि गोहोम गोलैनायनि जाहोनाव 'फ' रिसाराव सोलायहैनाय खान्थियानो महररिसारखान्थि । बे बादिनो मावहोग्रा थाइजा सोदोब दानायाव फ + गारां रिसारथि + थाइजा, जैरै : फ + ए + देर = फेदेर, फ + अ + दब = फदब बादि सोदोब दाफिननायाव 'फ'नि उनि गारां रिसारथि सरजाबनाय खान्थिया महररिसारखान्थि ।

S.A.Q.

सॉलु : महररिसारखान्थिनि सोमोन्दै मा मिथिगौ बिदिन्थि होना लिर । (मोन 50 सोदोबनि गेजेराव)

.....

.....

.....

.....

.....

आरोबाव थाइजानिफ्राय थाइलालि सोदोब दानायाव ग + गारां रिसारथि + थाइजा, जैरै : ग + ओ = सोम = गोसोम, ग + ए + सेर = गेसेर, ग + उ = फुर = गुफुर बायदि दानाय सोदोबफोराव गारां रिसारथि सरजाबनाय खान्थिफोराबो थाइजा गुबैनि सेथि रिसार जथायाव (syllable) थानाय गारां रिसारथिखौ लानानै सोमाजियो । बे बादि रिसारथि सोलायनाय खान्थियाबो महररिसारखान्थियाव फैयो । बे बादिथैनो गोसोमनि 'ओ', गेसेरनि 'ए', गुफुरनि 'उ', सरजाबनाय गारां रिसारथिफोरा महररिसार (Morphophoneme) । इराजि रावनि बां सानराइ दानायाव गारां गैयि (voiceless) t-नि उनाव s आरो गारां गौनां g-नि उनाव z रिसारथि दाजाबना समानैनो बां सानराइनि ओंथिखौ फोरमायनाय जादों । जैरै : cat-cats, dog- dogz (s). बिदिनो cow -

cowz (s), boy – boyz (s), bee – beez (s), eat – eats, kill – killed, sleep – slept बायदि बायदि रिसार सोलायनाय बाहायनाय खान्थिफोरबो महररिसारखान्थिनि बिदिन्थि ।

3.3.4 बर' रावनि रिसार जथायारि देंखो बारस्लायनाय खान्थि :

बर' रावनि रिसार जथायारि देंखो बारस्लायनाय खान्थियाबो महररिसारखान्थियाव फैयो । बर'नि गोजू रिसार जथायारि देंखोया दाजाबदा दाजाबनाय समाव दाजाबनाय महरावसो बारस्लाय हैयो आरो गावबो गाहाय रिसार जथायारि देंखोयाव सोलायहैयो, जैरे : जा (गोजौ रिसार जथायारि देंखो) + गोन (गाहाय रिसार जथायारि देंखो) = जागोन (गाहाय + गोजौ रिसार जथायारि देंखो) । बर'नि रिसार देंखो सोलायनाय खान्थिखौ सानखान्थियाारि बुंफुरलु (Mathematical Theory) बाहायना दिन्थिनो हायो । गोरलैये फोरमायनो थाखाय गोजौ रिसार जथायारि देंखाखौ अनजिमा 1 आरो गाहाय रिसार जथायारि देंखोखौ अनजिमा 2 हमना लानानै गाहायाव होनाय बादि दिन्थिनो हायो । जैरे :

1 - 1 - 2 + 1 थां + जोब - थांजोब (थां - to go)

1 + 2 = 2 + 1 थां + बाय - थांबाय (बाय - past tense marker)

2 + 1 = 2 + 2 नां + जाब - नांजाब (नां - to touch)

2 + 2 - 2 + 2 जा - बाय - जाबाय (जा - to be)

बे खान्थि मते जेसेबां दाजाबदा दाजाबदेरनाय जायो बैसिमबो रिसार जथायारि देंखो बारस्लायनाया समानै सोलिलाडे, जैरे : जाजोबगौमोनो (2-1+1+1+1) (जा - to eat)

जाबायदोंमोनो (2+2+2+2+2) (जा - to be)

गोबां राव बिगियानगिरियानो (linguist) रिसारखान्थिखौ रिसार सोमोन्दै थानाय गियान एबा बिद्यानि देरसिन सानो । बेनि सिड्डाव रिसार बिगियान आरो रिसारथि बिगियानखौबो लाफायो । बर' रावनि सायाव रिसार बिगियाननि रिसार खारथाइ (acoustic) रिसार बिगियान बाहागोया जेबो खामानियाव फैया । बे बाहागोयाव

रिसारफोरनि दोही (frequency) आरो आखुफोरनि सायाव माखासे दाजेम एवा जोन्थोरनि हेफाजाब लानायनि सोमोन्दैसो सावरायनाय जायो । (The study of the physical properties of speech sounds such as frequency and amplitude in their transmission) । बेनि गुबुन मोननै बाहागोनि मोनसे गारां सोमजिनाय रिसार बिगियाना (articulatory phonetics) जादों खुगा दन्दरनि (mouth cavity) सिझव धानाय गारां सोमजिनाय सालाइ, गुस्थि, हाथाइ बायदि जायगा एवा अंगफोरनि सोमोन्दै सावरायनाय जायो (The study of the movement of speech organs in the articulation of speech) । गुबुन मोनसेया जादों खोनानाय रिसार बिगियान (auditory phonetics) । बे बाहागोयाव बुंग्रानिफ्राय खोनाग्रासिम बारनि गेजेरजों थानानै मा बादियै खुगानिफ्राय खोमासिम हाबहैयो आरो खोनाग्रानि मेलेमाव मा बादियै बुंग्रानि रावा हावा मावहैयो (react) बेनि सोमोन्दै सावरायनाय जायो (The study of hearing and perception of speech sounds) । उननि मोननै बाहागोया एसे गोनांज्लावो जेबो रावनि थाखाय आरो 'बर' रावनि थाखायबो रिसार बिगियानखौ नानाय जाया । मानोना रिसार बिगियाना बिगियान गुबै (pure science) मोनसे आयदा (subject) सो । रायज्जायग्रा अंगफोर बादि खुगा दन्दर, खोमा, मेलेम (brain), बुंग्रानिफ्राय खोनाग्रानिसिम सोदोबफोर बोहैलानायनि थाखाय बार, बाश्चाफोरखौ रेकर्ड खालामनानै लाखिना उनाव खोनासंनो आरो सोलॉफिननो थाखाय दाजेम एवा जोन्थोरफोरनि सोमोन्दै रिसार बिगियानाव सावरायनाय जायो । रिसारथि बिगियानावबो

S.A.Q.

सौलु : रिसार जथायारि देखो चारस्लायनाय माखौ बुजे ? 'बर' रावनि देखो चारस्लायनायनि सोमोन्दै मा मिथिगौ बिदिन्थिजों फोरमाय । (मोन 40 सोदोबनि गेजेरव)

.....

.....

.....

.....

गुबैयै मोनफा रावनि रिसारफोरखौ लिरनाय रिसारसिम सोलायहैनायनि सोमोन्दै सावरायनाय जायो। रिसार खान्थियावबो गुबैयै मोनफा रावनि रिसारफोरनि सोमोन्दै सावरायनाय जायो। राव बिगियाननि बे बाहागोयाव बर' रावनि सोमोन्दैबो सावरायनाय जायो। फोरमायनाय एबा बर्नायलु बाहागोनि राव दाथाय थाखोनि (language structure) सोमोन्दै बर' रावनिफ्रायबो बे सावरायनायखौ लानो हायो। बर' राव लिरनायनि थाखाय बर' रिसारखौ दिन्थिसार होनो बर'नि नांनय रिसारफोरखौ सायखना लानाय जायो। बर' रावनि थाखायबो फिसानिफ्राय फिसासिम रिसार (narrow script) नांनय जायो। बेफोरनो जादों रिसार (phone)। सोदोबनि सिगां, गेजेर आरो उन एबा जथाइ रिसारथि (cluster)नि थासारियावबो फिसासिन रिसार सोमजिहैनायखौ महर होनांगौ बादि बे गुसेब (narrow) रिसारफोरखौ लिरनाय जायो। दिन्थि महरै गोजौवाव बुंबोनाय बादि इंराजिनि ptk रिसारफोरखौ सिगां, गेजेर, उन आरो जथाइ रिसारथि थासारियाव फिसासिन रिसार सोमजियाव आरो बे बादिनो बर'नि गारां रिसारथिफोरा रिसार जथायारि देखोजों जफानायाव गुसुंसिन गोलाव रिसार सोमजिनायाव रिसारहैनाय रिसारखौ लिरनो दिन्थिसार होनायाव बे गुसेब हांखोखौ बाहायनाय जायो। रिसार हांखोयाव नाथाय बे बादि फिसा फिसा रिसारनि सोलायै बेफोर रिसारनि थाखाय मोनसेल गेजेरारि रिसार थान्दै सायखना मोनसेल महरजों लिरोब्ला बेनो गुवार रिसार (broad script)। बे हांखोयाबो रिसारथि। मोनसे रिसारथियानो सोदोबनि गुबुन गुबुन जायगा एबा थासारियाव जथोब्ला फिसा फिसा नाथाय थेवबो धार महरजोंनो रिसारो। बे बादि रिसारासो थारै रिसारो। नाथाय रिसारथिया थारै रिसारा। सोदोबनि गुबुन जायगायाव समाव बेखौनो गुबुन गुबुनै रिसारहोनाय जायो। बेफोरनो रिसारथिनि फिसा फिसा रिसार बाहागो एबा लोगो रिसार (allophone)। बेफोर लोगो रिसारफोरनि गेजेरारि थान्दै रिसार महरफोरनि गुवारै मोनसेल सानना बाहायनाय रिसारथि। मोनसे रावनि रिसारथिफोरखौ गुबुन गुबुन ओंथि गोनां सोदोब दानानै बेफोरनि फारागथिखौ दिहुननो हायो। बेफोर बादि फाराग रिसारथिफोरानो रावनि रिसारथि। बे बादि हेंथा गोनां फाराग रिसारथिफोरानो दुइसिन सोदोब जरा (minimal pair)। बर' रावनि जैरै : ब्रा (to carry on back), खा (to pluck), था (to stay), फा (to be bitter), दा (now), गा (to trample under feet), मा (what), ना (fish), सा (top), जा (to eat), हा (land), रा (to be

matured), ला (to take), थां (to go), लां (to take away), बान (to take on shoulder), बां (to be more), बाय (to purchase), बाव (to forget), सि (cloth), सु (to wash), से (to snatch off), स (completely), सी (to twist), सो (to cause or enter, to push in) बायदि बायदि। बेफोर गसिबो बर' रावनि गारां आरो खौरां रिसारफोरनि थाखाय लानाय दुयसिन सोदोब जरा। बेफोर सोदोबनि नेजेराव नुजानाय फारागधिफोरानो बर' रावनि गुबुन गुबुन रिसारथि। बेफोरनो बोखावजानाय गारां रिसारथि (segmental phoneme)। बर' रावनि खौरां रिसारथिफोरा (consonant phoneme) जादों : फथख, बदग, मनड, सजह, रल, वय आरो गारां रिसारथिफोरा (vowel phoneme) जादों : / इ, उ, ए, अ, आ, ओ /। बेफोरनो बर' रावनि अंगुबै (aboriginal) बर' रिसारथि। नाथाय बर' नि सोलाव लानाय सोदोब (loan words) फोरखौ लिरनो थाखाय देबनागरिनि आरोबाव माखासे रिसार लादेरनो गोनां जायो।

जायखिजाया रावनि थाखाय बेफोर बोखावजानाय रिसारथिफोराल थोजासे जखानि नड। रिसारथिखौ आबुं खालामनो थाखाय आरोबाव माखासे उफ्रा रिसारथि एबा बोखावजायि रिसारथि (Suprasegmental Phoneme) नानाय जायो। बर' रावावबो बे बादिनो बोखावजायि एबा थाजाबनाय उफ्रा रिसारथि थायो। बेफोरनि मादाव बर' रावनि रिसार जथायारि देंखोयानो गुबै। बर' रावाव गोजौ (high) आरो गाहाय (low), मोननै रिसार जथायारि देंखो दं। रिसार जथायारि देंखोफोरा गारां रिसारथिनि उनाव बेजों लोगोसे जफायो (co-occur), जेरै : जा (to eat - गोजौ), जा (to be - गाहाय), खा (to pluck - गोजौ), खा (to tie - गाहाय), हो (to drive - गोजौ), हो (to give - गाहाय), सु (to wash - गोजौ), सु (to measure - गाहाय), सि (cloth - गोजौ), सि (to be wet - गाहाय) बायदि बायदि। बर' रावाव थानाय बोखावजानाय रिसारथिनि बादि देंखो दोही बादि (Intonation) उफ्रा रिसारफोरखौबो रिसारथि हमनाय जायो। गोजौवाव होनाय बादि जा (to eat) आरो जा (to be) मोननै ओंथि आरो देंखोनि गोजौ-गाहाय थासरिनि थाखाय हेंधा (to contrast) जायो। बेनिखायनो बर' रावाव मोननै रिसार जथायारि देंखो दं।

S.A.Q.

सौलु : बर' रावनि रिसार जथायारि देंखोनि सोमोन्दै मा मिथिगौ लिर। (मोन 30 सोदोबनि लिर)

.....

.....

.....

.....

3.3.5 बर' रावनि बोखावजायि रिसारथिफोर :

बर' रावाव आरोबाव सुजाबखान्धि (juncture), रिसार जोबथा (contour), देंखो दोहौ (intonation) बादि उफ्रा रिसार एबा बोखावजायि रिसारथि (suprasegmental phoneme) फोरबो दं। रिसार जथायारि देंखोफोरा (tone) जि बादि समान एबा मोनसे थासारियावनो गोजू-गाहाय महर लानानै गारां मोनफ्रोमबो रिसार जथाइनि (syllable) रिसारथिजों जफानानै मोननैनिबो फाराग दिन्थियो, जैरे : सि (cloth- गोजू), सि (to be wet- गाहाय), बे बादिनो रिसार जथाया बाध्यायाव रिसारथिफोरखौ जरायो। गारां रिसारथिजों जफानाय सोदोबनि गेजेरनि बोखावजायि रिसारथिफोरा रिसारारि (phonemic) आरो सोदोबनि गेजेराव जनायफोरा सोदोबारि (lexical) बोखावजायि रिसारथि। बाध्रानि उनाव जनाय रिसारथि जोबथा हैनायखौ बे बादिनो बाध्रायारि (syntactical) रिसार जोबथा (contour) खुंनाय जायो। बे रिसार जथाइ जोबथाया बाध्रायवा धानाय गासिबो रिसार जथाइनि आवफाव (idea)खौ लानानै मोनसे जथाइ आवफावखौनो फोरमाय हैयो। बाध्रानि आवफावखौ लानानै बाध्रानि आखुवा (characteristics) सोलायो। बिदिन्धि महरै सौनाय, धोननाय, सोमोनानाय बादि बाध्राफोराव जैरे : बबेयाव थानो (where do you go?), थान (you go), मालै (what), मा (what) बेफोर बाध्रानि जोबथा बाहागोयाव जनाय रिसार

जोबथाफोरा दावगाखाडे (rising) । नाथाय गोरलै बाध्नायाव (simple sentence) बे गोलैलाडे, जैरै : बे मासे सैमा (It is a dog), आं थांदोंमोन (I had gone) । बे बादिनो बांबा बाध्नायाव (complex sentence) समानै थाडे, जैरै : नों फैब्ला आं थांगोन, बियो नडाब्ला नों जानो हागौं । सुजाबखान्थिनि बाध्ना जोबनायाव जनाय मोनसेयानो रिसार जोबथा ।

मोनथाम सुजाबखान्थिनि सेथिया जादों मोनसे रिसारथिनि खाथियाव गुबुन मोनसेया जयोब्ला एबा मोनसे सुजाबखान्थि खाथियाव गुबुन मोनसेया जनानै नुनायाव मोनसेयै जजाबनाय बादि थायोब्ला गोथे सुजाबखान्थि (closed juncture) सोमजियो, जैरै : हा (land, to be able), बेयाव ह आरो आ रिसारथिनि गेजेराव गोथे रिसारथि जरा आरो हाबाय (to be able) सोदोबनि हा (to be able) आरो बाय (थाइजा दाजाबदा) बे मोननै सुजाबखान्थिया लोगो नानानै गोथे सुजाबखान्थि सोमजिदों । नोंध सुजाबखान्थिया मोननै सोदोबनि गेजेराव गोजान गोजानै थानानै बाध्नायाव गेवलां महरैने उदां सुजाबखान्थि (open juncture) सोमजि होयो । जैरै : हा बाय (purchase land), नों धां (you go) । बे बाध्ना मोननैयाव धानाय सोदोब एबा सोदोबमाफोरा गोजान गोजान थानानैनो लांदां जायगा लाखिनानै उदां सुजाबखान्थि दादों । खाधिजों खाधि थाज्नायनानै सानसि गोरोबनाय (agreement) खायनो सोदोबफोरनि गेजेराव सोदोब सुजाबखान्थि (word juncture) सोमजिदों ।

S.A.Q.

सॉलु : रिसार जोबथानि सोमोन्दै मा मिधिगौ लिंर । (मोन 30 सोदोबनि गेजेराव)

.....

.....

.....

.....

सौलु : सुजाबखान्थिनि सोमोन्दै मा मिधिगौ लिर । (मोन 30 सोदोबनि गेजेराव)

.....

.....

.....

.....

बाध्रा जोबधारहेनायाव सोमजिनायखायनो बे रोखोमनि सुजाबखान्थिखी जोबथा सुजाबखान्थि (Terminal Juncture) बुंनाय जायो । जोबथा सुजाबखान्थियाबो वर ' रावाव दाबखो (rising), दावख्लाय (falling), आरो समान (neutral) बे मोनथाम बाहागोनि जानो हायो । दावखोनाय बाहागोया सरासनस्रायै बाध्रा सोंनाय, थोननाय, सोमो नांनाय, जेरै : मानो (question), थां (order), हाबाव, आय हाबाव (exclamation) । दावखोनाय बाहागोया सरासनस्रा गोरै बाध्रा जेरै : आं थांगोन, बियो थांबाय आरो समान बाहागोया बांबा बाध्रानि लोगोयाव जयो, जेरै : नों फैयाब्ला आं थाइ, नों नडाब्ला आं थांगोन ।

3.3.6 गारांसे आरो गारानै रिसारथि :

वर ' रावावबो गुबुन रावफोरनि बादियै गारांसे रिसारथि (monophthong) नि अनगायैबो गारानै रिसारथि (diphthong) गोनां सोदोबफोर दं । गारानै रिसारथियाव मोनसे गारां रिसारथिया बारा रिसारसिनो (peak of sonority) । गारानै रिसारथिया जादों - /इउ, एउ, आइ, आअ, उइ, ओइ, ओउ/ बायदि बायदि । बे बादिनो बिदिन्थिफोरा जादों (गारानै रिसारथि) — जिउ, आइ, एअ (एव), ओउ, बाअ (बाव), बाउ, गइ, रुइ, दोइ (दै), धोउ (धौ) बायदि बायदि ।

3.3.7 रिसार जथाइ :

वर ' रावाव गुबैयै रिसार जथाइसेयानो (monosyllabic) बाँसिन । रिसार जथाइनै

गोनां खमै दं। मोनसे सोदोबनि गारां रिसारथिजों सरजाबनाय, हां खुनसेयावनो रिसारहोनो हानाय बाहागोफोरानो मोनफा रिसार जथाइ (syllable), जैः जा (monosyllabic), जाबाय (जा + बाय - disyllabic), जाबायमोन (trisyllabic), जाबायमोननो (polysyllabic) बायदिसिना।

बर' राबनि रिसार जथायारि देंखोया गुबै सोदोबजों दाजाबदा फजयोब्ला बैसिम बारस्लाय लाडे। नाथाय दाजाबनाय सोदोब एबा दाजाबदासिम बारस्लायब्ला बेफोर मोनसे सोदोब सोमजिनायनि उनावबो सोदोब हानजा बादिनो (group of words) थायो। जैः नाफोर, मानसिफोर, नॉनिफ्राय, आनिफ्राय बेफोर दिन्थियाव 'फोर' आरो 'फ्राय' दाजाबदासिम ना (गोजौ देंखो) आरो नों (गोजौ देंखो) सोदोबफोरनिफ्राय खान्थि मते गोजौ रिसार जथायारि देंखो हिसाबै बारस्लायाखै आरो 'ना' आरो 'नों' सोदोबफोरनि गोजौ रिसार जथायारि देंखोआबो दाजाबनायनि उनाव गाहाय देंखोसिम सोलायाखै। बे बादि थासारियाव दाजाबदाफोरा सोदोब हानजानि बाहागो हिसाबैसो जदों।

खौरां रिसारथिफोरा खाथिजों खाथि जजाबोब्ला दाजाब रिसारथि (phonemic cluster) सोमजियो, जैः बान्था, खान्थि, लांदां, खाम्फा, गब्दा, सानसि बायदि बायदि। नाथाय बर' राबनि थाखाय लिरनाय देबनागरि रिसारजों बे बादि रिसारथि दाजाबदाखौ हानायसिम बाहायाब्लानो बोखावना लिरनाय जाबाय, जैः बानथा, खानथि, खामफा, गब्दा बायदि बायदि। गारां रिसारथियाव खौरां रिसारथिनि बादि रिसारथि दाजाबदा सोमजिया। बर' रावाव सोदोबनि सिगां आरो गेजेर बाहागोयावबो खौरां रिसारथि दाजाब जायो। जैः ब्राइ, ब्रा, सा, स्लिम, स, (सिगां), बाधा, गरला, बांसां (गेजेर)। बे बादिनो गेजेर बाहागोयाव मोनथाम, मोनबै खौरां रिसारथि दाजाब थायो, जैः दोनसां, लोमसा, अनद्ला, दानसां, मिजिंफ्रोमबो (मोनथाम) बायदि बायदि। नाथाय दानि कमपिउटारनि मुगायाव बेफोर बादि रिसारथि दाजाबफोरखौबो सिखावना लिरनाय खान्थिखौबो बाहायनाय जाबाय, जैः बोदला, मोनदां बायदिसिना। बे खान्थि मते मोनथाम खौरां रिसारथि दाजाबखौ सिफायनायानो बांसिन, जैः मोनफले, जामफ्रा बायदि बायदि।

3.4 सार बाहागो (Summing Up) :

बे खोन्दोआव राव बिगियाना माब्ला आरो बबेयाव जोनोम जाजेनदोंमोन, बेनि

जारिमिन, राव बिगियाननि गुबुन गुबुन दास्ताइ, दोरोडारि रावखान्धिजों बेनि फाराग बेफोरनि सायाव सावरायनाय जादों। बेफोरनि अनगायैबो बर' रावनि दाथायारि खलब, रिसार, रिसारथि, रिसार जथायारि देंखो, सुजाबखान्धि, रिसार जोबथा, देंखो दोही बायदिनि सायावबो गुमुर होनो नाजानाय जादों। बेफोरनि अनगायैबो महररिसार खान्धि, गारांसे आरो गारांनै गारां रिसारथि, बर' रावाव मोननो हानाय गुबुन गुबुन महरनि रिसार जथाइ, दाजाब रिसारथि बायदिनि सायाव सावरायनायाबो बे खोन्दोयावनो जायगा मोनदों। थामहिनबा फंसे रावै बेखौनो बुंजायो, रिसारखान्धिनि बोखावजानाय आरो बोखावजायि रिसारथिफोरनि सायाव फरायगिरिफोरनो मौजां गुमुर होनायानो बे खोन्दोनि गाहाय थॉखि।

3.5 सोदोब बाखि (Glossary) :

I C Analysis	बाश्नाखौ दुयसिननिफ्राय दुयसिनसिम बोखावलांना नायनायनि मोनसे फारि।
महरथि	जाय सोदोबनि महरा जेब्लाबो थि थायो, जेबो सोलाय सोल जाया, बेनो महरथि।
Voiceless	जाय रिसारथिफोरखौ गारां बोयोब्ला गोदोनायाव थानाय Voice chords आ माबखाड बफोर बादि रिसारथियानो गारां गैयि (Voiceless) रिसारथि।
लोगो रिसार	जेब्ला मोनसे रिसारथियानो सोदोबनि गुबुन गुबुन जायगा थामहिनबा सिगां, गेजेर आरो उनाव जनानै गुबुन गुबुन रोखोमै रिसार होजायो बेखौनो बै रिसारथिनि लोगो रिसार होनना बुझे।

3.6 जानो हाथाव सौलुफोर (Probable Questions) :

1. बोखावजानाय रिसारथिनि सोमोन्दै मा मिथिगौ लिर।
2. बोखावजायि रिसारथिनि सोमोन्दै मा मिथिगौ लिर।

3. गारां गोनां आरो गारां गैयि रिसारथिनि सोमोन्दै मा मिथिगौ लिर ।
4. लोगो रिसारनि सोमोन्दै मा मिथिगौ लिर ।
5. बर' रावाव मोननाय दाजाब रिसारथिनि सायाव मोनसे रोखा फोरमायथि हो ।
6. बोखावजानाय रिसारथियाव गारांसे आरो गारांनै रिसारथि बुडोब्ना माखौ मिथियो सावराय ।
7. रिसार जथाइ माखौ बुडो ? बर' रावाव मोनाय रिसार जथाइनि मोनसे सुंद फोरमायथि हो ।

3.7 फरायनो गोनां बिजाबफोर (References and Suggested Readings) :

1. गोनां रावखान्थि : कमल कुमार ब्रह्म
2. गोजाँ रावखान्थि : मधुराम बर'
3. बर' रावनि महरखान्थि : फुकन बसुमतारि
4. बर' रावखान्थि : स्वर्ण प्रभा चैनारी
5. Structure of Boro Language : M. R. Baro
6. असमीया व्याकरण : हेमचन्द्र बरुवा

— :: —

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism
M.A./M.Sc. in Economics, Mathematics
M.Com

PG Diploma Programme:

Sales & Marketing Management (**PGDSMM**)
Human Resource Management (**PGDHRM**)
Journalism & Mass Communication (**PGDJMC**)
Business Management (**PGDBM**)
Finance Management (**PGDFM**)
Banking & Financial Services (**PGDBFS**)
Insurance & Risk Management (**PGDIM**)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT




GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-VIII(4)



INSTITUTE OF DISTANCE AND OPEN LEARNING
GAUHATI UNIVERSITY



BODO
Paper VIII

PHONETICS, PHONEMICS & MORPHEMICS
Block 4

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

बैथि बिलाइ (Paper VIII)

बर' रावनि बाथाखान्थि

बाहागो - 4 (Block- 4)

आयदाफारि (Contents)

बाहागोनि बेखेवनाय (Block Introduction)

खोन्दो - 1 (Unit - 1)

बर' रावनि बाथा खान्थि

खोन्दो - 2 (Unit - 2)

बर' बाथा खान्थिनि बाहागोफोर

Contributor

Nijwm Narzary
Unit - 1 & 2

NERLC (CIIL)
Beltola, Guwahati

Content Editing

Dr. Bhupen Narzaree

Department of Bodo
Gauhati University

Cover Page Design

After Ali

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

बाहागो (Block) - 4

बाहागोनि बेखेवनाय (Block introduction) :

बे बाहागोयाव गुबैयै बाध्राखान्थिनि सोमोन्दै सावरायनाय जागोन । आयदानि सायाव मोजाडै सावरायनो हानायबादि बे बाहागोखी मोननै खोन्दोयाव बाहागो राननानै लानाय जादों । मोनफ्रोमबो खोन्दोखी फिसा फिसा बाहागो राननानै गुवारै सावरायनो नाजानाय जादों ।

गिबि खोन्दोखी 'बर' रावनि बाध्रा खान्थि' मुं होनानै बर' रावाव बाहायजानाय बाध्राफोर आरो बेफोर बाध्राया बरै दाजायो बेफोरनि सोमोन्दै गुवारै सावरायनाय जादों । बेफोरनि अनगायैबो खोन्दोसा जोबनाय लोगो लोगो (S.A.Q) नि गेजेरजों सोंनाय फिननायनिबो खाबु दोननाय जादों

नैथि खोन्दोया 'बाध्रा खान्थिनि बाहागो' । बे खोन्दोयाव बर' रावाव बाहाय जानाय बाध्राफोरखी मोनबैसे बाहागोयाव राननो हायो आरो बेफोरनि महरा माबादि जायो बेफोरखी बिजिरनानै दिन्थिनाय जादों । बेजोंनो लोगोसे खोन्दोसा जोबनाय लोगो लोगो (S.A.Q) होफानाय जादों ।

बेफोरनि अनगायैबो जानो हाथाव सॉलुफोर, फरायनो गोनां बिजाबफोरनि फारिलाइ आरो आयदानि गेजेर गेजेर आनजाद लानायफोर होफानाय जादों ।

बे बाहागोनि खोन्दोफोरा जाबाय :

खोन्दो - 1 (Unit 1) : बर' रावनि बाध्रा खान्थि

खोन्दो - 2 (Unit 2) : बर' बाध्रा खान्थिनि बाहागो

खोन्दो - I (Unit -1)

बर' रावनि बाथा खान्थि

खोन्दोनि महर :

- 1.1 बेखेवनाय (Introduction):
- 1.2 थंखि (Objectives) :
- 1.3 बर' रावनि थाइजा गैयि बाथा (Verbless Sentence in Bodo):
- 1.4 बर' रावनि नडि दिन्थिग्रा बाथा (Negation in Bodo Sentence):
- 1.5 बर' रावनि सौनाय दिन्थिग्रा बाथा (Interrogative Sentence in Bodo):
- 1.6 बर' रावनि थिननाय/खावलायनाय बाथा (Imperative Sentence in Bodo):
- 1.7 बर' रावनि बाथा फान्दाय गोनां बाथा (Idiomatic Sentence in Bodo):
- 1.8 बर' रावनि बाथा खान्थियाव देंखो दोहौनि जायगा (Intonation in Bodo Sentence):
- 1.9 सारबाहागो (Summing Up):
- 1.10 जानो हाथाव सौलुफोर (Probable Questions):
- 1.11 फरायनो गोनां बिजाबफोर (References and Suggested Readings):

1.1 बेखेवनाय (Introduction) :

रावा सुबुं सोदोमखिनि देरसिन अबदान । रावानो सुबुं माहरनि मिर बिन्दो ।
ओंथि गोनां हांखो एबा हांखोफोरनि जथाया रावनि दुइसिन महर । बे बादिनो
ओंथिगोनां सोदोब एबा सोदोबमाफोरनि जथाया रावनि देरसिन महर । बे सोदोबानो

दोरोडरि रावखान्थिनि गुबै बिधा। दोरोडरि रावखान्थि होनोब्ला महर खान्थि (Morphology) आरो बाध्रा खान्थि (Syntax), बे मोननै आयदानि जथायखौनो बुजियो। आधिखालाव बेखौ महर बाध्राखान्थि एबा बाध्रा महर खान्थि (morpho syntax) होनना मखदों। जोनोमारि ओंथि बादियै महर खान्थिया सोदोबनि महर, इसिडरि दाथायजों सरजाबना थायो, बाध्रा खान्थिया सोदोबफोरनि जथायनाय खान्थिजों सरजाबना थायो एबा सोदोबफोरखौ बाध्रानि महर होयो। सोदोबफोरा खान्थि खाथि ज जानानै मोनसे आबुं सानसि फोरमायनो हानायानो बाध्रा। बाध्रानि गुबै बिधायानो जादों बाध्रा खान्थि। बाध्रा खान्थिया बाध्रा बुंनाय समाव बेजों बे एबा गावजों गाव सोमोन्दो लाखि होनानै सोदोब आरो खौन्दोयारि नडि-महरफोरखौ जिबादि साजायो, बेखौ सोफाना लायो। बाध्राखान्थियानो रावनि गुबै बाहागो। माखासे जरखा रोखोमनि इसारा आरो ओंथिफोरजों थि सोमोन्दो थानाय आखुखौ रावाव नुनो मोनो।

इसारा	ओंथि
(Gestures)	(meaning)

बुंनाय रावनि थाखाय इसाराफोरा खुगानि राव आरो दिन्थि (signed language) नि थाखाय सावसिनि फाव-फेखन। नाथाय इसाराफोरजों गासै ओंथिफोरखौ फोरमायजोबनो हाया। अदेबानि मोनफ्रोमबो रावहानो ओंथि फोरमायग्रा गुदि मुवा एबा सोदोबफोर थायो आरो बे सोदोबफोरखौ गुबुन गुबुन राहाजों साजायनानै एबा जथायनानै गुबुन गुबुन ओंथि फोरमायो। बे साजायनाय राहाफोराबो गावनो गाव ओंथि गौनां। बिदिन्थि महरै :

दैमुवा दैथुननो बिजाब हरदों।

दैथुना दैमुनो बिजाब हरदों।

गोजौनि बिदिन्थियाव रोखोमसे ओंथि फोरमायग्रा सोदोबफोर दं नाथाय मोननैबो बाध्रानि ओंथिया आलादा। मानोना बेयाव सोदोब जथायनाय एबा साजायनाय राहाया गुबुन गुबुन। बे सोदोब साजायनाय गुबुन गुबुन राहाया बाध्रा खान्थिनि आवथायाव गोग्लैयो। गोजौनि बाध्रायाव सोदोबफोरनि फाराग गैया, बेयाव फारागथिया बाध्रा खान्थिनिसो। बाध्रा खान्थिनि आखुथायखौ मेथिवा [mathew (1982:1)] एरैबादि फोरमायदों :

“बाध्रा खान्थि (Syntax) सोदोब गोजाम ग्रीक, मोनसे थाइजायारि मुंमा सिन्थेसिस (syntaxis) निफ्राय फैदों जायनि थुनलायारि ओंथिया साजायनाय एबा जयै

जथायनाय । दोरोडरि फारसेनिफ्राय बे रावखान्थिनि मोनसे दालाय जेराव सोदोबफोरा महर सोलायनानै एबा महर सोलायाजासेनो मोनसे बाध्रानि गेजेराव ज जानानै ओंथि फोरमायनो हायो'

बाध्रा खान्थिनि गिबि आरो गोनांसिन बिथिड जादों बाध्राफोरखौ माबोरै दानाय जायो आरो सुबुं राव बाहायगिरिफोरा सोदोबफोरनि गेजेराव रोजोबथाय लाखिनानै गोबां रोखोमनि बाध्रा जथायनो नाजायो । गुबुन मोनसे मखजाथाव बिथिड जादों राव लायै राव बाध्रानि सोदोबफोरा जायगा (position) लायो । इराजि रावाव मावग्राया सिगां, मावजाग्राया उन आरो थाइजाया गेजेराव थायो । अदेबानि बर' रावाव मावग्राया सिगां, थाइजाया उन आरो मावजाग्राया गेजेराव थायो । मोनसे बाध्रानि सोदोबफोरा बिनि बाहागो जेब्ला बिनि खाधि खाधि थानाय सोदोबफोरा गुबुन मोनसेनि खाधि खाधि थालायनाय बाहागो (Immediate constituent) । सोलायनो हायि महरथि सोदोब आरो सोलायनो हानाय सोदोबफोरनि बादियै बाध्रा खोन्दो (phrase) आरो बाध्रा खलब (clause) थायो । बर' रावनि बाध्रा खान्थियाव बाध्रायाव थाइजा गोनां गैयिखौ लानानै बाध्राखौ मोननै बाहागोयाव सावरावनो हायो । ओंथिखौ लानानै नडिदिन्थिग्रा, सौनाय दिन्थिगा, थिननाय एबा खालायनाय दिन्थिग्रा बायदि बायदि बाहागोयाव सावरावनो हायो । मोनसे बाध्रायाव बाध्रा फान्दाय गोनां गैयिखौ लानानैबो सावरायनाय जायो । बर' रावा देंखो गोनां राव जेब्ला बर रावनि बाध्रा खान्थियाव देंखोनि दोहौवा गोहोम खोख्लैयो । जों बे आयदायाव बेफोरनि सोमोन्दै मोनसेनि उनाव मोनसे सावरायनो लानाय जाबय ।

1.2 थांखि (Objectives)

बे आयदाखौ फोरोंनायनि गुबै थांखिफोरा जादों -

- * बाध्रा खान्थिनि सोमोन्दै मिथिनो हागोन ।
- * बर' बाध्रा खान्थिनि आखुथाय फोरनि सोमोन्दै मोजाडै मिथिगोन ।
- * बर' रावनि बाध्रानि इसिडव थानाय 'खान्थिखौ मिथिगोन ।
- * महर खान्थि आरो बाध्रा खान्थिनि फाराग दिन्थिनो हागोन ।
- * बर' रावखौ मोजाडै बिजिरनो थुलुंगा मोनगोन ।
- * बर' रावखौ गुबुन रावजों रुजुना नायनो हागोन ।
- * रावखान्थि आयदायाव गियान फेहेरनो हागोन ।

1.3 बर' रावनि थाइजा गैयि बाध्ना (Verbless Sentence in Bodo):

मोनफ्रोमबो रावहानो माखासे गोनां आखुधाय थायो । बर' रावाबो जरखा आखुधाय धानाय मोनसे राव । बिनिखायनो बर' रावखौ मोजाडैमिथिनो थाखाय बे आखुधायफोरखौ मिथिनांगौ । बे रावनि मोनधिनो गोनां आखुधायफोरखौ राव बिगियाननि सायाव सोनारनानै गाहायै मोनथाम बाहागोयाव राननो हायो । बेफोर जादों : (क) रिसारथि (phonology) (ख) महर खान्थि (morphology) आरो (ग) बाध्ना खान्थि । महर खान्थि आरो बाध्ना खान्थि जथायै दोरोडरि रावखान्थिखौ फोरमायो । बर' रावनि बाध्ना खान्थिया नोजोर होनो गोनां । बाध्ना दानाया सोरजिलु आदब । धार जानायनि अनगायैबो बाध्नाया खोनासंनो मोजां जानांगौ । बाध्ना दानाय समाव सोदोबफोरनि दाथाय आरो सोदोबथिनिबो गियान थानांगौ ।

जों बे आयदायाव बर' रावनि थाइजा गैयि बाध्ना खान्थिनि सोमोन्दै सावरायनो लानाय जाबाय -

बर' रावनि गुबै बाध्ना खान्थियाव मावग्राया सिगां थाइजाया उन आरो मावजाग्राया गेजेराव (SOV) थायोब्लाबो गुबुन गुबुन जरखा रावखान्थियारि थासारियाव थाइजा गैयाब्लानोबो बाध्ना दानो हायो । बे थासारिफोर जादों फारियै :

1. मुंमा + थि दिन्थिगा दाजाबदा + मुंमा (Noun + Determiner + Noun) दाजाबनानै थाइजा गैयि बाध्ना दानो हायो । जेरै -

आं	सासे	फोरोंगिरि
नों	सासे	फरायसा
बे	मासे	दाव
बै	मासे	मावजि ।

2. मुंमा एबा मुंराय + मुंमा - मुंमा महरावबो थाइजा गैयि बाध्ना दानो हायो । जेरै -

आं	निजोरा	ब्रह्म
नों	बर'	फरायसा
बि	असमीया	मानसि ।

3. मुंराय (सोमोन्दो दिन्थिग्रा मावरिजा - मुंमा (मावजाग्रा मावरिजा) - मुंमा (मावजाथा मावरिजा) जायोब्ला थाइजा गैयि बाध्रा दानो हायो। जैरे -
 आंनि नवा अदालगुरियाव
 बिनि मोसौवा बारियाव
 जौंनि फरायसालिया नोगोराव।
4. मुंमा एबा मुंराय (सोमोन्दो दिन्थिग्रा मावरिजा) - मुंमा (मावजा मावरिजा) - मुंमा जायोब्लाबो थाइजा गैयि बाध्रा जायो। जैरे :
 आंनि मुळ अरगें नारजारि
 जौंनि बिमारावा बर'
 बिनि गामिया सनापुर।
5. सौनाय दिन्थिग्रा महरथि बाहायनातैबो थाइजा गैयि बाध्रा दानो हायो। जैरे -
 नौंनि मुळ मा ?
 वै मानसिया सोर ?
 आंनि बिजाबा बबे ?
 बिनि आलासिया सोर ?
6. मुंमा एबा मुंराय - मुंमा (सोमोन्दो दिन्थिग्रा मावरिजा) बाध्रा दाथाय महरावबो थाइजा गैयि बाध्रा मोननो हायो। जैरे :
 जौं कक्राझारनि
 बिसोर गुवाहाटीनि।
7. थि दिन्थिग्रा दाजाबदा - थाइलालि - मुंमा दाथाय महरावबो थाइजा गैयि बाध्रा मोननो हायो। जैरे :
 सासे समायना सिख्ला
 बारसे गोजा बिब्रार
 मासे गोसोम मावजि।
8. बर' रावनि गोरलै बाध्रा फोरावबो माब्लाबा थाइजा गैयि बाध्रा दानाय खान्थि नुनो मोनो। जैरे :

जुलिया सासे मोजां हिनजावसा
बिये जोबोद अनसुला
बे बिफाड गोजौं ।

9. थावनि एबा जायगायाव थानाय आरो आखायाव थानाय/थायि
दिन्थिनाय बाश्रायाव थाइजा गैयि बाश्रा नुनो मोनो । जेरै :
आफाया नवाव दं
आंनि आखायाव रां गैया
जौंनि गामिया खाथियाव ।
10. बर' रावाव बाश्रानि थाखाया माक्लाबा मुंमायारि महरनिबो जायो ।
बे बादि जायोक्ला थाइजानि गोनांथि जाया । मुंमायारि थाखाया
थांखिखौं फोरमायथिना होयो । जेरै :
बे आंनि न
बि जौंनि लोगो
बै सिख्नाया समायना ।

आनजाद लानाय

- सौंलु : 1. थाइजा गैयि बाश्रा माखौं बुडे ?
सौंलु : 2. थाइजा गैयि बाश्रायाव थांखि आरो
थाखाय थायोना ? (बिदिन्थि हो)

1.4 बर' रावनि नडि दिन्थिग्रा बाश्रा (Negation in Bodo Sentence)

बर' रावनि बाश्रा खान्थियाव नडि दिन्थिग्रा माखासे उन दाजाबफोर दं ।
बेफोर जादों (आ, वा, या), लिया, -खिसै । बर' रावनि नडि दिन्थिग्रा उन
दाजाबदाफोरा उदाडै बाहाय जाया । थाइजानि उनाव जफानानैसो बेफोर नडि
दिन्थिग्रा बाश्रायाव बाहाय जायो । बर' रावनि बाश्रा खान्थियाव नडि दिन्थिग्रा
बाश्राफोरखौं जाफुंहोग्रा उन दाजाबदाफोरनि बाहायनायाव गासैबो रोखोमनि सानराय,
सुबुंसाय आरो आथोनखौं लानानै जेबो सोलाय सोल जाया । बर' रावाव नडि

दिन्धिग्रा मोनसेल सिगां दाजाबदा (दा-) दं। अदेबानि बे दाजाबजों धिननाय/खावलायनाय बाश्रानिसो नडि दिन्धिनाय जायो। जों बे दाजाबदानि सोमोन्दै धिननाय/खावलायनाय बाश्रायाव सावरायगोन। बर' रावनि बाश्रा खान्धियाव नडि दिन्धिग्रा बाश्रायाव नडि दिन्धिग्रा उन दाजाबदाफोरा माबोरै बाहाय जायो सुंदर्ये सावरायनाय जाबाय।

(क) {-आ, -या, -वा} : बे उन दाजाबदाया बर' रावनि सरासनसा फोसावथाय/फोरमायनाय बाश्रायाव थाइजानि ठनाव जफानानै नडिबाश्रा फोरमायो। बे दाजाबदायानो बर' रावनि गाहाय (गुबै) नडिदिन्धिग्रा दाजाबदा। बे दाजाबदाखौ बाहायनानै गोरलै, गलाय, आरो बांबा बाश्राखौ नडिखालामनो हायोब्लाबो बिदिन्धानि बेलायाव बांसिनै अराय जाफु, सिगां जाखां आरो इयुन बिदिन्धजों बाहाय जायो।
जैरे:

बियो फरायसालियाव थाइ।
आं बे हाबाखौ मावनो हाया।
बिथाइ गाइखेर लोडामोन।
बिनि बिमाया नवाव गैया।

(ख) (-ओइ, ऐ, इ) : बे उन दाजाबदाखौ थाइजजों फजनानै बाश्राफोरखौ नडिखालामनो हायो। बे नडि दिन्धिग्रा उन दाजाबदायाबो सानराय, आथोन, सुबुंसायाव फाराग गैयाजासे बाहाय जायो। जैरे :

बियो हाबा जायि/जायै।
नों नवाव थायै।
जोंजों बाहाय जायै।
सुबुंजों मान होजायि।

(ग) (-आखै) : बे दाजाबदाया गाहाय नडि दिन्धिग्रा (-आ) नि लेडाय महर। बे दाजाबदाखौ फजनानै दा जाखां बिदिन्धा आरो दा जाफु बिदिन्धा बाश्राफोरखौ नडिखालामनो हायो। जैरे :

बियो उन्दुवाखै।
लाइमिया सिथ्ला सिबाखै।

(घ) (-लिया) बे लेडाय नडिदिन्धिग्रा उन दाजाबदाखौ थाइजजों फजदेरोब्ला धि दिन्धिनो आरो बाश्राखौ जर होनानै बुनाय नडिबाश्रा फोरमायनाय

जायो। जैरे :

आं गामियाव थालिया।
बे नवाव मानसि थालिया।
बिथांहा रां गैलिया।

(ड) (-आखिसै) : बे (-आ) नि लोगो महर उन दाजाबदाजों जाथारै सौनाय, बायदि बायदि बाध्राखौ नडि फोरमायनो बाहायनाय जायो। जैरे :

बियो हाबा जायाखिसै।
नोथाड मानो फैयाखिसै।
बियो राबजोंबो नायसन जायाखिसै।

(च) (-खैमोन) : बे उन दाजाबदायाबो (-आ/नि लोगो महर। बे लेडाय महरखौ थाइजाजों फजनानै जाखां बिदिन्था बाध्राखौ नडि खालामनाय जायो। जैरे :

आं ओंखाम जायाखैमोन।
बियो जौनाव मैया फैयाखैमोन।
जों सावधुन नायनो थाड खैमोन।

बेफोर (गुबै) आरो लेडाय नडिदिन्धिगा उन दाजाबदाफोरनि अनगायैबो बर रावनि बाध्रा खान्थियाव सम आरो थासारिनि सायाव सोनारनानै नंगौबादि गोबां बाध्रायाबो नडि ओंथिसो फोरमायो। जैरे :

(क) बियो लोंग्राखायसो।

बे बाध्राया नुनायाव नंगौबादि ओंथि फोरमायदोंब्लाबो गुबै ओंथियाव बियो लोड एबा लोंग्रा नड बेखौसो फोरमायदों। ... नों लांगोनासो (नों लांनाय नड) बे बादिनो।

(ख) सेनि, साहाबिलाइ थाब्ला गाइखेरखौ गुबुनाव लायना साहा लोंनो हागौमोन (जेबायानो गैया)

(ग) मा जाबावगोन दा ? (दा जेबो जालिया)

(घ) नड होनायासो - नंगौ।

(ङ) मावा दाड उन्दु जाबाय धा, ओंखामा मोनजागोन - (मावा दाड उन्दु उन्दु थायोब्ला रसा नांगोन)

(च) बे रादायखी खालामनायनि मा गोनांथि दं? (रादायखी खालामनायनि जेबो गोनांथि गैया)

(छ) मेल मिथिडाव नाग्रां नाग्रां थांबाय था- (मेल मिथिडाव थांबाय दाथा)

बर' रावनि बाध्रा खान्थियाव नंगौ दिन्थिग्रा थाइजानि उन एवा सिगाडाव 'माब्लाबा' 'माब्लाबासो' सोदोव बाहायनानै बाध्रानि आंथिखी नडि खालामनाय नुनो मोनो। जैरै :

माब्लाबासो खोनाफेरदों। - थामहिनबा खोनाफेरथाराखेंमोन।

माब्लाबासो नुलायफेरदों। - नुलायफेरथाराखेंमोन।

गाखोफेर नायखाय माब्लाबा। - माब्लाबाबो गाखोफेरथारै।

माब्लाबा आरोबाव फंसे बाध्रायाव मोननै मोननै नडि दिन्थिग्रा बाहायनानैबो नडि खालामनाय जायो। जैरै :

फैयाबा फैयासै। धामहिनबा फैयाबा थादो।

जालियाब्लालाय जालिया। जायाबा धार्थोंसै।

अदेबानि बर' रावनि बाध्रा खान्थियाव नडि बाध्रायाबो नंगौ ओंथिसो फोरमायो। जरखायै बाध्राखी एसे जंखायनानै आरो जर होनानै बुंनायाव। जैरै :

लोडासो जागोन थामहिनबा लोडे।

फैयासो जागोन। (फैयो)

मावाब्ला माथोबाव। (मावनांसिगोन)

फैयालासिनो दाथा। (फैथार)

आनजाद लानाय

सौलु : 1 बर' रावनि नडि दिन्थिग्रा गुर्बे आरो लेडाय दाजाबदाफोरा मा मा.?

सौलु : 2 मा मानि सायाव सोनारनानै नंगौ दिन्थिग्रा बाध्राखी नडि खालामनो हायो ?

1.5 बर' रावनि सौनाय दिन्थिग्रा बाश्ना (Interrogative Sentence in Bodo)

बर' रावनि बाश्ना खाश्थियाव सौनाय दिन्थिग्रा बाश्ना खालामनो थाखाय सौनाय दिन्थिग्रा मुंराय फारियै सोर, मा आरो बबे बेफोरनि लोगो महर मासोर, माबे बाहायनाय जायो। 'सोर' खौ मानसिजों, 'मा' आरो बबे, माबे अबे माबा सौनाय एबा खौरां मोनथिनो लुबैनाय दिन्थिनो मुवा बेसादजों बाहायनाय जायो। बे बादिनो बे मुंरायखौनो खेबनै खेबनै मखनानै बां सानराय सौनाय दिन्थिग्रा बाश्ना खालामनोबो हायो। बे मुंरायफोरा जेब्ला बेखेवफा एबा मावरिजानि महरफोरनि सायाव सोनारना महर सोलायो एबा उन दाजाबदा महरै सोलायो अब्ला मुंरायनिफ्राय बेफोर थाइजानि थाइलालि, जरखायै आखु दिन्थिग्रा आरो थावनि दिन्थिग्रा थाइजानि थाइलालिनि महर लायो। बेफोरनि अनगादैबो बर' रावाव सौनाय दिन्थिग्रा बाश्ना खालामनो थाखाय माखासे महरथि ना, दा, नामा, दाबि, बा, बायदि बाहायनाय जाबाबो। गाहायाव बर' रावनि सौनाय दिन्थिग्रा बाश्नाफोरनि सोमोन्दै सावरायनाय जाबाय :

(क) बर' रावनि सौनाय दिन्थिग्रा मुंराय एबा थाइजानि थाइलालिफोरा मोनसे बाश्नानि गुदि (head) बादि खामानि मावो। जैरै :

- मा जाखो ?
- मानो नांगी ?
- सोर मावदों ?
- बबेखौ नांगी ?
- बबेयाव थानो ?
- माजों लौनो ?

(ख) सौनाय दिन्थिग्रा मुंराय एबा थाइजा थाइलालिफोरखौ बाश्नानि गुदियावल नङ गेजेर बाहागोयावबो बाहायनाय नुनो मोनो। जैरै :

- नों मा मावदों ?
- बियो बबेनि जाखो ?
- नोंथानो सोरखौ नांगी ?
- जथुमायाव आलासिया सोर फैगोन ?
- नों बबेखौ गाननो ?

(ग) सौनाय दिन्धिग्रा मुंराय एबा थाइजानि थाइलालिखौ मोनसे बाध्रानि जोबधा बाहागोयावबो मोननो हायो। जैरै :

नोंनि नवा बबेयाव ?

बे दखनाया सोरनि ?

बे गथवा बबेनि ?

(घ) माब्लाबा सौनाय दिन्धिग्रा मुंरायफोरखौल मोनसे बाध्रानि जोबधा बाहागोयाव बाहायजानाय नुनो मोनो। जैरै :

नोंनि बिमारावा मा ?

बे बिजाबनि लिरगिरिया सोर ?

नोंनि बिजाबा बबे ?

(ङ) सौनाय दिन्धिग्रा मुंरायफोरखौ खेबनै खेबनै मखनानै बां सानराय सौनाय दिन्धिग्रा बाध्रा खालामनाय जायो। जैरै:

मा मा जुनारा गायखेर होयो ?

लावखार ओंखाम जानो सोर सोर थांगोन ?

आसामनि बबे बबे ओनसोलाव बांसिन दै बाना जायो ?

(च) बर' रावनि बाध्रा खान्थियाव नंगौ एबा नडि दिन्धिग्रा सौनाय फिननाय बाध्रायाव दा, दाबा, ना, नामा महरथि बाहायनानै सौनाय दिन्धिग्रा बाध्रा दानाय नुनो मोनो। जैरै :

नों नाफाम जायोना ?

नों फरायसालियाव थाडोना ?

बियो अमा बेदर जायाना ?

नोथाड मेशाइ खौनासडे दा ?

नों थाड नामा ?

नोंथाड खन्थाइ लिरो नामा ?

(छ) सानस्लिं (सन्देह) दिन्धिग्रा एबा माबा गोनो गोथो दिन्धिनो 'दाबि', 'बा' दा महरथि बाहायना सौनाय दिन्धिग्रा बाध्रा दानाय जायो। जैरै :

बिथाड फोथायगोन दाबि ?

बे हाबाखौ मावनो हागोन दाबि ?

जाया लोड थड्डे होमबा ?
नों बासजों थंगोनबा ?
नों मावखवाव थंगोन दा ?

आनजाद लानाय

सॉलु : 1. सोंनाय दिन्थिग्रा बाध्रा माखौ बुडे ?
सॉलु : 2. बर' रावाव मा मा राहाजों सोनाय
दिध्रिगा बाध्रा खालायनाय जायो ?

**1.6 बर' रावनि धिननाय/खावलायनाय दिन्थिग्रा बाध्रा
(Imperative Sentence in Bodo)**

बर' रावनि बाध्रा खान्थियाव धिननाय/खावलायनाय बाध्रा दानो धाखाय जों थाइजानि महर (mode) खौ नोजोर होनांगी जायो। जरखायै थाइजानि खावलायनाय महरनि (imperative mood) सायाव सोनारनांगी जायो। बे थाइजानि खावलायनाय महरा धिननाय, खावलायनाय, खुलुमनाय, हामलायनाय, रादाब हरनाय बायदि बायदि ओंथि फोरमायो। बर' रावनि धिननाय/खावलायनाय दिन्थिग्रा बाध्राखौ मोननै बाहागोयाव राननो हायो बेफोर जादों :

1. नंगी दिन्थिनाय धिनाय/खावलायनाय बाध्रा : जेरै :

दानो लिर।
माबार फै।
नों नवाव थांदो
ओंखाम जाना लादो।
अननानै जिरायफै।
धुदो थौ।
बर' फरायसा जिव लावथों।
आनि खुलुमनाय नाजाव।

2. नडिदिन्थिग्रा धिननाय/खावलायनाय बाध्रा (Imperative nagative)
बर' रावनि बाध्रा खान्थियाव नडि दिन्थिग्रा धिननाय/खावलायनाय बाध्रा

दानो धाखाय थाइजाजों सिगां दाजाबदा (दा-) बाहायनाय जायो। जैरे :

गात्रि दामाव ।

नों गामियाव दाथां ।

दै गोथीवाव दाथां ।

अलसिया दाजा ।

अदेबानि बे सिगां दाजाबदाया सेथि सुबुंसाय से सानराय आरो बां सानराय महरफोरजों सरासनसा बाश्रायाव बाहायजानाय जाया । खेंस्ता बाश्रायावसो बाहायनो हायो ।

जैरे :

नोथाडा आंखौ हाबा दाखालामथों सानदों ।

बियो दामावथों ।

सेथि आरो थामथि सुबुंसायव (-दा) जों लोंगोसे थाइजाजों खावलायनाय थों बाहायफानांगी जायो ।

S.A.Q.

सौलु : बर' रावाव सौनाय बाश्राखौ माबौरै दानाय जायो ?
(30 सोदोबजों फिन)

आनजाद लानाय

सौलु : 1 मानि सायाव नोजोर होनाई बर' रावनि थिननाय खावलायनाय बाश्राखौ दानाय जायो ?

सौलु : 2 बर' रावनि थिननाय/खावलायनाय बाश्राया मोनबेसे आरो मा मा ?

1.7 बर' रावनि बाश्ना फान्दाय गोनां बाश्ना :

(Idiomatic Sentence in Bodo)

बर' रावनि बाश्ना खान्थियाव बाश्नाफोरखौ बाश्ना फान्दाय बाहायना एबा बाहायाबालानोबो दानो हायो। मोननै एबा बेनिखुइ बांसिन थोखि गोनां सोदोब जथाया गावबागाव सोदोबनि ओंथि फोरमायाब्लानो गुबुन मोनसे गोनां ओंथि दिन्थियोब्ला बेखौ बाश्ना फान्दाय बुडे। बर' रावाव गोबां बाश्ना फान्दाय दं। बेफोरनि गेजेरजो बर' हारिनि साननाय हनाय, आसार खान्थि, नेम खान्थिनि सोमोन्दै मोननो हायो। बर' रावाव बाश्ना फान्दाय गोनां बाश्नाखौ मोननै बाहागोयाव राननो हायो :

1. बाश्ना फान्दाय गोनां गोरलै बाश्ना : (Idiomatic simple sentence) जैरै :

हा गुरुडव मावजि खियो।

लाय होब्ला लाफाबो खायो।

2. बाश्ना फान्दाय गोनां गल्लय बाश्ना : (Idiomatic complex sentence) जैरै :

आखाइ मुथुना थाब्ला उदै सुथे नांगोन।

नों खोमा हो आरो सालाय हमथादो।

बर' रावाव बाश्ना फान्दायफोरखौ गाहायाव होनाय बादि खालामनो हायो आरो बे बाश्ना फान्दायफोरखौ बाश्नायाव बाहायनो हायो।

(क) थाइजा महराव :

खोमा हो	--	खोनासं
खर मोन	--	बोराय जा
खुगायाव नां	--	गोथाव मोन
खुगा दाम	--	बाश्ना हो
आखाइ सोमाव	--	माव
गोसो जा	--	हांखाय
मेगन सा	--	नायनो हायि जा
फाथैलाइ बिसि	--	सोमोन्दो गार।

मेगन मोहेर	--	रागा जों
गुस्थि फेन	--	मुगै
गोदना मान	--	थैनो लुबै
फाफितायाव बारखो	--	लायमोन
न साव	--	नवाव दावराव खालाम
आथिं हम	--	मान हो ।
मोदोमाव नां	--	फारनां
न खालाम	--	हाबा ला
नावद्रा बु	--	मालायनि मुं सु ।
बाला गुदुडव गा	--	संसारनि दुखु सुखु मोनथि
लाइ बिसि	--	सोमोन्दो गार
हाथरखि थुख्लाय	--	गिदिर बाध्रा बुं ।
आगान गालां	--	नेरसोन दोनलां

बर' बाध्रा खान्थियाव बेफोरखौ बाहायनायनि बिदिन्थि होनाय जाबाय ।

- * फोरोंगिरिनि बाध्राखौ खोमा होनांगौ ।
- * होनो हायाब्ला मानो खुगा दामनायमोन ।
- * बियो माखौवा गुस्थि फेनसो गारदों ।
- * बाला गुदुडव गाब्लासो मिथिगोन संसार खुंनाया बेसे गोब्राव ।
- * अलसिया हौवाजों राइजो जानायनिखुइ फाथैलाइ बिसिनायानो

गाहाम ।

(ख) मुंमा महराव :

खाफाल दाखुरा	--	बराद गैजायि
खाफाल गोजों	--	बराद गोनं
खुगा गोनं	--	बयजोंबो रायलायग्रा
मेगन गिदिर	--	थोया थोया सानग्रा ।
मेगन गुनु	--	लेखा गोरों
सैमा आथिं	--	मोनसे जायगायाव धाथेरै ।
आगदा आखाइ	--	गुदि हेफाजाबगिरि
आखाइ नासिरा	--	सिखाव

आखाइ गुसु	--	लासै लासै मावग्रा
खर गिदिर	--	बांद्राय अनजानाय
खरवाव गं गौनां	--	जुनार आखु
गुस्थि लोमै	--	रंजानाय
थाफ्लि बुद्रां	--	हालुवा, लेखा रोडै।
खिबु सेरथे	--	खिरफिन
बिख्लो गोबा	--	गिख।

बाध्रा, दानायाव बाहायनायनि बिदिन्धि :

- * थाफ्लि बुद्रां जानाया आथिखालाव गेदेर जेंना।
 - * बिख्लो गोबा मानसिया जेबो मावनो हाया।
 - * मेगन गुनु जानानै समाजखौ फोसाबनो नाजा नांगी।
 - * आखाइ नासिग - नसिनिक्राय सांग्रा जानांगी।
- मन्त्रिया आगदा आखाइनि बाध्राखौ बहा दानगारनो हानो ?

(ग) थाइलालि महराव :

गोथां हाबा	--	सा साज्रां मावनाय
गोथां रायनाय	--	गाञ्जियै रायनाय
गोथां मानसि	--	जौ फेयै/फेयि
गोगो राव	--	मोजां बाध्रा
गोगो जिव	--	सुखु जिव
गोमोन गथ	--	उफ्ले उफ्ले
गाञ्जि बाध्रा	--	खोनासंथावै
गाञ्जि बेराम	--	गिदिर बेराम
मोजां लामा	--	थार लामा
गिदिर मानसि	--	मान होजाथाव सुबुं

बाध्रा दानायाव बाहायनायनि बिदिन्धि :

- * बे बादि हाबायाव गोथां जाब्ला मा मावना जानो ?
- * नौनि गोगो जिव मिजिं थिबाय।
- * गथफोरनि सिगाडव गाञ्जि बाध्रा दाबुं।

- * लामा आनदायनाय लाइमोनफोरखौ मोजां लामा दिन्थिनाया साफ्रोमबो नोगोरारिनि बिबान ।
- * बिहा गिदिर बेरामाव गोग्लैना गोबां रां खरसा जाबाय ।

(घ) गुबुन गुबुन सोदोबफोरखौ ज खालामनानै :

जोलैनि हांगार	--	हारिनि सुधुर
सैमा खिफिदेरनाय	--	गोबावजों फारतानाय ।
सिमां फिसा नुनाय	--	दान्दिसे गियान गोमानाय ।
खरसानि मानदालि	--	मोनथिसयै खैफोद ।
गानदै गुनद्रा गैजायै	--	नेहाद गोरिब ।
आनि थानि	--	गोदाव सोराव
दावसि बाहा सेलाय	--	दावराव जा ।
जिगाब बुन्था	--	नेहाद जाम्बा ।

बाश्ना दानायाव बाहायनायनि बिदिन्थि :

- * जोलैनि हांगारखौ समजन्फ्राय एरखनांगी ।
- * बियो हरखाव जाथायजों मोगा मोगि जाना सिमां फिसा नुनांबाय ।
- * यै गथफोर मा दावसि बासा सेलायबाय धादों ।

आनजाद लानाय

सौलु : 1 बाश्ना फान्दाय गोनां बाश्ना माखौ बुडे ?

सौलु : 2 बाश्ना फान्दाय गोनां बाश्नाखौ मोनबेसे
बाहागोयाव राननो हायो आरो मा मा ?

सौलु : 3 बर' रावाव माबादि बाश्ना फान्दाय खालामनो
हायो ?

1.8 बर' रावनि बाश्ना खान्थियाव देंखो दोहीनि जायगा (Intonation in Bodo Sentence) :

बर' रावनि बाश्ना खान्थियाव देंखो दोहीनि intonation नि जायगाया नोजोर होनो गोनां । बर' रावनि बेलायावल नड गुबुन गुबुन रावावबो देंखो दोहीनि जायगाया गोनांधार । नाथाय बिमाराव रायलायग्रा सुबुनि अनगा गुबुन रावनि

सोलोंसाफोरा बेनि सोमोन्दै मिथिनो गोबां बोसोर एबा गोबां नाजानो गोनां जायो ।
जैरै :

- * जुलिया मैया हाथायाव थाडाखैमोन ।
- * जुलिया मैया हाथायाव थाडाखैमोन ?

गोजौनि बाध्रा मोननैनि ओंथिनि फारागा देंखो दोही (intonation) नि सायाव सोनारगोन ।

मोनसे बाध्रानि रोखोमसे थि देंखो (pitch) (जैरै : जौगा, हायगा, गाहाय) नि थासारियाव सोलायनाय रैसुमै बुंनाय सोदोबफोरनि महरानो देंखोनि दोही । रोखोमसे थि देंखोनि (pitch) नि सायाव सोनारनानै देंखोनि दोहीवाब्रो जौगा, हायगा, गाहाय जानो हागी । जैरै :

जौगा देंखोनि दोही :

- नोंनि राब ¹ ।
- बे सोर ?
- नों जाबो दे ¹ ।

हायगा दोही :

- हर गेजेर ² ।
- बे मासे मावजि बुन्दा ² ।
- गिसिब हर ² ।

गाहाय देंखोनि दोही :

- नों थां ³ ।
- आंनि बिजाबा नवाव दं ³ ।
- अखा हाब्ला लामा गात्रि जागोन ³ ।

मोनसे सोदोबानो सौनाय, फोरमायनाय, खावलायनाय/बिथोन होनाय जागोन एबा जाया ब्रेयो आबुडै सोनारो देंखो दोहीनि सायाव ।

नंगौ (नंगौ ?)

फैदो (नंगौ)

दाफै (नडिबिथोन)

र थादनो थिरनाय एबा रागाजौ जुगुमनाय ।

देंखोनि दोहीवा सासे मानसिनि गोसोजिलिदारि बिथिनि सायाव सोनारो ।

रंजानाय, दुखु, सुखु, रागा, गावखौ गोनांथि होनायनि सायाव रोखोमसे थि देंखोयाव (pitch) सोलाय-सोल जायो आरो देंखोनि दोहौवाबो सोलाय-सोल जायो।

- * नायगोन आं नोंखौ।
- * नोंनो आंनि जिव।

S.A.Q.

सौलु : बर' रावाव देंखो दंना ? (सारिसेजों फिन हो।)

आनजाद लानाय

सौलु : 1 देंखोनि दोहौवा माबोरै मोनसे सोदोबनि
ओंधिनि फाराग दिन्थियो ?

1.9 सार बाहागो (Summing Up):

जों बे आयदायाव बर' रावनि बाश्ना खान्थिनि माखासे बाश्नानि सोमोन्दै सुंदयै सावरायबाय। बे सावरायनायनि गेजेरजो जों मिथिनो मोनबायदि बर' रावाव थाइजा गैयि बाश्नाखौ गोबां रावखान्थियारि थासारियाव मोननो हायो। ओंधिखौ लानानै नडि दिन्थिग्रा बाश्ना आरो थिननाय/खावलायनाय बाश्ना दानो हायो। नडि दिन्थिग्रा बाश्ना दानायाव सरासनसा खान्थिनि अनगायैबो बाश्नानि फोरमायनाय महरखौबो नोजोर होनांगी जायो। बर' रावनि बाश्ना खान्थियाव बाश्ना फान्दाय गोनां बाश्ना आरो देंखोनि दोहौवा मखजाथाव जायगा आवग्रिना दं। आधिखालाव राव बिगियाननि गुबुन गुबुन गोदान गोदान आदबजों बर' रावनि बाश्ना खान्थिखौबो बिजिरनो हानायनि खाबु दं आरो बिजिरना नायनो नांगी।

1.10 जानो हाथ्राव सॉलुफोर (Probable Questions):

1. बाध्रा खान्थि बुडोब्ला मा बुजियो ? बाध्रा खान्थिनि गोनांसिन हाबाया मा मा ?
2. गाहायाव होनाय सोदोबफोरनि फाराग दिन्थि ।
 - (क) बाध्राखान्थि : महरखान्थि
 - (ख) धाइजा गोनां बाध्रा : धाइजा गैयि बाध्रा ।
 - (ग) नडि दिन्थिग्रां बाध्रा : धिननाय नडि दिन्थिग्रा बाध्रा ।
 - (घ) बाध्रा फान्दाय गोनां : बाध्रा फान्दाय गैयि
 - (ङ) देंखो : देंखोनि दोहौ
3. बुंफोरथि लिरना बिदिन्थि हो :
 - (क) बाध्रा खान्थि (Syntax)
 - (ख) थाइजानि खावलायनाय महर । (Imperative mood)
 - (ग) बाध्रा फान्दाय (Idioms)
 - (घ) देंखोनि दोहौ (Intonation)
4. सौनाय बादियै फिन हो :
 - (क) बर' रावाव थाइजा गैयि बाध्राखौ मा मा रावखान्थियारि थासारियाव मोननो हायो ?
 - (ख) बर' रावाव नडि दिन्थिग्रा उन दाजाबदाफोरा मा मा ?
 - (ग) बर' रावनि नंगौ बादि मोननाय बाध्राखौ माबोरै नडि खालामनाय जायो ?
 - (घ) बर' रावनि सौनाय दिन्थिग्रा मुंरायफोरा मा मा ? बेफोर बेखेवफा एबा मावरिजानि सायाव सोनारना महर लाब्ला मासिम सोलायो ?
 - (ङ) बर' रावनि सौनाय दिन्थिग्रा महरथिफोरा मा मा ?
 - (च) बाध्रा फान्दाय गोनां बाध्राखौ मोनबेसे बाहागोयाव राननो हायो आरो मा मा ?
 - (छ) बर' रावाव माबोरै धिननाय/खावलायनाय बाध्रा खालामनो हायो ?

(ज) देखोनि दोहौवा मानेरै बाश्रानि ओंथिखौ फाराग खालामो ?

1.11 फरायनो गोनां बिजाबफोर (References and Suggested Readings):

- C.F. Hockett : A course in modern linguistics, 1958
(Indian edition, 1970)
- John Lyons : Introduction to theoretical
linguistics, 1968.
- Robert, D. Van Valin JR : An introduction to Syntax, 2001.
- T. Grivon : Syntax
A functional-Typological
Introduction, 1984.
- P.C. Bhattacharya : A Descriptive Analysis of the Bodo
language, 1977.
- Laxmi Bahadur Maharjun: Introduction to linguistics, 1990
- कमल कुमार ब्रह्म : गोनां रावखान्धि, 1990
- स्वर्ण प्रभा चैनारी : बर' रावखान्धि, 2006
- मधुराम बर : राव आरो रनसाय, 2000
- राजेन्द्र कुमार बसुमतारी : राव बिगियान, 2002

ooooo

खोन्दो - 2 (Unit -2)

बर' बाश्ना खान्थिनि बाहागो (Branches of Bodo Syntax)

खोन्दोनि महर :

- 2.1 बेखेवनाय (Introduction):
- 2.2 धांखि (Objectives):
- 2.3 बर' बाश्ना खान्थिनि सिनायथि (Introduction of Bodo Syntax):
- 2.4 बर' बाश्ना खान्थिनि बाहागोफोर (Types of Bodo Syntax or Sentence):
 - 2.4.1 बर' रावनि गोरलै बाश्ना (Simple Sentence in Bodo):
 - 2.4.2 बर' रावनि गलाय बाश्ना (Complex Sentence in Bodo):
 - 2.4.3 बर' रावनि जथाय बाश्ना (Compound Sentence in Bodo):
 - 2.4.4 ओंथि आरो हाबा लानानै बाश्नानि बाहागो (Formal Classification & Sentence):
 - 2.4.5 बाश्ना फान्दाय गोनं आरो बाश्ना फान्दाय गैयि बाश्ना (Idiomatic and non-Idiomatic Sentence):
 - 2.4.6 थाइजाखौ लानानै बाश्नानि बाहागो (Verbal and Verbless Sentence):
 - 2.4.7 दाथायारि आयखु बिजिरनायखौ लानानै बाश्नानि बाहागो:
 - 2.4.7.1 खाथि खाथि थानाय बाहागोफोरनि बिजिरनाय (Immediate Constituent Analysis):

- 2.4.7.2 बाध्ना खोन्दोबारि दाथाय आदब (Phrase Structure Rule):
- 2.4.7.3 महर सोलायनाय आदब (Transformational Rule):
- 2.4.8 इसिडारि दाथाय आरो सानि दाथाय (Deep structure and Surface structure):
- 2.5 सारबाहागो (Summing Up):
- 2.6 जानो हाथाव सॉलुफोर (Probable Questions):
- 2.7 फरायनो गोनां बिजाबफोर (References and Suggested Readings):

2.1 बेखेवनाय (Introduction)

बाध्नानि गुबै बिथायानो जादों बाध्ना खान्थि (Syntax) बाध्ना खान्थियानो मोनसे रावनि गुबै बाहागो । बाध्नाया रावनि देरसिन महर । बे हारसिडैनो आबुं सानसिफोरमायनो हायो । जाय हांखोनि जथायफोरजों बाध्नाया जायो बेफोरखौ सोदोब एबा सोदोबमा बुडो । मोनसे रावाव बाध्ना दानो थाखाय माखासे सोदोबनिल गोनांथि जायो । बे सोदोबफोरनि गेजेराव ऑंथि गोनां सोमोन्दो खालामनो थाखाय मोनफ्रोमबो रावहानो गावबा गावनि खान्थि दं । बेखौनो बाध्ना दानाय खान्थि बुडो । बाध्ना दानाय खान्थिया गाहायै सोनारो सोदोबफोरनि लारि (Sequence of words) आरो सोदोबफोरनि गावजों गाव गोराबथायनि (agreement of words) सायाव ।

राव लायै राव बाध्ना दानाय खान्थि एबा बाध्ना खान्थिया गुबुन गुबुन जायो । बबेबा रावाव बाध्नायाव बाहायजानाय सोदोबफोरा राव महरारि बिथिडव सोलायसोल जायो, बबेबा रावाव जाया । बिदिन्थि महरै चीना रावाव बाहायजानाय सोदोबफोरा राव महरारि बिथिडव जेबो सोलाय सैल जाया । बर' रावनि बाध्ना खान्थियाव राव महरारि बिथिनि सायावनो बांसिनै सोनारो । दोरोडारि रावखान्थियाव बाध्नाखौ गाहायै मोननै बाहागोयाव रानदों - थांखि (Subject) आरो थाखाय (predicate) ।

थांखि आरो थाखाय बे मोननै गुबै बिथिनि सायाव सोनारनानै दाथायारि फारसेनिफ्राय बाध्नाखौ मोनथाम बाहागोयाव राननानै सावरायनो हायो । जैरै :

- (1) गोरलै बाध्ना (Simple sentence)
- (2) गलाय बाध्ना (Complex sentence)
- (3) जथाय बाध्ना (Compound sentence)

ओंथि आरो हाबाखौ लानानै बाध्नाखौ गुबैयै मोनब्रै बाहागोयाव राननो हागौ। जैरै :

- (1) फोसावथाय दिन्थिग्रा बाध्ना (Declarative sentence)
- (2) सौनाय दिन्थिग्रा बाध्ना (Interrogative Sentence)
- (3) धिननाय/खावलायनाय दिन्थिग्रा बाध्ना (Imperative Sentence)
- (4) सानबोलावरि दिन्थिग्रा बाध्ना (Exclamatory Sentence)

बाध्नायाव बाध्ना फान्दाय गोनां गैयिखौ लानानै बाध्नाखौ मोनब्रै बाहागोवाव बोखावनानै सावरायनो हायो। जैरै :

- (1) बाध्ना फान्दाय गैयि गोरलै बाध्ना (Non-idiomatic simple sentence)
- (2) बाध्ना फान्दाय गैयि गलाय बाध्ना (Non-idiomatic complex sentence)
- (3) बाध्ना फान्दाय गोनां गोरलै बाध्ना (Idiomatic simple sentence)
- (4) बाध्ना फान्दाय गोनां गलाय बाध्ना (Idiomatic complex sentence)

बाध्नायाव थाइजाखौ लानानैबो मोननै बाहागोयाव सावरायनो हायो। जैरै :

- (1) थाइजा गोनां बाध्ना (Sentence having verb)
- (2) थाइजा गैयि बाध्ना (verbless sentence)

बाध्ना खान्थिनि दाथायारि आखु बिजिरनायखौ नोजोर होनानै बाध्नानि दाथायारि खान्थिखौ मोनथाम बाहागोयाव रानना सावरायनो हायो। बेफोर जादो -

- (1) खाथि खाथि थालायनाय बाहागोफोरनि बिजिरनाय (Immediate constituent analysis)
- (2) बाध्ना खोन्दोबारि दाथाय आदब (Phrase structure rule)

(3) महर सोलायग्रा खान्थि (Transformational rule)

बाध्रानि सानि दाथाय आरो इसिडारि ओंथिखौ लानानैबो बाध्राखौ मोननै बाहागोयाव सावारायनो हायो। जैरै :

(1) इसिडारि दाथाय (Deep structure)

(2) सानि दाथाय (Surface structure)

बे आयदायाव बाध्रा खान्थिनि गुबुन गुबुन बाहागोनि सोमोन्दै राव बिगियान आरो रावखान्थियारि बिथिनि सायाव सोनारननै सुंदयै मिथि होनो नाजानाय जादों। मखजाथावदि राव लायै राव बाध्रा खान्थिया गुबुन गुबुन जासेयावबो सानजा एसिया एबा भारतनि रावफोरनि बाध्रा खान्थियाव रोखोमसे दाथाया जादों थाइजा जोबथा राव एबा S.O.V. दाथाय महरनि। अदेबानि जॉनि साखाथिनि खासि (मेघालय) रावनि बेलायाव बे खान्थिया थाइजाया रेजेराव (S.O.V.) आरो काशमीरी रावाव मोननै थाइजा V² थायो।

2.2 थंखि (Objectives)

बे आयदाखौ आबुडै फरायखानायनि उनाव मिथिनो मोनगोन :

1. सरासनम्रा आरो बर' बाध्रा खान्थिनि गुबुन गुबुन बाहागोफोरनि सोमोन्दै।
2. सरासनम्रा बर' बाध्रा खान्थिफोरखौ मा मा बिथिडव सोनारनै सावारायनो हायो बेनि सोमोन्दै।
3. बर' बाध्रा खान्थिनि सोमोन्दै सिनायथि होनाय।
4. राव बिगियाननि बिथिनि फारसेनिफ्राय बर' रावखौ सावारायनो हातायनि सोमोन्दै।
5. गुबुन गुबुन रोखोमनि बाध्राफोरखौ फाराग खालामना दिन्थिनो हागोन।
6. बाध्रा दानायनि सोमोन्दै आबु गियान मोनगोन।
7. बर' रावखौ गोथौवै बिजिरनो थुलुंगा मोनगोन।
8. बर' रावखौ मोजाडैबुनो, लिरनो आरो गुबुन रावजों रुजुनो गियान मोनगोन।

2.3 बर' बाध्रा खान्थिनि सिनायथि (Introduction of Bodo Syntax)

मोनसे रावनि बाध्रा खान्थिनि सोमोन्दै मिथिनो थाखाय बे रावनि बाध्रानि

आखुथायखौ मिथिनो गोनां जायो। सरासनस्रायै मोनसे रावनि बाध्रायाव मोननै आखुथाय थायो। बेफोर जादों - (1) बाध्रायाव थानाय सोदोबफोरनि लारि (Sequence of words) (2) सोदोब एबा सोदोबमाफोरनि गावजों गाव गोरबथा (Agreement of words)। अदेबानि बे मोननै आखुथाया बाध्रायाव थानाय गोरबथा (Propriety or compatibility), हांखायथा (Expectancy) आरो नांजाबथानि (proximity) सायाव आबुडै सोनारो। बिदिन्धि महरै :

गोसा थाइजौ (गोरबथा गैयि)

नों फैनाय मोनब्ला .. (हांखायथाया जायाखै)

थाबायो बियो लासै लासै। (नांजाबथाया जायाखै)

गोजौनि बाध्राफोरा जानांगौमोन फारियै गोदै एबा गोखै थाइजौ। नों फैनाय मोनब्ला आंबो नोंजों थांफागौमोन आरो बियो लासै लासै थाबायो। बे आखुथायफोरखौ नोजोर होनानै गाहायाव बर' बाध्रा खान्धिनि सुंद सिनायथिखौ सावरायनाय जाबाय :

(1) बर' रावाव मावग्राया सिगां थाइजाया उन आरो मावजाग्राया गेजेराव थायो। (Bodo language is verb final (SOV)) जैरै :

आं बिजाब फरायो।

आं ओंखाम जायो।

(2) बर' रावाव मुंमायारि बाध्रा खोन्दोजों उन दाजाबदाफोरा जयो। जैरै :
बे गथफोरा, अनजालिया,

(3) बर' रावाव सोमोन्दो दिन्धिग्रा मावरिजाया गुदि मुंमानि सिगाडव जयो।
(the genitive precedes the head noun)

गथ नि बिजाब।

जों नि न।

बि नि बिफा।

(4) सरासनस्रायै सोमोन्दो दिन्धिग्रा मुंमायारि बाध्रा खोन्दोबा सिगाडव, थाइजाया उन आरो मावग्राया गेजेराव थायो। (NP+SOV) जैरै :

सेंग्राफोर, नोंसोर मोजाडै फराय।

नेरसोन, नों नवाव थांदो।

- (5) थाइजाहा मोननै मावजाग्रा थाब्ना सिगां थाखाय एबा लेडाय मावग्राया जयो आरो उनाव थांखि एबा गाहाय मावजाग्राया जयो। (Indirect object precedes the direct objects) जैरै :
रुपासिया रेबगनजों लाइजाम लिरदों
फोरोंगिरिया फरायसाफोरनो सल खिन्थादों।
- (6) बर' रावाव सम दिन्थिग्रा थाइजानि थाइलालिया (Adverb of time) थावनि दिन्थिग्रा थाइजानि थाइलालिनि सिगाडव जयो। (Time adverbs precede place adverbs)
बियो बेलासियाव गामियाव थांदो
आं दासो नवाव फैंदों।
- (7) बर' रावाव थाइलालिया थाइजानि सिगाडव जयो नाथाय गुदि मुंमानि उन एन सिगाडवबो न्नो हागौ। (Adjective may precede or follow the head noun) जैरै :
मोजां सिख्ला/सिख्ला मोजां
गोसोम मोसौवा फोथाराव गांसो जादों।
एबा मोसौ गोसोमा फोथाराव गांसो जादों।
- (8) बर' रावाव इंराजिनि (-er, -est comparison marker) बादि थाइलालिनि रुजुनाय दिन्थिग्रा गोथे गुबै महर (bound morpheme) - सिन दं जैरै :
बे बिजाबा मोजां।
बे बिजाबनिखुइ बे बिजाबा मोजांसिन
- (9) थांखिनि फुवारग्राया आवगाय जयो नाथाय सुफुंग्राया उनाव जयो। (Adjunct of subject precede complementizer) जैरै :
मोजां गथवा गोसो होना फरयो।
धोरोमसुला मानसिया मुलुगनि सोरां।
- (10) थाखायनि फुवारग्रा एबा सुफुंग्रा मोननैबो थाखायनि आवगाय जयो। (Adjunct of predicate and complementizer precede object)

बियो अनलाजों ना संदो ।

दोमैलुवा जयै जयै बाध्रा बुंदों ।

- (11) नंगौ/नडा सौनाय फिननाय बाध्रायाव सौनाय, नंगौ/नडा दिन्थिग्रा गोथे गुबै महरा थाइजानि आगदा फारसे जयो । (In Bodo language, the yes/No question marker which is bound morpheme occur to the right of verb) जैरै :

नों नाफाम जायोना ?

नों धाड नामा ?

- (12) बर' रावाव थि दिन्थिग्रा दाजाबदा आरो बिबां दिन्थिग्राया जेब्लाबो बिसाननि सिगाडाव जयो । (Numeral classifier or definitive and quantifier of indefinitive precede the number) जैरै :

मासे, फांसे, गांसे, खेबसे, फाननै

- (13) थि दिन्थिग्रा दाजाबदाफोरा मुंमानि उन एबा सिगाडाव जनो हागौ । (Numeral classifier may precede or follow the noun)

औवा थसे ।

मासे मोसौ ।

- (14) बर' रावाव मोनसे सोदोबखौनो खननै खननै बुंनाय, मोनसे सोदोबजों गोरुबनाय सोदोब बाहायनाय थाइलालि, थाइजा थाइलालि, थाइजा फोरमायग्रा थाइलालि दं । (Bodo languages have reduplication of adjectives, adverbs and participle) जैरै :

लासै लासै, खनले खनले, गुसुं गुसुडै, मोजाडै मोजां,

गाबै गाबै, थाडै थाडै ।

- (15) सोमोन्दो दिन्थिनाय मुंमायाव (मुंराय) सुबुंसाय लानानै गुबुन गुबुन सोलायनाय मुंमाफोर जयो । जैरै :

आंनि - फा > आफा

नोंनि - फा > नोमफा

बिनि - फा > बिफा ।

(16) बर' रावाव आथोन फारागथि दिन्थिग्रा सोदोबफोरा मुंमा सोदोबनि सिगाडव । उनाव बाहाय जायो । जैरै :

सैमा बांग्र, बोरमा फान्थि, बुन्दि अमा, फान्था बोरमा

(17) बर' रावाव नडैथायजा एबा थाइजानि उलथा ओंथि (negativisation) खालामनो थाइजानि सिगां एबा उन दाजाबदा फजनाय जायो । जैरै :

थां - आ > थाडा

फै - आ > फैया

दा - थां > दाथां

दा - माव > दामाव

2 बर' बाश्ना खान्थिनि बाहागोफोर (Types of Bodo Sentence or Syntax)

दाथयारि बिथिं, ओंथि आरो हाबा, बाश्ना फान्दाय गोनां/गैयि, थाइजा गोनां/गैयि बाश्नानि दाथाय आखु बिजिगनाय, बाश्नानि फुंखा, बाश्नानि रिसारथि आरो बाश्नानि थाखोमानाय ओंथिफोरखी लानानै बाश्ना खान्थिनि बाहागोफोरा गुबुन गुबुन जायो, बेफोरखी सिगाडव मखबोनाय जाबाय । गाहायाव बेफोरनि सोमोन्दै उनाव मोनसे सावरायनो लानाय जाबाय :

2.4.1 बर' रावनि गोरलै बाश्ना (Simple Sentence in Bodo)

सरासनझायै जाय बाश्नायाव मोनफा थांखि (Subject) आरो थाखाय (Predicate) थायो बेखौनो गोरलै बाश्ना बुंनाय जायो । जैरै :

आं बिजाब फरायो ।

बियो नवाव थांबाय ।

बे बादि बाश्नायाव थांखि आरो थाखायखी आबुडै फोरमायनो मोननै बाहागोहाबो गुन फोरमायग्रा एबा फुवारग्रा थानो हागौ । जायफोर गुन दिन्थिग्रा एबा फुवारग्राया थांखिजों सरजाबनानै बिनि ओंथिखी जरखायै फोरमायथियो बेखौनो थांखिनि गुन दिन्थिग्रा एबा फुवारग्रा (Adjunct of subject) बुडो । जैरै :

अनसुला राजाया फोरजाफोरनो दान होदों । बेयाव 'अनसुलाया' (थांखि

फुवारग्रा)।

जायफोर गुन दिन्थिग्राया थाखायजों जफानानै बिनि ओंथिखौ जरखायै फोरमायथियो बेखौनो थाखायनि गुन दिन्थिग्रा एबा फुवारग्रा (Adjunct of predicate) बुडे। जैरे :

- मोजां फरायसाया गोसो होना फरा बिजाब फरायो।
- मोसौबा गोरलै गांसोखौ गाग्लिना जादों।
- गोजौनि बाध्रायाव 'गोसो होना' 'गोरलै' सोदोबा थाखायनि गुन दिन्थिग्रा।

गुबुन फारसे खायसे बाध्रायाव थाखायनि थाइजानि ओंथिखौ आवुडै फोरमायनो माखासे सोदोबफोर दं जायखौ होफादेराब्ला जाया एबा बेफोरनि गोनांधार जायो। बेफोर सोदोबखौ थाइजानि फुवारग्रा एबा सुफुंग्रा (complement or complement to predicate verb) बुडे। जैरे :

महात्मा गान्धीया गेदेमा सुबुंमोन।

आं बिखौ बे बाध्राखौ बुंनाय खोनादों।

गोजौनि बाध्रायाव 'गेदेमा' आरो 'बुंनाय' सोदोबखौ होदेराब्ला थाइजाफोरनि ओंथिया जाफुड। 'बर' रावनि बाध्रा खान्थियाव बाध्रानि थांखिखौ मावग्रा मावरिजाजों सोफानाय जायो। बाध्रानि थाखायाव मुंमा एबा थाइजा जयो।

'बर' रावनि गोरलै बाध्रायाव मोनसे थांखि आरो थाखाय जेब्लाबो थाफायो। अदेबानि माब्लाबा थांखि आरो थाखायाबो बाध्रायाव गोमाना धानो हागौ। जैरे :

माब्ला फैखो ? (थांखि गैया)

मानो फैदों ? (थांखि गैया)


नों फै (थाखाय गैया)

नों लों (थाखाय गैया)

'बर' रावनि गोरलै बाध्रायाव सरासनस्रायै थांखि (मावग्रा) थाखाय (मावजाग्रा) आरो थाइजा महराव मोनो। जैरे :

आं बिजाब फरायो।

बे गोरलै बाध्राखौ सावगारिजों दिन्थिनो हायो।



सरासनस्रायै मोनसे बाश्रानि थाइजाया मावजाग्रा गौनां (transitive) आरो मावजाग्रा गैयि (intransitive) बेनि सायाव सोनारनानै थाइजाया मावजाग्रा गैयि जायोब्ला बाश्रायाव मावजाग्रा थाया। जैरै :

दावा बिरो।

गथवा गेलेदों।

बर' रावनि गोरलै बाश्रायाव थाइजा गैयालासिनोबो जानो हागौ। जैरै :

आं बर' बिफाननि फोरोंगिरि।

नोंनि मुड्ड मा ?

बियो सासे मोजां गथ।

(S.A.Q.)

सौलु : बर' रावनि मोनसे बाश्रा दाना थाइजानि फुवारग्रा एबा सुफुग्राणि (complementizer) सोमोन्दै लिर।

(30 सोदोबजों फिन हो)

आनजाद लानाय

सॉलु : 1	गोरलै बाश्रा माखौ नुडे ?
सॉलु : 2	बर' रावनि गोरलै बाश्राखौ सरासनछायै मा महराव मोननाय जायो।
सॉलु : 3	थाइजानि फुवारग्रा एवा सुफुंग्रा माखौ बुडे ?

2.4.2 बर' रावनि गलाय बाश्रा (Complex Sentence in Bodo)

जाय बाश्रायाव मोनसे गुबै एवा उदां बाश्रा खलब (principal or independent clause) आरो मोननै एवा बिनिखुइ बांसिन बिनि सायाव सोनारग्रा लेडाय बाश्रा खलब (Subordinate or dependent clause) थायो बेखौनो गलाय बाश्रा बुंनाय जायो। जैरै :

- नोथाड आंनो जाय बिजाबखौ हरदोमोन, बेखौ आं फरायबाय।
- नों बुंनायलाय, आं फैबाय।
- गोसो मोदोम होनानै मावनाय, हाबाया जेब्लाबो जाफुडे।

गोजौनि बिदिन्थियाव 'बेखौ आं फरायबाय, आं फैबाय आरो हाबाया जेब्लाबो जाफुडे बेफोर बाश्रानि गुबै एवा उदां बाश्रा खलब। बेनि सायाव सोनारग्रा लेडाय बाश्रा खलबफोरा जादों फारियै, 'नोथाड आंनो जाय बिजाबखौ हरदोमोन, नों बुंनायलाय, गोसो मोदोम होनानै मावनाय। लेडाय बाश्राफोरा गुबै बाश्रा एवा थांखि आरो थाखायनि सुफुंग्रा

लेडाय बाश्रा खलबफोरा मुंमा, थाइलालि आरो थाइजा थाइलालि महरै हाबा मावनो हायो। जैरै :

जाय मानसिखौ आं मिधिगौ, बियो फोरोंगिरि
बियो माब्ला थांगोन, बिखौ आं मिधिगौ

गोजौनि बिदिन्थियाव 'जाय मानसिखौ आं मिधिगौ' बियो माब्ला थांगोन' बे मोननै लेडाय बाश्रा खलबा मुंमा महरै (Noun clause) हाबा मावदों।

जाय लिरनो हायो (थाइलालि) बियो उथ्रियो
गोसोखौ गोजोन होनो हाब्लासो (थाइलालि) सुखुवा फैयो।

गोजौनि बिदिन्थियाव लेडाय बाश्रा खलबफोरा थाइलालि महरै (Adjectival clause) हाबा मावदों।

नों दानो फैब्ला (थाइजा थाइलालि) आं थांगोन
जेब्ला सोराड नुजाफैयो (थाइजा थाइलालि) होमब्ला बयबो
सिखारो।

गोजौनि बिदिन्थियाव लेडाय बाश्चा खलबफोरा थाइजा थाइलालि
(adverbial clause) महरै हाबा मावदों।

गोजौनि सावरायनायनिक्राय रोखा जायोदि बाश्चा खलबा मोनसे बाश्चानिखुइ
दुइसिन नाथाय बाश्चा खोन्दो, सोदोब एबा महरथिनिखुइ देरसिन रावखान्थियारि
खोन्दोखौ फोरमायनो रावखाथियाव बाहायनाय मोनसे सोदोब। अब्ला जों बाश्चा
खलब आरो बाश्चा खोन्दोनि फारागधिखौ मिथिनाया मोजां।

1. बाश्चा खलबा बाश्चानि मोनसे बाहागोब्लाबो बेयाव थांखि आरो थाखाय
थायो नाथाय बाश्चा खोन्दोबाव थाया।
2. बाश्चा खलबा मुंमा, थाइलालि, थाइजा थाइलालिनि महर लायो नाथाय
बाश्चा खोन्दोबा (phrase) मुंमा थाइलालि, थाइजा थाइलालि, थाइजा,
आरो महरथिगोनां महर लायो।
3. बाश्चा खलबा गलाय आरो जथाय बाश्चानि सिगाडव, बाश्चा खोन्दोबा
गोरलै बाश्चानि सिगाडव थायो।
4. बाश्चा खोन्दोबा गुबुन ओंथि फोरमायो बाश्चा खलबा गावबा गाव ओंथि
फोरमायो।
बाश्चा खोन्दोनि सोमोन्दै उननि आयदायाव आबुडै सावरायनाय जागोन।

S.A.Q.

सौलु : 1. लेडाय बाश्चा खलबा मोनसे आबुं बाश्चा
फोरमायनो हायोना ? (सारिसेजों फिन हो)

आनजाद लानाय

सौलु : 1. गलाय बाश्चा दानो थाखाय गोनांथार मोननै
बाश्चा खलबफोरा मा मा ?

सौलु : 2. लेडाय बाश्चा खलबफोरा मा मा महरै हाबा
मावनो हायो ?

2.4.3 बर' रावनि जथाय बाध्रा (Compound Sentence in Bodo)

जाय बाध्रायाव मोननै एबा बिनिखुइ बांसिन गोरलै बाध्रा आरो दाजाब एबा दानख महरथिफोर थ्यो, बेखौनो जथाय बाध्रा बुंनाय जायो। जेरै :

- बियो आंनि आंगो मानसि अब्लाबो आंहा बिनि फारसे अननाय गैया।

गोजौनि बिदिन्थियाव 'बियो आंनि आंगो मानसि, आंहा बिनि फारसे अननाय गैया, बे मोननै गोरलै बाध्राखौ, अब्लाबो महरथिजों फोनांजाबनाय जादों। गाहायनि बिदिन्थिफोरखौ नोजोर हो :

- (क) बियो हाथायाव थाङ्गे आरो मैगं लाबोयो।
- (ख) राडनो मानसिनि देरसिन मुवा नड नथाय रां नडब्लानो जाया।
- (ग) नेरसोना गिदिरफोरखौ मान होयो आरो बिनिखायनो बयबो बिखौ अनो।
- (घ) बियो जायखौ गोसो बेखौनो मावोमोन थेवबो ननि रावबो जेबो बुडमोन।

गोजौनि बिदिन्थिफोराव क आरो ग मोननैयाव मोननै गोरलै बाध्राखौ 'आरो' दाजाब ओंथि फोरमायग्रा फोनांजाब महरथिजों सरजाबदों। ख आरो घ बे मोननैयाव मोननै गोरलै बाध्राखौ फारियै 'नडब्ला' आरो 'थेवबो' दानख ओंथि फोरमायग्रा फोनांजाब महरथिनि गेजेरजों फोनांजाबदों।

मखजाथावदि जथाय बाध्रा दानाय खान्थियाव गुबुन गुबुन बाध्रा खोन्दो बाहायनाय नुनो मोनो। बिदिन्थि महरै रां नडब्ला' (महरथि महर बाध्रा खोन्दो (prepositional phrase), नेरसोना (मुंमायारि बाध्रा खोन्दो (Noun phrase) 'मैगं लाबोयो' (थाइजायारि बाध्रा खोन्दो (verbal phrase) बायदि बायदि।

जेब्ला माखासे गोरलै बाध्रायाव समान समान ओंथि थायो आरो बे ओंथिफोरखौ जखालामना महरथिजों फोनांजाबना जथाय बाध्रा दानाय जायो अब्ला समान ओंथिनि मोनसेखौल लाखिना गुबुन मोनसेखौ दोनथनाय नुनो मोनो। जेरै :

- (क) आदाया अमा जायो।
 - (ख) बाजैयाबो अमा जायो।
- जथाय बाध्रायाव जागोन :
- आदा आरो बाजैया अमा जायो।

S.A.Q.

सॉलु : मोननै एबा बेनिखुइ बांसिन गलाय बाश्रा लोगो
नांना जथाय बाश्रा जानो हायोना ? •
(सारिसेजों फिन हो)

2.4.4 ऑथि आरो हाबा लानानै बाश्रानि बाहागो (Formal & Functional Classification of Sentence)

ऑथि आरो हाबाखौ लानानै बाश्राखौ गुबैयै मोननै बाहागोयाव सावरायनो हायो आरो बेफोरनि सोमोन्दै गाहायाव सावरायनाय जाबाय :

(1) फोसावथाय दिन्थिग्रा बाश्रा (Declarative Sentence)

माबा मोनसे खौरां जानाय/जायि, नंगौ/नडि फोसावनानै फोरमायनाय दिन्थियो। जैरै :

बियो सासे फोरोंगिरि।

आं नवाव थाड।

निजोराया लाइजाम लिरदों।

(2) सौनाय दिन्थिग्रा बाश्रा (Interrogative Sentence) :

बे बाश्राजों माखौबा एबा सोरखौबा सौनाय दिन्थियो। जैरै :

नोंनि मुडा मा ?

नों मा मावो ?

नों बवेयाव थांनो ?

बियो नाफाम जायोना ?

(3) थिननाय/खावलायनाय बाश्रा (Imperative Sentence)

बे रोखोमनि बाश्रानि गेजेरजों सोरखौबा माबा मोनसे मावनो थिननाय, खावलायनाय, मावनो हेंथा दिन्थियो। जैरै :

बे हाबाखौ मावदो।

नों नवाव थांदो।

गाड्रि मानसिजों लोगो दाजा।

गोधौ दैयाव दाथां।

(4) सानबोलावरि दिन्धिग्रा बाध्ना (Exclamatory Sentence)

बे रोखोमनि बाध्नानि गेजेरजों माखौबा सानहाबनाय, हरखाब जानाय सोमोनां बाध्ना मानोबा, मात्रैबा, जाफैनाय, दुखु-सुखु, रंजानाय मुगैनाय, मोजां मोननाय बेफोर गासैबो गोसोनि साननायखौ दिन्थयो। जैरे :

हाबाब! मा जाखो ?

सि सि! बिदि दाबुं।

बा! बेसे समायना नौनि महरा।

इस! मात्रै जाया बेलाय ?

S.A.Q.

सौलु : सौनाय दिन्धिग्रा बाध्नाया सन्देह (सानस्लिं)
दिन्धिग्रा रोखोमनिबो जानो हायोना ? हायोब्ला
मोनसे बिदिन्धि होना फोरमाय।
(30 सोदोबजों फिन हो)

2.4.5 बाध्ना फान्दाय गोनां आरो बाध्ना फान्दाय गैयि बाध्ना

(Idiomatic and non-Idiomatic Sentence)

बाध्नायाव बाध्ना फान्दाय गैयि आरो बाध्ना फान्दाय गोनांखौ नोजोर होना नै बाध्नाखौ, मोननै बाहागोयाव, सावरायनो हायो। (क) बाध्ना फान्दाय गैयि बाध्ना (Non-Idiomatic Sentence) आरो (ख) बाध्ना फान्दाय गोनां बाध्ना (Idiomatic Sentence) बे मोननै बाहागोखौ आरोबाव मोननै मोननै बाहागोयाव रानबावनो हायो। गाहायाव सुंदरै सावराय जाबाय :

(क) बाध्ना फान्दाय गैयि बाध्ना (Non-Idiomatic Sentence)

बे रोखोमनि बाध्नायाव माबा मोनसे फोरमायनाय, जर होनाय, खावलायनाय, बिधोन होनाय, सौलु बायदि बायदि दिन्थयो। बेफोर बाध्नायाव मोनफा जाफुंजा थाइजा थायो। बे रोखोमनि बाध्नाफोरखौ मोननै बाहागोयाव राननो हायो।

(i) बाध्ना फन्दाय गैयि गोरलै बाध्ना (Non-Idiomatic Simple Sentence) जैः
नवाव मानसि गैया।
आं थांनोसै।
नोंसोर फेदो दे।

(ii) बाध्ना फन्दाय गैयि गलाय बाध्ना (Non Idiomatic complex sentence) जैः
बिमाया थायोब्ला गथवा गाबा।
नों दानो फेयोब्ला आंबो थांगोन।

(ख) बाध्ना फन्दाय गोनां बाध्ना (Idiomatic sentence)

बे बाध्नाफोर ओंथि सोलायनाय गोरलै बाध्नाफोरनि जथाय एबा समाजारि
बिथिनि गुबुन गुबुन थासारियाव जरखा ओंथि फोरमायो। बे रोखोमनि बाध्नाहाबो
मोननै बाहागो दं।

(i) बाध्ना फन्दाय गोनां गोरलै बाध्ना (Idiomatic simple sentence) जैः

नों गोदना मानदों ?

हा गुरुडव मावजि खियो।

गिदिर मानसिनि खिफिनायाबो गोथाव।

(ii) बाध्ना फन्दाय गोनां गलाय बाध्ना (Idiomatic complex or proverbial sentence)

- नों खोमा हो आरो सालाय हमथादे।

- मैया थैयो आगानाव, नाया थैयो थफिनायाव आरो मानसिया थैयो

खुगायाव।

आनजाद लानाय

सॉलु : 1. 'बर' रावनि बाध्ना फन्दाय गोनां बाध्नाफोरनि
सोदोबफोरा गावबा गाव ओंथि फोरमायोना ?

सॉलु : 2. बाध्ना फन्दाय गैयि गलाय बाध्ना माखी बुडे ?

2.4.6 थाइजाखौ लानानै बाध्नानि बाहागो (Verbal and Verbless Sentence)

मोनसे बाध्नायाव थाइजा धानाय, थायिखौ लानानै बाध्नाखी मोननै
बाहागोयाव राननो हायो। बेफोर जादों -

(क) थाइजा गोनां बाध्रा

(ख) थाइजा गैयि बाध्रा।

(क) थाइजा गोनां बाध्रा : बे रोखोमनि बाध्रायाव मोनसे थाइजा जेब्लाबो थायो। बे बादि बाध्राखौं बुहुमनि बांसिन रावावनो मोनो। जैरे :

बियो सलमा फरायदों।

बिबारिया सि दादों।

(ख) थाइजा गैयि बाध्रा : बर' रावाव थाइजा गैयाजासेबो बाध्रा दानो हायो। अदेबानि असमीया, बांला आरो रुस रावावबो मोनसे थि समनि थाखाय बेबादि थाइजा गैयि बाध्रा मोननो हायो। सरासनस्रायै रादाब बिलाइनि खरसा मुं (headline) नि बाध्राफोरा थाइजा गैयि जायो।

बे गांसे बिजाब।

नोंनि मुड मा ?

S.A.Q.

सॉलु : गुबुन रावाव थाइजा गैयि बाध्रा मोननो हायोना ?
हायोब्ला बिदिन्थि हो।
(सारिसे फिन हो)

आनजाद लानाय

सॉलु : 1 थाइजा गोनां बाध्रायाव मावजाप्राया थाइजानि
बबेथि (आगदा/आगसि) थायो ?

सॉलु : 2. रादाब बिलाइनि मोनसे खरसा मुं लिरना थाइजा
गैयि बाध्रा खालामना दिन्थि।

2.4.7 दाधायारि आखु बिजिरनायखौं लानानै बाध्रानि बाहागो

बाध्रा खान्थिनि दाधायारि आखु बिजिरनायखौं नोजोर होनानै बाध्राखौं मोनथाम बाहागोयाव सावरायनो हायो। बेफोरनि सोमोन्दै सुंदयै मोनफा मोनफा सावरायनाय जाबाय :

2.4.7.1 खाथि खाथि थालायनाय बाहागोफोरनि बिजिरनाय
(Immediate Constituent Analysis)

बाश्नाखौ बिजिरना नायनो थाखाय गनायथि जानाय गुबुन गुबुन आदबफोरनि गेजेराव खाथि खाथि थालायनाय बाहागोफोरनि बिजिरनायाबो मोनसे । बे आदबनि सोमोन्दै लिउनार्द ब्लुमफिल्दा मखजेनदोमोन । बे आदबा बाश्नायाव थानाय सोदोबफोरनि ओंथिखौल फोरमायनाय जाया, सोदोबफोरा माबोरै गावबा गाव जायगायाव सारि सारि जयो बेखौबो फोरमायथियो । मोनसे बाश्नाखौ नोजोर होब्ला नुनो मोनोदि गासै सोदोबफोरा खान्थि सोमोन्दो थालाया, बबेबा मोनसेया बबेबा मोनसे सोदोबजोसो खाथिसिन सोमोन्दो थायो । बाश्नायाव सोदोब एबा महरफोरनि बेबादि सोमोन्दोखौ खाथि खाथि थालायनाय बाहागोफोरनि बिजिरनाय बुनाय जायो । (immediate constituent analysis)


खाथि खाथि थालायनाय बाहागोफोरखौ बिजिरनाय समाव बाश्नाफोरखौ खोन्दो खोन्दो बाहागोयाव बोखावनाय जायो आरो मोनफोनबो बाहागोयानो रावखान्थियारि ओंथिगोनां । जेरै :

(क) नोमफा निफ्राय

(ख) आं नोंखौ मोजां मोनो ।


(ग) बिथाड गबोन नवाव थांगोन । गोजौनि बाश्नाफोराव जरखादै ख आरो ग आव मोननै मोननै खोन्दो दं आरो क आव मोननै खोन्दो दं । बेफोरखौ हांखो सावगारिजो दिन्थिनो हायो ।

(क)




बेयाव नोमफाया गुवै बाश्ना (Nucleus) आरो निफ्राया बेजो थालायनाय बाहागो (peripheral constituent) ।

(ख)



(ग)



2.4.7.2 बाधा खोन्दोबारि दाथाय आदब (Phrase Structure Rule)

बाधा खोन्दोबारि दाथाय आदब ब्लुमफिल्डनि खाधि खाधि थालायनाय बाहागोफोरनि बिजिरनाय आदबनि एसेल सोदांनाय आरो बाध्रानि आखुखौ बिजिरना नायनायनि गुबुन मोनसे आदब। नवाम समस्किया (Noam chomsky) गावनि जांख्रिथाय लाबोहोनाय बिजाबाव (Syntactic structure - 1957) मोनथाम रोखोमनि रावखान्थिनि बाधा मखदों। बेफोर जादों :

- (i) जाफुंजा रावखान्थि महर (finite State Grammer)
- (ii) बाधा खोन्दोबारि दाथाय रावखान्थि (Phrase Structure Grammer)
- (iii) महर सोलायग्रा आदब (Transformational Grammer)


बाधा खोन्दोबारि दाथाय आदबाव सोदोबफोरनि मोनसेहा मोनसेजों सोमोन्दो थालायनायखौनो बुंनो लानाय जादों। बाध्राफोरा जादों माखासे सोदोबफोरनि जथाय नाथाय सोदोबफोरखौ बाध्रानिखुइ दुइसिन खोन्दोबाव ज खालामनो हायो। बे खोन्दोफोरनि थाखाय राव बिगियान गिरिफोरा बाधा खोन्दो सोदोबखौ बाहायदों। सरासनस्रायै बाध्रायाव मोननै बाधा खोन्दो थायो। बेफोर जादों :

- (क) मुंमायारि बाधा खोन्दो (Noun Phrase)
- (ख) थाइजायारि बाधा खोन्दो (Verb Phrase)

दावा बिरलांबाय

बे गधवा एसेबो गाबनो रोझ।

गोजौनि बिदिन्थियाव 'दावा', बे गधवा, मुंमायारि बाधा खोन्दो आरो 'बिरलांबाय', 'एसेबो गाबनो रोझया' थाइजायारि बाधा खोन्दो। बाधा खोन्दोबारि आदबाव माखासे गनाय जानाय खान्थि दं। गाहायाव इंराजि रावनि मोनसे बिदिन्थि हांखो सावगारिजों होनाय जाबाय :



बे बाश्चा खोन्दोबारि दाथाय आदबा जागोन :

1. S → NP Auxvp (Noun phrase, Auxillary verb phrase)

2. NP → Det (AP) N (PP)

(Determine, Auxillary, preposition, Noun, preposition phrase)

3. VP → VNP VP (Verb, NP, Verb phrase)


4. PP → PNP.

बर' रावाव बे आदबखौ आबुडै बाहायफुंजोबनो हायाब्लाबो गाहायाव होनाय बिदिन्थि बायदियै बिजिरनो हायो।


(क) जिबौवा मासे एम्बु हमदों।

(ख) समायना हिनजावसाया दोंसे मेथाइ खनदों।

(क)



(ख)



गोजौनि बिदिन्धिनिफ्राय रोखा जायोदि मुंमायारि बाध्रा खोन्दोयाव धानाय गासैबो सोदोबफोरा मुंमानि सायावनो सोनारना थायो। थांखि बादि खामानि मावनो हानाय जायखि जाया बाध्रायानो मुंमायारि बाध्रा खोन्दो। गुबुन फारसे थाइजायारि बाध्रा खोन्दोयाव थाइजायारि हानजाजों लोगोसे मोनसेनिखुइ बांसिन मुंमायारि बाध्रा खोन्दोबो सरजाबना थायो। बर' रावाव मोजाडै बिजिरोब्ला थाइलालि बाध्रा खोन्दो जैरे - सानसुमै, लाइमोन, मावाहां (Adjectival phrase), थाइजा थाइलालि बाध्रा खोन्दो (Adverbial phrase) जैरे - थांहां फैहां जानाय, नुवा नुस्ताबा आरो महरथि बाध्रा खोन्दो (prepositional phrase) जैरे नडाब्ला, आरोबाव, बिनिखायनो, बिदि बायदि बायदिखी मोननो हायो। अदेबानि बाध्रा खोन्दोबारि दाथाय आदबावबो माखासे सिमा दं।

2.4.7.3 महर सोलायनाय आदब (Transformational Rule)

नवाम समस्किया (Noam chomsky) मोननै रोखोमनि बाध्रानि गेजेराव फाराग दिन्धिना होदों। बेफोर जादों-फुंखा बाध्रा (kernell sentences) आरो महर सोलायग्रा बाध्रा (transformational Sentences) फुंखा बाध्राया जादों बाध्रानि गुबै दाथाय, गोरलै बाध्रा आरो बे बाध्रानिफ्राय सोलायसोल खालामनानै गुबुन महरनि बाध्रा दानो हानायनि खाबु थायो। जैरे :

(क) समायनाया नाफाम जायो।

बे फुंखा बाध्राखौ सोलाय-सोल खालामनानै महर सोलायनाय बाध्रा (transformational Sentence) एबा गुबुन गुबुन रोखोमनि बाध्रा दानानै दिन्धिना हायो।

- (ख) समायनाया नाफाम जायोना ?
- (ग) समायनाया नाफाम जाया।
- (घ) समायनाया नाफाम जायोमोन नामा ?
- (ङ) समायनाया नाफाम जादोमोन।
- (च) नाफामा समायनाजो जाजादो।

महर सोलायनाय बाश्नाखी मोननै बाहागोयाव राननो हायो :

- (i) गोनांधार (obligatory)
- (ii) गोसोबादि (optional)

समायनाया नाफाम (खी) जायो। बे बिदिन्थियाव समायनाजो मावग्रा मावरिजा (-आ/या) जफादो आरो बे जफानाया गोनांधार। बे नडब्ला ओंथिया आबुं जाया, नाथाय मावजाग्रा नाफाम जो मावजाग्रा मावरिजा (-खी) होब्लाबो जायो होयाब्लाबो जायो, गोसो बादि।

आनजाद लानाय

- सोलु : 1. खाथि खाथि थालायनाय बाहागोफोरनि बिजिरनाय
माखी बुडे ?
- सोलु : 2. मुंमायारि आरो थाइजायारि बाश्ना खोन्दो माखी बुडे ?
- सोलु : 3. फुंखा बाश्ना आरो महर सोलायग्रा बाश्नानि फारागा मा ?

2.4.8 इसिडारि दाथाय आरो सानि दाथाय (Deep Structure and Surface Structure)

नवाम समस्किया 1965 मायथायाव फोसावोदि मोनसे बाश्नायाव इसिडारि दाथाय आरो सानि दाथाय थायो। महर सोलायग्रा बाश्नायाव गोनांधार (obligatory) आरो गोसो बादि (optional) नि सायाव नोजोर होनाग्रनि सोलाय इसिडारि दाथाय आरो सानि दाथायावसो सोनारो। इसिडारि दाथाया बाश्नानि ओंथिनि सायाव सोनारो आरो बेयो गुदि बिथा बाश्नानिफ्राय सोमजियो गुबुन फारसे सानि दाथाया महरसोलायग्रा बिथानिफ्राय सोमजियो। इसिडारि दाथाया ओंथि महरजो (Semantic element) सोमोन्दो दं नाथाय सानि दाथाया रिसार थि जो सोमोन्दो दं। बिदिन्थि :
गोजाम (बोराय) महरा बायबाय।

इसिडरि दाथाय : (महरा (महरा गोजोममोन) बायबाय)

↓

बिमोनथाय महर सोलायनाय

↓

(मटरा (जाय गोजोममोन) बायबाय

↓

दानख महरसोलायनाय

↓

महरा (गोजाम) बायबाय

↓

थाइलालि महर सोलायनाय

↓

सानि दाथाय : गोजाम महरा बायबाय

2.4.9 सारबाहागो (Summing Up) :

बे आयदायाव जों जरखायै बर' बाध्रा खान्थिनि गुबुन गुबुन बाहागो आरो बर' बाध्रा खान्थिनि आखुथायनि सोमोन्दै सावरायबाय। दोरोडरि राव खान्थिजों लोगोसे रावबिगियाननि सायाव बिथा खालामनानै बाध्रा खान्थि सोमोन्दै मिथिहोनाय जाबाय। बर' बाध्रा खान्थिनि गुबुन गुबुन बाहागोफोरखौ सावरायनायाव बे बाध्राया रोखा जादोंदि गुबुन गुबुन बिथिनि सायाव सोनारना बाध्रानि महरा गुबुन गुबुन जायो। मोनफ्रोमबो महरानो गावजों गाव सोमोन्दो गौनां। बर' रावखौ राव बिगियाननि आदबजों बिजिरनो हानायनि खाबु दं नाथाय बे आयदायाव बारा दावगानो हाथवाखै। बर' बाध्रा खान्थि बाहागोफोरनि सोमोन्दै सावरायनायाव मा मा थासारियाव मा जाहोननि थाखाय, माबौरै बाध्रानि महरा गुबुन गुबुन जायो नोथाड बिनि सोमोन्दै मिथिनो हाबाय।

2.4.10 जानो हाथाव सॉलुफोर (Probable Questions) :

1. बाध्रानि गुबै बिथा आरो रावनि देरसिन महरा मा मा ? दोरोडरि रावखान्थियाव गाहायै बाध्राखौ मोनबेसे बाहागोयाव रानदों बिदिन्थि होनानै फोरमाय।
2. दाथायारि फारसेनिफ्राय बाध्राखौ मोनबेसे बाहागोयाव राननो हायो आरो मा मा ? बर' रावनि गोरलै बाध्रानि सोमोन्दै लिर।
3. बर' बाध्रा खान्थिनि आखुथायनि सुदं सिनायथि हो।
4. थांखि आरो थाखायनि गुन दिन्थिग्रा एबा फुवारग्रा माखौ बुडो ? थाइजानि फुवारग्रा एबा सुफुंग्रानि सोमोन्दै फोरमाय।
5. गलाय बाध्रायाव मा मा बाध्रा खलब थायो ? बर' रावाव लेडाय बाध्रा खलबफोरा मा मा महर लायो ?

6. बाध्ना खलब आरो बाध्ना खोन्दोनि फारागा मा मा ?
7. जथाय बाध्ना माखौ बुडे ? बर' रावनि दाजाब एबा दानख फोरमायग्रा फोनांजाब महरथिफोरा मा मा ?
8. ओंथि लानानै बाध्नाखै मोनबेसेयाव राननो हागौ आरो मा मा ? मोनफ्रोमनिबो मोनफा मोनफा बिदिन्थि हो ।
9. बाध्ना फान्दाय गोनां गोरलौ आरो गलाय बाध्नानि सोमोन्दै लिर ।
10. खाधि खाधि थालायनाय बाहागोफोरनि बिजिरनाय आरो बाध्ना खोन्दोबारि दाथायानि गेजेराव मा फाराग दं । बिदिन्थि जों दिन्थिना हो ।
11. बाध्ना खोन्दो माखौ बुडे ? मुंमायारि आरो थाइजयारि बाध्ना खोन्दोनि बिदिन्थि होना मोनसे बाध्ना दा ।
12. फुंखा बाध्ना माखौ बुडे ? फुंखा बाध्नानिफ्राय महर सोलायग्रा बाध्ना दानो हायेना ?
13. इसिडरि दाथाय आरो सानि दाथाय माखौ बुडे ?

2.4.11 फरायनो गोना बिजाबफोर (References and Suggested Readings) :

- | | | |
|--------------------------|---|--|
| कमल कुमार ब्रह्म | : | गोनां रावखान्थि, 1972, (Reprint2006) |
| मधु राम बर | : | राव आरो रनसाय, 2000 |
| स्वर्ण प्रभा चैनारी | : | बर रावखान्थि, 2006 |
| राजेन्द्र कुमार बसुमतारी | : | राव बिगियान, 2002 |
| C.F. Hockett | : | A Course in Modern Linguistics, 1958 (1970 Indian edition) |
| T. Givon | : | Syntax, A functional typological Introduction, 1984 |
| Robert D. Van Valin JR | : | An Introduction to Syntax, 2001 |
| Noam Chomsky | : | Syntactic Structure 1957, Mouton de Graytea, Barlin, New York, 2002 |
| John Lyons | : | Introduction to theoretical Linguistics, 1968 |
| P.C. Bhattacharya | : | A Descriptive Analysis of the Bodo language, 1977 (Second edition 2007) |
| Dr. Sharad Rajimwale | : | Element of General Linguistics Vol I, 1993. |
| R.L. Varshney | : | An Introductory Textbook of Linguistics and Phonetics, 1984. |
| Karumuri V. Subbarao | : | South Asian Languages : A syntactic Typology, CIIL, Lectures 28-30th May, 2007 |
| Basanta Kr. Bhattacharya | : | Bhasa Vijnan Prabesh, 1993. |

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism

M.A./M.Sc. in Economics, Mathematics

M.Com

PG Diploma Programme:

Sales & Marketing Management (**PGDSMM**)

Human Resource Management (**PGDHRM**)

Journalism & Mass Communication (**PGDJMC**)

Business Management (**PGDBM**)

Finance Management (**PGDFM**)

Banking & Financial Services (**PGDBFS**)

Insurance & Risk Management (**PGDIM**)

IT Programme:

M.Sc.-IT, *PGDCA*

Under Graduate Programme:

B.A(General), *B.Com* (General), *BCA*, *B.Sc.-IT*



GAUHATI UNIVERSITY
Institute of Distance and Open Learning

Gopinath Bardoloi Nagar, Guwahati - 781014

www.idolgu.in